



g. h. 265

VINDICIAE  
AUGUSTINIANAE  
AB IMPUTATIONE  
REGNI  
MILLENARII

AUCTORE  
IOHANNE CADONICI  
SACERDOTE VENETO.



---

CREMONAE TYPIS PETRI RICCHINI.

*Superiorum permissu.*

ANNO DOMINI MDCCXLVII.

*Nolo auctoritatem meam sequaris, ut ideo putēs tibi  
aliquid necesse esse credere, quoniam a me dicitur:  
sed aut Scripturis canonicis credas, si quid nondum  
quàm verum sit vides, aut interius demonstranti  
veritati ut hoc plane videas. D. August.  
Epist. 147. alias 112. ad Paulinam  
de Videndo Deo n. 2.*



# VENERABILI AUGUSTINIANORUM ORDINI

JOHANNES CADONICI SACERDOS VENETUS



Undum tentatum opus, & quod tenuitati meae neque  
tentandum hoc saeculo videri poterat, eximiae sapientiae  
Vestrae & in Ecclesiastica studia praeclarae eruditioni  
sisto, Patres ornatissimi, Divum scilicet Aurelium Augu-  
stinum doctissimum & fidelissimum Hipponensem Episco-  
pum, Patrem vestrum, Magistrum meum a Millenario-  
rum errore, ut spero, vindicatum. Ingrata Vobis, totique Christianae  
Reipublicae hujusmodi tentamenta accidere haud posse jam sentio: immo  
vero pro Vestra pietate Vos, & unâ omnes, qui Doctoris Maximi fa-  
mam, honoremque, ut decet, curant, Summum bonorum Largitorem  
jam postulatis, ut pusilli hominis in re tanta nifus nequaquam in casum  
decidisse permittat.

His fortasse communibus votis annuens Divina Clementia, hanc mihi  
primum mentem injecit, ut in ea incidens, quae Augustinum afficiunt,  
commoverer; commotus dolerem; dolensque a Superno illo Lumine,  
Sancti Patris intercessione expeterem, ut si quid huic maculae delendae  
conferre posset, investiganti mihi suggerere dignaretur. Multa, fateor,  
quasi sponte occurrerunt. Num autem & illud meruerim ardentissimo  
in Sanctum Patrem studio, ut quaestionem istam tam haereticis com-  
modam, quam Catholicis arduam conficerem, vestrum erit judicium.

Deferitur equidem Augustinus a nostris, cum verba sermonis CCLIX.  
Editionis novae à verè errantibus haereticis objiciuntur in illius opinio-  
nis praesidium, qua ipsi visionem Dei Sanctorum spiritibus in diem dif-  
ferunt extremi judicii: & quamvis non desint plurima, quibus Eum recta  
sensisse probamus; pauca illa tamen fati sunt, ne constanti in hoc Au-  
gustini doctrina Ecclesiâ Romana glorietur. Nam & ii, qui ab hujus-  
modi

modi imputatione Sancto Patri inflicta fortius percelluntur, illud veluti postremum effugium usurpare consueverunt (nec parum in hoc dicere existimantur) Augustinum scilicet Papiae quidem sectatorem, non verò Cerinthi in mille annorum terreo Christi Regno ad corporum resurrectionem Sanctis promittendo, fuisse.

Cerinthi profecto turpem sententiam nunquam Augustinum sectatum esse, ejusdem de cetero ingenua confessio probat lib. 20. cap. 7. de Civitate Dei, ultra ea, quae libro de Haeresibus n. 8. scripsit. Sed unde desumptum sit fundamentum opinionis Papiae Augustino tribuendae, nondum inveni, cum Sanctus Pater nullibi Papiam nominet, nec ejus in hoc opinionem prodatur; immo ex iis quae cap. IV. notavi, pateat, quòd si Papias ea sensit, quae eidem a Tournely Doctore Sorbonico in suo Cursu Theologico-Scholastico-Dogmatico (Tom. 1. quaest. 12. art. 1.) tribuuntur, longe diversa opinatus sit Augustinus. Verùm quandoquidem & illud probari posset, Augustinum cum Papia consensisse in terreo Christi & Sanctorum regno expectando, nunquam inde desumi poterat, quòd etiam sermonem CCLIX. scripserit; cujus auctor non Cerinthi magis quàm Papiae opinionibus addictus inde apparet, quia nihil de qualitate corporalium deliciarum, quae Sanctis in eo regno affuturæ sunt, definiat. Illud equidem expressè doceri in eo sermone tum Monachi Congregationis Sancti Mauri sentimus, tum Tournely, visionem nimirum Dei & beatitatem animabus Sanctorum interim in diem usque generalis resurrectionis praeccludi, ex quo praecipuè capite Milkenarii regni notam Sancto Patri inurunt. Utrum Papias in hoc consenserit, nihil adhuc satis certi profertur: Augustinum autem, postquam Christianae militiae nomen dedit, in hoc unquam errore versatum, constanter nego.

Quo fato evenerit, ut unum huic sermonem, ex quo tot disceptationis ansa prodivit, nemo ex nostris in discrimen adduxerit, omnes autem in confutenda inde doctrinae macula potius quàm in abripiendo hoc opere Sancto Patri convenirent, quis divinare par sit? Praeclarum certè praecipbat exemplum ab eodem Augustino sumendum, qui contra Donatistas loquens, Divi Cypriani Carthaginensis Episcopi Concilio n. ejusque epistolam ad Jubajanum suis rugandis erroribus proferentes; de utroque non satis constare quòd Cypriani esset, primò objiciebat. (Contra Crescon. Donatist. l. 1. cap. 32. & lib. 2. cap. 32. 33.)

Verùm ne id fieret, obsuit fortasse Monachorum Sancti Mauri celebris labor & cognita diligentia; obsuit insudantium qualitas & numerus; obsuit demum communis commendatio. Attamen, quantum mihi videtur, nec ipsi quidem homines ingenui & liberaliter instituti, in nihilo se errasse putarent; nec dictis suis adeo ceteros praesumunt addstringere, ut aliter sentire piaculum sit; immo nec diversam sententiam ab opinionibus suis respuerent, dum non ratio deesset, qua niteretur. Quare ego (verbis utor Augustini, quibus ad Cypriani auctoritatem sibi oppo-

oppositam respondebat) (laudato lib. 2. cap. 32.) ea libertate, ad quam nos vocavit Dominus, eorum virorum, quorum laudem assequi in-  
valeo, quorum multis scriptis mea scripta non comparo, quorum inge-  
nium diligo; hoc, quod aliter sapuerunt, non accipio.

Diligentiore siquidem Operum Sancti Patris collatione factum est, ut non inani voce, sed robustissimis rationibus, opus illud inter Augusti-  
niana immerito commixtum evidenter appareat; in quibus scrutandis  
atque eligendis, me hallucinatum esse Divinam haud permisisse Misericor-  
diam humiliter confido. Verâ namque Magistri mei inrentione detectâ  
in textu libri XX. cap. 7. de Civitate Dei, (quem unum proferunt om-  
nes ad hunc sermonem ipsi adjudicandum); detectâ insuper erroneâ non-  
dum satis perpensâ sermonis doctrinâ omnino diversâ ab illa utcumque  
tolerabili, quam laudatus locus, eodem Augustino jam Episcopo defi-  
niente, continet; consequitur nullo fundamento tale opus Sancto Do-  
ctori adscriptum; cuius immo sententias expresse confundit ejusdem fide-  
lis & Episcopalis doctrinâ, cui mirabiliter consonat illa, quæ in suis  
libris antè praesbiteratum conscriptis elucet, tum illa, quam praesbiter  
initiatu & populo praedicavit, & novis libris inseruit; cui (absit verbo  
invidia) non satis attenderunt clarissimi viri, antequam suum Simonido  
conforme proferrent de hoc sermone iudicium.

Quoniam verò in hoc opere Augustino abripiendo non consensui modò  
amplissimorum Monachorum obistere necesse erat; verùm & Honorati  
Tournely Doctoris Sorbonici recentiore confirmationem in loco mox  
citato (ab aliis etiam scriptoribus quasi iisdem verbis inconsultò tran-  
scriptam), de hac Augustinianae doctrinae labe averrere: quæ multò  
paucioribus absolvi potuissent, majori mole creverunt. Neque enim ea  
solum, quæ ex hoc sermone contra Augustinum nondum Episcopum  
dabantur, devincere opus erat; sed et communionem opinionis Papiæ,  
quam ipse Augustino absque hæsitacione asstringit, confundere; immo  
Sanctum Patrem ab omnibus Millenariorum, quas ibidem commemorat,  
opinionibus, alienum ostendere: sed & iis non paucis insudandum fuit,  
quæ ex genuinis Augustini operibus contra Augustinum, veluti alieno  
ore, adducit Doctor Sorbonicus; a quibus dilacionem beatitatis sanctis  
separatis animabus usque ad resurrectionem carnis, Sanctum Patrem  
docuisse prætenditur. His enim quamvis Tournely ea reponat, quæ  
fortasse inter catholicos ad purgandum ab hac sententia Augustinum  
satis possint videri; non eo tamen robore eorundem rextuum sententias  
obscuras pertractat, ut vel diligentiores ex nostris suasi dimitantur; vel  
iis, qui foris sunt, ansa dematur confirmandi in Sancto Patre ejusdem  
erroris, inde scilicet, unde ille sagax hunc ab ipso divertere.

Id ex præconcepis ejus sententiis præcipuè oriri cognovi, quibus  
fortè aliquid deperire arbitratus est, etiam si, non se, sed Augustinum  
aliter fecisse monstrasset. Videns namque quòd pleraque loca, quæ  
purganda sibi proponit, magis intimè perlustrata, vel beatitatem San-  
ctorum

etorum ante Christum corporaliter passum, in sinu Abrahae docebant; vel quod Angelicis creaturis juxta Augustini opinionem, corpus concedere opus erat, ut eadem ad Ecclesiasticum sensum in eo quod repromissiones fidelibus in divinis scripturis factas respicit, perducerentur: hac duplici difficultate percussus, a diligentiori eorumdem locorum consideratione abstinuit; abstinens autem, objectionem ex iisdem nascentem non confecit; immo notam negationis visionis Dei animabus sanctis ante corporum resurrectionem, inde Augustino ab adversantibus inflictam, non redemit.

Quisque tamen viderit, minus scrupuli inesse in iis tribuendis Sancto Patri, quam in errore Millenariorum cum circumstantia recensitae negationis, eidem infligendo. Hoc namque expressè contra catholicam fidem est, non item illa, quorum alterum eruditionis causam apud profundos & modestos rerum scrutatores non excedit; in altero vero si Tournely probare valebat errasse Augustinum, error ipse solutioni quaestionis ab adversantibus propositae favisset, ut de Sancti Hilarii Pictaviensis Episcopi similibus verbis, securè pronunciatum ab eo fuisse videbimus. Revera tam longe esset Augustinum unquam sanctis animabus post Christum passum mundo decedentibus denegasse usque ad corporum resurrectionem, ut immo ( quibuscumque demum adduceretur momentis ) ipsam etiam Sanctis antiqui instrumenti ante Christi passionem, & mortem contulerit.

Causam igitur Sanctissimi Magistri mei non uno titulo laesi, quantà potui diligentia majori pertractans ego, talem in dicendo verborum castigationem sectari proposui; ut si veritas ipsa penitus rimata atque detecta alicui fortasse displiceret, ei primam quae nihil timeret, quam mihi nimis infirmo irasceret; nec meâ culpâ odium excresceret, quod proprio ambitu quisquam conciperet. De eo siquidem ab Apostolo praecipuè admonemur, ut docibiles simus ( 2. Timoth. 2. 24. ) ; nec infirmi hominis ministerium respuendum putatur a sobriis, quandoquidem ipsum confonet veritati; quae altissimâ providentiâ quibus vult utitur, & quomodo & quando vult.

Brevitati etiam, quantum res patiebatur consului, sciens non mole, sed rebus libros aestimandos. Ne autem aliquis contrarium me affectasse censeret, incidens in longas exscriptiones rerum a Tournely dictarum, quae cum Theologis obviae sint, superfluae primâ fronte videri possunt: admonendum duxi, me necessariò easdem retulisse, multis rationibus adductum. Primò ne mutilationis textus oriretur suspicio, dum aliquid, quod contradictionem redolet ex illius scriptis per me profertur; tum ut ex toto contextu vera intentio istius Doctoris emergat in divisione millenariorum; in eorumdem sectatoribus designandis; in errore tribuendo Sancto Patri Augustino; in loco juxta suppositam veterum opinionem assignando animabus iustis mundo decedentibus, & cetera hujusmodi, quae amplam labori meo materiam suppeditarunt, cujus non parva firmitas ex collatione procedit.

Si

Si quis autem longioribus Sancti Patris auctoritatibus offenderetur, cogitet quaeso, has etiam non ad fastum inferi, dum eò quaestionis sumus, num Augustinus saltem praebiter millenariis adhaeserit. Quamobrem ejus sententias exscribenti illud prae ceteris incumbit, ut eas diligentissime scrutetur; & quandoquidem in ipsis verbum inveniat, quod veluti dubium ab adversariis inspicere posset, ejusdem autem praeclariorem explicationem subsequencia sufficiant, operae pretium facit, dum totum contextum, etsi longiorem adducit. Datà operà abstinui a minutissima collatione rerum & verborum, quae in iisdem textibus catholicissimam Sancti Patris intentionem in subjecta materia luce clariùs ostendunt, tum legentium diligentiae ingenio & attentioni confusus, tum ne nimis evaderem. Contextuum verò transcriptioni tantò libentiùs indulsi, quia propria experientia jam didici, per totius contextus summam aliquod dictum in Sanctis Patribus, quod paucis propositis verbis, veluti culpabile apparet, perfectè sanari; indeque ab iisdem non modò omnem suspicionem averti; sed eorum rectam fidem divinamque sapientiam aperitissimè commendari.

Abstinet tamen quòd veluti firmas atque tutissimas (quamvis commodiores) nunc stabilire velim sententias Sancti Patris de beatitudine Sanctorum veteris instrumenti ante Christum carnaliter passum; tum illam de veritate corporis, quod Angelicis creaturis ipse saepissime tribuit. Has necessariò protuli, ut quomodo Augustinus explicandus sit in aliquibus obscuris locis, qui ipsi hic obijciuntur, ii qui indigent intelligant; cum dubium nulli esse possit, satius longe esse has opiniones suas dicere, dum per hanc concessionem ab errore purgatur, qui fidem in ipso destruit catholicam. Fortasse fiet, ut occasione data, profundius earundem examen Scholae suscipiant; & momenta pensantes quibus nituntur, amicionem animum in illas intendant. Hoc magnum Sancti Patris nomen ab ipsis postulat, & ni mea me fallit opinio, ejusdem allatae auctoritates ostendunt, ipsum de his articulis non obiter, sed post maturam considerationem verba fecisse; quod evidentius manifestaretur, si omnia quae apud ipsum inde colligi possunt, ratio praesentis operis congerere permisset.

Unum igitur praecipuè cupio, ut omnes noscant, vera scripta Sancti Patris immeritò de errore millenariorum expostulata, in eo sensu qui negationem continet visionis Dei Sanctorum spiritibus usque ad suorum corporum resurrectionem; quod dum praestiterim, meo erga venerabilem Maximumque Magistrum sincero mentis obsequio, & vestrae expectationi fecisse satis laetabor.

Dabam Cremonae hac die XXVIII. mensis Augusti anno Domini MDCCXLVII.

## CENSURA.

**O**pus inscriptum Vindiciae Augustinianae ab imputatione Regni Millenarii: Auctore Johanne Cadonici Sacerdote Veneto, (quod ex ordine Reverendissimi Patris Johannis Andreae Passani Inquisitoris Generalis Sancti Officii Cremonae legi) ne dum Authorem in Sancti Patris lectione versatum ostendit, verum, quod semper fassa est Sancta Mater Ecclesia, Sanctum etiam Augustinum sensisse appositis evincit momentis. Quamquam dum omnibus numeris absolutum studet illud exhibere, Sanctum Patrem in aliquibus a communi Scholasticorum doctrina deviantem haud inepte arbitretur. Certum tamen est sermonem CXXXVII. de Tempore, a quo ad ostendendam Divi Augustini constantiam de beatitudine Sanctis veteris testamenti dilatâ praeputa. depromuntur argumenta, ab eruditissimis Lovaniensibus (in appendice n. 52.) Monachis Maurinis (in appendice nu. 160.) Natali Alexandre (Saeculo V. Hist. Eccl.) inter illius opera minimè recenseri; & quod de Angelis differitur, fuisse jam in Divum Augustinum a Melchioro Cano (de loc. Theol. l. 7. c. 3.) aliisque notatum. Quare etsi res ita se haberet, cum doceat eodem Cano (loco citato) nil deperdat Patrum sanctitas & eruditio, si Patres ipsi a communi recedant sententia; insigniter hinc etiam vindicato Divo Augustino ab omni Millenariorum errore, ut in hoc opere abundè patet: censeo posse Typis mandari, ut tandem Bullae, caeterorumque haereticorum Divum Augustinum in hoc Fidei dogmate carpentium ora obstruantur.

F. Hyacinthus M. R. Manuelli Ord. Praed. S. Off. Pro Vicarius,  
& Sacrae Theologiae Dogmaticae in Episcopio  
Cremonensi Lector

## CENSURA.

**D**e mandato Reverendissimi Patris Magistri Johannis Andreae Passani Inquisitoris Generalis S. Officii Cremonae, legi Librum inscriptum Vindiciae Augustinianae ab imputatione Regni Millenarii. Auctore Johanne Cadonici Sacerdote Veneto, nihilque in eo reperi quod sit contra Sacram Scripturam vel Ecclesiae Catholicae definitionem. Quare Typis mandari, si eidem Paternitati suae Reverendissimae placuerit, censeo.

F. Joseph Antonius Bufandri Ord. Min. Conventual.  
S. Francisci, & S. Officii Consultor.

31. Augusti 1747.  
Attentis supradictis attestationibus  
**IMPRIMATUR**  
Fr. Johannes Andreas Passanus  
Inquisitor Generalis  
Cremonae &c.

1747. 6. Septembris  
**IMPRIMATUR**  
Cribellus Praetor.

INDEX

# INDEX CAPITUM

## Quae in hoc Opere continentur!

Praemium.

pag. 1.

### CAPUT PRIMUM.

Recensentur errores Millenariorum in genere juxta praenotata a Tournely, & loca ex quibus ipse concludit Divum Augustinum millenariis adhaesisse in presbyteratu non item in episcopatu; & cur opinio & distinctio Doctoris Sorbonici in hoc non subsistat.

9.

### CAPUT SECUNDUM.

Explicatur locus propositus libri 20. capitis 7. de Civitate Dei, & ostenditur eos illa sentientes, quae in isto dicuntur, millenarios ab Augustino non appellari; & quod veram millenariorum notam, negationem scilicet visionis Dei usque ad corporum resurrectionem ex ipso eruere nemo valeat.

21.

### CAPUT TERTIUM.

Vera eorum, qui mille annorum regnum expectabant divisio ex textu Augustini resultans; & quod ii qui secum opinabantur tolerabiliter senserint. Commodior demum Millenariorum in genere divisio.

31.

### CAPUT QUARTUM.

Docet Augustinum Papiae sectatorem non fuisse contra definitionem Tournely; nec item Tertulliani. Demum quidquid in opinando terreno mille annorum regno erraverit Augustinus, non substantiae rei, sed numero annorum tribuendum esse.

43.

### CAPUT QUINTUM.

Examinantur capita, quibus Maurini Sermonem CCLIX. Augustino dederunt; & proposita Sancti Patris doctrinam ante presbyteratum, ostenditur meliori fundamento negari potuisse ut suum. Alia item producuntur, quibus cunctatio in hoc opere Augustino tribuendo, laudabilior comprobatur.

56.

\*

CA.

## CAPUT SEXTUM.

*Sermo CCLIX. aliàs ex Sirmondianis XIX.*

66.

## CAPUT SEPTIMUM.

*Perstringuntur capita doctrinae Sermonis CCLIX. ut quod in iis erroris latet, pateat: mox verò doctrinā Augustini propositā nondum presbyteri, quae contraria dicto sermoni invenitur, bene tam fidelis auctoritatis non esse concluditur.*

76.

## CAPUT OCTAVUM.

*Proponitur doctrina Augustini in primo presbyteratus anno, quae sententias controversi sermonis evidentiùs confundit.*

90.

## CAPUT NONUM.

*Doctrina Augustini de centum quinquaginta tribus piscibus Sermonem CCLIX. Augustinianum non esse convincit.*

102.

## CAPUT DECIMUM.

*Examinatur doctrina Augustini ab anno 392. ad totum annum 395., & ex hac etiam Sermo CCLIX. non genuinus detegitur.*

123.

## CAPUT UNDECIMUM.

*Notantur quaedam in Sermone CCLIX. occurrentia tum in usu dictionis, tum argumentorum, tum scripturarum, quae eundem suspectum reddere poterant. Ordo item & incessus sermonis hanc suspicionem ingerunt, multò magis ejusdem collatio. Proferuntur aliqua loca, ex quibus quae de eleemosynis de divitiis & foenore dicuntur, excerpta videntur, ubi de Sermonibus XLII. & XXXVIII. Editionis Novae quasi non satis Augustinum praeferebantur agitur.*

143.

## CAPUT DUODECIMUM.

*Conferuntur verba n. 2. controversi sermonis cum iis Augustini locis, unde desumpta videntur, ut eorundem mutilatio & corruptio detegatur; & constans Sancti Patris doctrina de beatitudine Sanctorum ante resurrectionem corporum praeclariùs clucescat.*

165.

CA-



### CAPUT DECIMUMTERTIUM.

*Examinatur textus Augustini ex libro de Quaestionibus Oelugintatribus [ q 57. n. 2. ] qui nondum contra Sanctum Patrem propositus est, quamvis primâ fronte pro supposito errore praeclariùs quàm ceteri loquatur; explicatur; & inde etiam Sancti Patris rectam & catholicam intentionem elucere ostenditur.* 208.

### CAPUT DECIMUMQUARTUM.

*Proferuntur omnia, quae Tournely contra Augustinum afferri dicit; & quomodo ex sententia & confessione Doctoris Sorbonici remaneat Sanctum Patrem cum deterioribus millenariis sensisse.* 232.

### CAPUT DECIMUMQUINTUM.

*Examinantur quae Tournely sibi opponit secundo loco, & quomodo suis responsionibus difficultatem non solvat; immò Sancto Patri notam Millenarii relinquat, nisi cum eodem dicat beatitudinem Sanctis etiam ante Christum passum fuisse conlatam.* 240.

### CAPUT DECIMUMSEXTUM.

*Cur Tournely locis oppositis secundo loco non cum doctrina Sancti Patris responderit: & quomodo responsio a clarâ & repetita Augustini doctrina desumpta haereticos confudisset, & Sanctum Patrem ab inflicta millenarii regni notâ purgasset.* 250.

### CAPUT DECIMUMSEPTIMUM.

*Examinantur loca, quae sibi opponit Tournely tertio loco, quibus respondendo vim non retundit, qua Millenarii nota Sancto Patri ab adversariis inuritur.* 269.

### CAPUT DECIMUMOCTAVUM.

*Vera mens Sancti Augustini in quaestione discussa in epistola ad Fortunatianum de videndo Deo, ubi quid ipse pro aequalitate cum Angelis promissâ Sanctis hominibus in resurrectione sentiret, differtur.* 281.

Parce

**P**Arce mendis, Lector benevole: utque textus veritati tuisque dubiis opportune prospicias, Tu ipse primum eas quae sensum immutant, corrigo: sciens, cum qui saepius recte legit, vel quomodo legendum sit nescit, immutationem, mutilationem, & incrementum syllabarum difficilius attingere; qui verò materialiter legit, si semel male, semper male. Ita & a doctis & ab indoctis periculum invenit Typographia. Quae orthographiam respiciunt, praeterivimus, quia saltem perarò nocent.

## ERBATA

## CORRIGE

Pag.	2. v. 13. nuncupabatur	nuncupabat
	25. v. 12. esse	est
	v. 26. computandi a catholicis	deputandi <i>tantum</i>
38. v. 1. non adhaerere haud poterant	non sentire non poterant.	
43. v. 18. damnatos	damnatas	
45. v. 16. igitur	<i>deleatur</i>	
57. v. 2. Societate	Societatis	
	v. 10. mutua	mutata
58. v. 26. & tribuendo	in tribuenda	
60. v. 5. indutum	imbutum	
	v. 17. 43.	143.
63. v. 28. ipsi	ipsis	
64. v. 31. &	ut	
84. v. 25. esse	esset	
86. v. 25. quam	quem	
87. v. 24. perfectum	profectum	
89. v. 5. &	ex	
91. v. 18. sperandos	separandos	
93. v. 4. pag. 68.	pag. 63.	
97. v. 15. comparantibus	comparationibus	
110. v. 21. hujus umeri	hujus numeri	
	v. 24. ex	&
111. v. 1. coelestia	coelesti	
113. v. 30. CLII.	CCLII.	
118. v. 30. nunc	tunc	
120. v. 9. ab.	ad	
124. v. 20. exercetur	exercet	
125. v. 20. temeritatem	temeritates	
	v. 28. justus	injustus
141. v. 24. foveat	fovent	
143. v. 4. poterunt	poterant	
156. v. 21. n. 1. & 3.	n. 1. & 2.	
158. v. 21. foenerare	foenore	
163. v. 5. agens	ageres	
239. v. 7. proprius	propius.	

PROE-

# PROEMIUM.



UM primum in lectionem incidi Operum Sancti Augustini Hipponensis Episcopi, & tanti viri mihi hactenus famâ noti illustrem profunditatem, doctrinamque cominûs degustavi; ceteris sepositis studiorum curis, hunc mihi

Theologicae facultatis funditus assequendae Magistrum. elegi, veluti alteram ex columnis, a quibus difficile se avelli posse, & cum quibus se aut errare aut sapere fatebatur Divus Bernardus (serm. 80. in Cant.) Et ut in dies magnorum hominum scripta pulciora legentibus evadunt, tantâ in Augustini libris exarsi voluptate, ut veluti deperditum computem quidquid temporis me ab ejus lectione distrahit, illo excepto, quod in plerisque aliis legendis Patribus dedi, ex quo item quantus Magister meus sit uberius cognovi. Hinc enim veluti aquilam ceteris eminentius extolli Augustinum intellexi, unde illi rectissimè plaudis Sixtus Senensis, qui praecipuorum Patrum caractèrem magis proprium considerans, ait (l. 3. Bibl.)

In dubiis, altâque locis caligine merfis

Aurelius lucem feret.

Quamvis enim antiqui Ecclesiae Doctores in iis, quae dogmatica sunt, & Fidem Catholicam tuentur & firmant, veluti uno ore locuti videantur, unde tam consonis praesidiis jure optimo exultat Mater Ecclesia: tamen in iis ipsis enucleandis atque stabiliendis, Augustinum ceteris antecellere tum perspicuitate dictionis, tum robore rationum, tum Scripturae usu mirabili quisque dignoscet, qui suas & aliorum attentè perleget lucubrationes. Ubi autem dubium aliquod occurrit, aut propter obscuritatem quaestionum res aliquatenus opinioni subjacet, talis Augustinus est, ut ceteris omnibus anteire merito cognoscatur. Quidquid enim

A

de

2  
 de scripturis Dei, de auctoritate veterum, de rectae ratio-  
 nis erario produci poterat, taliter a Sancto Patre profertur,  
 ut vel iam explanet ne aliter sentiri prudenter possit, vel  
 momentis hinc inde adhibitis, quibus certum pronunciare  
 iudicium vetatur, lectores studio inquirendi inflammet, &  
 secum interim dubios dimittat. Quare non perperam a  
 Sanctis doctisque sui aevi viris summis laudibus extollitur;  
 ejusque sapientia taliter omnibus admirationi fuit, ut Vo-  
 lufianus fidenter scripserit, „ At cum ad Antistitem Augu-  
 „ stinum venit, legi deest quidquid contigerit ignorari.  
 „ (epist. 135. aliàs 2. n. 2.) Sanctus autem Paulinus No-  
 lanus Episcopus non solum ipsum Magistrum Fidei, &  
 benedictum Doctorem Israel nuncupabatur; verum eidem  
 scribens, aiebat „ Itaque quia experimentum habeo Christi  
 „ in te loquentis, „ & alibi „ Quia scio te illuminatum spi-  
 „ ritu revelationis ab ipso duce & fonte sapientum, ut  
 „ sicut praeterita cognovisti, & praesentia vides, ita etiam  
 „ de futuris aestimes (epist. 94. aliàs 249. n. 2. & 7.).  
 Nimis essem si Summorum item Pontificum Coelestini,  
 Bonifacii, Gelasii, Innocentii, Hormisdæ, Leonis & Gre-  
 gorii, quibus Magni cognomen ob altissimam divinarum  
 rerum scientiam obvenit, tum Leonis IV. & aliorum de  
 tanti Patris profunditate praeclare dicta vellem colligere.  
 Satis omnibus fore opinor perpetuam illam jam notam reve-  
 rentiam, quæ in omnibus Conciliis & Synodis Augustini sen-  
 tentiae amplexae fuerunt, cui, auctore doctissimo Melchiorè  
 Cano, cavendum est quemquam antepoamus; nec enim  
 doctior vir fuit Augustino quisquam, nec clarior. (de loc.  
 Theol. I. 10. c. 5.) Quam obrem Concilium Florentinum  
 auctoritatem Augustini adducturum, his utitur verbis, „  
 „ Beatus Augustinus praeclarissimus Doctor Latinorum,  
 „ quem Sancta quinta Synodus recepit, qui & praestantif-  
 „ simus

„simus appellatur. (Concil. Florent. sess. 7.) Unde pariter  
Johannes Papa II. (epist. ad Avienum aliosque Senatores)  
dicebat „Doctrinam Augustini, secundum Praedecessorum  
„meorum statuta, Romana sequitur, & servat Ecclesia. A

Tam praeclaris testimoniis in mea electione confirmatus, gratis Deo peractis, quod me tam solido donasset Magistro, ejusque intercessione quotidie implorata verbis utens Sancti Fulgentii (l. 2. de verit. praed. c. 18.) ut eundem scilicet spiritum intelligentiae a misericordiae Domino legens acciperem, quem ille accepit ut scriberet, & eandem illuminationis gratiam adipisceretur, quam ille adeptus est ut doceret; labores meos alacri studio suscepi securus; delicioso pabulo atque uberi me in dies saginari cognoscens, tuto pede doctrinam percurrrens, quam tanta perspicuitate omnium temporum Doctores, & quod plus est, tota Ecclesia constantissimè celebrat, atque defendit. B

Cum autem plures jam libros aureae illius doctrinae attentè gustassem, ex quibus inter alia Sancti Patris sententiam de statu animarum Sanctorum Patriarcharum & Prophetarum, ceterorumque Justorum, qui ante Christi visibilem in carne adventum mundo occubuerant, & in sinu Abrahae colligebantur, omninò diversam cognovi a duabus illis, in quas communiter scinduntur Scolastici, quaeque apud illos docentur; eosdem Scolasticos adire necessarium duxi, ut quibus tandem rationibus a toties repetita doctrina Magistri mei divertissent, intelligere valerem. Aliquid enim minùs jam recitata elogia aestimanda mihi videbantur; quandoquidem in re non infimi momenti omninò diversa sententia jure praevaluisset apud omnes Theologos; quos non vidisse quae ego videram, arbitrari nimis frivolum putabam; aliter autem intellexisse quàm ego intelligebam, nonnisi magnis adductos rationibus opinari debebam. Ex

**D** eorum tamen collatione nihil usque nunc tam aptum tenuitati meae se obtulit, quo apud me soliditas perturbetur Augustinianae sententiae, qua Sanctos illos jam essentialiter beatos ante Christum passum, sed per fidem in eundem venturum verae atque a Deo elargitae caritati conjunctam, constanter saepissimèque declarat, & in facie Ecclesiae enixè probat atque defendit.

Post lectionem igitur doctrinae Divi Thomae, quam in quaestione proposita magis consonam rectae rationi inveni, sed Sancto Augustino non satis amicam, & inde fortasse ab hujus mente diversam, quia unam auctoritatem sermonis de Tempore CXXXVII. nunc Appendici secundo a Clarissimis Maurinis sub n. 160. adjudicati, pro se veluti legitimam Sanctus Doctor adduxit: sensum recentiorum Theologorum cognoscendum putavi ab operibus recentissimè excusis, in quibus scilicet quidquid critices opportunis auxiliis temporis beneficio inde cognosci, & meliori luce donari potuerit, uno veluti intuitu facile haberem; inter quae Honorati Tournely Doctoris Sorbonici libros in Gallia & in Italia satis comendatos selegi. Ex quorum lectione detexi, recentiorum placita Augustinianâ doctrinâ multò minùs valere; multò item minùs aestimanda in conspectu doctrinae Divi

**F** Thomae, quae, ut dixi, rectae interim rationi concordat. Etenim Sanctus Doctor inde definit quoddam Sanctorum Patriarcharum animae in doloribus usque ad Christi descensum in Interos demorarentur, quia Dei illas visione orbatas credit, & sic poenae damni valorem tuetur & firmat. Recentiores è contra Sanctis illis separatis animabus felicem quemdam statum & quietum absque visione Dei tribuentes; privationis visionis Dei fidelissimum effectum infirmare videntur, & tantorum Patrum auctoritati obstare. Augustinus enim ante Divum Thomam tantum poenae damni pondus

5

pondus agnovit, ut hac solâ damnatos ultra omnem huma-  
nam intelligentiam miseros fore & esse definiat, quam-  
vis alia deesset. Haec ejus verba sunt ( in Enchirid. ad  
Laurent. c. 112. n. 29. ) „ Quae si sola (ira Dei) esset quanta  
„ ibi minima cogitari potest, perire a regno Dei, exulare  
„ a civitate Dei, alienari a vita Dei, carere tam-  
„ magna multitudine dulcedinis Dei . . . . tam grandis  
„ est poena, ut ei nulla possint tormenta quae novi-  
„ mus comparari, si illa sit aeterna, ista autem sint quam-  
„ libet multis saeculis longa. „ Hinc aliâs Plotini Philoso-  
phi sententiae subscripsit, qua dixerat „ Illa namque visio  
„ Dei tantae pulchritudinis visio est, tantoque amore dignif-  
„ sima, ut sine hac quibuslibet aliis bonis praeditum atque  
„ abundantem, non dubitet Plotinus infelicitissimum dicere.  
( l. 10. c. 16. n. 1. de Civit. Dei. ) Spero igitur futurum ut  
nec Thomistae mihi succenseant, si suum doctorem me-  
non sequi praesentirent, a quo recentiores multò ante de-  
seiverunt veluti in hoc nimis rigido: nec ipsimet recentio-  
res irascantur, dum eorum placitis me non acquiescere jam  
intelligunt, quae a Divi Thomae doctrina valdè abesse sa-  
tis noverunt. Fateor enim me, dum Scolasticos contraria  
in hoc docere cognovi, quaestionem hanc taliter intueri coe-  
pisse, qualiter eas solemus, in quibus quid potius sentiendum  
sit non inutiliter investigantium exercentur ingenia; dum-  
modo in illud omnes nostri nifus intendant, ut fidei dogma  
de prompta mercede visionis Dei Sanctorum spiritibus con-  
cessâ, validioribus semper contra haetherodoxos muniatur  
auxiliis. Hinc accuratissimè locos quaesivi, in quibus de hoc  
differit Sanctus Pater, qui multi sunt, quosque tot praecla-  
ris scripturarum testimoniis, totque rectae rationis subsidiis  
munitos invèni, ut haec opinio verior in ceterarum conspe-  
ctu mihi sit visa. Fortasse fiet, ut post hujus operis lectio-

**D** nem, non levis aut nimis prompta haec mea appareat fusio; quandoquidem Sancti Patris proposita defensio quaedam tangere jubet, quae hujus etiam quaestionis fines quam latè pateant aperiunt; & si occasio dabitur cetera etiam proponendi, forsitan me in hoc tempus haud insumpsisse aequi iudices existimabunt.

Ea igitur apud Tournely legens, quae tunc praesentis instituti mei erant, locum incidi, qui me turbavit plurimum, Augustinum scilicet ex sententiis Sermonis CCLIX. Editionis novae, Millenariorum errore notatum; nullo ad minus in verbis adhibito nisu, ut tanto nomini tam nigra macula adimeretur saltem post baptismum susceptum; sed inutiles prorsus & futiles consolatione illum quasi deffendo, ejusdem erroris confirmationem veluti ex hoc scripto suo nimis certam, apud laudatum Doctorem Sorbonicum stabiliri conspexi. Quid haereticis commodum eveniret statim mente perlustrans, si, nobis etiam fatentibus, talis nota Augustino relinqueretur, qua sanctis animabus Dei visio in diem usque extremi iudicii differatur; cognoscens item quanto minori pondere ejusdem Sancti Patris auctoritas iis objiciatur, qui talia venditant, ut nuper Burnetus Britannus; quantum denique auctoritatis Augustino depereat, erroris notato in re, quae non eruditionem respicit, sed primam nostrae fidei & antiquissima fundamenta ipsi jam Christum induto minus certa fuisse declarat: totum studium in eo conferendum duxi, ut omnibus maturè perpensis, jure ne an injuriâ Augustinus a nostris desertus sit invenirem.

Occurrit etiam mihi ad incitamentum quod Sanctus Remigius de eo scripserat, „Hunc igitur beatissimum & fidelissimum Patrem, semper in communione Sedis Apostolicae „ habitum, & ab ejus etiam Pontificibus inter magistros fidei „ doctrinae venerabiliter receptum, & ab ipsis tam clarè  
&



7  
„ & honorificè contra obtreſtantes & obloquentes defen-  
„ ſum, ita ut impoſito improbis ſilentio, omnem de eo A  
„ muſſitationem comprimendam ac repellendam decerne-  
„ rent; etiam nos tota fidei devotione honoremus, toto  
„ ſtudio & intentione pietatis ſequamur: & in quibus  
„ propter obſcuritatem rerum & ſubtilitatem diſputatio-  
„ num minùs eum intelligere poſſumus, vel a Domi-  
„ no intelligentiae poſtulemus, vel ab eis, quos ipſe  
„ ſuo dono illuminare dignatus eſt, humiliter nos doceri  
„ patiamur ac deprecemur. (de tenenda veritate Script.  
l. 11. c. 9.) Unde et ego Sanctum Patrem tota fidei de-  
votione honorare pro viribus ſuſcipiens, omnes vigilias ine-  
undas decrevi, ut a tanta macula ipſi a noſtris vel inuſta B  
vel confirmata eum purgarem; affectum, quem ſuo tem-  
pore vigentem commendabat Sanctus Remigius pro virium  
tenuitate geſtiens imitari; ut omnis de eo non muſſitatio  
ſolùm, verùm, et injurioſa in editis imputatio nimis  
prompta cognosceretur.

Hinc enim et aliud quamvis comparatione jam dicto  
minus, tamen ex effectibus ſatis grande malum exoriri  
arbitratus ſum, ut ſcilicet Sancti Patris ſententiae in ple-  
riſque aliis haud ſequendae Theologiſ videantur; quia in  
hac jam praeconcepſa vanitate, quod ille ſcilicet etiam C  
catholicus, immo ſaltem & presbyter, magnis obnoxius in  
fide erroribus fuerit; modò haec modò illa docentem Au-  
guſtinum, ſecluſo rerum profundiore examine deſerant;  
quaſi ipſe non ſoliditate fidei & rationis, ſed ſubtilitate  
tantùm ingenii aliqua in facie Eccleſiae docenda putaverit,  
quae nunc veluti vana & fundamentis deſtituta eſſent reſ-  
puenda. Huiuſmodi eſt quaestio de qua ſupra aliquid tetigi,  
quam tamen Sanctus Pater contra Haereticos & praecipuè  
Pelagianos expreſſè praedicavit; & quae ubi ad trutinam re-  
ducatur,

**D** ducatur, maximam aedificationem nostris, maximamque doctrinam haereticis suppeditabit, atque schismaticis, ut vel in pluribus & magnis rebus absque effugio convincantur, vel ultrò a suis erroribus, Deo adjuvante, resipiscant. Ut autem ordinatè procedamus, primò videndum est, quomodo Millenarii regni errorem laudatus Doctor Sorbonicus Divo Augustino tribuat.



## CAPUT

## CAPUT PRIMUM.

*Recensentur errores Millenariorum in genere, juxta praenotata  
a Tournely, & loca ex quibus ipse concludit Divum  
Augustinum millenariis adhaesisse in presbyteratu,  
non item in episcopatu, & cur opinio & di-  
stinctio Doctoris Sorbonici in hoc non  
subsistat.*



Rrores enumeraturus Tournely in quos Mille-  
narii pro variis opinionibus abierunt, haec ha-  
bet (in Praelect. Theolog. de Deo & div. ar-  
trib. q. 12. art. 1. r. 1.

B

„ Vel ipso primo Ecclesiae saeculo, Cerinthiani  
„ a Cerintho dicti mille annos post resurrectionem in terreno regno  
„ Christi, secundum carnales ventris & libidinis voluptates futuros  
„ (homines) fabulantur, unde Chiliasiae (h. e. Millenarii)  
„ sunt appellati: verba sunt S. Augustini l. de haeref. n. 8.  
„ Et ante ipsum Dionysius Alexandrinus in secundo de  
„ promissionibus libro apud Eusebium l. 3. Hist. Eccle-  
„ siast. c. 28. sic loquitur. *Haec fuit illius (Cerinthi) opinio*  
„ *regnum Christi terrenum futurum. Et quarum rerum cupiditate*  
„ *ipse flagrabat, utpote voluptatibus corporis obnoxius & ventri ad-*  
„ *dictus, in iis regnum Dei situm fore somniavit, in ventris, &*  
„ *earum quae infra ventrem sunt partium explenda libidine: hoc est*  
„ *in cibo & potu & nuptiis, atque, ut honestiori vocabulo ejusmodi*  
„ *voluptates velaret, in Festis & sacrificiis, & hostiarum mactatio-*  
„ *nibus.*

C

„ Cerintho ex parte adhaeserunt secundo Ecclesiae sae-  
„ culo Marcionitae, teste ipsomet Tertulliano l. 3. adver-  
„ sus illos. Et quarto saeculo Apollinaristae. Ita colligitur  
„ ex Epistola 293. S. Basilii, & Oratione 51. Sancti Gre-  
„ gorii Nazianzeni.

„ Tria

- D „ Tria igitur erant veluti capita erroris Cerinthis. Pri-  
 „ mum, Christum per mille annos post generalem carnis  
 „ resurrectionem regnaturum in terris. Secundum, eo in  
 „ regno omnibus impuris corporis voluptatibus homines  
 „ obnoxios fore. Denique Legis Mosaycae Ceremoniis ac  
 „ praeceptis rursus illos fore adstringendos.
- „ Fuit aliud Millenariorum genus non ita crassum tur-  
 „ pe ac impurum, auctore ac duce Papia Hieropolitano in  
 „ Asia Episcopo, qui Policarpi sodalis fuit, ac Johannis  
 „ auditor, non quidem Evangelistae, sed alterius ejusdem  
 „ nominis presbyteri, ut observat Eusebius l. 3. c. 39. Ille  
 E „ falsis quibusdam Christi parabolis ac sermonibus delusus  
 „ terrenum illud Christi per mille annos post generalem  
 „ resurrectionem regnum confinxit, in quo voluptatibus cor-  
 „ poreis non quidem illicitis & impuris, ut volebat Cerin-  
 „ thus, sed licitis & inculpatis locus futurus esset. *Vir erat,*  
 „ ait Eusebius loco mox citato, *mediocri admodum ingenio prae-*  
 „ *ditus*, qui ex malè intellectis Apostolorum narrationibus  
 „ fabulam illam commentus est. Illius nihilominus famâ  
 „ & pietate plures commoti, in eundem errorem perdu-  
 „ cti sunt: *hominis vetustate sententiam suam timentibus*, ait ibi-  
 „ dem Eusebius.
- F „ Inter sectatores Papiae, nonnulli a terreno illo Christi  
 „ regno corporeas voluptates etiam licitas exclusas volue-  
 „ runt, solasque animi spirituales delicias in eo agnoverunt,  
 „ ut Tertullianus, & S. Augustinus, qui l. 20. de Civit.  
 „ Dei cap. 7., candidè fatetur, se aliquando in ea Millena-  
 „ riorum opinione versatum fuisse.
- „ Eundem cum Millenariis, circa dilatam Dei visionem  
 „ errorem propugnavit Vigilantius, de quo S. Hieronymus  
 „ in libro contra ipsum dicebat: *Ais, vel in sinu Abrahae, vel*  
 „ *in loco refrigerii, vel subter aram Dei, animas Apostolorum &*  
 „ *Martyrum confedissee, nec posse de suis tumulis, & ubi voluerint*  
 „ *adesse*

„ adesse praesentes .... sed in libera honestaque custodia in fortuna-  
 „ torum insulis, & in campis Elysiis recludantur. Eandem sen-  
 „ tentiam Guido in summa de haereticis, Arnaeensis tri-  
 „ buit: in qua etiam versatos esse Graecos patet ex Conci-  
 „ lio Florentino sessione 1.

„ In eundem errorem abiere Lutherus & Calvinus:  
 „ ille in praelectione in Genesim: iste verò in l. 3. Instit.  
 „ c. 25. n. 6., ubi ait: *stultum ac temerarium esse inquirere quo*  
 „ *in loco sint animae justorum, & an gloriâ fruantur nec ne. In-*  
 „ *terea (pergit ille) cum Scriptura ubique jubeat pendere ab expe-*  
 „ *ctatione adventus Christi, & gloriae coronam eò usque differat,*  
 „ *contenti simus his finibus divinitus nobis praescriptis: animas pio-*  
 „ *rum militiae labore persunas in beatam quietem consedere, ubi*  
 „ *cum felici laetitia fruitionem promissae gloriae expectant. Haec*  
 „ Calvinus. Ubi notanda mira hominis stultitia, ait hic apposi-  
 „ tè Bellarminus, qui dicit *stultum & temerarium esse quaerere*  
 „ *utrum animae justorum gloria fruatur, nec ne; & ipse tamen*  
 „ *audacter definit, eas nondum frui gloriâ, sed eam expectare.*

Hic notare item poterat Tournely alium errorem in istis  
 haeretici verbis, ubi ait: *animas piorum militiae labore persun-*  
*das in beatam quietem consedere, ubi cum laetitia felici fruitionem*  
*promissae gloriae expectant.* Invenit enim hisce verbis haere-  
 ticus quietem beatam & laetitiam felicem pro animabus, C  
 quibus adimitur vultus Dei, & aperta contemplatio veri-  
 tatis, sine qua nemo unquam asserere justè poterit dari posse  
 beatitudinem & felicitatem animae separatae. Sed quia, si  
 haec notasset, infirmari doctrinam videbat, qua quietem,  
 refrigerium & pacem tribuit animabus in sinum Abrahae  
 collectis ante Christi adventum, sine visione Dei; potius  
 praescindere voluit a consideratione erroneae sententiae  
 Calvini etiam quo ad hanc partem, quàm laborem inire,  
 quo ex antiquis Ecclesiae Patribus cognosceret, num status  
 ille quietis refrigerii & pacis absque visione Dei Sanctis  
 finu

D sinu Abrahæ donari sapienter posset, quem porro veluti nimis repugnantem intelligens D. Thomas, eos in doloribus constituit. Sed prosequamur quæ Tournely in proposita de Millenariis quæstione scribit.

„ Dissimulandum hic non est, primis Ecclesiæ sæculis  
 „ non paucos ex Catholicis scriptoribus, Justinum, Irenæum  
 „ Tertullianum, Nepotem præfulem Aegyptium, Theo-  
 „ philum Antiochaenum, Novarianum, Lactantium, Se-  
 „ verum Sulpitium &c. videri in ea mente ac sententia  
 „ fuisse, Sanctos nonnisi post generalem corporum resur-  
 „ rectionem, in apertum Dei conspectum esse admitten-  
 „ dos. In quam sententiam XIV. Ecclesiæ sæculo plus  
 E „ acquo adhuc propensus fuisse videtur Johannes XXII.  
 „ Unde tamen non inferas vel illos omnes hæreticos  
 „ fuisse, vel tunc temporis dogma catholicum planè oblite-  
 „ ratum fuisse, & intercisam Apostolicam Traditionem.  
 „ circa visionem Dei, Sanctis statim a morte conceden-  
 „ dam, quod duabus rationibus probat in subsequētibz,  
 „ primà nimirum ab Ecclesiæ in hac re tunc nondum pro-  
 „ nunciato iudicio; alterà quia multò plures etiam tunc  
 „ fuerunt qui affirmarent Sanctos statim a morte clarâ &  
 „ intuitivâ Dei visione donari, quàm qui negarent; quod item  
 „ largius confirmat auctoritates adducens in sectionibus sequen-  
 F tibz, ubi constantem Sanctorum Patrum & Ecclesiæ utri-  
 „ usque Latinae & Graecæ traditionem de hac re proferat.  
 „ Postea novitatem erroris ex ejusdem inconstantia, inter alia  
 „ deducit, ajens:

„ Dogma catholicorum simplex est, uniforme & con-  
 „ stans: non ita opinio Millenariorum, qui varias in partes  
 „ scinduntur. Alii enim, ut Cerinthus illicitas corporis  
 „ voluptates in terrenum illud mille annorum regnum  
 „ inducebant: alii ut Papias & Irenæus &c. voluptates  
 „ dumtaxat licitas & inculparas: alii ut Tertullianus, animi  
 „ spi-

„ spirituales solummodo delicias: alii terrenum illud re-  
 „ gnum ante generalem corporum resurrectionem futu-  
 „ rum arbitrabantur, ut Justinus Dialogo cum Trypho-  
 „ ne: alii verò cum Papia post resurrectionem. Alii cum  
 „ Tertulliano, Martyres a communi aliorum Sanctorum  
 „ lege excipiebant, eosque statim gloriâ donari arbitra-  
 „ bantur: alii non excipiebant. Alii cum Justino, Irenæo &c.  
 „ justos cum impiis in eodem receptaculo deîneri existi-  
 „ mabant: alii verò cum Tertulliano, justos a sceleratis &  
 „ impiis fecernebant. Ita solet error esse varius, inconstans,  
 „ ac malè secum coherens. Quis porrò foret locus ille, &  
 „ ubi positus, in quo scilicet morabantur Sanctorum ani-  
 „ mae, donec evolutis mille annis, in coelum conspectu  
 „ Dei fruiturae introducerentur, non satis apud Veteres  
 „ illos compertum erat: communi vocabulo sinum  
 „ Abrahae vocabant, aut locum refrigerii & quietis.  
 „ Demum claudit duabus sequentibus observationibus.  
 „ Observa, duplicem distingui Sanctorum beatitudinem:  
 „ unam perfectam & adaequatam, quae animae simul &  
 „ corporis felicitatem complectitur: tali beatitudine non  
 „ donabuntur Sancti, nisi resumptis post generalem resur-  
 „ rectionem suis corporibus.

„ Observa rursus, beatitudinem Sanctorum ialtem ex-  
 „ tensivè augendam fore post resurrectionem, ex unione,  
 „ scilicet animae cum suo corpore: an verò etiam intensi-  
 „ vè & quantum ad gradum inde perficienda sit, levis mo-  
 „ menti videtur quaestio, ac ferè de nomine.

Quoniam verò me non aliis Scripturis, & Sanctis,  
 quos ibidem notat Tournely vindicandis addixi, cetera quae  
 Augustinum afficiunt prosequamur. In eo igitur loco, ubi  
 de constanti Sanctorum Patrum Latinae Ecclesiae tradi-  
 tione circa beatitudinem animabus justis statim a morte tri-  
 butam sermonem instituit, denud Augustinum notat, in-

haec

haec verba. „ Sanctus Augustinus de Civit. Dei l. 20. cap.  
 D „ 7. loquens de Millenariis, *Quae opinio, inquit, utcumque*  
 „ *tolerabilis esset, si aliquae deliciae spirituales in illo sabbato affutu-*  
 „ *rae Sanctis per Domini praesentiam crederentur. Nam etiam nos*  
 „ *haec opinati sumus aliquando: sed cum eos qui tunc resurrexerint,*  
 „ *dicant immoderatissimis carnalibus epulis vacaturos.... nullo modo*  
 „ *ista possunt, nisi a carnalibus credi.* Verum, opinionem hanc,  
 „ quam ante episcopatum aliquando tenuit Sanctus Do-  
 „ ctor, subindè, re maturius expensâ, deposuit. „ Ad quam  
 firmandam assertionem transcribit aliquot textus ejusdem  
 Sancti Patris jam Episcopi, quos quisque apud eum videre  
 F poterit. Ubi notandum puto, quodd errorem, quem antea  
 Augustino taliter tribuebat, ut videri posset haec illum sen-  
 sisse etiam Episcopum, nunc ad solum tempus ante Epif-  
 copatum definit.

Evidentiùs autem Sanctum Patrem deferit eo loci, ubi  
 ejus auctoritates veluti propugnandas sibi proponit, ait  
 enim:

„ Jam paulò superiùs observatum a nobis fuit, Sanctum  
 „ Augustinum antequam Episcopus consecraretur (an. sci-  
 „ licet 400.) in sententiam Millenariorum aliquatenus in-  
 „ clinasse, sicut faterur ipse l. 20. de Civit. Dei c. 7., quam  
 F „ postea, re meliùs ac maturius expensâ, deposuit, sicuti  
 „ manifestè declarant quae ex ipso superiùs testimonia lau-  
 „ davi-mus. Nonnulla tamen apud illum extant, quae ali-  
 „ quâ indigeni expositione.

„ N. 1. Sermone CCLIX. n. 2. *Octavus ergo iste dies, in-*  
 „ *quit, in fine saeculi novam vitam significat: septimus requiem-*  
 „ *futuram Sanctorum in hac terra. Regnabit enim Dominus in*  
 „ *terra cum Sanctis suis, sicut dicunt scripturae, & habebit hic*  
 „ *Ecclesiam, quò nullus malus intrabit, separatam atque purgatam*  
 „ *ab omni contagione nequitiæ.... Et postea. Sextus autem dies*  
 „ *iste cum transierit, veniet requies post illam ventilationem, & sab-*  
 „ *bati-*



„ batizabunt Sancti & Iusti Dei. Post septimum autem cum appa-  
 „ ruerit in area dignitas messis, fulgor meritumque Sanctorum, ibi-  
 „ mus in illam vitam, & in illam requiem, de qua dictum Oculis  
 „ non vidit &c.

Responsum ad haec quasi a malevolis objecta, non ex-  
 positione, quam promiserat utitur, sed ait, „ Resp. ad pri-  
 „ mum. Reipsa S. Augustinum in ea sententia fuisse ali-  
 „ quando, Sanctos per mille annos cum Christo in terris  
 „ regnatos; verum ab illa sententia, ut dictum est, sub-  
 „ indè recessit.

Hinc autem lectores intelligent, locum l. 20. de Civit.  
 Dei non solum satis videri Doctori Sorbonico, ut absque  
 haesitatione declaret Divum Augustinum Millenariorum er-  
 rori aliquando adhaesisse, sed insuper ut absque dubio creda-  
 tur Sanctum Patrem ea scripsisse, quae ex Sermone CCLIX.  
 adducit; unde non solum opinione vaga, sed etiam scriptis  
 manentibus Millenarius vincatur. Et quia haec ipsa  
 concessio, ut quisque viderit, magni detrimenti erat ad sta-  
 biliendam communem sententiam de beatitudine statim post  
 mortem Sanctis conlatâ ex constanti Sanctorum Patrum  
 Ecclesiae Latinae & Graecae traditione (videtur enim  
 quod minori subsidio ad hanc confirmandam Augustini  
 utatur auctoritate) cum distinctione a diversitate tempo-  
 rum petita, procedendum esse censuit.

Dat igitur libenter, Augustinum aliquando Millenariis  
 adhaesisse, immo & secundum illorum opinionem scripsis-  
 se: sed verbum illud *aliquando* intelligendum vult de tem-  
 pore ante episcopatum ab eo susceptum; ait enim quod  
 post episcopatum hanc opinionem constantissime impugna-  
 verit.

In quo item tempus huiusmodi erroris suspicandi in-  
 scriptis Augustini plus aequo protrahit; dicens enim quod  
 Augustinus Episcopus consecratus sit anno 400., scripta  
 quin-

**D** quinque annorum suo Marte suspecta facit. Palam enim est Augustinum Coepiscopum Valerii consecratum anno 395. ex Prosperi venerabili auctoritate relatâ in l. 4. c. 1. n. 4. vitae Sancti Patris nuperrimè a Maurinis conscriptae. Huic item opinioni praeclarissimè favent, quae apud Sanctum Paulinum Nolanum habemus; qui nuncio accepto consecrationis Augustini in Episcopum, Romaniano scribit laetans anno 396. „ Qui (Augustinus) ad majorem Dominici muneris „ gratiam novo more provectus, ita consecratus est, ut „ non succederet in cathedra Episcopo, sed accederet. Nam „ incolumi Valerio, Hipponensis Ecclesiae coepiscopus Au-  
**E** „ gustinus est. . . . ut quem (Valerius) successorem facer- „ dotii sui simpliciter optabat, hunc mereatur tenere col- „ legam. (D. Paul. Nol. epist. 7. aliàs 46. Romaniano n. „ 2.) Quod notandum duxi, ut distinctioni a Tournely meditatae quinque suspecti demantur anni: ab anno enim 395. in aniea quidquid scripsit, ad ejus Episcopatum pertinet; & sic probare intendens Tournely Augustinum presbyterum pro Millenariis scripsisse, Sermonem CCLIX. ad tempus referre debet ab anno 391., in quo presbyter electus est decursum, ad annum 395., quo, Prosperi, & Paulini auctoritate Episcopus fuit consecratus.

**F** Hujus autem distinctionis necessitas inde emergit, quòd Sermonem CCLIX. ab Augustino vel dictatum, vel dictum negare piaculum duxit; quem tamen nonnisi presbyter dicere poterat; & magnum aliquid visum est, si diceretur, Augustinum Episcopum semper rectè sensisse, presbyterum autem in re tanti momenti errasse. Nam cum, hoc sermone excepto, nullum alium locum in tot ejus operibus invenerit Tournely, a quo de hujusmodi errore Augustinus absque excusatione expostularetur; profectò, hoc etiam ipsi abrepto, verbum illud *aliquando*, quod nunc ad tempus sui presbyteratus tam facilè refertur, ad illud potius con-  
cor-

corditer imputaretur a nostris, quo nondum baptismo imbutus, variarum opinionum fluctibus agitabatur; quod in homine inanium rerum cognitione inflato, non valde mirum est, ut de Divo Cypriano Carthaginensi Episcopo ante suam conversionem, auctor vitae illius novissimè pronuntiavit n. II. Aliis enim textibus operum suorum, qui obijciuntur, ad probandum, Augustinum aliter de beatitudine Sanctorum sensisse quàm Catholica & nunc docet & semper docuit Ecclesia, Tournely respondere satagit, & Sancti Patris intentionem exponendo, illum ab erroris suspicionem, juxta praeconcoeptas sententias suas, purgare conatur. At cum ad verba Sermonis CCLIX. venit, nulla interpretatio suppetit, & ingenuè videtur fatendum, Augustinum presbyterum, non solum talia opinatum, sed item populum publicè de hoc docendum duxisse, & veluti aliquid posterorum memorià dignum, scriptis commendasse. Mihi autem minus scrupuli inesse visum est, si dictum sermonem Augustino indignum, & a stabili doctrina sua etiam ante presbyteratum susceptum omninò alienum dicam, quandoquidem non levis momenti rationes suppetunt, quas lectores infra reperient.

Interim autem consideremus, num distinctio per Tournely a temporum diversitate petita, illum taliter juvet, ut saltem doctrina Augustini jam Episcopi ab hujusmodi labe immunis remaneat. Dicente enim Augustino *etiam nos hoc opinati fuimus aliquando*, porior ratio non suppetit, quòd illud aliquando magis de tempore ante episcopatum, quàm de illo in Episcopatu debeat intelligi. Igitur si assertionem suam de contraria & constanti Augustini Episcopi doctrina bono fundamento nixam Tournely volebat ostendere, sermonem oppositum vel ante episcopatum scriptum, vel contrario omnino modo intelligendum esse, docere debebat. Hoc autem haud praestitisse quisque viderit ex allata responsio-

B

ne,

**D**ne, in qua totus est in confirmando hujusmodi errorem Augustino infedisse ante episcopatum : non enim probat, quod omnino oportebat, eundem sermonem ante episcopatum fuisse ab Augustino conscriptum.

Quamvis enim in aperto sit, Augustinum vix post initum presbyteratum, onus etiam loquendi ad populum ex praecepto Valerii Sanctissimi Episcopi suscepisse, quod aliis ante illum presbyteris, Episcopis praesentibus, non licebat; unde aliquam verisimilitudinem acquirit adducta distinctio: nondum tamen compertum est, Sermonem CCLIX. tunc temporis dictum, quo Augustinus adhuc presbyter esset, ut opinio Tournely subsistat, Augustinum scilicet presbyterum millenariis adhaesisse, episcopum autem constantissimè eos impugnasse. Quid enim reponere posset dicenti, sermonem illum ab Augustino Episcopo habitum? Illud nempe, ex ceteris Augustini scriptis post episcopatum elucere, diversam illum ab hac omnino, & orthodoxam sententiam docuisse, quod & facit, textus adducens ex l. 20. de Civit. Dei c. 15. Ex Tract. 26. & 49. in Johan. Ex l. 9. Confess. c. 3., & ex l. 12. de Gen. ad litteram. Optimè prorsus. Quid autem responderet neganti, sermonem illum ab Augustino jam presbytero habitum? Illud sanè, ut ab eodem magis veritati proximo fundamento petatur responsio, demonstrandum esset, quod in aliis operibus, quae presbyter elucubravit, his similia, aut affinia reperiantur. In quibus autem libris vel epistolis in presbyteratu conscriptis tale aliquid docuerit, aut inuenerit Augustinus, cum nec Tournely patefaciat, ut dicto suo fidem faceret, nec ullus aliorum, qui in eandem sententiam cum Doctore Sorbonico ire haud incongruum putarunt; cum insuper, me teste, ex iis, quae vidi & diligentissimè examinaui, nec hanc probationem praestare possent si vellent: quid mihi responderet dicenti, sermonem illum, unde tanta macula

cula Augustinianae doctrinae infligitur, Augustini non esse neque presbyteri, & idcirco opus alienum & fictitium & spurium, & levis item auctoris esse censendum? Scio, quod si hujusmodi quaestio inter ipsum, si adhuc vivit, & me instruatur, libenter mihi concederet, talem sermonem interim saltem tamquam dubium inspiciendum, unde obiectantibus ejusdem verba respondeatur a nostris, Sermonem illum Sancto Patri nondum adjudicari, & donec evidentissimè non probetur ab iis quorum interesse possit, verè Augustini fuisse, quidquid ex eo contra tantum Doctorem arguitur, a catholicis diligentioribus respui. Enim verò, si Augustini Episcopi non est ex contraria collatione doctrinae; rursus si praesbyteri non est ex eodem capite, quod infra per me patet; remanet ut Augustini non sit; quod porro omnibus tantum Patrem sincero mentis affectu contentibus pergratum debet accidere.

In quo nisi vinci lucrum putaret Tournely, unum obijcere posset; diligentissimos scilicet, & verè de Augustino & de tota Christiana republica optimè meritos, mihiq; etiam hoc nomine colendissimos Monachos Congregationis Sancti Mauri, sermonem illum non inter dubios, sed prorsus inter genuinos Sancti Patris nunc primum annumerasse. Fateor tantorum virorum nomen & eruditionem me homuncionem percellere: ex eodem tamen capite laetari cogor: facillimum enim est quod verè docti & ingenui & Augustino addicti viri sententiam commutare non erubescant, quandoquidem ea non satis fuisse cognoscant, quibus ad hoc pronuntiandum prudenter se adduci putaverunt, de quo infra loquemur. Ab eodem enim Augustino eos didicisse jam sentio, quod in hac causa opus est, nimirum ut docibiles simus. Nam & ipse, ut nobis hujusmodi semper imitabile exemplum relinqueret, interrogatus a Dulcitio *Utrum ii, qui (die extremi judicii) rapiuntur in nubem, solvan-*

**D**atur in mortem; postquam quid inde ipse sentiret exposuit, addit, „ Vellem, sicut dixi, de his verbis audire doctiores: „ & si mihi potuerint haec ita exponi, ut in eis possit intelligi, omnes homines, qui vivunt, vel post nos victuri sunt, esse morituros, corrigerem quod hinc aliquando aliter sensi. Neque enim debemus esse indociles doctores; „ & certè melius homo corrigitur pravus, quàm frangitur durus. (de octo Dulcitii Quaestionibus, quaest. 3. n. 3.)



**CAPUT**

## CAPUT SECUNDUM.

21

A

*Explicatur locus propositus l. 20. c. 7. de Civit. Dei, & ostenditur eos illa sentientes, quae in isto dicuntur, Millenarios ab Augustino non appellari, & quòd veram Millenariorum notam, negationem scilicet visionis Dei usque ad corporum resurrectionem, ex ipso eruere nemo valeat.*

**N**unc ad locum redeunt, unde Augustino macula: Millenarii regni infligitur, retinendum est, quòd ad hoc ut Sanctus Pater de hujusmodi errore convinceretur, verba illa ex quibus id eruitur adedò aperta esse deberent, ut nulla prudenti interpretatione aut explicatione sanari possent. B Hoc autem ex recitatis Augustini verbis prohiberi haud mihi videtur. Inspiciamus illa attentius; immo ut melius cuique illorum sensus pateat, occasionem, qua dicta sunt, & quomodo dicta sunt consideremus.

Occasio autem ea fuit, quòd praecedenti capite Sanctus Pater de duabus resurrectionibus disputaverat, altera animarum quae in Ecclesia nunc fit, altera corporum, quae in fine temporum facienda est. Has secundum textus Johannis Evangelistae declaravit, ostendens, illud *Amen amen dico vobis, quia venit hora, & nunc est, quando mortui audient vocem Filii Dei, & qui audierint vivant.* (Johan. 5. v. 25.) resurrectionem animarum significare, quae ab impietate & peccatis (quae mors animae sunt) reviviscunt per gratiam, cujus vocibus fideliter obtemperantes a morte ad vitam transeunt, haecque solis competit bonis. Illud verò: *Nolite mirari hoc, quia venit hora, in qua omnes, qui in monumentis sunt audient vocem ejus: & praecedent qui bona fecerunt in resurrectionem vitae; qui verò mala egerunt in resurrectionem judicii* (Johan. 5. v. 28. & 29.) significare resurrectionem corporum, quae bonis & malis, sed cum sortis differentiâ communis est: quae omnia recapitulando,

B 3

&c

D & comparatione explicando, caput sextum ejus libri, ita claudit: „ Sicut ergo duae sunt regenerationes, de quibus „ jam supra locutus sum, una secundum fidem, quae nunc „ fit per baptismum; alia secundum carnem, quae fiet in „ ejus incorruptione atque immortalitate per judicium magnum atque novissimum: ita sunt & resurrectiones duae, „ una prima, quae & nunc est, & animarum est, quae venire non permittit in mortem secundam; alia secunda, „ quae nunc non est, sed in fine saeculi futura est, nec animarum sed corporum est, quae per ultimum judicium „ alios mittet in secundam mortem, alios in eam vitam, „ quae non habet mortem.

E His fidelissimè pertractatis, caput septimum incipit sic: „ De his duabus resurrectionibus idem Johannes Evangelista in libro, qui dicitur Apocalypsis, eo modo locutus est; ut earum prima a quibusdam nostris non intellecta, „ insuper etiam in quasdam ridiculas fabulas verteretur. „ Ait quippe in libro memorato Johannes Apostolus: Et „ vidi Agnum descendentem de coelo, habentem clavem abyssi, & catenam in manu sua, & tenuit draconem illum serpentem antiquum, „ qui cognominatus est diabolus & satanas, & alligavit illum mille „ annis, & misit illum in abyssum; & clausit & signavit super eum, „ ut non seduceret jam gentes, donec finiantur mille anni: post haec „ oportet eum solvi brevi tempore. Et vidi sedes, & sedentes super „ eas, & judicium datum est. Et animae occisorum propter testimonium Jesu & propter verbum Dei, & si qui non adoraverunt bestiam, nec imaginem ejus, nec acceperunt inscriptionem in fronte „ aut in manu sua, & regnaverunt cum Jesu mille annis. Haec „ resurrectio prima est. Beatus & sanctus qui habet in hac prima resurrectione partem la istis secunda mors non habet potestatem; sed „ erunt sacerdotes Dei & Christi, & regnabunt cum eo mille annis. „ Qui propter haec hujus libri verba, primam resurrectionem futuram suspicati sunt corporalem, inter cetera „

„ ma-



„ maximè numero annorum mille permoti sunt, tamquam  
 „ oporteret in sanctis eo modo veluti tanti temporis fieri A  
 „ sabbatissimum, vacatione scilicet sanctâ post labores an-  
 „ norum sex millium ex quo creatus est homo, & magni  
 „ illius peccati merito in hujus mortalitatis aerumnas de-  
 „ paradisi felicitate dimissus est, ut quoniam scriptum est  
 „ *Unus dies apud Dominum sicut mille anni, & mille anni sicut*  
 „ *dies unus*, sex annorum millibus, tamquam sex diebus  
 „ impletis, sequatur veluti sabbati septimus in annis mille  
 „ postremis, ad hoc scilicet sabbatum celebrandum resur-  
 „ gentibus Sanctis. Quae opinio esset utcumque tolerabi-  
 „ lis, si aliquae deliciae spirituales in illo sabbato adfuturæ B  
 „ Sanctis per Domini praesentiam crederentur. Nam-  
 „ etiam nos (c) hoc opinati fuimus aliquando. Sed cum  
 „ eos, qui tunc resurrexerint, dicant immoderatissimis car-  
 „ nalibus epulis vacaturos, in quibus cibus sit tantum & po-  
 „ tus, ut non solum nullam modestiam teneant, sed modum  
 „ quoque ipsius incredulitatis excedant: nullo modo possunt  
 „ ista nisi a carnalibus credi. Hi autem, qui spirituales sunt,  
 „ istos ista credentes Chiliastras appellant Graeco vocabulo,  
 „ quos verbum e verbo exprimentes nos possumus Millia-  
 „ rios nuncupare. Eos autem longum est refellere ad sin-  
 „ gula &c.

Ad notam (c) Maurini addunt „ Sicut videre est in Ser- C  
 „ mone CCLIX., qui aliàs ex Sirmondianis fuit 19., de  
 „ quo infra fusè loquemur.

Eos autem qui taliter hunc textum interpretabantur, in  
 operibus huic sabbatismo tribuendis diversimodè opinatos  
 ostendit Sanctus Pater; inter eos scilicet dividens qui spirituales  
 delicias in illo sabbato affuturas putabant, quos inter & se  
 aliquando fuisse ingenuè fatetur; hancque opinionem ut-  
 cumque tolerabilem dicit; & illos qui immoderatissimis  
 corporalibus epulis vacaturos Sanctos dicebant, in quibus

**D** cibis sit tantum & potus; quae subdit nonnisi a carnalibus credi posse, ideoque veluti errorem damnat omnino.

Num autem hos cum Cerinthianis confundat quos etiam Chiliaſtas nominat, ambiguum videri poteſt; quia libro de Haereſibus numero VIII, ubi de Cerintho loquitur, non ſolum cibum & potum, ſed etiam libidines commemorat, de quibus hic nihil loquitur; quandoquidem illud, *ut non ſolum nullam modeſtiam teneant, ſed modum quoque ipſius incredulitatis excedant*, ad hanc etiam intelligentiam trahere nolumus. Quod ſi non eſt, ut videri item poteſt ex contextu; ex his carnalibus, duas ſectas diſtinguit, quarum una in cibo & potu immoderatiſſimo conſiſteret, altera etiam libidines adderet, & unam pejorem alterâ declarat, tum hic, tum in laudato de haereſibus libro; quibus item Chiliaſtarum nomen imponit.

**F** Chiliaſtarum autem nomine etiam illos comprehendere, qui quamvis mille annorum ſabbatiſimum in prima reſurrectione corporali futurum putarent; tamen Sanctos illud celebraturos in ſolis ſpiritualibus deliciis credebant; meliori jure ex Sancto Patre negatur. Tum quia hanc opinionem utcumque tolerabilem dicit, quod nimis donat Chiliaſtis haereticiſ; tum quia inter ſpirituales retinere videtur etiam iſtos; dum aliorum errores enumerans, quos carnales nuncupat, addit *Hi autem qui ſpirituales ſunt, iſtos iſta credentes Chiliaſtas appellant*. Neque enim de aliis ſpiritualibus ſupra locutus erat, ad quos illae voces referantur: ſed quomodo illae *iſtos iſta credentes* milliarios ſive Chiliaſtas reſpiciunt; ita illae, *hi autem qui ſpirituales ſunt*, non ad alios quam ad illos, qui ſpirituales delicias ſanctis in illo regno affuturas credebant, quoſque ſupra commemoraverat, jure videntur referri. Hinc autem arguere poſſumus, non omnes, qui mille illud annorum regnum poſt reſurrectionem computabant, Milenariorum ſive Chiliaſtarum nomine comprehendere; hos enim

enim expressè damnat Augustinus; aliorum verò opinionem utcumque tolerabilem dicit; ideoque sibi met ipsi, qui jam fatetur cum spiritalibus illis sensisse, Millenarii in hoc sensu abripit nomen. A

Hanc namque opinionem cum utcumque tolerabilem dicit jam Episcopus, ideoque dante ipso Tournely, omni errore in hac re purgatus; ipsam haereseos notam mereri jam negat; quamvis meliora sentire proprio exemplo etiam eos docendos innuat, qui utcumque tolerabilia sentiebant; proindeque ipsos a Chiliastarum numero segregat, quos cum verè haereticis computat libro de haeresibus n. 8. Hoc autem inde esse quia vel animosè & constanter, veluti certa ista non contendebant, sed uti peculiarem opinionem suam proponebant; vel quia hujusmodi sententia taliter interpretari poterat, ut contra fidem non esset. B

Primum ex definitione haeretici ab ipso Augustino prolata noscimus, (epist. 43. aliàs 162. n. 1.) ubi sic ait, „Dixit qui-  
 „ dem Apostolus Paulus; *Haeticum hominem post unam cor-*  
 „ *reptionem devota, sciens quia subversus est ejusmodi, & peccat,*  
 „ *& est a semetipso damnatus.* Sed qui sententiam suam, quam  
 „ vis falsam atque perversam, nulla pertinaci animositate,  
 „ defendunt, & praesertim quam non audaciâ praesumptio-  
 „ nis suae pepererunt, sed a seductis atque in errorem lapsis  
 „ parentibus acceperunt, quaerunt autem cautâ sollicitudi- C  
 „ ne veritatem, corrigi parati cum invenerint; nequaquam  
 „ sunt inter haereticos computandi a catholicis „ Ejusmodi  
 Sanctum Cyprianum fuisse cum baptizandos haereticos,  
 vel qui ab haereticis baptizati dicebantur, multo labore  
 defendebat, videre est in multis Augustini libris contra Do-  
 natistas.

Secundi verò exemplum in laudato libro de haeresibus pariter habemus, ubi n. 86. de Tertullianistarum erroribus loquens, sic ait „ „Tertullianus ergo, sicut scripta ejus indi-  
 „ cant,

- D" cant, animam dicit immortalem quidem, sed eam corpus esse contendit: neque hanc tantum, sed ipsum etiam Deum. Nec tamen hinc haereticus dicitur factus. Posset enim quoquo modo putari, ipsam naturam substantiamque divinam corpus vocare; non tale corpus, cujus partes aliae majores, aliae minores valeant vel debeant cogitari, qualia sunt omnia, quae propriè dicimus corpora; quamvis de anima tale aliquid sentiat; sed potuit, ut dixi, propterea putari corpus Deum dicere, quia non est inanitas, non est corporis vel animae qualitas, sed ubique totus, & per locorum spatia nulla partitus, in sua tamen natura atque substantia immutabiliter permanet. Non ergo ideo est Tertullianus factus haereticus.
- E"

Ex quibus discimus, eos etiam, qui eo modo de regno mille annorum sentiebant, quo modo Augustinus se aliquando opinatum fatetur, inter millenarios haereticos ab eo non fuisse computatos, vel quia pertinacia deesset opinionis; vel quia haec eadem sententia taliter explicari ab iis posset, ut fidei non adversaretur. Hoc autem praesupponit, ut in fidelissimè recepto & semper praedicato principio non dissentirent, quo animae per gratiam Dei in hac vita justificatae, ad contemplationem veritatis & intuitivam Dei visionem statim a morte elevari credebantur. Hoc enim ab illo primitus recitato textu Evangelistae Johannis docetur, & a mille aliis praeclarissimis Scripturarum sententiis, quae nullo modo ad finalem corporum resurrectionem possunt aptari. Qua fide positâ, cetera jam a non bene intellecto textu Apocalypsis provenientia, aliquatenus sanari poterant; & utcumque tolerabilia fieri.

F"

Re enim bene perpensâ, animae, quae jam Deo plenae beatitudine fruebantur, hanc felicitatem nequaquam deperdent, quamvis a coelis in terram ad animanda primaeval corpora evocentur; quod exemplo Angelorum Custodum pro-

probatur; qui quamvis nobiscum in terris & non in coelo sint; attamen nihil inde deperit essentiali eorum beatitati. A  
Ideo si resurgentibus corporibus, Sancti in terris per mille etiam annos permanere debuissent, Domino praesente, hoc eorum intrinsecam beatitatem non tollit: extrinsecam autem de mente Augustini illae spirituales deliciae formarent, quas in eo regno affuturas tunc opinabatur. Et certè in immortalis & nulli vitio vel indigentiae subiecto corpore spes certissima firmaretur de carnis resurrectione: deinde animae per corporis consortium nullo modo ab intellectuali & intrinseca gloria retardarentur, quia non cum corpore redit difficultas ex corpore: demum extrinsecè etiam & carnalibus oculis Christi gloriosam humanitatem contemplarentur totamque Ecclesiam Sanctorum; unde nihil quod amplius vel expeterent, vel sperarent ex loci mutatione occurrit. B  
Quicumque demum ille sit, ad quem post mille annorum emensum spatium adducerentur; aliquid inde fortasse accidentali gloriae addendum suspicari poterant, essentiali autem nihil; ibi enim Paradisus totius hominis verè est, ubi & animae a Trinitate intus illuminantur, eamque vident, sicuti Unigenitus revelare dignatur; & corpora clarificata. Dominum Jesum Christum Regem & Caput nostrum in sua gloriosa humanitate etiam exterius, corporalibus scilicet C  
oculis, contuentur.

Qua posita interpretatione, quam illorum opinio optimè suscipit, unum corrigendum remanet, quod nimirum fortasse opinarentur, post illud mille annorum spatium melius aliquid futurum Sanctis ex loci mutatione, a terris scilicet in coelum ascensuris. Quod sicuti explicari vel demonstrari non potest iis, qui ea crederent de quibus supra; ideo utcumque tolerabilem hanc opinionem dicit Augustinus, quia suppositum Christi regnum in terris definito tempore, etiam iis non doceantibus, ansam suppeditat suspicandi, melius aliquid

- D** aliquid post hoc consecuturos Sanctos, unde eos in incompleta beatitudine recognoscerent infirmiores plurimi; cū tamen fidelissimè retinendum sit in corporum resurrectione gloriosâ hominem perfici, quia tunc utriusque naturae, ex quibus constat sanitas perfectissima definitur. Sed fortasse ii mille annorum regni assertores, nihil inde ex mutatione loci Sanctorum animas consecuturas sentiebant: quia verò hoc supposito huiusmodi Christi regnum in terris tanto tempore superfluum erat, illud autem defendere, offensionem parabat parvulis pluribus & fidei lacte nutriendis; ideo eam sententiam utcumque tolerabilem dicit etiam
- E** Episcopus, eam ipsam significans emendandam, nè quod tolerabiliter sentientibus non oberat, infirmis obesset. Sed rursus mille istud annorum regnum opinantes, huiusmodi superfluitatem tollere arbitrabantur, duas corporum resurrectiones putantes futuras ex malè intellecto supracitato textu Apocalypsis, primam nimirum Sanctis peculiarem, alteram post annos mille regni Sanctorum in terris, impiis & peccatoribus debitam, ut infra videbimus, post quam ultimum de iisdem iudicium fieret, sedentibus in iudicio Sanctis. Verum quia inde etiam nihil aedificationi fidelium aptum, sed fabulis confingendis, & inutilibus quaestionibus
- F** proponendis opportunum consurgebat; & hae duplici corporali resurrectione, Evangelii textibus, veluti ex Sanctorum librorum auctoritate, bellum inferebatur; sapienter hanc ipsam opinionem notat Sanctus Pater, de eâque ait *Eos autem longum est refellere ad singula.*

Non inde tamen Chiliastrae appellari merebantur; tam enim longè erat, ut isti inter haereticos annumerandi viderentur, ut neque multo pejora sentientes huiusmodi notâ inurerentur. In quo Divum Hieronymum audire praestat., „ Quamquam, ait, Judaei auream atque gemmatam Jerusalem restituendam putent, rursusque victimas & sacrificia,

„ &

„ & conjugia Sanctorum, & regnum in terris Domini Sal-  
 „ vatoris: quae licet non sequamur, tamen damnare non A  
 „ possumus; quia multi Ecclesiasticorum virorum & Mar-  
 „ tyres ista dixerunt, ut unusquisque in suo sensu abundet,  
 „ & Domini cuncta iudicio reserventur. (serm. 19.) Hinc  
 quae tunc inculpatè nesciri, & non pertinaciter sustineri,  
 sed diligentius inquiri possent cognoscimus; in quorum-  
 tamen comparatione multò melius & Divum Augustinum,  
 & eos, qui juxta ejus limitationem mille annorum regnum  
 opinabantur, sensisse, palam est.

Sed nunquid èt illud haud damnandum Hieronymo vi-  
 deretur, & veluti eruditionis causam non excedens, si Ju-  
 stis separatis animabus Dei visio & consortium, quantum B  
 animae licet a corpore sejunctae, statim a morte ejusdem  
 corporis, immò usque ad carnis resurrectionem denegaretur?  
 Audiamus illum iterum contra Vigilantium disputan-  
 tem, ejusque audaciam contudentem, quia Apostolos sub  
 custodia detineri usque ad iudicii diem dixerat; Dei qui-  
 dem visione & consortio orbatos; sed tamen in refrigerio  
 & in aliqua felicitate & pace, quia, ut praenotatum est,  
 ipsos in fortunatorum insulis & campis Elysiis recludebat.  
 „ Tu, inquit Hieronymus, Apostolis vincula injicies, ut  
 „ usque ad iudicii diem teneantur custodiâ, nec sint cum C  
 „ Domino suo, de quibus scriptum est *Sequuntur Agnum quo-*  
 „ *cumque ieris?*

Dilatio ergo beatitatis Sanctarum animarum usque ad  
 resurrectionem carnis veram efformat Millenariorum no-  
 tam, qua inuri non hi aequè merentur, qui creditâ beatitate  
 essentiali Sanctorum usque in finem saeculi, de eo postea  
 disputabant, ubi primùm post resurrectionem consisterent  
 Sancti, & num ubi primùm, ibi semper; deinde quid in  
 terris, hoc regno annorum mille durante, essent acturi.  
 Quos inter cum & aliqui inveniantur, qui spiritalis jam  
 intel-

**D** intellectae & creditae beatitatis dignitate ducti, spirituales delicias sanctis tribuerent etiam in beato corpore; porro ab iis segregandi sunt, qui vel cibi & potus immoderatissimi, vel etiam, quod deterius longè est, libidinis voluptates in eo regno somniabant; illi enim cum istis in solo numero annorum mille huic regno terreno tribuendo conveniebant.

Quaero igitur a quocumque qui per illa verba cap. 7. lib. 20. de Civit. Dei, culpam millenariorum Augustino tribuit, num ex iisdem illud eruere valeat, quòd vel ille, vel alii, quibuscum ille de regno Christi terreno aliquando senserat animarum etiam sanctarum beatitatem denegaverint usque  
**E** ad carnis resurrectionem? Quod cum ostendi non possit, immo contrarium consequatur ex iudicio de huiusmodi opinione prolato a Sancto Patre jam Episcopo extremis vitae suae annis, eam utcumque tolerabilem dicente: immerito Augustinus inde inter millenarios computatur cum ex iis, quae diximus pateat, cum talia sentientes inter Chiliastras non numerasse; nec eodem nomine tam diversa opinantes ab Augustino Episcopo appellatos putari fas sit.

Sive igitur textus explicationem attendamus, Sancti Patris intentionem ex iis verbis attentius eruentes; sive ejusdem de ea opinione iudicium; sive demum quòd neque violenter erui inde possit, beatitatem Sanctis separatis animabus interim denegatam: semper inconsultam & nimis promptam noscemus millenarii regni notam Augustino ex hoc ejus loco non satis perpenso inustam.



## CAPUT TERTIUM.

31

A

*Vera eorum, qui mille annorum regnum expectabant diviso ex  
textu Augustini resultans: & quod ii, qui secum opinaban-  
tur tolerabiliter senserint; commodior demum Millenni-  
riorum in genere diviso.*

Quae in praecedenti capite notavimus quasi circa pos-  
sibilem mille annorum regnum propugnantium sen-  
tentiam, quos Augustinus tolerabiliter esse opina-  
tos dicit, me quidem sollicitant ad hanc materiam penitus  
examinandam, ne quisquam opinaretur studio illius partis  
defendendae, me aliquid ad opportunitatem confinxisse; B  
quoniam Sancti Patris verba aliquatenus in hoc obscura  
possunt videri, iis praecipue qui ex eodem loco communio-  
nem opinionis Papiae Sancto Patri affingunt. Dico igitur  
unum ex nostris certè, & plures fortasse alios ejus sententiae  
fuisse, duas corporum resurrectiones futuras; primam San-  
ctorum, iniquorum alteram; atque inter utramque spa-  
tium annorum mille intercessurum, quo interim Sancti in  
terris cum Christo regnarent. Haec a Gennadio habemus  
libro de Ecclesiasticis dogmatibus cap. 25., aliàs Augustino  
tributo, & nunc in appendicem T. 8. rejeeto; ubi sic ait., C  
„ In divinis repromissionibus nihil terrenum vel transito-  
rium expectemus, sicuti Melethiani sperant. Non nu-  
ptiarum copulam, sicut Cerinthus, & Marcion delirant.  
„ Non quod ad cibum vel potum pertinet, sicut Papià  
„ auctore, Irenaeus, Tertullianus & Lactantius adque-  
„ scunt. Neque per mille annos post resurrectionem re-  
„ gnum Christi in terra futurum; & sanctos cum illo in  
„ deliciis regnatos speremus, sicut Nepos docuit, primam  
„ Justorum resurrectionem, & secundam impiorum: &  
„ inter has duas mortuorum resurrectiones, gentes igno-  
„ rantes.

- D „ rantes Deum in angulis terrarum in carne reservandas:  
 „ quae post mille annos regni in terra Justorum, instigante  
 „ diabolo, movendae sint ad pugnam contra Justos regnan-  
 „ tes; & Domino pro Justis pugnante, imbre igneo compe-  
 „ scendas: atque ita mortuas, cum ceteris in impietate an-  
 „ te mortuis ad aeterna supplicia in incorruptibili carne  
 „ resuscitandas.

Hanc duarum resurrectionum sententiam notare Sanctum Patrem in loco l. 20. c. 7. de Civit. Dei, quamvis & suam aliquando fuisse ibidem fateatur, ejus verba produunt; ait enim,

- E „ cap. 20. Apocalypsis) primam resurrectionem suspicari  
 „ sunt corporalem, inter cetera maximè numero annorum  
 „ mille permoti sunt; tamquam oporteret in Sanctis eo  
 „ modo veluti tanti temporis fieri sabbatissimum, vacatione  
 „ scilicet sancta post labores annorum sex millium ... ut  
 „ quoniam scriptum est *Unus dies apud Dominum sicut mille*  
 „ *anni, & mille anni sicut dies unus*, sex annorum millibus,  
 „ tamquam sex diebus impletis, sequatur veluti sabbati se-  
 „ ptimus in annis mille postremis, ad hoc scilicet sabbatum  
 „ celebrandum resurgentibus Sanctis. „ Palam est huic  
 „ corporali resurrectioni solis Sanctis peculiari intendisse.  
 F Augustinum, nihil enim de impiorum resurrectione com-  
 memorat, quod tamen necessarium erat, si illud terrenum  
 Christi regnum post generalem corporum resurrectionem  
 esset opinatus, ut Tournely ex eodem textu veluti nimis  
 certum de ipso affirmare posse sentit.

Quomodo igitur illos ita sentientes tolerabiliter opinatos esse declarat Augustinus, investigando; dicendum videtur, quòd superfluitatem ejusdem regni in terris aliquatenus salvarent, & nihil contra praeclaram fidem proponerent. Revera resurgentibus Sanctis, & per mille annos cum Christo in terris regnantibus, aliqua ratione eos hic demo-

stratos

ratos invenimus in illorum sententia, qui duas resurrectiones expectabant. Huic siquidem spatio transacto, impiorum resurrectio succedebat, ipsorumque post eam iudicium. Et quoniam Sanctos fideliter credimus in iudicio sessuros ad impios iudicandos, commodius id fieri arbitrabantur, si Iudicium resurrectio praeccederet, iudicandorum subsequeretur. Quibus demum in incorruptibili etiam corpore ante conspectum Christi Iudicis, totiusque Ecclesiae Sanctorum constitutis, & juxta propria merita iudicatis, in ignem Diabolo & angelis ejus paratum detrudentur; Sancti e contra in regnum Coelorum ipsis a constitutione mundi paratum, recipientur.

Hinc autem sicuti nec resurrectio generalis negatur, nec quod Justis promissum, & impiis minitatum est excluditur, & sola quaestio de tempore proponitur, cui favere textum Apocalypsis putabant: ideo opinionem hanc utcumque tolerabilem dicit Sanctus Pater. Quia verò addit. *Eos autem longum est refellere ad singula*, illud item innuit, plura ex scripturis huic intelligentiae textus Apocalypsis & aliorum quae in suae opinionis praesidium fortasse adducerent, inveniri contraria; ut omnibus maturè propositis atque perpensis, duplex corporum resurrectio, atque ita regnum in terris, veluti supervacaneum excluderetur. Quod autem fabulosum huic opinioni interferebant, satis improbat Augustinus, initio illius capitis dicens, ab aliquibus ex nostris in quasdam ridiculas fabulas hanc primam resurrectionem veram fuisse. Fabulam revera redolet quidquid Nepos de statu gentium Deum ignorantium usque ad secundam resurrectionem refert: magis etiam illarum contra Justos bellum. Verum, ut dictum est, haec omnia tarditatem quidem ingenii in suis auctoribus culpant, non item fidei defectum; atque idcirco utcumque tolerabiliter eos sensisse Augustinus dixit; seque cum illis opinatum esse ingenuè fatetur; non jam

C

quan-

*D* quantum ad fabulas huic opinioni invecetas, sed quantum ad discretionem resurrectionum, atque hisce positis, quantum ad regnum spiritale Sanctorum in terris attinet per mille annos.

Quia autem non fabulosi tantum, sed item intemperantes hujus regni assertores inveniebantur; aliquibus scilicet delicias Sanctorum in ea mansione constituentibus in cibo. & potu immoderatissimo; primos ridendos, secundos verò damnandos definit. Aliud enim est ea Sanctis dare, quae ordinis perturbationem important; quae si in hac carne viventibus non licent, immo ea sequentes Sanctorum gloriam consequi injustè diceremus; multò minus ista nunc prohibita, tunc Sanctis licita asserere fas est: aliud item & longe diversum Sanctis in eo regno delicias spirituales tribuere, quamvis in fine ejusdem regni aliquid futurum supponatur, quod fabulam refoleat. Quamobrem adduci non possum ut credam intemperantes illos ea verba Augustini respicere *a quibusdam nostris*, quae in initio ejusdem capituli leguntur; cum ex nostris ii haberi non possint, qui intemperantiam hic a lege damnatam, & propter quam a Dei & Sanctorum societate sejungimur, illic instar deliciarum in Sanctis agnoscant. Ex nostris verò illos fuisse declarat Augustinus, qui, quamvis fabulosum aliquid finis hujus regni interficerent, nihil tamen Dei servis indignum in ea mansione somniabant, vacationem scilicet sanctam promittentes.

*F* Si igitur verba illa Augustini *a quibusdam nostris* Nepoti & ejus afflicis convenire censeamus, sicuti cetera, *in quasdam ridiculas fabulas*, illos notare videntur; mirum si Augustinus Nepotem veluti ex nostris haberet, seque cum illo tolerabiliter errasse dixisset; dum praeter haec, quae salva fide poterant ignorari, in eo etiam errasset, quo visio Dei usque ad carnis resurrectionem Sanctis denegasset. Profecto hujus etiam erroris indicium in Gennadii verbis invenire non pos-

possumus, immò diligenter perpensa contrarium aliquid innuunt; sicuti nec ejusdem notam in verbis Augustini reperimus; qui e contra hanc opinionem utcumque tolerabilem dicens jam Episcopus, hoc etiam de Nepote & de se item denegat, quod scilicet in constantissima fide devia-<sup>A</sup>ret visionis Dei statim a morte Sanctorum spiritibus conlatae. Qui enim etiam istud opinabatur, numquam veluti ex nostris haberi poterat, quoniam si ex nostris fuerit, jam per hanc fidei deformitatem a nobis recessit, & ex nostris amplius non est.

Non enim tunc de duplici corporali resurrectione ex male intellecto textu Apocalypsis quaestio fuisset apud Nepotem & suos; sed illam animarum denegasset, quae hinc fit per Dei gratiam ab infidelitate & iniquitate, quae tamen, quandoquidem ab illo Apocalypsis textu insinuata non crederetur, adeo frequens in Scripturis Dei praedicatur, ut nonnisi a perditio possit impugnari. Nepotem autem Episcopum in Sanctae Matris Ecclesiae communione manentem tamdiu desipuisset numquam credam. Hinc enim totius fidei fundamenta destruuntur; hinc spei inanitas & Sacramentorum, hinc poenitentiae vanitas, & quidquid impium & insolens excogitari umquam possit, in hoc uno verbo instauratur, quod animae in hac carne natae, in eadem non re-<sup>B</sup>viviscant. Cujus resurrectionis cum fidelissimus effectus ille sit, ut semel in gratiam admissae, Dei participatione capaces evadant, & sint, ab eaque non decidunt nisi voluntaria degeneratione peccantes; consequitur, ut in hac gratia mundo decedentes, ad apertam revelationem creditae & concupitae veritatis absque mora admittantur; quia nihil est, aut ex parte Dei, aut ex parte hominis, quod in Justis plenè purgatis, visionem Dei claram & intuitivam possit retardare, ut optimè notat Doctor Sorbonicus. Quae si Nepos fideliter credebat, in ceteris tolerabiliter errabat; ve-<sup>C</sup>niam.

**D** namque facilius merebatur, quia verba Apostoli Johannis in Apocalypsi valdè obscura sunt, ut quisque dignoscet, qui totum Augustini librum 20. de Civit. Dei attentè percurreret.

Non adeò tamen indulgens Sanctus Pater fuisset, si illorum opinionem notasset, quos Tournely antiquitus opinatos esse commemorat hujusmodi Christi in terris regnum cum Sanctis suis post corporum generalem resurrectionem futurum; etiam excepto errore retardatae interim visionis Dei Justis defunctis. Nam si illorum quoque opinio ex malè intellecto **E** textu Apocalypsis proveniebat, docere debebant quando fieret secunda, si prima corporum resurrectio generalis haberetur. Cui instantiae cum responderi sapienter non possit sensum dicti textus aliquatenus retinendo, indirecta & errore praegnantia, & omninò damnanda commenta jure expectaremus; quae non alià confutatione indigerent, quàm eorundem commemoratione.

Hac igitur positâ Gennadii doctrinâ ex diligentiori examine verborum Augustini confirmatâ, commodiorem Millenariorum (si ita omnes nominare libèret) divisionem nobis dedisset Tournely: eos inter, qui mille annorum regnum ante generalem corporum resurrectionem putabant, & illos **F** qui idem regnum post generalem corporum resurrectionem expectabant, quibus perperam Doctor Sorbonicus Nepotem annumerat, ut ex Gennadii auctoritate jam constet. Multum enim, ut vidimus inter hos interest; quos postremos nec Augustinus nominat; nisi ad hanc etiam sectam indicandam inservire velimus, quod de Cerinthianis & Merinthianis scripsit libro de haeresibus n. 8. qui porrò si etiam istud putassent, nihil esset mirandum, quandoquidem nec Christum resurrexisse dictitabant; & huic Sanctorum regno, ventris & earum quae infra ventrem sunt partium voluptates promittebant. Quorum sicuti stultitia cele-

celebris, & impuritas & intemperantia patens erat, nonnisi stulta & impura vel sentire, vel expectare vel proponere valebant. A

Inter eos verò qui terrenum regnum arbitrabantur ante generalem resurrectionem, solis in primâ resurgentibus Sanctis, adhuc dividere opus erat, ex qualitate deliciarum Sanctis in eodem assignatarum. Qui enim solas spirituales delicias & vacationem sanctam in eo sabbato affuturas putabant, teste Augustino, tolerabiliter sentiebant; non item illi, qui vel licitas, sed tamen omninò corporales voluptates expectabant; *non est enim regnum Dei esca aut potus*, ut ait Apostolus. (Rom. 14. 17.)

In quorum numero si aliquos certo fundamento invenisset Tournely, qui Sanctorum spiritibus usque ad hanc particularem resurrectionem Dei conspectum denegassent; adhuc dividere necessarium erat hos inter, & illos, qui vel hanc non denegabant (ex quibus probatum jam supra est Nepotem fuisse & Augustinum) & eos item, qui Martyrum animas a communi Sanctorum lege excipiebant, ut Tertullianus. B

Aliam item classẽ efficerent illi, qui justos cum impiis in eodem receptaculo usque ad resurrectionem recludebant, quos inter Sanctum Justinum & Irenaeum numerat Doctor Sorbonicus; de quo quidem nihil affirmo, immò apud illum totam hujus facti veritatem relinquo. Illud tamen haud perperam repetendum diligentioribus credo, quod nimirum tanti nominis tantæque pietatis viri nimis despuissent, si animæ resurrectionem in hac vita credentes, justis spiritibus nullæ culpæ obnoxiiis hinc decedentibus, Dei participationem arriperent; cujus dulcedinis primitiis (quantum animæ huic corpori conjunctæ licet) in hac etiam vita eos frui inficiari non possent; cui opinioni & ex scripturis documenta, & sui ipsorum experientia, & aliorum suæ aetatis C 3

**D** tis Sanctorum exempla non pauca adversari, non adhaerere haud poterant.

Postremam illi occuparent, qui Millenariis non in terreno regno, aut in duplici resurrectione corporum stabilienda consenserant, sed quorundam errori communicaverant, qui iustis usque ad generalem carnis resurrectionem Dei vulum denegabant, ut Vigilantius, Armeni & Graeci, recentius Lutherus & Calvinus, recentissimè Burnetus Britannus.

**E** Hac vel etiam meliori & latiori divisione propositâ, non illud effudisset Tournely, quod dixit, „ Quis porro foret locus ille, & ubi positus, in quo scilicet morabantur Sanctorum animae, donec evolutis mille annis, in coelum „ conspectu Dei fruiturae introducerentur, non satis apud „ Veteres illos compertum erat: communi vocabulo sinum „ Abrahæ vocabant, aut locum refrigerii & pacis, „ Neque enim hunc locum refrigerii & pacis assignare poterant animabus Sanctorum antiqui illi, qui iustas cum impiis in eodem receptaculo detineri existimabant; nisi & illud suis erroribus adderent, quòd etiam impii hac felicitate fruerentur usque ad carnis resurrectionem. Neque illi certè animas interim Dei visione privabant, qui eas in sinu Abrahæ, ministrantibus Angelis condebant; nam isti vel nunquam, ut Augustinus, vel certè post Christi descensum in inferos, sinum illum tantâ felicitate haud carentem agnoscebant, ut in subsequenter patebit.

**F** Ita pariter evitasset alicujus fortè momenti oppositionem, quae ex suismet verbis consurgit. Videtur enim quod ipse crederet eos, qui regnum illud expectabant ante resurrectionem carnis, intellexisse mille annos effluxuros antequam una & generalis resurrectio fieret. Sed cum interim Sanctos vel cum impiis recluderent, vel saltem Dei conspectu orbarent, ut pariter vult; ipse videat quomodo spatium  
tanti



tanti temporis in hac privatione transigendum, Sanctorum regnum appeller. Et illi enim qui in hoc deteriora senserunt, ideo tamen tanti temporis spatium regnum appellant, quia Domino praesente delicias Sanctis affuturas, expertis in hac vita multò meliores, atque indeficientes in eo putabant, unde in bonum nomen regni sonabat, nec Dei vilionem excluderat. In malum verò iis sonabat, qui tanti temporis spatium sanctis definiebant, usquedum ad Domini conspectum evocarentur; illud enim consequeretur, quod sicuti tunc primum per Domini praesentiam deliciis affluerent, sic antea & usque ad illud nonnisi miseriis circumdarentur.

Vidi apud Hebraeos eam opinionem invaluisse, quam refert Doctor Paulus Medici in libro, cui titulus „*Costumi degli Ebrei*, ubi cap. 32. [pag. 283. Editionis Venetae, haec habet „ Si prova ancora che il Messia è già venuto coll'autorità degli stessi rabbini, nel Talmud Trattato Sanhedrin cap. Chalec, e nel Trattato Havodazà cap. Liphné „ Edeèn, tali parole si leggono. *E' tradizione dell' Accademia d' Elia* (non parlano di Elia profeta, ma d' un altro Elia „ Rabbino famoso, il quale visse molti anni prima della venuta del Salvatore, e per quanto apparisce, era uomo „ giusto, ed aspettava la salute, e la redenzion d' Israel) „ *sei mila anni dura il Mondo, due mila de' quali furono senza legge, due mila il tempo della legge, e due mila il tempo del Messia*. Hoc autem Messiae tempus quod regnum ejusdem vocant Hebraei, scimus hos ipsum felicissimum futurum sperare, & quo viribus & virtutibus Christi a captivitate liberarentur, & omnimodà terrenà glorià decorarentur. Atque inde praecipuè fuit, quod adventum ejus carnales plurimi spernerent, dum adeo a male expectato diversum conspexerunt. Et Hebraeis igitur regni nomen in bonum sonat, neque hic tantum, sed & post animae a suo

D corpore separationem . Idem enim Doctor Medici aliàs haec habet. c. 31. p. 245. „ Terminati i dodici mesi dopo „ la morte di un qualche Ebreo, credendo essi che le anime „ degli empj non patiscano nell' Inferno che questo spazio „ di tempo, tengono per cosa certa, che vadano in Para- „ diso, da essi Ganheden addimandato . Non repugnano i „ rabbini a confessare, che la beatitudine consista nella „ bella visione di Dio. Ben è vero però che ci mescolano „ tante favole, da essi per altro credute per vere, che ap- „ pena possono riferirsi &c.

Haec confirmat Bernardus Lamy , Commentario in „ harmoniam sive concordiam Evangeliorum l. 4. cap. 16. „ Persequens enim litteraliter quae Lucae cap. 16. habemus de Lazaro & divite, ad verba *Factum est autem ut moreretur mendicus* , ait : „ Festinat Christus ad id quod intendebat , „ demonstrare meliorem fuisse sortem Lazari quàm divi- „ tis, *Et portaretur ab Angelis in sinum Abrahae*. Loquitur Do- „ minus juxta opinionem Judaeorum, qui putabant quem- „ que statim ac mortuus esset ab Angelis excipi , ad poenam „ si reus esset, ut videre est apud Eliam Levitam in Thif- „ bi, in voce *Chibus*. Rabbi Eliezer interrogatus a discipulis „ de illa re, respondit eis, inquit Elias. *Postquam separatus* „ *est homo ab hoc saeculo, venit angelus mortis, & sedet super* „ *sepulcrum ejus &c.* Pios verò credunt Judaei portari in „ Abrahæ sinum. Apud illos sinus Abrahæ formula lo- „ quendi est usitata, qua notant felicem statum defuncto- „ rum. Sic dicunt in Thalmude *Hodie in sinu est Abrahæ pro* „ *mortuus est*, ac feliciter quiescit in loco beato, quem & „ appellant Edem, idest voluptatis locum, ubi pii expecta- „ rent resurrectionem. Hos inter primam sedem tenere „ Abraham merito credebatur. Sinus igitur Abrahæ est „ praecipua in hoc loco dignitas, sive locus secundus. Phra- „ sis sumpta est a puerulis, qui parentibus sunt charissimi, „ quos

„ quos illi in sinu sive gremio fovent, vel a vetusto more  
„ accumbentium mentis, in quibus secundus recumbebat A  
„ in sinu primi accumbentis, ut deferri in sinum Abrahæ  
„ sit admitti ad discubiturum cum Abraham & Isaac.

Quamobrem mille annorum regni ante resurrectionem  
assertores, si illud taliter expectabant, ut interim animæ  
suo exuræ corpore Dei conspectu orbarentur, profectò  
deterius quam fabulatores & perfidi Hebraei sensissent; &  
micà deformitate regni nomen huic infelicissimo temporis  
intervallo accommodassent; quod item nulla probabili ra-  
tione accommodat Tournely iis Veteribus, quibus adeo  
monstruosas repugnantesque sententias insedisse declarat, B  
Vigilantio excepto, qui tamen, sicuti etiam sui imitatores,  
hujusmodi temporis intervallo Regni sanctorum nomen  
non imponit.

Quid igitur de Millenariorum divisione imposterum  
sentiendum sit, lectores videant; cum mihi interim satis  
sit detexisse, Divum Augustinum non post generalem resur-  
rectionem, sed ante ipsam regnum mille annorum intellexisse  
in iis verbis; & rursus rationes ob quas tolerabilis  
hujusmodi opinio Sancto Patri etiam Episcopo non impru-  
denter videri poterat. Siquid autem inde non supervaca-  
neum dixi, eos juvet exopto, qui meo exemplo (si tanti esse C  
possit) adducti, defensionem aliorum scriptorum primis  
Ecclesiae saeculis viventium fusciperent ab hac nota, quæ  
aliquorum jam veneratam Sanctitatem aliquo modo detur-  
pat. Pudendum enim piis & doctis credo si repromissio-  
nem visionis Dei sanctis animabus differant, dum ad hanc  
unam mercedem per hujus vitæ aerumnas & tentationes  
contenderunt; tum quia tota Scriptura hanc firmissimè  
praedicat; tum quia hac spe Sancti omnes vixerunt, in eî-  
demque mundo libentiùs decesserunt; tum demùm quia  
primis Ecclesiae saeculis ultra Apostolos & Evangelistas,  
illustris

**D** illustrissimum hujus veritatis praeconem providit Deus, gloriosum scilicet Martyrem Caecilium Cyprianum Carthaginensem Episcopum, qui non minus sanguine quam scriptis Christi illustravit Ecclesiam. Cujus praeclaros labores Augustinum ignorasse, eosque curiositate saltem elocutionis pensandae adhuc laicum non legisse, cum toties Carthagine fuerit, non facile adducor ut credam. Probabilius verò aliunde mihi sit, tanti viri lucubrationibus veluti dulci pabulo se catholicum nutriendum curasse; in quibus cum inter cetera merces Sanctis animabus promissa statim post mortem eluceat, mirum si tanto lumine praeveniente, Augustinus in tam deformem deciderit caecitatem. Hoc & de aliis Orientalibus, ad quos Africanae Ecclesiae, & ejusdem Praefulum celebris fama pervenire poterat, pronuntiandum existimo; vel saltem cum hac prudenti cautione eorundem scripta legenda, ut quidquid obscurum de hac re in ipsis invenitur, duplicem resurrectionem corporum, non animae mercedem retardatam respicere arbitremur; & fortasse cum hac praeconcepta diligentia legentes, multa sanabimus, quae veluti perditè infecta nunc absque curatione deseruntur.



CAPUT

## CAPUT QUARTUM

43

*Docet Augustinum Papiae sectatorem non fuisse contra definitio-  
nem Tournely; nec item Tertulliani. Demum quidquid  
in opinando terreno mille annorum regno erraverit,  
Augustinus, non substantiae rei, sed numero  
annorum tribuendum esse.*

Vidimus supra inter sectatores Papiae Divum Augu-  
stinum censerī, fundamento desumpto ab ejus ver-  
bis in libro 20. de Civitate Dei. Cū autem ex eorundem  
seria consideratione jam pateat, non inde probari negatio-  
nem beatitatis Sanctorum animabus conlatae ante judicii  
diem; quaero num haec culpa, quae ex confessione Sancti  
Patris non emergit, eidem communicare velit Tournely  
dicendo quod Papiae sectator Augustinus fuerit: quando-  
quidem Papiam & Augustinum & Vigilantium & Cal-  
vinum & Lutherum sub eādem millenariorum nomencla-  
tura includit, & omnium istorum opiniones a Conciliis  
Lugdunensi II., Florentino & Tridentino damnatos docet.  
Hanc autem fuisse mentem Doctoris Sorbonici nimis aper-  
tum est, cū non nomine tantū, verū etiam sententiā  
Papiam & Augustinum cum jam dictis haereticis confun-  
dat, immō & peiores definiat. Postquam enim errores  
Papiae commemoravit, quos & Augustino communicat,  
addit., Eundem cum Millenariis, circa dilatam visionem  
„ Dei, errorem propugnavit Vigilantius.... Eandem sen-  
„ tentiam Guido in summa de Haereticis, Armenis tribuit:  
„ in qua etiam versatos esse Graecos patet ex Concil. Flo-  
„ rent. sess. 1..... In eundem errorem abiire Lutherus  
„ & Calvinus. „ Cumque Vigilantium, Armenos, Grae-  
cos, Lutherum, Calvinum pateat visionem Dei Sanctis de-  
negasse usque ad resurrectionem; si isti in eundem errorem  
citra

D circa visionem Dei abiere, cui prius adhaeserat Papias; & quod Papias senserat Augustino placuerat; jam Papias & Augustinus pejora sensere quàm supra recensiti damnabiles haeretici. Isti enim in neganda Sanctis visione Dei usque ad carnis resurrectionem contenti, non etiam illud terrenum Christi interris regnum per mille annos somnari sunt, quod Papias & Augustinus expectandum docuisse supponitur; unde istis mitius desipuissent Lutherus & Calvinus cum aliis. Non ergo Vigilantius cum ceteris in eundem errorem abiere, in quem Papias & Augustinus, sed in aliquantò miriorem; & sicut ipsis Millenariorum nota obvenit ex uno capite, denegatae scilicet visionis Dei Sanctis usque ad carnis resurrectionem: ita Papias & Augustino ex duplici debetur; & ex hac nimirum visione denegata, & ex mille annorum regno somniato post resurrectionem futuro.

Quia autem, pudendâ Cerinthi opinione indicatâ, & illud dicit Tournely, aliud Millenariorum genus fuisse non ita crassum turpe ac impurum, auctore ac duce Papiâ Hieropolitano; differentia inter Papiam & Cerinthum ea erit, quod hic carnales illicitas voluptates in eo regno posuerit, Papias autem corporeas quidem sed tantum licitas. Rursus quia dixit non solum Papiam in hoc ab impuris millenariis discelsisse, sed item ab iis se sequestrasse qui mille annorum regnum ante resurrectionem futurum dicebant; ipse enim istud post generalem resurrectionem volebat; peto quid haec discretio Papiam juvaret? Nam si illi, qui regnum ante resurrectionem putabant, ea sentiebant, quae Vigilantius Lutherus & Calvinus, sanctos nimirum usque ad resurrectionem corporum visione Dei orbatos; etiam istum errorem jam tribuerat Tournely Papias; & sic Papias mille insuper annorum regnum post generalem resurrectionem docentis, non culpam minuit, sed auget, errorem errori cumu-

cumulando. Quod si Papias hanc privationem visionis Dei Sanctis separatis animabus usque ad extremi iudicii diem. A  
non docebat; quomodo in ejus errorem circa visionem Dei abiere Vigilantius & alii, qui certè alterum de terreno regno post resurrectionem imitari noluerunt?

Num haec justè Papiæ tribuerit Tournely, quem tamen fama & pietate celebrem fuisse fatetur, ipse videat. Num autem, his positis, quae ex suis verbis emergunt, rectè Augustinum inter sectatores Papiæ numeraverit, videamus nunc. Totum fundamentum opinionis Papiæ Augustino tribuendae ex verbis libri 20. de Civitate Dei petitur; cùmque ex illis neque violenter inferri possit Divum. B

Augustinum visionem Dei Sanctis usque ad carnis resurrectionem denegasse; immò contrarium inferri debeat ex iudicio a Sancto Patre de ea opinione prolato, quam ibidem utcumque tolerabilem dixit; restat igitur quod Augustinus Papiæ sectator in hoc non fuerit, quandoquidem hoc etiam Papiam sensisse probaretur. Rursus Papias de eo expostulatur, quod senserit corporum generali resurrectioni successurum illud terrenum Christi per mille annos regnum, in quo voluptatibus corporeis non quidem illicitis & impuris, ut Cerinthus, sed licitis & inculpatis Sancti fruerentur. Verùm cùm Augustinus non corporeas

licitas & inculpatas voluptates in eo regno agnoverit, sed tantum spirituales delicias Sanctis affuturas in illo sabbato dixerit; neque in hoc cum Papiæ opinione conveniebat. C  
Demùm, Papii illud regnum post generalem corporum resurrectionem docente; Augustino verò ex probatis capite praecedenti non post generalem hominum, sed post particularem Sanctorum resurrectionem: nullo modo Papiæ sectator dici potest Augustinus; nisi illud pro magno ponamus quod in numero annorum tunc cùm ista opinatus est cum Papiæ Augustinus conveniret.

Num.

- D** Numquid autem ideo Augustinum cum Tertulliano opinatum esse restabit, qui ex annotatione Doctoris Sorbonici spirituales delicias in illo regno futuras arbitrabatur; ita ut uno evitato, in alium scopulum impingamus? Porro, si verba attendimus, rectius cum Tertulliano sensitse Augustinum, quàm cum Papiâ dixisset Tournely. Sed quia inter Tertulliani errores & illud deputat, quod Martyres a communi aliorum Sanctorum lege excipiebant; eosque solos statim a morte gloriâ donari dictitabat; fortasse hunc errorem Augustino dare noluit. Sed cur noluit mitiorem, si pejorem dabat? Nam Augustino Papiæ sectatore declarato, & Papiâ etiam inter illos qui omnibus Sanctis visionem Dei usque ad resurrectionem denegabant numerato; jam Augustinus sicuti Papias eodem Tertulliano pejora sensissent. Sed quoniam hujus assertionis pro utraque parte fundamenta deficiunt, quia verba Augustini, in quibus haec suppositio stabilitur, diversum a supposito ostendunt, ut probavimus suprâ; communicatio sententiae, quam indifferenter tribuit Doctor Sorbonicus & Papiæ & Augustino, non a recto rerum examine, sed a praecoccupato judicio procedit.

- E** Quoniam verò ex laudatis verbis libri 20. de Civitate Dei innegabiliter scâter Augustinum aliquando pro terreno Sanctorum regno stetisse: hoc etiam ostendere in animo est, non in hoc omnino errasse, si sententiam magis quàm annorum numerum attendamus. Revera (quod caput est) in iis etiam libris quos nondum praesbyter scripsit, ut fusiùs infra patebit, illud pro certo semper habuit Sanctus vir, animas piorum, qui in hac terra veritatem diligenter sectati sunt, eamque exquisiere fideliter; statim a morte ad hujus apertam revelationem elevari, & sic Deo frui, in cujus contemplatione beatam incipiunt vitam, numquam amplius finiendam. Si igitur Tournely placet quod  
recen-



recensitis verbis de Civit. Dei; denegatio visionis beatificae  
ad tempus contineatur; jam tempus quo ista Augustinus A  
opinatus est, illud praecedat librorum, quos post baptismum  
elucubravimus, qui catholicam fidem in hoc commendant. In  
quo si Tournely mihi consentiret, haec lis finita esset; nihil  
enim mirum, si Augustinus, qui Manichaeis adhaeserat.  
etiam ista somniasset; vel saltem (cum non ex istis verbis  
fundamentum desumi posset tribuendi Augustino Sermo-  
nis CCLIX.) alterius omnino indolis evaderet quaestio.

Sin autem, ut probatum est, textus ille huiusmodi erro-  
neam opinionem non continet, unde Augustinum etiam  
post baptismum susceptum ea opinari potuisse credamus, quae B  
illa verba praefecerunt: tunc absque praepudio firmissimae  
fidei suae de beatitudine Sanctis conlata ante corporum re-  
surrectionem, erunt interpretanda.

Hoc igitur pro certo dato, quod ipse an. 388. libro de  
quantitate animae c. 14. n. 14. scripsit, „ Fieri non potest  
„ quadam divina providentia, ut religiosi animis seipsos &  
„ Deum suum, id est veritatem pie castèque ac diligenter  
„ quaerentibus, inveniendi facultas desit, : indeque quid ani-  
mabus corpore expertibus expectandum cognosceret statim  
a morte metiendo; eas, hoc expleto temporali in corpore  
commearu, ante Dei conspectum fidelissimè constituisse C  
non dubitemus. Quod insuper adeo verum est, ut animabus  
quoque Sanctorum in sinu Abrahae receptis Dei visionem  
& participationem contulerit Sanctus Pater, ubicumque  
sinus ille fuerit, etiam ante Christi manifestationem & pas-  
sionem in carne. Quare Evodio, inter cetera innumera  
loca, scribens, absque haesitatione dixit „ Unde illis iustis,  
„ qui in sinu Abrahae erant, cum ille (Christus) in infer-  
„ na descenderet, nondum quid contulisset inveni, a quibus  
„ eum secundum beatificam praesentiam suae Divinitatis  
„ nunquam video recessisse (epist. 164. aliàs 99.

Quibus

- D** Quibus praenotatis & ex mente Sancti Patris jam firmis, quid unquam tam dissonum concepisset, quod merito veluti infidele improbandum sit, si terrenum illud Sanctorum regnum futurum putasset, non dico ante generalem resurrectionem, sed & post ipsam? Id enim tantò minus a fidei disciplina discedit, quantò verum est, iudicium extremum in hac terra, vel saltem in aere terrae atmospheram ambiente faciendum, & ab omnibus credi, & a scripturis intimari. Non solum enim apud Joel habemus *Congregabo omnes gentes, & deducam eas in vallem Josaphat: & disceptabo cum eis ibi super populo meo, & haereditate mea Israel. Et rursus. Consurgant & ascendant gentes in vallem Josaphat: quia-*
- E** *ibi sedebit ut iudicem omnes gentes in circuitu (cap. 3. 2. & 12.)* verum ex Apostolo & ex Evangelio admonemur, descensurum de coelo Dominum, cum ad iudicium venerit. Paulus enim dixit: *Quoniam ipse Dominus in iussu & in voce Archangeli, & in tuba Dei descendet de coelo, & mortui, qui in Christo sunt resurgent primi. Deinde nos qui vivimus, qui relinquitur, simul rapiemur cum illis in nubibus obviam Christo in aera, & sic semper cum Domino erimus (1. Thessal. 4. 15.)* Matthaeus autem Evangelista dicit: *Cum autem venerit Filius hominis in maiestate sua, & omnes Angeli cum eo, tunc sedebit*
- F** *super sedem maiestatis suae, & congregabuntur ante eum omnes gentes, & separabit eos ab invicem, sicut pastor segregat oves ab haedis: & statuet oves quidem a dextris suis, haedos autem a sinistris. Tunc dicet Rex his qui a dextris ejus erunt: Venite, benedicti Patris mei, possidete paratum vobis regnum a constitutione Mundi &c. Tunc dicet & his qui a sinistris erunt: Discedite a me maledicti in ignem aeternum, qui paratus est diabolo & angelis ejus. (25. 31. & seqq.)*

Quot autem diebus iudicium extremum absolvendum, sit Augustinus incertum putavit (de Civit. Dei l. 20. c. 1.) quamvis libro de octo Dulcitii quaestionibus, mox ab adventu

ventu Domini absolvendum fore videri posse ostendat, qui ad hoc creditur venturus. (quaest. 3. n. 2.) Inter quos profectò si plures erunt, vel in eo ipso si unus erit & pro iustis regnum incipit, qui etiam iudices in iudicio sedebunt; sicuti & pro damnatis tormentum. Videntes enim Sancti, statim a resurrectione, quae ictu oculi fiet ex Apostolo, Christum in immortali & glorificato corpore, jam in eis perficitur quod desideraverunt; illum autem intuentes damnati in immortali quidem corpore sed non immutato nec configurato corpori claritatis suae, jam illud sentiunt quod eorum impietati postremum minitatum fuit: *Videbunt in quem transierunt.* (Johan. 19. 37.)

Augustinus autem adeo in terris futurum iudicium putabat, ut lib. 20. c. 18. de Civit. Dei ea examinans quae Apostolus Petrus de novissimo Dei iudicio praedicaverat, dicat, „Quaerat forsitan aliquis, si post factum iudicium, „mundus iste ardebit, antequam pro illo coelum novum „& terra nova reponatur, eo ipso tempore conflagrationis „ejus ubi erunt Sancti, quum eos habentes corpora in aliquo corporali loco esse necesse sit. Possumus respondere, „futuros eos esse in superioribus partibus, quò ita non „ascender flamma illius incendii, quemadmodum nec unda diluvii. Talia quippe illis inerunt corpora, ut illic „sint, ubi esse voluerint. Sed nec ignem conflagrationis „illius pertimescent immortales atque incorruptibiles facti: sicut virorum trium corruptibilia corpora atque mortalia, in camino ardenti vivere illaesa potuerunt.

Igitur si regnum aeternum pro sanctis in ipso iudicio incipiet, & in terris iudicium faciendum Augustinus opinabatur; error ejus in terreno Sanctorum regno opinando ad solam quantitatem annorum reducitur, nam revera in terris incipiet; quod nec essentialem beatitatem a die mortis eorum jam coeptam impediet, nec illam adaequatam, quae

D

a per-

**D**a perfectione hominis, corpore resurgente, promanat: sed fortasse ad aliquam ampliorem delectationem & accidentalem gloriam augendam trahi poterit, quidquid ex loci mutatione Sanctis quisquam probare posset esse accedendum.

Quibus fideliter constitutis & creditis, utrum etiam hoc fieri deberet, ut Sancti glorioso jam recepto corpore, in terris per mille annos cum Domino degerent (quandoquidem probari posset hoc post generalem resurrectionem sensisse Sanctum Patrem), causam eruditionis nec tunc excedebat ut patet ex auctoritate Divi Hieronymi supra relata; nec nunc excedit; si illa consideremus, quae dicit Tournely; **E** absque tamen praejudicio eorum, quae in hac causa definita reperirentur, quae nondum me vidisse fateor. Ad sanandam enim illam Sanctorum moram in terris, qui cetera fideliter credebant, nec aliquid indecens ei regno miscebant, dicere poterant, tanto tempore Christum cum Sanctis suis in terra regnaturum antequam Coelos cum ipsis ascenderet, ut daemonibus & damnatis hominibus toto hujus temporis intervallo tormentum duraret corporalis ejus conspectus totiusque gloriosae Ecclesiae Sanctorum; quo quidem elapso, ab hac etiam visione in aeternum damnatos excluderet, non ideo tamen minus miseros futuros, quia ea **F** imago per carnis oculos menti repraesentata, in ipsa mente in saecula manebit, ut reminiscencia etiam visae quamvis non gustatae & numquam reparandae gloriae eos angat atque crucietur. Dicere pariter possent quod numero annorum mille regni Sanctorum in terris, perpetuitatem aeternam ab hoc numero toties in scripturis, & in textu praecipue Apocalypsis jam toties laudato indicatam, intelligebant. Quod si aliquis ab aeterna mansione in hac terra nova, Domino praesente offenderetur, probet prius quid loci mutatio Sanctis jam perfecte beatis possit asserre.

Dixi

Dixi quòd haec opinio apud sobrios eruditionis caussam  
 nec nunc excedit; nam Conciliorum definitiones, quas A  
 Tournely adducit, aliud ab eo intendunt ad quod ipse eas  
 trahit. Lugdunense enim Concilium II. anno 1274. cele-  
 bratum in professione fidei haec habet. *Credimus.... illorum*  
*animas, qui post baptisma susceptum nullam omnino peccati maculam*  
*incurrerunt: illas etiam, quae post contractam peccati maculam, vel*  
*in suis manentes corporibus, vel eisdem exutae, sunt purgatae, mox*  
*in coelum recipi.* Concilium Florentinum anno 1439. his,  
 maioris claritatis gratiâ, haec adjungit: *Et intueri clarè ipsum*  
*Deum Trinum & Unum sicuti est, pro meritorum tamen diversitate,*  
*aliud alio perfectius.* Concilium Tridentinum sess. 25. de B  
 Invocatione Sanctorum, docet Sanctos una cum Christo re-  
 gnantes, orationes suas pro hominibus Deo offerre.... illos verò  
 qui negant Sanctos aeterna felicitate in coelo fruente, invocandos  
 esse.... impiè sentire.

Haec praeclarissimè statum definiunt animarum Sancta-  
 rum ante corporis resurrectionem, & Augustinianam am-  
 biguitatem solvunt de loco ubi reciperentur, immo & ejus  
 assertionem confirmant ubi sinum Abrahae idem esse cum  
 Paradiso & regno coelorum affirmavit. E contra Augusti-  
 ni etiam opinionem damnarent, si Sanctis visionem Dei  
 statim a separatione corporis eum unquam denegasse con-  
 staret; sicuti certissimè damnant in hoc Vigilantii, Arme-  
 norum, Graecorum, Lutheri denique & Calvinii erroneas C  
 & traditioni & fidei Ecclesiasticae contrarias sententias. Sed  
 quid de loco sentiendum sit, ubi Sancti post corporum re-  
 surrectionem primò consistent; quidve post hanc in corpore  
 acturi sint, ea Concilia adductis locis non definiunt; quare  
 nec regnum Christi in terris futurum improbant, & ideo  
 opinionem hanc quae Augustino aliquando insedit, non  
 damnant.

Quod si occasio fuisset ut haec etiam quaestio dirimeretur,

- D** tur, impropèrassent profectò, ut mihi videtur, spatium illud annorum mille, dum pro finiendi temporis mensurâ poneretur, eodem etiam Augustino meliora sentiente auctore; sed spirituales delicias Sanctis affuturas non denegassent; quae item corporales dici sapienter possunt, nam a corpore in melius immutato animae promanant. Enim verò etiam nos aliquas corporeas delicias in resurrectione fideliter expectamus, quas item agnoscit Tournely cum ceteris Theologis in secunda observatione superius pag. 13. transcripta, docens beatitudinem Sanctorum saltem extensivè augendam fore post resurrectionem ex unione scilicet animae cum suo corpore. Tunc enim, ut opinor, videbit anima
- E** etiam exterius & carnalibus oculis Christi corpus gloriosum, cetera item Sanctorum corpora, ex quorum perfectiori claritate quantitatem gratiae & gloriae earundem mentium cognoscet, ut praeclare docet Divus Thomas (p. p. q. 57. art. 4.) Tunc insuper corporales voces colaudantes Deum proferet, & in aliis proferentibus audit, quas non de solis Sanctis hominibus intelligendas vult Sanctus Augustinus, sed etiam de Angelis, hanc ipsam quaestionem solvens a Sancto Paulino sibi propositam epistolâ 95. aliâ 250. n. 8., ubi de eorundem corpore multa dicit.
- F** Hinc visûs & auditûs corporales delicias jam noscimus; quas item ad odoratum extendere facillimum est, propter fragrantiam Sanctorum corporum, qua cum etiam in terris illorum aliqua donare dignetur Deus, destituenda in illa Coelesti Jerusalem non credo: item ad tactum ex ea delectatione quam quisque in se experietur carnem propriam & veram, sed non amplius mortalem, neque fragilem neque caducam, neque reluctantem sentiendo. Gustus solus intermitteri fortasse potest, non quia hoc sensu carebunt Sanctorum corpora, sed quia nec indigentia erit, nec occasio veritatem corporis comprobandi per manducationem, quae

quae ideo tantum a Domino post resurrectionem, & ab Angelis dum Abrahae apparuerunt verè facta est: quia in illa Ecclesia ex solis bonis & sanctis constituta, nemo de veritate ostensorum dubitabit etiam ex propria peculiari experientia.

Quas porrò futuras delicias corporales agnovit etiam Sanctus Augustinus ex jam dictis, quamvis in loco toties commemorato de Civitate Dei, non corporeas sed spirituales delicias sanctis affuturas in corporum resurrectione dixerit. Ideo enim spirituales dixit, vel ex objecto ad quod omnia referentur a Sanctis, Deum in ipsis corporalibus deliciis, uti auctorem & datorem collaudando; vel ideo quia corpus ipsum spiritale ab Apostolo dicitur, quamvis corpus; vel quia etiam hoc nomine separari volebat ab iis, qui corporales voluptates ei regno tribuendo in immoderantiam postea atque immodestiam prolabebantur. Ceterum si corporales non essent, quamvis spirituales dicantur, nihil accederet animae per corpus, quo ante corpus jam non frueretur.

Haec dixisse volui, non solum ut Augustini opinio (etiamsi hoc terrenum Sanctorum regnum post generalem resurrectionem intellexisset, quod tamen non est, ut probavimus supra Cap. III.) ex iisdem verbis unde ab aliquibus veluti maximus error effertur, in sua parvitate detegatur: verum etiam ut inde lectores cognoscant quid probandum incumbat antequam alicui veteri de cetero probato & fideli scriptori, millenariorum nota infigatur; unde & alios Ecclesiae scriptores & Sanctos defendere aliquis aggrediatur, quos Tournely absque excusatione Millenariis adjudicavit; si ex eorum collatione doctrinae illi stabiliri posse cognosceret, quae interim pro Augustino jam a me stabilita satis esse confido.

Ad propositum revertens; quis unquam crederet quòd

- D** si verba l. 20. c. 7. de Civitate Dei non satis sunt ad probandum Augustinum millenarii nomen mereri, nec Neporis, nec Papiæ, nec Tertulliani sectatorem fuisse; nec demum in ea quæ illa verba produunt opinione, supinè errasse: quis, inquam, credet, quod eadem illa verba recto fundamento esse possint adtribuendum Sancto Patri Sermone CCLIX. ? Nam, ut videbimus infra, si hic sermo Augustinianus esset habendus, non solum Millenarius fuisset Augustinus, quia visionem Dei Sanctis distulisset ad resurrectionem corporum; sed item in illorum etiam sectam magis erroneam incidisset, qui iustos cum impiis in eodem receptaculo detineri existimabant usque ad iudicii diem, quod neque Lutherus, neque Calvinus, neque audacissimus Vigilantius asseruit. Qui quamvis ut Poeta in re Theologica loqui gestiret; iustos tamen in refrigerio & liberâ honestâque custodiâ in fortunatorum insulis & campis Elysiis recludebat, quos etiam Ethnici a sceleratis discretos sorte & loco credebant. Quam impudentissimam commixtionem cum Nepoti & Papiæ nemo imputet, eamque Tertullianus impugnaverit, ambobus Augustinus deterius sensisset; unde non illorum sectator, sed pejoris erroris assertor haberetur.
- E**
- F** Et quamvis post jam dicta quasi superflua videatur diligentior inquisitio; cuique enim sobrio satis esse potest cognoscere quòd verba illa de Civit. Dei non probant hunc sermonem Augustini fuisse, quandoquidem in eo erronea doctrina contineatur (quam Maurini & Tournely in eo inveniunt, inde enim Millenariorum factorem Divum Augustinum promunciant): operæ tamen pretium legentibus fortasse videbitur, si idem sermo ad examen revocetur, & Sancti Patris fundatâ doctrinâ propositâ antequam ad presbyteratus gradum elevaretur, cui consentaneâ scripsisse etiam in presbyteratu videbimus; sermonem illum  
a sua



a sua fidei & constanti doctrina alienum, tanto nomini abripiamus. Jure enim mirandum esset, si quisquam sit, qui mentem illam altissimis contemplandis rebus atque discutiendis, Dei singulari favore prae ceteris idoneam, in tanti momenti re, non profecisse ex aetate & Scripturarum lectione, sed immo defecisse arbitretur; ita ut meliora sentisse Augustinum appareat antequam presbyter esset ordinatus; deteriora verò tanto caractere insignitum, atque ad verbum Dei populis ministrandum, non ultro intrusum, sed Sanctissimi Episcopi sententiâ designatum.



## CAPUT QUINTUM.

*Examinantur capita, quibus Maurini Sermonem CCLIX. Augustino dederunt; & indicatâ Sancti Patris doctrinâ ante presbyteratum, ostenditur meliori fundamento negari potuisse ut suum. Alia item producuntur, quibus cunctatio in hoc opere Augustino tribuendo, laudabilior comprobatur.*

**I**s igitur per me visis, quae Tournely commemorat de Sermonem CCLIX., ejusque ad ea responsionibus; magno studio exarsi totum hunc sermonem conspiciendi. E Cumque in editione Augustini, qua tunc utebar, deesset, Editionem Novam Operum ejusdem, quae Cremonae nondum erat, emi; tum ut desiderio meo in hac re satisfacerem, tum etiam ut viderem, num Sermo CXXXVII. de Tempore (quem unum pro se citat Divus Thomas & cum eo ceteri Scolastici, ut animas Sanctorum Patriarcharum ante Christi passionem in doloribus constituat, causâ desumptâ a reatu originalis peccati ipsis adhuc incumbente quo ad exclusionem a vita gloriae) a clarissimis & diligentissimis Monachis Maurinis Augustino adjudicaretur; qui mihi multis & magni ponderis rationibus, F spuris & illi mente indignus videbatur. Nec inficiari possum magnâ me subito laetitiâ perfusum, cum illorum de eo brevem quidem sed satis rectam censuram conspexi, rationibus adductis, quibus Augustini nomen huic confarcinato ex variis auctoribus, & iminus secum cohaerenti sermoni abripiiebatur, illum in appendicem rejiciendo sub numero CLX. post Lovanienses, qui hactenus illum appendici adjudicaverant sub numero LII.

Sermonis igitur CCLIX., de quo nunc agitur, lectionem instituens, statim conspexi, doctissimos viros in hoc tribuendo

endo Sancto Patri non tam auctoritatem Jacobi Sirmondi  
 Societate Jesu eruditissimi presbyteri esse secutos, qui pri-  
 mus omnium ex antiquis Manuscriptis hunc veluti Augu-  
 stinianum protulit, sed potissimum fundamentum sumpsis-  
 se ex confessione illa Augustini, quam in nota (b) n. 1. ad  
 eundem sermonem exscribere optimum duxere per haec  
 verba. „ Additur hic *in terra* auctoritate Vaticani MS. Ce-  
 „ terum de illo regno & sabbatismo Sanctorum in terra  
 „ post resurrectionem, quem mille annos duraturum puta-  
 „ bant, mutuâ sententiâ sic demum loquitur Augustinus  
 „ in lib. 20. de Civit. Dei c. 7. *Quae opinio esset utcumque tole-*  
 „ *rabilis, si aliquae deliciae spirituales in illo sabbato affuturæ Sanctis*  
 „ *per Domini praesentiam crederentur: nam etiam nos hoc opinati*  
 „ *fuimus aliquando.* B

Ut autem quid in recensendis Augustini sermonibus sibi  
 proposuerint amplissimi Patres agnoscerem, praefationem  
 adii Tomi V., ubi haec habent. „ Nobis etiam operae prae-  
 „ tium esse visum est, studiôsè sermonum Doctrinam exa-  
 „ minare, utrum scilicet cum Augustiniana sive in Fidei  
 „ ac morum dogmatis, sive in scripturae expositione acusu  
 „ congrueret: observatis tamen iis capitibus, in quibus aut  
 „ sententiam, aut loquendi rationem, sicut aliorum ejus  
 „ operum probat retractatio, mutavit. Quamobrem Ser-  
 „ monem CCLIX. v. g. licet in eo Sanctorum post re-  
 „ surrectionem Sabbatismus ac Regnum doceatur, non  
 „ tamen ex albo Augustinianorum fuit expungendus, quan-  
 „ do Vir Sanctus l. 20. c. 7. de Civit. Dei, in ea se fuisse  
 „ aliquando sententia fateatur. C

Certissimam porro regulam eos elegisse fateor in colla-  
 tione doctrinae, & usus ac expositionis scripturarum; sed  
 metuo quòd non iis omnibus animum adjunxerint, quae  
 doctrinae & usui ac expositioni scripturae hujus sermonis,  
 contraria reperiuntur in illis etiam libris, quos nondum pre-  
 sbyter

D sbyter scripsit. Inde tamen, ni fallor, inferre licebat numquam in elaboratis operibus suis neque pro mitiori millenariorum sententia aliquid distasse Sanctum Doctorem, quia in libris Retractionum (in quibus quandoque invenitur eum retractare quae memoriae occurrebant minùs bene dicta, quamvis ubi ea scripserit non recordaretur) nihil de hac re videre continget. Idque eò clariùs elucet, quia in universali Indice, ubi omnia, quae Augustinus in operibus suis docuit, veluti ad capita revocantur, cui efformando diligentissimam Maurini adhibuere curam; unus tantum locus ex hoc sermone petitus pro sabbatismo & regno Sanctorum in terris, recensetur. Satis sanè hic unus locus esset ad hanc maculam Augustinianae doctrinae infligendam; sed quia non alibi in operibus suis concordantem aut affinem sententiam datur invenire; hoc & ego plusquam satis esse opinor, ut saltem in classe, quae dubios continet collocaretur, eo praecipuè attento quòd verba Sancti Patris de Civit. Dei tolerabilem quamdam sententiam, eodem Augustino jam Episcopo iudice, indicant, ideoque multò diversam ab illa, quam continet sermo, quae omninò intolerabilis est, & deteriorum millenariorum singularis.

F Et quamvis verum sit quòd Sermonum & epistolarum retractiones desint, quas morte praeventus persequi non potuit Sanctus Pater, quamquam id etiam opus medicaretur, ut patet ex epistola 224. n. 2. ad QuodvultDeum; ideoque minor in omnibus culpa appareat, ea tribuendo Doctori eximio, quae in hoc genere sua fortasse non sunt: attamen in illis recensendis hinc scrupulosior collationis doctrinarum necessitas oritur, laudabiliorque in asserendo cunctatio. Non enim magna res populis Christianis abripitur, si sermonem alterum, aut omninò Augustini non esse, aut omni seclusa dubitatione suum dici non posse asseratur; quandoquidem vel ad dubitandum, vel ad negandum non infirmi

mi momenti rationes proferantur in medium. Quod etiam praestitisse accuratissimos Monachos, omni secluso scrupulo, & solis solidioris critices legibus innixos, videre est ex appendice ad Tomum V., quae tercentos decem & septem sermones continet aliàs Augustino tributos; tum etiam ex Classe V., quae sermones triginta exhibet, quos verè Augustini esse asserere dubitaverunt viri doctissimi: quibus si etiam Sermo CCLIX. accessisset, nihil inde minus Christiana respublica habuisset.

Dubitationis autem momenta quàm diligentissimè quaerenda censeo, ubi in illud discriminis adducimur, ut aliquo opere veluti genuino alicujus Sancti Patris pronunciato, ejusdem pura & constans & orthodoxa doctrina non labefacteretur. Illud verò non ad dubitandum, sed item ad negandum maximum esse momentum quisque viderit in re proposita, si ideo sermonem istum Augustini non esse censeatur, quia firmæ, orthodoxæ & praeclaræ doctrinae suae etiam antequam presbyter fieret, evidentissimè adversetur. Haud difficile erat invenire, quae ipse in libro de Vera Religione docuit n. 108., quem nondum presbyter scripsit anno circiter 390., & isto sanè magno fundamento Sancto Patri hujusmodi opus abnegare. „Non sit nobis, inquit, „Religio cultus hominum mortuorum, quia si piè vixerunt, non sic habentur, ut tales quaerant honores, sed „illum a nobis coli volunt, quo illuminante laetantur meriti sui nos esse consortes. „Vide profundum ex tunc Doctorem! Pauca haec verba, non solum dubitationem omnem excludunt de gloria Sanctis post mortem conlata ante corporis resurrectionem, sed & de eis invocandis admonent, & quomodo preces nostras ipsi videant, praeclarissimè ostendunt. In illo enim vident, quem a nobis coli volunt, quo illuminante, idest preces nostras ipsis patefaciente, laetantur, meriti sui nos esse consortes. Ideo sequitur

n. 112., Quisquis in illo manet (scilicet Deo) & potest  
 D „ humanas preces sentire, in illo me exaudit. Quisquis  
 „ ipsum habet bonum suum, in ipso me adjuvat., Haec  
 amplissima doctrina atque sanctissima satis profectò convin-  
 cit; Augustinum vix Christi baptismo indutum, talia ex  
 ejus gratia didicisse, a quibus appareat ad orthodoxam fi-  
 dem ceteros docendam ex tunc electum a Deo fuisse. A  
 qua si eum postea defecisse credamus; de misericordia auxi-  
 lioque Dei, qui numquam deest invocantibus eum, & de  
 ipsius cooperatione ad divinae gratiae munera, parum con-  
 feci videbimur. Memini quidem eum de suo profectu per  
 E aetatem & assiduos labores, divinarumque Scripturarum  
 numquam intermissam lectionem, laudem Deo dare; quod  
 verò a bonis semel apprehensis defecerit, deteriora sectan-  
 do, non memini; se immo in illorum numero conari esse,  
 gloriatur, qui proficiendo scribunt, & scribendo proficiunt  
 (epist. 43. aliàs 7. n. 2.)

Illum insuper in dicenda sententia de rebus aliquantulum  
 dubiis, cautissimum, & non haebetudine sed prudentiâ tar-  
 dum omnia opera sua ostendunt, & ea prae ceteris, quae  
 de origine animae in pluribus libris & epistolis; & de si-  
 multanea rerum creatione in duodecim de Genesi ad litte-  
 ram excellentissimis libris conscripsit. Hic porro alter ca-  
 F racter erat, quo impugnaretur Sermo CCLIX., in quo defi-  
 nitivam sententiam pronunciat a recta fide omninò diver-  
 sam; quam non emisisset Sanctus Pater juxta morem suum,  
 si dubiam rem agere cognovisset; si verò certam, non uno  
 loco commemorasset. Quod item probari poterat ex fre-  
 quentissimo ejus modo loquendi, quando, ut saepius ait,  
 nondum invenerat quid ex scripturis certi proferret. Exem-  
 plum suppeditant ejus verba in explanatione Psalmi 85. ad  
 versum *Emissi animam meam ex Inferno inferiori*. Ait enim.,  
 „ Quod dico, Fratres, hoc si non vobis tamquam certus ex-  
 posuero,

„ posuero, ne succenseatis. Homo sum enim, tum & quan-  
 „ tum conceditur de Scripturis sanctis, tantum audeo dice-  
 „ re, nihil ex me. .... Ergo, Fratres, sive illud, sive illud  
 „ sit, me scrutatorem verbi Dei, non temerarium affirma-  
 „ torem teneatis. E' contra cum certam & aedificationi  
 congruam rem agebat, eam saepissimè inculcabat, cujus  
 moris exempla inferius multa occurrent.

Alteram non infamam conjecturam, ut hic sermo non-  
 tam citò veluti Augustinianus inspiceretur, suppeditant  
 verba ejusdem Sancti Patris, quibus admonet, qua cautione  
 cum populo concionatores uti debeant; & tantò magis,  
 quia ex libro, quem nondum presbyter scripserat, eruuntur,  
 „ Quod etiam temporibus, inquit, novi Populi a magnis  
 „ & spiritualibus Viris Ecclesiae Catholicae alumnis video  
 „ cautissimè provideri: Ne quid populariter agant, quod  
 „ nondum esse temporis, ut cum populo agatur intelligunt:  
 „ alimenta lactea largè avidis infirmioribus pluribus, atque  
 „ instantèr infundunt, validioribus autem cibis cum sapien-  
 „ tibus paucis vescuntur. (de vera Relig. c. 38. n. 51.)  
 Hac igitur praemunitum cautà providentiâ Augustinum,  
 nondum presbyterum, quis postea credat presbyterum talia  
 voluisse populo propinare, qualia sermo continet, de quo  
 disputamus, etiamsi eadem privatim apud se certa & ma-  
 nifesta teneret? Numquid obliviscimur quantum ille timue-  
 rit sanctum presbyteratus ministerium, ad quod invitus  
 elevatus est? quantà item diligentia, & oratione, & divi-  
 narum rerum studio se ad illud paraverit, cum jam sciret,  
 Valerium in ejus ordinatione id cogitasse potissimum, ut  
 sibi curam ministrandi populo verbum Dei demandaret?  
 Numquid cum ille eidem Valerio de hac re scriberet,  
 „ Auderem enim dicere scire me & plena fide retinere,  
 „ quid pertineat ad salutem nostram. Sed hoc ipsum quo-  
 „ modo ministrem ad salutem aliorum, non quaerens quod  
 „ mihi

- D „ mihi utile est, sed quod multis ut salvi fiant? (epist. 21. aliàs 148. n. 4.) praemium igitur orabat, quod vitâ bonâ in mundo peractâ, statim consequitur extra mundum servus fidelis? Quam tamen ne amitteret aeternam vitam „ „ cui uni Christiana corda humilia & mansuetâ suspirant „ „ ut ibidem ait, induciâs petebat, ut se orationibus, & scripturarum studio pararet, ne improvidus tantum munus susceperet. Probabiliter vel jam viderat, vel in suo secessu vidit, quae in Ecclesiastico habemus: *Timenti Domini bene erit in extremis, & in die defensionis suae benedicetur*. Et paulò post. *Timor Domini scientiae religiositas. Religiositas custodiet, & justificabit cor: jucunditatem atque gaudium dabit* (cap. 1.) quibus perspicuè prompta retributio fidelibus promittitur.

- Schisma item Donatistarum, quod tunc temporis quando Augustinus presbyter ordinatus fuit Ecclesiam vexabat; illum magis attentum reddere debebat, ne dubia; & multò minus quae destructionem potius, quàm aedificationem importarent, cum populo ageret; ne novitate doctrinae aut populus scandalum pateretur, aut Donatistae hanc Augustino novitatem objicientes, robur illud invictum, quo illis bellum vix presbyter indixerat, infirmarent. Tantoque magis cavendum erat, ne verbis quidem cum haereticis aliquatenus conveniret; quia etiam Donatistae Ecclesiam suam *sine macula & ruga* tunc esse contendebant; & similitudine frumenti a palca separati saepius utebantur. Tam igitur periculosum erat haec concedere Donatistis, quàm Ecclesiam sine macula & sine ruga ad finem saeculi absolute differre, ut sermo docet controversus. Augustinus verò semper contra eos, & hic Ecclesiam sine macula & sine ruga esse non posse asseruit, vel quia boni malis commixti in communione vivunt sacramentorum; vel quia quotidie committimus unde non perperam dicamus *dimitte nobis debita nostra*



*nostra*: animas autem corpore in sanctitate exutas talem, jam quotidie Ecclesiam condere & augere; quae demum in fine saeculi sine macula & ruga apparebit, cum paleis a frumento separatis in resurrectione mortuorum, iusti in regnum elevabuntur, impii detrudentur in ignem.

Pro multis quae afferre possem, unum praeclarissimum locum eligo ex epist. 185. alias 50. n. 38. ad Bonifacium Comitem. „ Absit autem, ut quisquam nostrum ita se, „ justum dicat, ut aut suam iustitiam velit constituere, idest „ quasi a se ipso sibi datam, cum dicatur ei. *Quid enim „ habes quod non accepisti?* aut sine peccato se jactare audeat „ in hac vita, sicut ipsi in nostra collatione dixerunt, in ea „ se esse Ecclesiam, quae jam non habet maculam aut rugam, aut aliquid hujusmodi: nescientes hoc in eis commiseri, qui vel post baptismum continuò, vel dimissis „ debitis, quae dimittenda in oratione poscuntur, de hoc „ exeunt corpore: in tota verò Ecclesia tunc futurum, ut „ sit omnino non habens maculam aut rugam, aut aliquid „ ejusmodi, quando dicendum erit *Ubi est mors victoria tua?* „ *Ubi est mors aculeus tuus?* *Aculeus enim mortis est peccatum.* „ Non igitur vel populo parum scandali accessisset, si hanc denegatam hic Donatistis Ecclesiam, in fine postea tantum saeculi etiam pro animabus iustis primò constituentem ab Augustino audissent; vel parum pertinaciae Donatistis accederet, si hanc neque in recenter a baptismo mortuis agnovisset Sanctus Pater; & demum si eam opinionem Augustino infedissem intellexissent, qua eam, quam ipsi, negabat hic Ecclesiam; hic tamen futuram post resurrectionem carnis taliter apud populum docuisset; ut nullibi interim ante resurrectionem inveniretur.

Sermonem autem illum recentissime a presbyteratu suscepto, & sic fervescente Donatistarum dissensione, dicere debuisset Augustinum, si tamen aliquando dixerit, illud con-

**D**convincit, quòd omnino diversa doctrina & scripturarum explicatio & usus invenitur in libris de Sermone Domini in monte, quos ad annum circiter 393., & sic ad tertium; Augustini presbyteri, referunt Maurini. Unde in illa tempora incidisset hic sermo, quibus jam Maximino & Proculiano Episcopis Donatistis scribebat epistolas 23. alias 203., & 33. alias 147., illos ad collationem invitans, sive oretenus secum faciendam, sive per epistolas, ut dissensionis capita dirimerentur ratione & Scripturarum auctoritatibus. Ad quae si se promptum praebebat, sperabat profectò earundem meditatione qua se ad presbyteratum paraverat, tantum profecisse, ut in quibus Ecclesia sine ruga & macula, & nunc sit, & postea futura sit, firma auctoritate & ratione contra eos probaret. Quod si Sermonem CCLIX. hoc intervallo scripsisset, quis umquam credat talia sentientem Augustinum, tanta de se prudenter polliceri potuisse, dum dicti sermonis sententiae adeo in hoc & a recta ratione, & a scripturarum repromissionibus aberrant? In quo nec plurimum sensum pro se stare sentire poterat Augustinus; quoniam retardatae visionis Dei usque ad carnis resurrectionem nonnisi rara vestigia, & ut opinor incerta, apud alicujus nominis illius aetatis catholicos scriptores erit invenire; quod inde infero, quia in tot libris & sermonibus Sancto Patri perperam adscriptis, & nunc in appendicem rejectis, nihil de Sabbatismo Sanctorum, & regno mille annorum in terris, vel ante vel post resurrectionem in indice ad eosdem notatum est.

Quia igitur non sine violentia arbitrari licet Augustinum a suprarrelata recta doctrina, quam in libro de vera Religione nondum presbyter professus fuerat, descivisse in altero ex primis duobus sui presbyteratus annis, & hunc sermonem in istis diceret: multò majorem vim intellectui nostro facere debemus opinantes, quod postquam eandem doctrin-

doctrinam sanam & orthodoxam in libris de Sermone Domini in monte repetivit, a recto tramite tantus Vir diverteret, ut adeò contraria non opinaretur modo, sed apud populum de suo definiret.

Verùm primos sermones quos ad populum vix presbyter initiatus habuit, considerando, qui sunt de Tempore nuno 214. & 216., in iisque sanam doctrinam, & controverso nunc sermoni oppositam inveniendò; patet quòd talis sermo ab Augustino dictus non sit anno 391. Neque anno 393. quo libros de Sermone Domini in monte conscripsit. Remaneret igitur, ipsum a recta intelligentia earundem scripturarum anno 392. descivisse, quam anno sequenti rursus respuerit, meliora sectando. Sed quia hujusmodi effugium damnant epistola 22. aliàs 64., quae anno 392. scripta datur, & Acta cum Fortunato Manichaeo, quae eodem anno contingunt, aut nullum inveniemus annum, cui Sermonem CCLIX. prudenter assignemus; aut nullum consequenter tempus remanet, quo scripta Sancti Patris hujusmodi careant suspitione. Nam si ejus rectae, scriptaeque sententiae ante presbyteratum non faciunt ut hic sermo ejusdem jam presbyteri non habeatur; nec ejus praeclare & catholice dicta in presbyteratu, efficerent ut eidem etiam Episcopo non tribuatur; & demùm eò venit, ut nihil congruum & firmum illi reponere possimus, qui hunc sermonem ultimum esse eorum, quos ad plebem Augustinus habuit, contenderet; unde tota recta Augustini doctrina in re tanti momenti propter hanc falsam in discrimen adducitur, & veluti retractata suspicatur. His igitur praenotatis, ex quibus Maurinis laudabilis cunctatio consulebatur antequam hoc opus veluti certè Augustinianum definirent, verba integra controversi sermonis inspiciamus, ut rectius ejusdem sententias scrutari possimus.

## CAPUT SEXTUM.

„ *Sermo CCLIX. aliàs ex Sirmodianis 19.*„ *In die Dominica octavarum Paschæ.*

- „ 1. **H**Odiernus dies magno sacramento perpetuae fe-  
 „ llicitatis, nobis est. Non enim sicut iste dies  
 „ transiturus est, sic transitura est vita, quam dies iste signi-  
 „ ficat. Itaque, Fratres, exhortamur, & obsecramus vos  
 „ in nomine Domini nostri Jesu Christi, per quem nobis  
 „ peccata dimissa sunt, qui voluit pretium nostrum esse  
 „ sanguinem suum, qui nos indignos qui vel servi ejus dice-  
 „ remur, fratres facere dignatus est, ut omnis intentio ve-  
 „ stra, quare Christiani estis, & nomen ejus in fronte &  
 „ corde portatis, non dirigatur nisi ad illam vitam, quae  
 „ nobis cum Angelis est futura: ubi perpetua quies, sempi-  
 „ terna laetitia, indeficiens beatitudo, nulla perturbatio,  
 „ nulla tristitia, nulla mors. Quam vitam nosse non pos-  
 „ sunt nisi qui experiuntur: experiri autem non poterunt  
 „ nisi qui credunt. Si enim exigatis, ut quod vobis promi-  
 „ sit Deus, demonstremus vobis, non possumus. Sed audi-  
 „ stis quomodo conclusit Evangelium Johannis: *Beati qui*  
 „ *non vident, & credunt.* Et videre vultis, & ego. Pariter  
 „ credamus, & simul videbimus. Non sumus duri adver-  
 „ sus verbum Dei. Numquid enim, Fratres, dignum est,  
 „ ut Christus descendat modò de Coelo, & cicatrices suas  
 „ nobis ostendat? Ideo illi incredulo ostendere dignatus est,  
 „ ut objurgaret dubios, & instrueret credituros.
- „ 2. Octavus iste dies in fine saeculi novam vitam signi-  
 „ ficat: septimus quietem futuram Sanctorum in hac terra.  
 „ Regnabit enim Dominus in terra cum Sanctis suis, sicut  
 „ dicunt scripturae, & habebit hic Ecclesiam, quò nullus  
 „ malus intrabit, separatam, atque purgatam ab omni  
 „ con-

„ contagione nequitiae, quam significant centum quinquaginta res illi pisces, de quibus jam quantum memini aliquando tractavimus. Nam Ecclesia hic primò apparebit in magna claritate, & dignitate, & justitia. Non ibi libebit decipere, non mentiri, non sub ovis pelle lupum latere. *Veniet enim Dominus, sicut scriptum est, & illuminabit abscondita tenebrarum, & manifestabit cogitationes cordium, & tunc laus erit unicuique a Deo.* Iniqui ergo non ibi erunt, jam enim separabuntur. Tunc tanquam massa purgata apparebit veluti in area multitudo Sanctorum, & sic mittentur in horreum coeleste immortalitatis. Sicut enim frumentum, prius ubi trituratur, ibi purgatur; et locus ubi frumenta pertulerunt triturationem, ut a palea mundarentur, decoratur dignitate massae purgatae. Videmus quippe in area post ventilationem acervum palearum ex una parte, & acervum frumenti ex alia. Quo autem palea destinata sit novimus, & quemadmodum agricolis faciant frumenta laetitiam. Quomodo ergo apparet in area prius frumentum a palea separatum, & cum gaudium fecerit post tantos labores inspecta illa congeries, quae latebat in palea, quae non videbatur quando tritrabatur, deinde in horreum mittitur, atque in secreto servatur: sic in isto saeculo videtis quomodo trituratur haec area; sed palea frumento ita permixta est, ut difficile discernatur, quia nondum ventilata est. Sic ergo post ventilationem diei iudicii apparebit massa Sanctorum, fulgens dignitate praepotens meritis, & misericordiam liberatoris sui praefegerens. Et ipse erit septimus dies. Quasi primus dies sit in toto saeculo quod est ab Adam usque ad Noe, secundus a Noe usque ad Abraham, & quomodo jam dividit Evangelium Matthaei, tertius ab Abraham usque ad David, quartus a David usque ad transmigrationem in Babyloniam, quin-

- D „ tus a transmigratione usque ad adventum Domini nostri  
 „ Jesu Christi: Ab adventu ergo Domini sextus agitur, in  
 „ sexto die sumus. Et ideo quomodo formatus est homo  
 „ in Genesi sexto die ad imaginem Dei, sic & in isto tem-  
 „ pore quasi sexto die totius saeculi, renovamur in baptismo,  
 „ ut recipiamus imaginem Conditoris nostri. Sextus autem  
 „ dies iste cū transierit, veniet requies post illam ventila-  
 „ tionem, & sabbatizabunt Sancti & iusti Dei. Post septi-  
 „ mum autem cū apparuerit in area dignitas messis,  
 „ fulgor meritumque Sanctorum, ibimus in illam vitam,  
 „ & in illam requiem, de qua dictum, *Quis oculus non vidit,*  
 E „ *nec auris audivit, nec in cor hominis ascendit quae praeparavit*  
 „ *Deus diligentibus se.* Tunc velut ad caput reditur. Quo-  
 „ modo enim cū peracti fuerint isti septem dies, octa-  
 „ vus ipse est qui primus: sic post terminatas & peractas  
 „ aetates septem saeculi transeuntis, ad illam immortalita-  
 „ tem beatitudinemque rediemus, de qua lapsus est homo,  
 „ Et ideo octavae complent sacramenta infantium. Hinc  
 „ & ipse septenarius numerus septies multiplicatus facit  
 „ quadraginta novem: & addito uno tanquam reditur ad  
 „ caput, & fiunt quinquaginta: qui numerus a nobis usque  
 „ ad Pentecosten in mysterio celebratur. Qui etiam secun-  
 F „ dum illam divisionem quadragesimi numeri, cui accedit  
 „ tanquam merces denarius, diversa ratione idem rursus  
 „ apparet. Ambae quippe rationes ad eundem quinquagenarium numerum redeunt. Qui ter multiplicatus  
 „ propter mysterium Trinitatis facit centumquinquaginta.  
 „ Addito quippe ipso ternario tanquam teste atque indice  
 „ triplicationis & Trinitatis, intelligimus Ecclesiam in illis  
 „ piscibus centum quinquaginta tribus.  
 „ 3. Sed interim modo donec veniamus ad illam re-  
 „ quiem, isto tempore quo laboramus, & in nocte sumus,  
 „ quandiu non videmus quod speramus, & in eremo iter  
 „ agi-

„ agimus, donec ad Jerusalem coelestem, veluti ad terram A  
 „ promissionis fluentem lac & mel, veniamus: nunc ergo  
 „ cum tentationes non cessant, bene operemur. Medicina  
 „ semper adsit veluti propè quotidianis adhibenda vulneri-  
 „ bus. Est autem medicina in bonis operibus misericor-  
 „ diae. Si enim vis impetrare misericordiam, esto miseri-  
 „ cors. Si tu negas homini cum tu homo sis, humanita-  
 „ tem; negabit tibi & Deus divinitatem, hoc est incor-  
 „ ruptionem immortalitatis, qua nos facit Deos. Non-  
 „ enim a te quidquam indiget Deus: tu autem indiges a  
 „ Deo. Nihil a te ille petit, ut beatus sit: tu autem nisi ab  
 „ illo accipias, beatus esse non poteris. Quid ab illo acci- B  
 „ pis? Nescio utrum auderes conqueri, si ab illo, qui om-  
 „ nia condidit, acciperes aliquid quod excellentissimum-  
 „ condidit. At ille non aliquid ex iis, quae condidit; sed  
 „ se ipsum tibi dat ad fruendum, se ipsum omnium condi-  
 „ torem. Quid enim ex iis, quae facta sunt ab illo, pul-  
 „ chrius & melius esse potest eo, qui fecit? Et quomodo  
 „ tibi dabit; an quasi tuis meritis? Si quaeris quid merue-  
 „ ris, adtende peccata tua: audi sententiam Dei in tran-  
 „ sgressorem hominem latam: *Terra es, & in terram ibis.*  
 „ Quoniam comminatio praecessit, cum praeceptum da- C  
 „ retur: *Qua die tetigeritis, morte moriemini.* Si peccatorum  
 „ meritum quaeris, nihil occurrit nisi supplicium. Obli-  
 „ viscere ergo merita tua, ne tibi faciant in corde terrorem:  
 „ aut noli potiùs oblivisci, ne per superbiam repellas mi-  
 „ sericordiam. Commendemus nos, Fratres, Deo operi-  
 „ bus misericordiae. *Confitemini Domino quoniam bonus, quo-*  
 „ *niam in saeculum misericordia ejus.* Confitere quoniam ha-  
 „ bet Deus misericordiam, & vult peccata donare con-  
 „ fessis. Sed affer illi sacrificium. Miserere hominis ho-  
 „ mo, & tui miserebitur Deus. Tu homo, & alter homo,  
 „ duo miseri. Deus autem non est miser, sed misericors.

- D „ Si autem miser non misereatur miserum, quomodo exi-  
 „ git misericordiam ab illo, qui nunquam erit miser? Vi-  
 „ dete quid dicam, Fratres. Quicumque est contra naufra-  
 „ gum crudelis, verbi gratiâ, tamdiu crudelis est, donec  
 „ contingat illi naufragium. Si autem contigerit, recorda-  
 „ tus in pristinam vitam, quando viderit naufragum, per-  
 „ cutit illum similis aliquando miseria; & quem non pote-  
 „ rat ad misericordiam flectere societas humanitatis, flectit  
 „ consortium calamitatis. Servo quàm citò miseretur, qui  
 „ aliquando servivit. Mercenarium mercede fraudatum,  
 „ quàm cito dolet, qui mercenarius fuit. Homini filium  
 E „ suum plangenti amarissimè, compatitur, qui aliquando  
 „ tale aliquid planxit. Ergo quantamvis duritiam cordis  
 „ humani solvit similitudo miseriae. Si ergo tu, aut miser  
 „ fuisti, aut times ne miser sis: (quandiu enim hic vivis  
 „ & timere debes quod non fuisti, & meminisse quod fue-  
 „ ris, & cogitare quid sis) positus ergo in memoria prae-  
 „ teritarum miserationum, & in timore futurarum, & affli-  
 „ ctione praesentium, non misereris calamitosi hominis &  
 „ egentis ope tua; & expectas ut misereatur tibi ille, quem  
 „ nunquam tangit miseria? Et tu non das ex eo, quod a  
 „ Deo accepisti, & vis ut det tibi Deus ex eo, quod a te  
 F „ non accepit?  
 „ 4. Misericordiam, Fratres mei, omnes qui ituri estis  
 „ ad domos vestras, & ex hoc vix nos videbimus, nisi per  
 „ aliquam solemnitatem, misericordiam operamini, quia  
 „ abundant peccata. Alia requies, alia via non est, qua  
 „ perveniamus ad Deum, qua reintegremur, qua recon-  
 „ ciliemur ei, quem periculosissimè offendimus. Venturi  
 „ sumus in conspectum ejus: loquantur ibi pro nobis opera  
 „ nostra; & ita loquantur ut superent offensiones nostras.  
 „ Quod enim amplius fuerit, hoc obtinebit, vel ad poenam  
 „ si peccata meruerint; vel ad requiem si bona opera. Mi-  
 „ sericordia



„ misericordia autem gemina est in Ecclesia: una in eo ritu-  
 „ lo, quo nemo impendit pecuniam, nemo etiam vel labo- A  
 „ rem; altera quae de nobis exigit vel officium operis, vel  
 „ impendia pecuniae. Illa quae a nobis exigit nihil eroga-  
 „ tionis vel laboris, in animo constituta est, ut ignoscas ei,  
 „ qui in te peccavit. Ad hanc eleemosynam impendendam  
 „ thesaurus tuus in corde tuo est: ibi te explicas coram  
 „ Deo. Non tibi dicitur Profer sacculum, aperi arcam,  
 „ resigna horreum: neque hoc tibi dicitur, Veni, ambu-  
 „ la, curre, festina, intercede, loquere, visita, labora.  
 „ Stans uno loco, projecisti de pectore tuo quod tenes con-  
 „ tra fratrem tuum, fecisti misericordiam, nullo sumptu, B  
 „ nullo labore, sola bonitate, sola misericordiae cogitatio-  
 „ ne. Nam si dicamus, Erogate res vestras pauperibus, duri  
 „ videbimur. Certè vel nunc lenes & faciles quando dici-  
 „ mus, Impendite unde nihil minuētis, dimittite ut dimir-  
 „ tatur vobis. Dicamus autem etiam istud Date & dabitur  
 „ vobis. Coniunxit haec Dominus in praecepto, & ita duo  
 „ misericordiae genera expressit. *Dimittite & dimittetur vobis:*  
 „ misericordia est ignoscentis. *Date & dabitur vobis:* miseri-  
 „ cordia est erogantis. Vide si non amplius Deus dat nobis.  
 „ Tu ignoscis homini in quo te laesit homo hominem: C  
 „ ignoscit tibi Deus, in quo offendisti homo Deum. Nun-  
 „ quid enim hoc est hominem laedere, quod est Deum  
 „ offendere? Ergo plus tibi dedit: quia tu dimisisti, in  
 „ quo homo laesus est: hoc ille dimisit, in quo Deus of-  
 „ fensus est. Adtendite aliam misericordiam dispensatio-  
 „ nis. Tu das panem, ille dat salutem: tu das sitiēti  
 „ poculum liquoris alicujus, ille tibi dat poculum sapien-  
 „ tiae suae. Numquid ista vel comparanda sunt, quod das,  
 „ & quod accipis? Ecce quomodo foenerandum est. Si  
 „ quis vult esse foenerator, omninò non prohibemus: sed  
 „ illam foeneretur, qui non fit pauper plura & majora

- D „ reddendo, & cujus est etiam hoc ipsum qualecumque  
 „ quod ei das, ut amplius meliusque recipias.  
 „ 5. Illud etiam moneo Sanctitatem Vestram, ut scia-  
 „ tis eum duplam misericordiam facere, qui pauperibus  
 „ sic dat aliquid, ut ipse eroget. Non enim debet esse sola  
 „ benignitas largientis, sed & humilitas ministrantis. Ne-  
 „ scio quomodo, Fratres mei, animus ejus, qui porrigit  
 „ pauperi, velut communi humanitati atque infirmitati  
 „ compatitur, quando ponitur manus habentis in manus  
 „ indigentis. Quamvis ille det, ille accipiat, junguntur  
 „ minister, & cui ministratur. Non enim jungit nos cala-  
 E „ mitas, sed humilitas. Abundantia vestra erit vobis, si  
 „ Domino placet, & filiis vestris. Sed de ista terrena ab-  
 „ bundantia nulla mentio est; quam videtis obnoxiam tan-  
 „ tis casibus. Jacet in domo thesaurus quietus, Dominum  
 „ quietum esse non finit. Timerur latro, timerur effra-  
 „ ctor, timerur servus infidelis, timeretur vicinus malus &  
 „ potens. Quamto plus tenetur, tanto plus timerur. Si  
 „ autem erogas Deo in pauperes, non perdis & securus  
 „ efficeris, quia ipse Deus custodit tibi in coelo, qui & tibi  
 „ necessaria dat super terram. An forte times ne perdat  
 „ Christus, quod illi commendaveris? Nonne dispensato-  
 F „ rem unusquisque eligit de familia fidelem, cui commit-  
 „ tat pecuniam suam? Qui etsi habet in potestate non au-  
 „ ferre, non tamen habet in potestate non perdere. Quid  
 „ fide Christi prolixius? quid omnipotentia divinius? Nec  
 „ auferre tibi aliquid potest, quia ipse dedit tibi spe quod  
 „ illi dares: nec aliquid perdere, quia universa omni-  
 „ tens tenet. Reficitis viscera quando agapes facitis. Quia  
 „ videmur nos ministrare, & nostra dantur, & per nos  
 „ dantur, quae nobis Deus dedit. Bonum est, Fra-  
 „ tres, etiam manu vestra dispensetis: valde gratum  
 „ est Deo. Ipse accipit, & dabit tibi, qui ante tibi quam  
 „ deberet

„ deberet quod dares dedit. Debet erogationis officio con-  
 „ jungi ministracionis officium. Cum tibi liceat duas mer-  
 „ cedes habere, quare perdis unam? Sed quisquis minus  
 „ idoneus est omnibus dare, det pauperibus pro viribus  
 „ cum hilaritate *Hilarem enim datorem diligit Deus*. Omni  
 „ pretio comparandum propositum est regnum Coelorum.  
 „ Non est ut dicat aliquis habens duos denarios idoneum.  
 „ se non esse ad comparandum. Tanto Evangelica illa vi-  
 „ dua comparavit.

„ 6. Peracti sunt dies feriati, succedent illi conventio-  
 „ num, exactionum, litigiorum: videte quomodo in his  
 „ vivatis, Fratres mei. De vacatione dierum istorum.  
 „ mansuetudinem debetis concipere, non jurgiorum consi-  
 „ lia meditari. Sunt enim homines, qui propterea vacave-  
 „ runt per dies istos, ut cogitarent malitias, quas exerce-  
 „ rent \* per dies istos. Petimus vos ut ita vivatis, tanquam  
 „ qui Deo rationem reddituros vos sciatis de tota vita non  
 „ de solis istis quindecim diebus. Deinde Scripturarum.  
 „ quaestiones, (b) quas hesternae die proposui, & angustiam  
 „ temporis impediens, non solvi, fateor me debere. Sed  
 „ certe quia dies qui sequuntur jam exactiones etiam pecu-  
 „ niae permittunt jure forensi & publico, hoc a me potius  
 „ exigite jure Christiano. Modò enim omnes solemnitatis  
 „ gratiam veniunt: post istos dies amor legis adducat a me  
 „ exigi quod promisi. Qui enim dat, per me dat vobis:  
 „ ipse utique dat omnibus nobis. Novi quippe Apostolum  
 „ dicentem *Reddite omnibus debita, cui tributum tributum, cui velli-*  
 „ *gal velligal, cui honorem honorem, cui timorem timorem: nemini*  
 „ *quidquam debeatis, nisi ut invicem diligatis*. Sola dilectio est sem-  
 „ per reddenda, nemo a tali debito alienus est. Quod enim  
 „ debeo, Fratres, in nomine Domini redditurus sum. Sed  
 „ fateor vobis, non officio signibus, sed exigentibus reddo.

Torum

(b) Quaestiones fortè quae supra in Serm. CIL. tractantur.

- D** Torum transcribere duxi, quia torum oculis legentium subesse supervacaneum non est. Quia verò Maurini sermonem istum non ad tempus presbyteratus Augustini definiunt, sed ad episcopale quoque eundem referre liberum. cuique reliquerunt, unde non solum presbyterum errasse remaneat, sed etiam Episcopum, quod Doctori Sorbonico non placuisse jam vidimus: aliter cum illis quàm cum isto agendum mihi esse videri poterat. Sed quia par culpa tum a Tournely, tum a Maurinis ex sententiis hujus sermonis Augustino tribuitur, quamvis fortasse inter se de tempore non conveniant: ideo enumeraturus ego quæ videnda.
- E** Maurinis erant ex Operibus Sancti Patris antequam hunc sermonem ipsi absque hæsitacione tribuerent, talem ordinem sequi constitui, ut sana doctrina Augustini laici itemque presbyteri distinctionem Tournely afficiat; eadem autem illi omninò consonans, quam in ejus episcopatu invenimus, Maurinos admoneat, fundamentum hujusmodi operis Augustino tribuendi ex collatione doctrinae semper defuisse.

Quibus tamen non parvae excusationis loco esse fateor, tum similitudo verborum & aliquarum item sententiarum, quæ ad mores pertinent, quæ in hoc sermone ex genuinis Sancti Patris operibus ab auctore ejusdem conglomerata sunt;

**F** tum præcedens viri clarissimi Jacobi Sirmondi judicium; tum demum post hæc facilis errandi occasio ex lectione textus l. 20. c. 7. de Civit. Dei, qui in præconcepito judicio quod Sanctus Pater in hac re erraverit, ejusdem erroris confirmationem præsefert. Quæ item Tournely juvant, immo ad ejus amplioris excusationis momentum additur, judicium a viris doctissimis Monachis Congregationis Sancti Mauri de hoc sermone postremò pronunciatum. Ex illo autem textu, unde torum fundamentum judicandi ab omnibus petitum est, emergere Augustinum aliquando pro mille

mille annorum regno Sanctorum in terra fensisse, nec ego abnuo: sed illud nego, quod hoc regnum post generalem corporum resurrectionem expectaverit dum mille annorum spatium pro tempore finiēdo accipiat; quodque interim Sanctorum animabus visionem Dei denegaverit usque ad suorum corporum resurrectionem. Credo denique quod Sermonem CCLIX. nec unquam dictaverit nec apud populum praedicaverit, utpote qui ceteris erroribus illum etiam accumulat, animas scilicet sanctas in eodem receptaculo cum impiis detentas usque ad iudicii diem: dum nihil his sententiis consonum, immo multa omnino contraria etiam in libris invenio, quos nondum presbyter scripsit; & denique nec ipse textus de Civitate Dei talia unquam fensisse Augustinum praeferebat. Qua sententiā a mox recitatis erroribus purgata, dixi & probavi Augustinum non perperam scripsisse, eos qui secum (dum illud opinatus est) mille annorum regnum opinabantur, in utrumque tolerabili opinione fuisse. Sed sententias controversi sermonis cum doctrina Augustini nondum presbyteri conferamus.



## CAPUT SEPTIMUM!

*Perfringuntur capita doctrinae Sermonis CCLIX., ut quod in iis erroris latet, pateat: mox verâ doctrinâ Augustini propositâ nondum presbyteri quae contraria dicto sermone invenitur; hunc tam fidelis auctoris non esse concluditur.*

**P**Robatum est supra, quod ut quis Millenariorum errore rectè notetur, denegat necesse est visionem Dei Sanctorum animabus usque ad corporum resurrectionem.

**E** Si enim nudum verbum *sabbatismi*, quo quis utatur satis esset ad hominem millenariorum errore notandum, jam-millenarius convinceretur etiam Apostolus, qui sabbatismum relinqui populo Dei docuit dicens (Hebr. 4. 9.) *Itaque relinquatur sabbatismus populo Dei.* Intentionem autem Apostoli rectam fuisse, & doctrinam fidelem, ex contextu convincitur, quo requiem per sabbatismi nomen importatam tunc cuique incipere docet, cum ab hac mortali vita in gratiam, & fide Christi decedit; ait enim. *Timeamus ergo ne forte reliqua pollicitatione introeundi in requiem ejus, existimetur aliquis ex vobis deesse.* Etenim & nobis nunciatum est quemadmodum & illis:

**F** *sed non profuit illis sermo auditus, non admixtus fidei ex iis, quae audierunt. Ingrediemur enim in requiem qui credidimus quemadmodum dixit: Sicut juravi in ira mea: Si introibunt in requiem meam, & quidem operibus ab institutione mundi perfectis. Dixit enim in quodam loco de die septima sic: Et requievit Deus die septima ab omnibus operibus. Et in isto rursum: Si introibunt in requiem meam. Quoniam ergo superest introire quosdam in illum, & ii quibus prioribus annunciatum est: non introierunt propter incredulitatem: Iterum terminat diem quamdam, Hodie, in David dicendo post tantum temporis, sicut supra dictum est: Hodie si vocem ejus audieritis, nolite obdurare corda vestra. Nam si eis Jesus requiem praestitisset, nunquam*  
de

*de alia loqueretur posthac die : Itaque relinquitur sabbathismus populo Dei. Qui enim ingressus est in requiem ejus : etiam ipse requievit ab operibus suis, sicut a suis Deus . Festinemus ergo ingredi in illam requiem . Et post pauca . Adeamus ergo cum fiducia ad thronum gratiae : ut misericordiam consequamur , & gratiam inveniamus in auxilio opportuno .*

Cum igitur Maurini Augustini infelicitatem desent, qua in Millenariorum errorem inciderat, Sabbathismum. Sanctorum in terra docens, nisi intelligunt eum interim visionem intuitivam Dei Sanctis separatis animabus denegasse; immeritò illum veluti Millenarium notant ex his, quae praenotavimus. Si autem illum putabant eo sensu sabbathismum accipere, quo Sanctus Paulus accepit, desendendus non erat, sed immo commendandus; hoc enim. verbo quo Doctor Gentium, & Vas electionis utitur, profectò & Augustinus inculpatè uti poterat. Sed quia clarissimi Viri cognoverunt, non apostolicam, sed insidiosam. doctrinam & erroneam in Sermone CCLIX. contineri, nec illum Augustino eripere valuerunt; ideo officiosis quidem verbis, opinionem tamen suam de Sancto Patre veluti damnabili Millenario in hoc protulerunt.

Evidentissimè enim in eo sermone continetur cujusdam generis Millenariorum, atque Vigilantio, Luthero, & Calvinio pejorum, sententia qui Justos cum impiis in eodem receptaculo detineri existimabant usque ad finalis judicii diem; & consequenter tam gloriam sanctis denegabant, quàm poenam impiis contra praeclarissima Evangeliorum eloquia. Bis enim repetens quod Dominus *hic in terra* post diem judicii Ecclesiam separatam atque purgatam habebit ab omni contagione nequitiae: quae rursus *primò hic* apparebit; jam negat quòd ante finalem diem Dominus Ecclesiam hujusmodi habeat, (quam tamen conceptis verbis commemorat Apostolus ajens *Ecclesiam primitivorum qui conscripti sunt*

- D* sunt in Coelis) (Hebr. 12. 23.) & proinde justos cum impiis confusos recognoscit. Qui si a doloribus immunes sunt, jam etiam infernus negatur usque ad resurrectionem; si verò cruciantur etiam loco, quomodo justii immunes erunt a poena, si loco junguntur; ambo autem, justii nimirum & peccatores conveniant in privatione visionis Dei, quae certissimam damni poenam constituit? Hanc autem commixtionem confirmat, ventilationem, qua haec Sanctorum massa purgatur a palea commixta peccatorum diei extremi judicii saepius assignans, post quam frumentum in horreum coeleste immortalitatis mittatur, sicut palea eò quò destinata nòscitur collocetur, ut post diem septimam eam in illam vitam, & in illam requiem, de qua dictum est *Quod oculus non vidit &c.* Requiem autem nullam cognoscit nisi post ventilationem diei septimae. Quamvis enim requiem commemoret die sexto transacto, qui procul dubio a septimo excipitur: attamen statim addit *post illam ventilationem* in septimo faciendam; unde nullam requiem justis donat nisi post extremi judicii diem.

- Rursus cum nonnisi post finem septimae aetatis, quae ex Maurinorum consensu durationem mille annorum habebat, Sanctis promittat illam vitam, & illam requiem de qua dictum *Quia oculus non vidit &c.*, eosdem Sanctos, etiam post corporum resurrectionem, etiam cum jam post ventilationem apparet in area fulgor meritumque Sanctorum; etiam postquam ipsi fulgentes dignitate, meritis praepotentes, & misericordiam liberatoris sui praefegerentes, jam ab omni iniquorum commixtione secernuntur, & Ecclesiam constituunt separatam atque purgatam ab omni contagione nequitiae; in beatitudine inadaequata per id mille annorum spatium, quo in terra licet regnantes detinebuntur, esse definit. Cum enim consummatam atque perfectam beatitatem insinuet ille Apostoli textus, quo utitur auctor sermonis;



monis; si ad hanc, nonnisi post mille annorum intervallum  
 pervenient sancti, profecto nondum quod eos perficiat in-  
 resurrectione consecuti sunt, adhuc scilicet expectantes il-  
 lud de quo dictum *Quia oculus non vidit, nec auris audivit, nec*  
*in cor hominis ascendit, quae praeparavit Deus diligentibus se.*  
 Quod adeo verum erat in mente auctoris illius sermo-  
 nis, ut quasi intentionem suam explicaturus subdat, Quo-  
 „ modo enim cum peracti fuerint isti septem dies, octa-  
 „ vus ipse est qui primus; sic post terminatas & peractas  
 „ aetates septem saeculi transeuntis, ad illam immorta-  
 „ litatem beatitudinemque rediemus, de qua lapsus est  
 homo..

Isti igitur sensus sunt quos in verbis sermonis recognosce-  
 re debemus, quandoquidem Augustinus uti millenarius me-  
 rito noetur; unde illum deteriorum millenariorum pic-  
 tinctum concludendum est. In quo stabiliendo, nihil pror-  
 sus juvantur amplissimi Patres a textu l. 20. c. 7. de Civit.  
 Dei, ubi se aliquando fatetur Augustinus opinatum esse non  
 ea, quae ex diligentiori examine hujus sermonis emergunt,  
 sed ea, quae utcumque tolerabilia ipsi jam Episcopo & in-  
 ultima aetate constituto adhuc videbantur. Quod si non  
 iste, sed alius sensus a verbis sermonis eruendus est, & qui  
 tor erroneas atque impias sententias non redoleat, eruditio-  
 nis suae & in Augustinum affectionis ostendendae magnam  
 sanè occasionem invenerant Maurini; si in eo nifus suos  
 contulissent, ut haec sermonis verba cum Apostoli sabba-  
 thismo, & cum sana Augustini doctrina componerent; un-  
 de nec ipsi primum, nec lectores postmodum Augustinum  
 errantem in tanta re arbitrentur.

Quod si ad componendam totam Sancti Patris doctri-  
 nam cum hoc sermone, difficultas nimia occurrebat, minor  
 sanè occurrisset in indaganda illius doctrina antequam pre-  
 sbyter initiaretur, ex cujus collatione sensus controversi ser-  
 monis

**D** monis suspecti detegerentur, unde inter supposititios & falsos jure rejiceretur.

Praeclarissimum jam recensuimus textum ex libro de Vera Religione, quo Sancti a Deo illuminati docentur, atque in illo nostras preces audire, & in illo nos exaudiri, & adjuvari monemur. Inde cognoscimus justos ad mercedem contemplandae veritatis statim a morte vocatos, & ab impiis & statu & loco distitos credidisse Sanctum Patrem, contra intentionem controversi sermonis. Quod ut evidentiùs explicaretur, haud multâ operâ inveniri poterat alius textus ex cap. 52. n. 101. ejusdem libri, ubi sic ait.,

**E** „ sunt inferiores inferi, idest post hanc vitam poenae graviore, ubi nulla potest esse commemoratio veritatis, quia „ nulla ratiocinatio: ideo nulla ratiocinatio, quia non eam „ perfundit lumen verum, quod illuminat omnem hominem venientem in hunc mundum „ Profectò cum dixit cavendos, & caveri posse sentit, quod frustra dixisset, si idem locus post hanc vitam & impios maneret & justos. Inferiores autem inferos palàm hîc intelligit tormentorum locum aeternorum, eos enim eis inferis opponit, in quibus nos esse, dum hîc vivimus, cognovit. Graves enim poenas, grave jugum filiis Adae imminere ex scriptura didicerat, a die, quo egrediuntur ab utero matris suae, usque in diem sepulturae in matrem omnium (Ecclesiastici 40. 1.); sed cavendas graviores admonet, quae statim post hanc vitam in inferioribus inferis peccantes animas afficiunt. A quibus tanto remotiores Sanctos credit, quanto magis intelligit eos ibi esse debere, ubi & commemoratione veritatis, & ratiocinatione consolentur; illo scilicet perfusi lumine, quod illuminat omnem hominem venientem in hunc mundum, quod in iis perficitur post mortem, qui illud in hac vita seclati sunt, fines rerum desiderantes.

Unde subdit (cap. 53. n. 103.), „ Quare qui fines ipsos „ desi-

„ desiderant, prius curiositate carent, cognoscentes eam esse  
 „ certam cognitionem, quae intus est, & eâ perfruentes A  
 „ quantum in hac vita queunt. Deinde accipiunt actionis  
 „ facilitatem pervicaciâ positâ, scientes maiorem esse faci-  
 „ lioremque victoriam, non resistere animositati cuiusquam.  
 „ Et hoc quantum in hac vita queunt, sentiunt. Postremò  
 „ etiam quietem corporis, abstinendo ab iis rebus, sine  
 „ quibus agi haec vita potest: ita gustant quam suavis est  
 „ Dominus: nec erit dubium quid post hanc vitam futu-  
 „ rum sit, & perfectionis suae Fide, spe, charitate nutri-  
 „ untur. Post hanc autem vitam & cognitio perficietur,  
 „ quia ex parte nunc scimus; cùm autem venerit quod perfectum est, B  
 „ non erit ex parte: & pax omnis aderit; nunc autem alia lex  
 „ in membris meis repugnat legi mentis meae; sed liberabis nos de  
 „ corpore mortis huius gratia Dei per Jesum Christum Domi-  
 „ num nostrum, quia ex magna parte concordamus cum ad-  
 „ versario, dum cum illo sumus in via; & tota sanitas, &  
 „ nulla indigentia, & nulla fatigatio aderit corpori, quia  
 „ corruptibile hoc, tempore atque ordine suo, quo resur-  
 „ rectio carnis futura est, induetur incorruptione. Non  
 „ mirum autem, si hoc dabitur iis, qui in cognitione solam  
 „ veritatem amant, & in actione solam pacem, & in cor-  
 „ pore solam sanitatem desiderant. Hoc enim in eis per- C  
 „ ficietur post hanc vitam, quod in hac vita plus diligunt.  
 „ n. 104. „ Qui verò malè utuntur tantae mentis bono,  
 „ ut extra eam visibilia magis appetant, quibus ad conspi-  
 „ cienda & diligenda intelligibilia commemorari debue-  
 „ runt, dabuntur eis exteriores tenebrae. Harum quippe  
 „ initium est carnis prudentia, & sensuum corporeorum  
 „ imbecillitas. Et qui certaminibus delectantur, alienabun-  
 „ tur a pace, & summis difficultatibus implicabuntur.  
 „ Initium enim summae difficultatis est bellum, atque  
 „ contentio. Et hoc significare arbitror quod ligantur eis

F

manus

D „ manus & pedes, idest facilitas omnis aufertur operan-  
 „ di; Et qui esurire & sitire volunt, & in libidinem arde-  
 „ scere & defatigari, ut libenter edant & bibant, & con-  
 „ cumbant & dormiant, amant indigentiam, quod est ini-  
 „ tium summorum dolorum. Perficietur ergo in eis quod  
 „ amant, ut ibi sint, ubi eis sit ploratus & stridor den-  
 „ tium.

Numero verò 106., evidentius de vita futura Justorum  
 sermonem prosequens, ait. „ Qui verò benè utitur, vel  
 „ ipsis quinque sensibus corporis ad credenda & praedican-  
 „ da opera Dei, & nutriendam charitatem ipsius, vel  
 E „ actione vel cognitione ad pacificandam naturam suam,  
 „ & cognoscendum Deum, intrat in gaudium Domini  
 „ sui. Propterea talentum, qui male utenti aufertur, illi  
 „ datur, qui talentis quinque benè usus est. Non quia  
 „ transferri potest acumen intelligentiae; sed ita signifi-  
 „ catum est, posse hoc amittere negligentes & impios  
 „ ingeniosos, & ad eam pervenire diligentes & pios, quam-  
 „ vis ingenio tardiores. Non enim datum est illud talen-  
 „ tum ei, qui acceperat duo, habet enim & hoc, qui jam  
 „ in actione & cognitione bene vivit; sed ei, qui accepe-  
 „ rat quinque. Nondum enim habet ad aeterna contem-  
 F „ planda idoneam mentis aciem, qui visibilibus tantum,  
 „ idest temporalibus credit, sed habere potest, qui horum  
 „ omnium sensibilibum Deum artificem laudat, & eum  
 „ persuadet fide, & expectat spe, & quaerit charitate.

Ne autem aliquis opinari adhuc posset, quod Sancto Pa-  
 tri umquam probabile visum sit, ut istis etiam, qui verita-  
 tem & pacem in hac vita quaesierint, hujus ipsius veritatis  
 & pacis optatam revelationem & gaudium distulerit Deus  
 usque ad finale iudicium, in antecedentium textuum prae-  
 clara luce caecutiens audiat ipsum in longe diversam spem  
 sectatores veritatis elevantem. In libris enim de moribus  
 Eccle-

Ecclesiae Catholicae, quos anno 388. nondum presbyter elucubravìt (l. i. c. 17. n. 31.) sic ait. „ Nam si sapientia  
 „ & veritas non totis animi viribus concupiscatur, inve-  
 „ niri nullo pacto potest. At si quaeratur, ut dignum est,  
 „ subtrahere sese atque abscondere a suis dilectoribus non  
 „ potest. Hinc est illud, quod in ore habere etiam vos  
 „ (contra Manichaeos loquitur) soletis, quod ait. *Petite*  
 „ & accipietis, quaerite & invenietis, pulsate & aperietur vo-  
 „ bis. Nil est occultum quod non revelabitur. Amore petitur,  
 „ amore quaeritur, amore pulsatur, amore revelatur,  
 „ amore denique in eo quod revelatum fuerit, permanetur.  
 „ Ab hoc amore, diligentiaque quaerendi, non deterre-  
 „ mur veteri Testamento, quod semper mendacissimè  
 „ dicitis, sed ad hanc vehementissimè concitatur.

32. „ Audite itaque aliquando & advertite quæso sine  
 „ pertinacia, quid per Prophetam dicatur. *Clara est*, in-  
 „ quit, & quæ nunquam marcescit Sapientia, & facillè videtur ab  
 „ iis, qui diligunt illam, & invenitur ab iis, qui quaerunt illam:  
 „ praeoccupat qui se concupiscunt, ut illis se ostendat. Qui vigila-  
 „ verit ad illam, non laborabit; assidentem enim illam inveniet fori-  
 „ bus suis. Cogitare enim de illa, sensus est consummatus, & qui  
 „ vigilaverit propter illam, citò erit securus, quia dignos seipsà  
 „ circuit quaerens, & in viis ostendit se illis hilariter, & omni  
 „ providentia occurrit illis. Initium enim illius verissimum, discipli-  
 „ nae concupiscentia est. Cura ergo disciplinae dilectio est, &  
 „ dilectio custoditio legum illius est. Custoditio autem legum con-  
 „ firmatio incorruptionis est; incorruptio autem facit proximum Deo.  
 „ Concupiscentia itaque sapientiae deducit ad Regnum; ubi vulgata  
 „ addit perpetuum.

Hinc credo didicerat vir Sanctus, quod cap. 11. n. 18.  
 ejusdem libri, non jam hæsilitans, sed planè definiens quasi  
 corollarium eorum, quæ supra disputans docuerat, ait „  
 „ Secutio igitur Dei, beatitatis appetitus est: consecutio

D „ autem ipsa beatitas. At eum sequimur diligendo, con-  
 „ quimur verò, non cum hoc omninò efficiamur, quod  
 „ ipse est, sed ei proximi, eumque mirifico & intelligibili  
 „ modo contingentes, ejusque veritate & sanctitate peni-  
 „ tús illustrati atque comprehensi. Ille namque ipsum lu-  
 „ men est, nobis autem ab eo illuminari licet. Aeterna-  
 „ igitur vita (subdit cap. 25. n. 47.) est ipsa cognitio veri-  
 „ tatis.

„ Quae est autem dicenda sapientia, nisi quae Dei Sa-  
 „ pientia est? (quod jam docuerat lib. de Beata Vita n. 34.  
 „ anno 386.) Accepimus autem etiam auctoritate divina,  
 E „ Dei Filium nihil esse aliud quàm Dei Sapientiam: &  
 „ est Dei Filius perfectò Deus., Er post pauca „ Sed quid  
 „ putatis esse sapientiam nisi veritatem?... Quis est Dei  
 „ Filius? dictum est Veritas..... Quisquis igitur ad sum-  
 „ mum modum per veritatem venerit, beatus est. Hoc  
 „ est animo Deum habere, idest Deo frui. „ Er n. 35.  
 „ Illa est igitur plena satietas animorum, haec est vita bea-  
 „ ta piè perfectèque cognoscere a quo inducaris in verita-  
 „ tem, qua veritate perfruaris, per quid connectaris sum-  
 „ mo modo. „ Facies enim Dei, quae nobis ab Apostolo  
 post mortem promittitur „ nihil aliud est, quàm ipsa, cui  
 F suspiramus veritas, „ ut libro de Ordine 1. n. 23. dixit eo-  
 dem anno 386. ante presbyteratum.

Nimis inconsultum esse suspicari, ab hujusmodi veri-  
 tatibus ab Augustino tam praeclare tamq; fideliter expli-  
 catis antequam presbyter fieret, eum postea descivisse in  
 presbyteratu, ut sententiam sequeretur, quam sermo nunc  
 controversus propinat. Qui enim justos consecutione veri-  
 tatis beatos fore post hanc vitam asseruit; qui justis vultum  
 Dei contemplandum fidelissimè promisit; & indigentiam  
 & exteriores tenebras impiis denunciavit; haud Sanctos  
 cum peccatoribus confudisset usque ad extremi judicii diem,  
 quo-

quo minus notissimae & rationabili veritati tunc renunciare vellet, cum ad populum ejusdem annunciandae minister accessisset. Illud namque necessario consequens erat, quod si pios homines gloria non exciperet statim post mortem; nec peccatoribus aeterna supplicia obvenirent. A

Id autem expresse impugnat Sanctus Pater textum explicans Genesis. *Maledicta terra in operibus tuis, in tristitia & gemitu tuo manducabis ex ea omnibus diebus vitae tuae, spinas & tribulos pariet tibi, & edes pabulum agri tui, in sudore vultus tui edes panem tuum.* Hic enim temporalibus doloribus & poenis omnes filios Adae obnoxios esse definiens, hanc inter pios & impios, quibus communes sunt, constituit differentiam; ut pii scilicet hoc brevi commeatu perfecto, pro malis bona recipiant; impii autem vel pro bonis mala, vel post mala temporalia malis obruantur aeternis. Ait igitur l. 2. de Genes. contra Manich. anno 389 „ Sed certe illud „ manifestum est, quod nemo evadat istam sententiam. „ Hoc ipsum enim quod in hac vita quisque natus, difficultatem inveniendae veritatis habet ex corruptibili corpore „ (sicut enim Salomon dicit *Corpus quod corrumpitur aggravat animam, & deprimit terrena inhabitatio sensum multa cogitantem*) ipsi sunt labores & tristitiae, quas habet homo ex „ terra, & spinae, & tribuli sunt punctiones tortuosarum „ quaestionum, aut cogitationes de provisione hujus vitae: „ quae plerumque nisi extirpentur, & de agro Domini „ projiciantur, suffocant verbum, ne fructificet in homine, „ sicut Dominus in Evangelio dicit. Et quoniam necessitate jam per hos oculos & per has aures de ipsa veritate „ admonemur, & difficile est resistere phantasmatibus, „ quae per istos sensus intrant in animam, quamvis per illos intret etiam admonitio ipsa veritatis; in ista ergo „ perplexitate, cujus vultus non sudet ut manducet panem „ suum? quod omnibus diebus vitae nostrae passuri sumus, B

- D „ idest hujus vitae, quae transitura est. Et hoc illi dictum  
 „ est, qui coluerit agrum suum, quia ista patitur donec re-  
 „ vertatur in terram, ex qua sumptus est, idest donec fi-  
 „ niat vitam istam. Qui enim coluerit agrum istum inte-  
 „ rius, & ad panem suum quamvis cum labore pervenerit,  
 „ potest usque ad finem vitae hujus hunc laborem pati :  
 „ post hanc autem vitam non est necesse ut patiatur. Sed  
 „ qui forrè agrum non coluerit, & spinis eum opprimi  
 „ permiserit, habet in hac vita maledictionem terrae suae  
 „ in omnibus operibus suis, & post hanc vitam habebit vel  
 „ ignem purgationis, vel aeternam poenam. Ita nemo  
 E „ evadit istam sententiam, sed agendum est ut saltem in  
 „ hac tantum vita sentiat, „ Cujus textus Geneseos genui-  
 „ num sensum attigisse atque explicasse Augustinum, au-  
 „ ctor antiquior est Divus Caecilius Cyprianus, qui eun-  
 „ dem perpendens, hanc tantum mortalem vitam respice-  
 „ re docuerat, ajens „ Hujus sententiae vinculo colligati  
 „ omnes & constricti sumus, donec expuncta morte de  
 „ hoc saeculo recedamus. (de bono patient. 495.)

- F Priusquam doctrinam Sancti Patris ante presbyteratum  
 „ relinquamus, qua sententiae Sermonis CCLIX. mirabiliter  
 „ confunduntur in eo quod statum Sanctorum respicit post  
 „ corporis mortem, quaeque satis erat nè subito tanquam  
 „ illius sermonis auctor publicaretur; addere salsit aliud,  
 „ quod eodem collimat; usum scilicet scripturarum, quam  
 „ nimis diversum in sermone invenimus ab eo, qui Sancto  
 „ Patri perpetuus fuit, ut ex omnibus similibus locis pater.  
 „ Vidimus igitur suprà auctorem sermonis diei septimae ves-  
 „ peram tribuere, ab hac enim die aetatem septimam sae-  
 „ culi transeuntis enumerat; quae mille annorum duratio-  
 „ nem habebat ex Maurinorum annotatione. Contrario mo-  
 „ do Augustinum semper se explicuisse in omnibus locis ubi  
 „ de septima die locutus est, infra patebit uberitis. Interim

tamen



tamen sat est notare, quod eidem diei septimae vesperam negat nondum presbyter in l. 1. de Genes. contr. Manich. c. 23. n. 35. & seqq., ait enim. „ Post istam vesperam. „ (diei scilicet sexti) fiet mane, cum ipse Dominus in „ claritate venturus est: Tunc requiescent cum Christo ab „ omnibus operibus suis ii, quibus dictum est. *Estote perfecti sicut Pater vester qui in coelis est.* Tales enim faciunt opera bona valde. Post enim talia opera speranda est requies in die septimo, qui vesperam non habet. „ Fidelissimè enim retinens scripturarum verba, quae sex antecedentibus diebus vesperam allignant, non item septimae, ipse eidem septimae vesperam negat contra auctorem controversi sermonis. A

Ne autem ex verbis illis cum ipse Dominus in claritate venturus est, quod diei septimae tribuit, quisquam aliquid elici posse consideret, unde sententia de dilatione visionis Dei animabus sanctis usque ad resurrectionem confirmaretur; notanda sunt quae sequuntur ejusdem libri numero 43., quae praecedentibus lumen suppeditant. Altiore enim allegoria de operibus sex dierum, & de requie septimi disserens, ait: „ Habet etiam unusquisque nostrum in bonis „ operibus & rectâ vita distinctos istos sex dies, post quos „ debet quietem sperare. „ Postquam autem quid cuique conveniat, & hominis in fide & rectis operibus perfectum in hac vita per singulos enarravit, subdit, „ Post istorum „ quasi sex dierum opera bona valde, speret homo quietem „ perpetuam, & intelligat quid sit *Requievit Deus septimo die* „ *ab omnibus operibus suis*: quia & ipse in nobis haec bona „ operatur, qui ut operemur jubet, & ipse rectè requiescere dicitur, quia post haec omnia opera, requiem „ nobis ipse praestabit. B

Nec ex eo quia in claritate venturum Dominum dixit, ad solum ejus postremum uti Judicis adventum significandum

**D** dum trahendum est; quia nonnisi in claritate ad animam venit Deus, qui Sapientia clara est, & in cujus lumine lumen videbimus. Sic & Apostoli sententia *Videmus nunc per speculum & in aenigmate, tunc autem facie ad faciem* ( 1. Cor. 13. 12.) incongruè ad solam finalem resurrectionem traheretur, dum eandem beatitatem separatarum animarum evidentissimè proponit fidelibus; de quo infra fusiùs differeamus.

Quod si adhuc majora desiderarentur ad cognoscendam Sancti Patris intentionem circa separatarum animarum beatitatem, die septimo & ante corporum resurrectionem consequendam, legamus, quae libro de Vera Religione cap. 26. n. 49. in hanc rem dixit., Hunc autem hominem.,  
 „ quem veterem & exteriorem, & terrenum descripsimus,  
 „ sive in suo genere moderatum, sive etiam servilis justitiae modum excedentem nonnulli agunt totum ab istius  
 „ vitae ortu usque ad occasum. Nonnulli autem istam vitam necessario ab illo incipiunt, sed renascuntur interiorius, & ceteras ejus partes suo robore spirituali, & incrementis sapientiae corrumpunt & necant, & in coelestes  
 „ leges, donec post visibilem mortem totum instauretur, adstringunt. Iste igitur novus homo, & interior & celestis, habens & ipse proportionem non annis sed perfectibus distinctas quasdam aetates suas. Primam in uberibus  
**F** „ utilis historiae, quae nutrit exemplis. Secundam jam obliviscentem humana, & ad Divina tendentem; in qua  
 „ non auctoritatis humanae sinu continetur, sed ad summam & incommutabilem legem passibus rationis innititur. Tertiam jam fidentiorem, & carnalem appetitum  
 „ rationis robore maritantem, gaudentemque intrinsecus  
 „ in quadam dulcedine conjugali, cum anima menti copulatur, & velamento pudoris obnubitur, ut jam rectè  
 „ vivere non cogatur, sed etiam si omnes concedant, peccare

„ care non libeat. Quartam jam idipsum multò firmitus  
„ ordinatiusque facientem, & emicantem in virum per- A  
„ sectum, atque aptam & idoneam omnibus & persecutio-  
„ nibus & mundi hujus tempestatibus ac fluctibus susti-  
„ nendis atque frangendis. Quintam pacatam atque &  
„ omni parte tranquillam, viventem in opibus & abun-  
„ dantia incommutabilis regni summae atque ineffabilis  
„ sapientiae. Sextam omnimodae mutationis in aeternam  
„ vitam, & usque ad totam oblivionem vitae temporalis  
„ transeuntem in perfectam formam, quae facta est ad  
„ imaginem & similitudinem Dei. Septima enim jam  
„ quies aeterna est, & nullis aetatibus distinguenda beati- B  
„ tudo perpetua. Ut enim finis veteris hominis mors est,  
„ sic finis novi hominis vita aeterna. Ille namque homo  
„ peccati est, hic justitiae.

Haec pauca sunt ex multis, quae lector ex se detegat, si  
jam laudatos Augustini libros attentè atque amanter medi-  
tabitur, & alios item, quos nondum presbyter, sed jam  
verè fidelis & Christum indutus, & ejus doctrinam affecu-  
tus vigilantissimè scripsit. Quae cum confundant & dain-  
nent Sermonis CCLIX. erroneas opiniones; ex hoc capite  
jam patet, quod opus illud injuriâ Sancto Patri & Doctori  
eximio tribuitur, C



## CAPUT OCTAVUM.

*Propositur doctrina Augustini in primo presbyteratus anno;  
quae sententias controversi Sermonis evidentiùs  
confundit.*

- S**Ermonem CCXIV., qui nunc primùm ex Remigiano  
Mss. operâ diligentissimorum Monachorum Sancti  
Mauri prodiit, unum ex illis esse, quos Augustinus vix  
presbyter ad populum habuit, eorundem solida opinio est,  
quae item ab ejusdem sermonis exordio confirmatur, ubi  
ait, „ Pro modulo aetatis rudimentorumque nostrorum, pro  
**E** „ tyrocinio suscepti muneris atque in vos dilectionis affe-  
„ ctu, qui jam ministrantes altari, quò accessuri estis adfi-  
„ stimus, nec ministerio sermonis vos fraudare debemus „  
Hujus igitur praecipuè doctrinam fuisse inspiciendam opi-  
nor, num cum illa controversi sermonis concordet, veluti  
primo mentis illius foetu apud populum. Quam ego con-  
ferens, praeclarissimam sententiam ibidem invēni, qua  
Augustinus plebem jam satis instructam demonstrat de  
prompta retributione justorum atque iniquorum, non expe-  
ctatâ corporum resurrectione. Docens enim in traditione  
**F** Symboli, quomodo benè credamus Dei Filium Jesum-  
Christum crucifixum fuisse, mortuum & sepultum, cum  
ipse idem sit incommutabilis, & immortalis; comparatio-  
ne procedens, ut audientium mentibus fidelis doctrina altiùs  
figeretur, ait: „ Nec micemini: sic enim dicimus Filium-  
„ Dei unicum Jesum Christum Dominum nostrum sepul-  
„ tum, cum sola caro ejus sepulta sit; quemadmodum-  
„ verbi gratia dicamus Apostolum Petrum hodiè jacere  
„ in sepulcro, cum & illud verissimè dicamus, eum in-  
„ requie cum Christo gaudere. Eundem quippe Aposto-  
„ lum dicimus: non enim duo Apostoli Petri, sed unus  
est.

„ est. Eundem ergo ipsum dicimus & in solo corpore ja-  
 „ cere in sepulcro, & in solo spiritu gaudere cum Christo. A  
 (n. 7.) Anno igitur 391. Augustinus vitam aeternam Spi-  
 ritibus Sanctorum ante corporum resurrectionem reddi-  
 tam agnoscebat; quam impugnaret in controversi sermonis  
 sententiis, quasi aliquid melius populum docturus; apud  
 quem tamen non jam hanc fidelem veritatem praedicabat  
 quasi novam, sed commemorabat tantum, ut ab hoc certo  
 & evidenter cognito fidei principio, rei minus cognitae  
 quatenus creditae similitudinem erueret, qua ad altissima  
 noscenda facilius duceretur.

De Ecclesia verò loquens, sic ait. „ Sanctam quoque. B  
 „ Ecclesiam matrem vestram, tanquam supernam Jerusa-  
 „ lem sanctam Civitatem Dei, honorate, diligite, praedi-  
 „ cate. Ipsa est quae in hac fide, quam audistis, fructificat  
 „ & crescit in universum Mundum, Ecclesia Dei vivi,  
 „ columna & firmamentum veritatis: quae multos in fine  
 „ sperandos, a quibus invicem discedit disparilitate mo-  
 „ rum, tolerat in communione sacramentorum. Haec  
 „ propter sua frumenta inter paleas modò gementia, quo-  
 „ rum in novissima ventilatione massa horreis debita de-  
 „ clarabitur, claves accipit regni Coelorum: ut in illa per  
 „ sanguinem Christi, operante Spiritu-sancto fiat remissio C  
 „ peccatorum. In hac Ecclesia reviviscet anima, quae mortua  
 „ fuerat peccatis, ut convivificetur Christo, cujus gratia  
 „ sumus salvi facti.

Hic porrò Ecclesiam hujus temporis & a morituris con-  
 stitutam noscit; eamque tantò diligendam honorandamque  
 praedicat, quantò diligere honorare & praedicare fideles  
 debent supernam illam Jerusalem matrem nostram San-  
 ctam Civitatem Dei, qui certè in altissimis habitat; quia  
 quos ista Ecclesia suo gremio suscipit, hos & sponso suo  
 in superna Jerusalem reddet. Haec enim in qua animae  
 . reviv-

- D** reviviscunt in remissione peccatorum, eandem Christo commendat & praemittit in corporis obitu, cujus gratia salvae factae sunt. Quid autem haec salus importet, jam dixerat, gloriam animae Apostoli Petri commemorans, quamvis secundum corpus adhuc in sepulcro remaneat, juxta quod in novissima ventilatione paleae a frumentis separabuntur in fine, ut illuc & corpus discedat, quo animae jam a separatione corporis morabantur. Hanc fuisse mentem Sancti Patris inter cetera quae inferiis afferentur, illud indicat, quod ait : „ Ipsa est Ecclesia, quae intra sagem Domi-
- E** „ nicam cum malis piscibus natat; a quibus corde semper  
 „ & moribus separatur atque discedit, ut exhibeatur viro  
 „ suo gloriosa, non habens maculam neque rugam. Cor-  
 „ poralem autem separationem in littore maris, hoc est in  
 „ fine saeculi expectat, corrigens quos potest, tolerans  
 „ quos corrigere non potest (Epist. 93. aliàs 48. ad Vincen-  
 „ tium Rogatissimam n. 34.)

- Nam discretionem spirituum non solum post mortem fieri, sed etiam dum haec Ecclesia bonos & malos in communione sacramentorum sinu suo continet, jam docuerat agens, quod boni ab impiis discedunt etiam nunc disparilitate morum. In quam sententiam praeclarissime loquitur
- F** etiam Divus Cyprianus Carthaginensis, cujus opera jam tunc vidisse Augustinum si dicerem, fortasse non fallerer. Hic autem ita inquit : „ Per Apostolum praemonet Spiritus sanctus, & dicit *Oportet haereseos esse, ut probati manifesti sint in vobis*. Sic probantur fideles, sic perfidi deteguntur. Sic & ante judicii diem hic quoque jam justorum atque injustorum animae dividuntur, & a frumento paleae separantur „ (De unit. Ecclesiae pag. m. 399.) Patet enim ibi Augustinum in Donatistas intendisse, qui penes se Ecclesiam sine ruga esse contendebant, & ex eo quia se justos arbitrabantur, a catholica discesserant, ne inter ceteros

teros malos ipsi boni confunderentur. In quam rem ne-  
lectoribus grave videatur exopto textum denuò observare A  
Augustini in epistolâ 185. ad Bonifacium Comitem, qui  
suprà relatus est Cap. V. pag. 68.

Evidentiùs autem in quo animae salus post separationem  
a corpore consistat explicavit Sermone CCXVI. ad Com-  
petentes, aliàs de Divers. 8., qui alter ex primis est, quos  
Augustinus vix presbyter electus ad populum habuit; ubi  
Cathecumenis post baptismum fideliter susceptum vitam  
aeternam promittens expleto praesentis exilii cursu, verbis  
„ utens Psalmorum *Unam petii a Domino, banc requiram, ut*  
„ *inhabitarem in Domo Domini omnibus diebus vitae meae.* At B  
„ que hujus regionis, & habitationis beatitudinem expla-  
„ nans, connectit & exprimit, *Ut contempler delectationem*  
„ *Domini, & protegar a templo ejus;* „ Scitote autem quo-  
„ niam videbitis eum, non qualis in temporis plenitudine  
„ venit ad nos, sed qualis semper manens condidit nos. „  
Invisibilem enim oculis corporis, atque intractabilem ma-  
nibus, & ceteris sensibus nequaquam obvium Deum in ea  
substantia qua Verbum est & Patri aequalis, cum jam in  
Serm. CCXIV. n. 7. docuisset; nunc eundem Deum ab  
animabus vel per fidem in hac carne manentibus, vel in  
fide a corpore sejunctis, spiritaliter exponit videndum,  
spiritaliter sentiendum, in ea scilicet substantia in qua sem- C  
per manens condidit nos; sicuti postea susceptâ carne in  
finali resurrectione beatificanda, etiam in ea substantia vi-  
debitur ab anima per corporis sensus, secundum quam in  
temporis plenitudine venit ad nos. Secundum quam pari-  
ter in laudato Sermone CCXIV. n. 9. jam explicaverat  
quòd etiam a malis videndus sit, ajens. „ De sublimi ergo  
„ habitatione Coelorum, ubi nunc est ejus etiam immor-  
„ tale jam corpus, Dominus noster Jesus Christus *ad judi-*  
„ *candos vivos mortuosque venturus est;* secundum evidenti-  
simum

- D " finum Angelicum testimonium, quod scriptum est in  
 " Actibus Apostolorum. Intuentes enim discipuli Domi-  
 " num ascendentem in Coelum, & eum suspensis adspe-  
 " ctibus deducetes, audierunt Angelos dicere *Viri Galilaei*  
 " *quid hic statis? Hic Jesus, qui receptus est a vobis, sic ve-*  
 " *niet, quemadmodum vidistis eum euntem in Coelum.* Repressa  
 " est multa & diversa continens humana praesumptio. In  
 " ea forma judicabit Christus, in qua judicatus est. Sic  
 " enim eum viderunt Apostoli adscendentem in Coelum,  
 " quando audierunt sic esse venturum. Illa forma erit con-  
 " spicua vivis & mortuis, bonis & malis: sive bonos intel-  
 " ligamus nomine appellatos esse vivorum, malosque mor-  
 " tuorum; sive illos vivos accipiamus, quos nondum finis-  
 " se istam vitam inveniet ejus adventus; mortuos autem,  
 " quos ejus praesentia suscitabit, sicut ipse in Evangelio  
 " loquitur dicens, *Veniet hora quando omnes qui sunt in monu-*  
 " *mentis, audient vocem ejus, & procedent qui bona fecerunt in*  
 " *resurrectionem vitae, qui mala egerunt in resurrectionem judicii.*  
 " Et illi videbunt in forma hominis in quem crediderunt,  
 " & illi quem contempserunt. Formam verò Dei, qua  
 " aequalis est Patri, impii non videbunt. Tolleitur enim im-  
 " pius dicit Propheta, *ne videat claritatem Domini, & Beati*  
 F " *mundo corde, quoniam ipsi Deum videbunt.*

Quibus omnibus ultra quam quod sermonis controversi  
 impugnantur sententiae, etiam illud mirificum lumen acqui-  
 rit, quod in toties repetito textu l. 20. c. 7. de Civit. Dei  
 multò postea dixit Augustinus *per Domini praesentiam* in illo  
 sabbato aliquas spirituales delicias sanctis affuturas. Hanc  
 enim praesentiam ad Christi visibilem humanitatem refert  
 juxta ea, quae supra notavimus, nec illam interim negat  
 spiritualem per cor mundum visionem praesentiae Domini  
 animabus sanctis a corpore separatis conlatam, qua ipsae  
 divinam dulcedine superfluae aeternae beatitudine fruuntur; in  
 quo



quo negando, ut jam diximus peculiaris damnabilisque millenariorum nota consistit. Ii enim inde beatitudinem inchoandam supponunt, ex quo beatitatis quidem augmentum confurgit, non autem beatitatis essentia, quae a Trinitate praesente & ab Unigenito qui est in sinu Patris ineffabiliter enarrante, ut Divus Ambrosius notavit (in Luc. l. 1.) tota consistit; quaque beati fuerunt Angeli boni ab initio, & ante Christi Domini Unigeniti Filii Patris in carne adventum.

Igitur qui mundum cor habent Deum videbunt eo modo etiam quo impii videre non poterunt, idest in ea essentia qua Deus est & Patri aequalis, quandoquidem in ea natura qua minor est Patre & bonis & malis conspicuus erit Christus Deus Dominus & Judex noster. Cum verò haec visio, de qua supra, secundum mentem puram & rectam fiat; cor enim illud quod mundum habere praecipimur ut Deum videre mereamur, non corporis cor credendum est, sed animae, secundum quod David dicebat *Cor mundum crea in me Deus, & spiritum rectum innova in visceribus meis*: haec visio Dei revelata animae promittitur statim a morte corporis, nam corde corporis ad fruendum eam nec indiget anima nunc, nec umquam indigebit. Haec bona sunt, quae David expectabat dicens *Credo videre bona Domini in terra viventium*, visionem scilicet Dei, ad quam alibi anxius conredebatur exclamans *Quando veniam & apparebo ante faciem Dei*.

De qua terra Augustinus numero 5. ejusdem Sermonis CCXVI. sic ait., Haec terra non terreno vel mortuo, sed „ coelesti quodam modo ac vivo corde concupiscenda est. „ Ipsa est enim, cui in Psalmo alio flagrans quidam ejus „ amore & alacriter cantans dicit *Spes mea es tu, portio mea in terra viventium*. Ad quam illi tendunt qui vitaliter mortificant membra sua super terram, non membra quibus „ corporis mundi hujus compago consistit, sed illa mem- „ bra,

- D „ bra', quibus animae virilitas miserabiliter infirmatur ?  
 „ Apertissimè ea dinumerans & designans Vas electionis  
 „ Paulus Apostolus dicit, *Mortificate membra vestra, quae sunt*  
 „ *saper terram, fornicationem; immunditiam, perturbationem, con-*  
 „ *cupiscentiam malam & avaritiam, quae est idolorum servitus.*  
 „ Ecce quae in hac terra morientium mortificare debetis,  
 „ qui in illa terra viventium vivere concupiscitis.

- Inde addit n. 8., Infantia vestra innocentia erit, pue-  
 „ ritia reverentia, adolescentia patientia, juvenus virtus,  
 „ senium meritum, senectus nihil aliud quàm canus sa-  
 „ piensque intellectus. Per hos articulos vel gradus aeta-  
 E „ tis non tu evolveris, sed permanens innovaris. Non enim  
 „ ut decidat prior secunda succedet, aut tertiae ortus se-  
 „ cundae erit interitus, aut quarta jam nascitur ut tertia  
 „ moriatur: non quinta quartae invadebit ut maneat, nec  
 „ quintam sexta sepeliet. Cùm simul aetates istae non ve-  
 „ niant, tamen in anima pia & justificata pariter & con-  
 „ corditer perseverant. Hae te ad septimam perennem  
 „ quietem, pacemque perducent.

- Utrum haec doctrina cum illa controversi sermonis con-  
 cordet, ii videant, qui & illius meminerint, & hanc cum  
 illa conferre non gravabuntur. Hic enim quid nomine ter-  
 F rae viventium, quid de fine sex hominis aetatum, quid de  
 die septima, quae illas suscipit & coronat; quid de horreo,  
 quid de requie post hanc vitam fideles tenere deberent, ca-  
 tholicissimè explicatur; & a commixtione Sanctorum cum  
 impiis tamdiu abhorret, quantò differentiore istis ab illis  
 diem septimam expectandam declarat. Ait enim supra n.  
 4. „ Qui vixistis peccato annos multos & malos, desiderate  
 „ vivere Deo: non multos annos quandoque finiendos, &  
 „ ad intereundum in umbra mortis currentes; sed bonos,  
 „ & in veritate vivacis vitae propinquos; ubi nulla fame,  
 „ nulla siti lassabitur\*; quia cibus vester fides, potus sapien-

\* lassabitur:  
 bimiai,

„tia erit. Nunc enim in Ecclesia in fide benedicitis Domi-  
 „num; tunc autem in specie affluentissimè rigabimini de-  
 „fontibus Israel. „ Quibus retentis si adhuc quisquam esse  
 possit, qui sermonem controversum eodem anno ab Au-  
 gustino apud populum habitum credat, justè admiror:  
 tanto enim discrimine segregantur doctrinae, ut nonnisi  
 animositate quadam excogitari posse videatur, quòd San-  
 ctus Pater hodiè sanam & rectam, cras infirmam & erro-  
 neam in magna re doctrinam eidem plebi vellet propina-  
 re. Eo potissimum retento quòd plebem tunc non suam,  
 & a sanctissimo Episcopo rectam, quo praesente sermoci-  
 nabatur, jam in hac solida fide firmiter stabilitam sciebat;  
 ut ex comparatione adhibita de gloria Apostoli Petri cum  
 Christo quiescentis, ejus interim corpore in sepulcro ma-  
 nente, evidentissimè pater. Nisi enim Oratores dum com-  
 parantibus utuntur, talia eligant, quae certa & clara audi-  
 entibus sint, non illud consequuntur, quod sibi proponunt,  
 ut nimirum in veritates minus notas & a sensibus vel in-  
 telligentia remotiores, per easdem inducantur.

Verùm hoc eodem anno alia scripsit Sanctus Pater, quae  
 huic quaestioni mirabile lumen suppeditant, & habentur  
 libro de Utilitate credendi ad Honoratum, cap. 11. „ Duae  
 „ sunt enim personae in religione laudabiles, una eorum,  
 „ qui jam invenerunt, quos etiam beatissimos judicari ne-  
 „ cesse est; alia eorum, qui studiosissimè & rectissimè in-  
 „ quirunt. Primi ergo sunt jam in ipsa possessione; alteri  
 „ in via, qua tamen certissimè pervenitur. „ Haec porro  
 distinctio eos inter, qui veritatem & sapientiam quaerunt  
 ab iis, qui jam invenerunt, quos beatissimos ex ipsa pos-  
 sessione vocat, sicuti illos in via adhuc esse definit: demon-  
 strat Sanctum Patrem animae separatae felicitatem in con-  
 templatione Dei, qui est ipsa veritas, & sapientia fidelis-  
 simè posuisse.

G

Sed

- D Sed quia suamet opera retractando, timuit Augustinus,  
 ne aliquis in hac terra beatissimos homines esse posse, quasi  
 de sua mente inde concluderet, fugiſſus se explicuit in l. 1.  
 retract. c. 14., In his verbis meis, si illi, qui jam invene-  
 „ runt, quos in ipsa possessione jam esse diximus, sic acci-  
 „ piantur beatissimi, ut non in hac vita, sed in ea quam-  
 „ speramus, & ad quam per fidei viam tendimus, sint;  
 „ non habet iste sensus errorem: ipsi enim iudicandi sunt,  
 „ quod quaerendum est invenisse, qui jam ibi sunt, quò  
 „ nos quaerendo & credendo, idest viam fidei tenendo,  
 „ cupimus pervenire. Si autem in hac vita isti esse puran-  
 E „ tur, vel fuisse, id verum esse non mihi videtur; non  
 „ quia in hac vita nihil veri omninò inveniri potest, quod  
 „ mente cernatur, non fide credatur; sed quia tantum est  
 „ quidquid est, ut non faciat beatissimos. Neque enim-  
 „ quod dicit Apostolus *Videmus nunc per speculum in aenigmate,*  
 „ & *Nunc scio ex parte*, non cernitur mente. Cernitur pla-  
 „ nè, sed beatissimos non facit. Illud enim beatissimos  
 „ facit, quod dicit *Tunc autem facie ad faciem, & tunc cogno-*  
 „ *scam sicut & cognitus sum.* Qui hoc invenerunt, ipsi dicen-  
 „ di sunt in beatitudinis possessione consistere, ad quam-  
 „ ducit via fidei quam tenemus, & quò credendo cupimus  
 F „ pervenire. Sed quinam sint illi beatissimi, qui jam sunt  
 „ in ea possessione, quò ducit haec via, magna quaestio  
 „ est. Et Angeli quidem Sancti quòd ibi sint, nulla qua-  
 „ estio est. Sed de Sanctis hominibus jam defunctis, utrum  
 „ ipsi saltem dicendi sint jam in illa possessione consistere,  
 „ meritò quaeritur. Jam enim corpore quidem corruptibili,  
 „ quo anima aggravatur exuti sunt, sed adhuc expectant  
 „ etiam ipsi redemptionem corporis sui, & caro eorum-  
 „ requiescit in spe, nondum in futura incorruptione clare-  
 „ scit. Sed utrum ad contemplandam cordis oculis verita-  
 „ tem, sicut dictum est *Facie ad faciem* nihil ex hoc minus  
 habeant,

„ habeant, non hic locus est disputando requirere. Item  
 „ quod dixi, *Nam scire magna & honesta, vel etiam divina,*  
 „ *beatissimum est,* ad eam beatitudinem referre debemus. In  
 „ hac enim vita quantumcumque id sciatur, nondum est  
 „ beatissimum: quoniam incomparabiliter longe est am-  
 „ plius quod nescitur.

Beatissimos ergo eos esse intelligebat cum ad Honoratum scriberet, qui jam ibi sunt, quod nos quaerendo & credendo cupimus pervenire; & ne aliter quisquam sapere auderet, intentionem suam explicuit Sanctus Pater; quam item multo ante satis aperuerat libro scilicet de Beata Vita, ut cuique legenti patebit; quamvis etiam ea quae superius de eodem libro retulimus, satis fortasse esse possint. Qui tamen plura desiderat, totum legat.

Sed quia & illud transcribere volui quod sequitur, ne quid dissimulare videar, ubi Sanctus Pater ambiguus apparet, num saltem Sancti homines jam defuncti in illa possessione consistant, quod merito quaeri admonet: aliquid de hoc etiam dicere opportunum est, ne haec aliqualis ambiguitas veluti firmum praesidium sibi vindicent ii, quibus jam insedit opinio Augustinum in hoc minus recte sensisse. Eo igitur loci non de beatitate sanctis conferenda post mortem quaerit Augustinus, quam in contemplatione veritatis toties reposuit, totiesque dixit ad huiusmodi contemplationem non solum non juvari animam per corruptibile corpus, sed immo ab eadem praepediri donec immortale resurgat; quod hic confirmat docens ex Scripturis ab huiusmodi corporis societate animam aggravari ne quod firmum est firmiter contempletur: sed illud disputando requiri posse admonet, num animae sanctae adhuc expectantes redemptionem corporis, & dum caro earum requiescit in spe, nondum in futura incorruptione clarescit, ex hoc minus habeant ad contemplandam cordis oculis veri-

- D** tatem *Facie ad faciem*. Inadaequatâ igitur beatitate eas jam frui insinuat; sed utrum taliter inadaequata habenda sit, ut non etiam ex parte praesentis spiritualis visionis perfecta haberi possit & beatissimos efficiat, hoc alio loco examinandum relinquit. Sciebat enim veritatem, sapientiam, charitatem; Deum denique in substantia Dei non corporis oculis fore videndum, sed pura mente, qua etiam nunc has & illum sequimur & sentimus, & quantum fieri potest gustamus. Inadaequatam autem beatitatem ponere tam longe est ut Millenarium redoleat, quam verum est omnes in hoc Theologos consentire. Sed utrum in eo statu animae Sanctae minus habeant ad contemplandam cordis oculis veritatem, inde quaeri adhuc posse vult, quia suae sententiae meminerat, qua l. 12. de Gen. ad lit c. 35. docuerat, retardari quodammodo Sanctorum animas, ne tota intentione pergant in illud summum Coelum, sive aliâ latentiore causâ, sive ideo quia inest iis naturalis quidam appetitus corpus administrandi, quamdiu non subest corpus, cujus administratione appetitus ille conquiescat. Eadem sentit etiam Divus Thomas (1. 2. q. 4. art. 5.) eadem omnes Scholastici docent; unde supervacuum esset, & nimis animosum si aliquis inde errorem Millenariorum Augustino confirmare susceperet.
- F**

Aliud igitur, & longè diversum est, si Sanctus Pater de hoc quaeri adhuc posse senscrit (quandoquidem beatitatem separatis animabus congruam in contemplatione veritatis nec in libro Retractionum, nec in illo de Genesi ad litteram difert) & longè item diversum est supponere, quòd ut huic dubitationi mederetur, in tam diversam & erroneam sententiam descendisset, qualis illa est, quam Sermo CCLIX. continet; ita ut opinaremur, quòd huiusmodi privatum dubium nesciens apud se definire, fidem plebis, aliter (& in hoc supposito plus aequo bene sentientis)

tis) de animabus Sanctis corpore exutis, voluisset destruere, & quamcumque beatitatem ad resurrectionem corporum protrahere.

Proinde cum doctrina Sancti Patris in primo sui presbiteratus anno & ad plebem publicè loquentis, & privatim libros scribentis, sententias confundat Sermonis CCLIX., hunc eundem hoc anno vel scripsisse Augustinum, vel apud populum habuisse, nunquam probabitur.



## CAPUT NONUM.

*Doctrina Augustini de centum quinquaginta tribus piscibus,  
Sermonem COLIX. Augustinianum non esse  
convincit.*

**S**imilitudinem doctrinae de centum quinquaginta tribus  
piscibus, quam Sirmondus in aliis tractatibus sermo-  
nibus & libris Augustini invenit, ex praecipuis fuisse mo-  
mentis, quibus ipse hunc sermonem Sancto Patri primus  
attribuit, colligo ex animadversionibus ad Tom. V. Ant-  
verpiae impressis. Hic namque cum de hoc sermone  
E Sirmondi animadversiones subjiciantur ad verba quae §. 2.  
continentur, quae item transcribuntur, nihil amplius dici-  
tur, quam de hoc numero veluti indice universitatis San-  
ctorum in aeterna vita, Augustinum alias locutum, sicuti  
alii Graeci Patres fecerunt, quorum interpretationes, ludos  
appellat Sirmondus, nihil tamen de regno futuro Sancto-  
rum in terra ab hoc sermone palam scaturiente perpen-  
dens. Phereponus autem de hoc pariter errore nihil solli-  
citus, facilitatem immitans, qua Sirmondus explicationem  
mysterii definiti numeri centum quinquaginta trium pi-  
scium a Patribus toties inculcatam ludum dixerat, de suo  
F addit, „ Ludi quidem hi erant, & quidem ingenio abuten-  
„ tium, cum pro somniantium arbitrato conficti sint; sed  
„ parciores in ejusmodi ludis fuisse oporteret, nec talia  
„ commenta, quasi eximias quasdam scripturae interpre-  
„ tationes proferre. „ Haec verba consuetam Phereponi  
audaciam commendant, cui tamen qui multò pejoribus ob-  
trectationibus tumet, nihil aliud reponere existimo, quam  
quod veritas habet. Revera nonnisi ex abundanti animosi-  
tate has explicationes vel ludos vel ficta commenta appel-  
lare poterat, cum Evangelista Johannes eam piscationem  
a Do-



a. Domino discipulis imperatam post suam resurrectionem, in eo numero piscium stetitisse commemoret. Quod nisi aliquid ad nostram doctrinam continebat, perperam ab Evangelista fuisset commemoratum. Hanc autem verborum superfluitatem, quam haeretici in Scripturis Dei tam facile culpant, non inveniabant Patres, qui immo illud Apostoli retinentes, quod *quaecunque scripta sunt, ad nostram doctrinam scripta sunt* (Rom. 15. 4.) non ludere arbitrabantur, cum eorum numerorum secreta rimarent, nec ad ludos invitari opinabantur dum ea in sanctis Evangeliiis legerent, & pro sua pietate populis fidelibus aperienda susciperent.

Quod autem Phereponus audacter spernit, Sirmondus ante ipsum minus prudenter notaverat. Profectò saltem imprudens est dicere Sanctos & doctissimos Ecclesiae Patres quasi unanimiter in hoc lusisse, ut eos tricas amasse, & in rebus nullius momenti tempus consumpsisse, & in iis nihil certae veritatis habentibus populos inaniter detinuisse, vel infirmiores suspicarentur, vel haeretici, veluti in hoc consentientibus nostris, animosius pronunciarent. Mysteria autem numerorum non inaniter scrutatos fuisse Patres, nec inaniter in scripturis proposita, ultra ea quae mox dicturi sumus, satis docet Petrus Bungus in suo eruditissimo & elaboratissimo libro, cui titulus Numerorum mysteria, quem qui leget, multò aliter de laboribus Patrum, & de profunditate salubrium scripturarum, sentire affuescet. Bungum certè, non item Sirmondum neque Phereponum legisse crediderim quae apud eundem Augustinum de hac re habemus (Quaest. in Genes. l. 1. q. 152.), „ Sed nescio, ait, utrum possint cuncta ad literam convenire, praecipuè in numeris, quos in Scripturis esse sacratissimos, & mysteriorum plenissimos, ex quibusdam, quos inde nosse potuimus, dignissimè credimus.

Mentinerint igitur lectores, in Sermone CCLIX. n. 2.

G 4

dictum,

**D** dictum, quod Ecclesiam illam separatam, atque purgatam ab omni contagione nequitiae *significant illi centum quinquaginta tres pisces, de quibus quantum memini aliquando tractavimus.* His ego verbis admonitus, omnes conquisivi patienter locos, in quibus Sanctus Pater de mysterio hujus numeri, & de hac piscatione locutus est; eosque plures inveniens, attentius observare constitui, num inter eos aliquid sententiis controversi sermonis concordans inveniretur; quandoquidem verba illa *de quibus quantum memini aliquando tractavimus* rem longinquam insinuat, & cujus vix recordaretur Augustinus.

- E** Inveni igitur Sermones nunc 248., 249., 250., 251., 252., & 270., de quibus piscationibus expressè tractare; quorum trium, qui hic ultimo loco recensentur, meminit etiam Sirmondus in suis animadversionibus. Harum una ante resurrectionem suam, jubente Domino, ab Apostolis facta est, in qua multitudinem piscium tantam cepere, ut retia scinderentur; altera post Domini resurrectionem, eodem imperante, accidit, in qua centum quinquaginta tres magni pisces capti commemorantur. Illam Augustinus docet statum praesentis Ecclesiae significare, in qua boni cum malis commixti sunt, cujus item retia a malis quandoque scinduntur, se ab ejus sinu separantes & ad haereses divertentes; ideoque dictum admonet a Domino *Mittite retia*, cui mandato parentes Apostoli multitudinem piscium ceperunt, quorum non additur numerus, ita ut retia rumperentur, & duo naviculae penè mergerentur. Alteram verò in qua Christus imperavit *mittite in dexteram navigii rete*, quod tunc non dixerat, aliud continere mysterium admonet. Inveni enim sunt pisces centum quinquaginta tres, *Et cum essent magni, non est scissum rete.* Hunc definitum numerum, futuram Ecclesiam significare docet, quae a piscibus dextris componitur, quibus dicitur in fine *Venite benedicti*,

*benedicti*, inter quos nulli mali erunt, & Ecclesiam consti-  
 tuent sanctam & impellutam; quia sicuti in Ecclesia prae-  
 sentis temporis boni malis commixti vivunt; sic in illa post  
 resurrectionem futura, soli boni invenientur. Nusquam  
 tamen hanc Sanctam Ecclesiam & impollutam hic futu-  
 ram dicit, sicuti in controverso sermone bis repetitur; sed  
 nullo temporis discrimine interposito in Coelis eam collo-  
 cat in Sermone CCLII. n. 7., ajens, „ Nunc autem jam  
 „ futura Ecclesia in illa Jerusalem sancta, ubi patebunt  
 „ omnium corda mortalium, non est metuendum ne intret  
 „ aliquis in illam Ecclesiam, qui malus est. Non enim sub  
 „ pelle mortalitatis teget astutiam cordis nequissimi. Jam  
 „ enim venit Dominus: & ideo post resurrectionem jubet  
 „ ut mittantur haec retia in dexteram, jam non moriturus.  
 „ Et fit quod Apostolus ait *Quo usque veniat Dominus, & illu-  
 „ minet abscondita tenebrarum, & manifestabit cogitationes cordis:*  
 „ *& tunc laus erit unicuique a Deo*: quando publicabuntur  
 „ conscientiae, quae modò teguntur. Tunc ergo boni soli  
 „ erunt ibi, pellentur mali. Ad dexteram enim missa  
 „ sunt retia, iniquos habere non poterunt. „ Hinc videre  
 erit unde Augustini verba auctor controversi sermonis ex-  
 piscaverit, quae quasi eadem sunt; ut similitudine dictio-  
 num probabilius redderet Augustinum eandem etiam in-  
 sententiis mentem habuisse, quas verbis suis calidissime ve-  
 stit.

Ne autem suspicaretur aliquis tunc tantum istam Eccle-  
 siam incohendam, addit. „ Quare ergo centum quinquaginta  
 „ ginta tres? Numquid tot erunt Sancti? Nam si com-  
 „ putentur non solum omnes fideles, qui in bona vita exie-  
 „ runt de corpore, sed soli Martyres; unus dies passionis  
 „ Martyrum si computetur, millia hominum invenientur  
 „ coronatorum. Ergo centum quinquaginta tres pisces quid  
 „ sibi volunt, sine dubio conquirendum est. Quid sibi vo-  
 lunt

D „ lunt quinquaginta? In isto enim numero, idest in quin-  
 „ quaginta mysterium est: quia ter multiplicati quinquaginta, sunt centum quinquaginta. Nam ideo videtur  
 „ additus ternarius numerus, ut admoneamur ex qua mul-  
 „ tiplicatione facti sint centum quinquaginta tres: ac si di-  
 „ ceretur centum quinquaginta in tria divide ... Hujus  
 „ ergo numeri pars tertia, quinquaginta sunt. Itaque tota  
 „ nostra consideratio in quinquagesimo numero figenda  
 „ est.

„ 9. Numquid fortè ipsi sunt quinquaginta dies isti,  
 „ quos nunc celebramus? Non enim sine causa, Fratres  
 E „ mei, consuetudinem antiquae traditionis tener Ecclesia,  
 „ ut per istos quinquaginta dies Alleluja dicatur. Alleluja  
 „ enim laus est Dei. Significatur ergo nobis laborantibus  
 „ actio quietis nostrae. Cum enim post istum laborem ad  
 „ illam requiem veniemus, solum negotium laus Dei erit,  
 „ actio nostra ibi Alleluja est.... Nam plenitudo sine ces-  
 „ satione in Alleluja, post hoc saeculum, & post laborem  
 „ erit....

„ 10. Quare ergo quinquaginta dies in hoc mysterio  
 „ celebrantur? Dominus quadraginta dies fecit cum disci-  
 „ pulis post resurrectionem.... post quadraginta dies ad-  
 F „ scendit in Coelum, & decimo die posteaquam adscendit,  
 „ misit Spiritum sanctum.... Quadraginta dies fecit in  
 „ terra cum discipulis; ante passionem autem quadraginta  
 „ dies jejunavit. Quadragenarius ergo numerus tempus hoc  
 „ significat, in quo laboramus in saeculo: quia sapientia  
 „ nobis hic dispensatur temporaliter. Aliter enim visio  
 „ sapientiae immortalis sine tempore, aliter autem tempo-  
 „ raliter dispensatur. Fuerunt enim Patriarchae, & transie-  
 „ runt hinc: temporalis fuit dispensatio ipsorum. Non dico  
 „ temporaliter vivunt; nam semper vivunt & cum Deo  
 „ vivunt. Sed temporalis dispensatio verbi per eos facta  
 „ est.

„ est. Non enim modo loquuntur hîc; sed scripta sunt  
„ quae locuti sunt, & leguntur in tempore. Venerunt A  
„ Prophetæ tempore proprio & abierunt. Venit Domi-  
„ nus tempore proprio: nam nunquam recessit præsentiâ  
„ majestatis, nunquam recedit divinitate ubique constitu-  
„ tus.... Quomodo hîc erat, & quomodo venit, nisi quia  
„ hîc erat majestate, venit humanitate? Quod enim venit  
„ in carne, temporaliter nobis sapientiam ipse ministravit:  
„ temporaliter per legem, temporaliter per Prophetas,  
„ temporaliter per scripturas Evangelii: Cùm transierint  
„ enim tempora videbimus ipsam sapientiam sicut est, quae  
„ retribuit denarium numerum.... Ille ergo denarius, B  
„ plenitudo sapientiae. Sed quando temporaliter distribui-  
„ tur, quia in quaternario numero est insigne tempora-  
„ lium, quater ductus denarius quadragenarium facit.  
„ 11. Ideo quadraginta diebus illi (Prophetæ Moyses  
„ & Elias) jejunaverunt, significantes in isto tempore ne-  
„ cessariam esse abstinentiam ab amore rerum tempora-  
„ lium. Hoc enim significant per tot dies perpetua illa je-  
„ junia, quadraginta diebus. Unde & populus ille Israel  
„ quadraginta annos per eremum ductus est, antequam  
„ terram promissionis regnaturus intraret. Sic & nos in  
„ vita ista, ubi maxima sollicitudo est, ubi timor, ubi C  
„ pericula tentationum, temporali dispensatione quasi per  
„ eremum ducimur. Sed cùm benè gesserimus quadrage-  
„ narium numerum, idest benè vixerimus in ista tempo-  
„ rali dispensatione, secundum praecepta Dei ambulantes,  
„ accipiemus mercedem denarium illum fidelium. Quia &  
„ Dominus quando ad vineam mercenarios conduxit, mer-  
„ cedem illis denarium dedit. Omnibus denarium, & quos  
„ manè conduxerat, & quos medio die, & quos fine diei,  
„ omnibus denarium dedit. Quia si fuerit ab ineunte aeta-  
„ te quisque fidelis, denarium accepturus est; jam non per  
tem.

- D » temporum distributionem, sed in aeterna contemplatione  
 » sapientiam discernentem creatorem a creatura; ut crea-  
 » tore perfruatur, de creatura laudet creatorem.... Itaque  
 » ad quadragenarium illum bene gestum, adde mercedem  
 » denarii, & fiet quinquagenarius numerus, quia signifi-  
 » cat Ecclesiam futuram, ubi semper laudabitur Deus. Sed  
 » quia in nomine Trinitatis vocati sunt omnes, ut in qua-  
 » dragenario numero benè vivant, & denarium accipiant,  
 » ipsum quinquagenarium ter multiplica, & fiunt centum  
 » quinquaginta. Adde ipsum mysterium Trinitatis, fiunt  
 » centum quinquaginta tres, qui piscium numerus in dex-  
 » tera inventus est: in quo tamen numero innumerabilia  
 E » sunt millia Sanctorum. Unde nulli mali projicientur,  
 » quia non ibi erunt: nec ullo schismate retia disrum-  
 » pentur, quae sunt vincula unitatis & pacis.

Quoniam ergo unus dies passionis Martyrum si compu-  
 teretur ultra omnes fideles, qui in bona vita exierunt de cor-  
 pore, millia hominum inveniuntur coronatorum, & ab eo  
 prorsus coronatorum, qui mercenariis suis denarium largi-  
 tur, idest sapientiae immortalis visionem sine tempore  
 communicat, ut post hanc vitam semper feliciter vivant  
 sicuti Patriarchae, & cum Deo vivant; porro Ecclesiae  
 F catholicae fidem optimè callebat Augustinus, quam populo  
 una cum mysteriis numerorum praedicaret. Nec ita intel-  
 ligendos centum quinquaginta tres pisces opinabatur, ut  
 tunc primùm Sancti Deo conjungerentur cum corporum  
 fiet resurrectio, sed ut qui jam hoc exuti corpore coeperunt  
 cum Deo spiritualiter vivere in aeterna contemplatione sa-  
 pientiae discernentis creatorem a creatura; & creatore per-  
 fruantes, eidem de creatura concinunt laudes; manifesti  
 etiam corporaliter fierent in die resurrectionis, & ab im-  
 piis, cum quibus in hac vita secundum corpus patienter  
 morati sunt, in aeternum separarentur in illa nova vita,  
 quae

quae non in mortali sed prorsus in immortalī etiam corpore incipiet sine fine duratura.

Et quia verbum lusionis, quod a Sirmondo & Pherepono Patribus tributum est, ubi de mysterio agunt numerorum, me nimis percellit, alterius etiam excellentissimi Ecclesiae Doctoris sensum in hoc proferre proposui, ut cuiusque nimis promptā dictorum virorum definitione ea, quam ipsi ambiunt infedisset opinio, non ex Augustini modo, sed & ex aliorum exemplo atque auctoritate in omnino contrariam convertatur. Haec sunt Sancti Hilarii Pictaviensis Episcopi in Prologo in Librum Psalmorum.

„ 8. Non est autem ignorandum indiscretum apud Hebraeos numerum esse Psalmorum, sed sine ordinis annotatione esse conscriptos. Non enim illic primus aut secundus, aut tertius, aut quinquagesimus, aut centesimus praenotatur: sed sine discrimine aliquo ordinis numerique permixti sunt. Esdras enim, ut antiquae traditiones ferunt, incompositos eos, & pro auctorum ac temporum diversitate dispersos, in volumen unum collegit & reulit. Sed Septuaginta seniores secundum Moyse traditionem ad custodiendam legis doctrinam in Synagoga manentes, posteaquam illis a Rege Ptolemaeo transferendae ex hebraeo in graecum sermonem totius legis cura mandata est, spiritali & coelesti scientiā virtutes psalmorum intelligentes, in numerum eos atque ordinem redegerunt, singulis quibusque numeris pro efficientia sua & absolutione perfectis, perfectorum & efficientium psalmorum ordinem deputantes.

„ 9. Et quoniam idipsum ex singulorum psalmorum virtutibus intelligi possit: tamen absolutissimē in gestorum & temporum historia docemur, psalmorum scilicet collectiones secundum perfectorum numerorum esse efficaciam ordinatas. Psalmus enim tertius secundum histo-

- D " historiam quinquagesimo psalmo posterior est: inscriptio  
 " namque utriusque multo intervallo temporis aetatisque  
 " diversa est. Nam ille, quae sub Uria & David sunt ge-  
 " sta complectitur: ille autem fugam David, Abessalon  
 " filio suo eum persequente, significat: & tamen virtus  
 " ac sacramentum numeri perficit, hunc & illum sic  
 " pro competentibus & sibi congruis numeris collocari.
- E " 10. Inscriptio verò quinquagesimi psalmi secundum  
 " historiam quinquagesimi & primi psalmi inscriptione  
 " posterior est. Sed quinquagesimi numeri virtus & per-  
 " fectio exigebat, & Doec Idumaei impoenitens in David  
 " odium postulabat, anteriorem postponi, & posteriorem  
 " anteferri: ut remissio peccatorum in numero quinquage-  
 " simo collocaretur, & poena perfidiae numerum consti-  
 " tutae remissionis excedens, careret veniâ, cum & tem-  
 " pus & numerum poenitentiae perdidisset. Nam cum  
 " in quinquagesimo, in quo & sabbata sabbatorum, secun-  
 " dum Jubilaei anni praeformationem, peccatorum remis-  
 " sio sit constituta: competenter hic psalmus, in quo poe-  
 " nitentiâ antelatâ peccatorum remissio postulatur, in or-  
 " dine est hujus numeri collocatus.
- F " 11. Tribus verò quinquagesimis psalmorum liber con-  
 " tinetur: & hoc ex ratione ac numero beatae illius nostrae  
 " expectationis existit. Namque qui ex primae quinquage-  
 " simae & secundae deinde quinquagesimae psalmum, &  
 " tertiae rursus quinquagesimae, in qua finis est libri, con-  
 " summationem diligenter advertat: providentiam disposi-  
 " torum in hunc ordinem psalmorum cum dispensatione  
 " salutis nostrae intelliget convenire. Cum enim primus  
 " gradus sit ad salutem, in novum hominem post peccato-  
 " rum remissionem renasci, sitque post poenitentiae con-  
 " fessionem regnum illud Domini in sanctae illius civitatis  
 " & coelestis Jerusalem tempora reservatum, & postea  
 consum-



„ consummata in nos coelestia gloria in Dei Patris regnum  
 „ per regnum Filii proficiamus, in quo debitas Deo laudes A  
 „ universitas spirituum praedicabit: facile intelligimus in  
 „ singulis psalmorum virtutibus sub quinquageno numero  
 „ collocatis sacramentum dispensationis hujus quinquage-  
 „ nariae contineri.

„ 12. Esse autem haec *Sabbata Sabbatorum* septenarius  
 „ numerus per septem in septuplum connumeratus osten-  
 „ dit: quem tamen ogdoas, quia dies eadem prima quae  
 „ octava secundum evangelicam plenitudinem in ultimo  
 „ sabbato adjecta consummat. Et haec quidem sabbata  
 „ sabbatorum eâ ab Apostolis religione celebrata sunt, ut B  
 „ his quinquagesimae diebus, nullus neque in terram strato  
 „ corpore adoraret, neque jejunio festivitatem spiritualis  
 „ hujus beatitudinis impediret: quod ipsum extrinsecus  
 „ etiam in diebus dominicis est constitutum, qui ultra  
 „ sabbati numerum per plenitudinem evangelicae praedi-  
 „ cationis accedunt. Namque cum in septimo die sabbati  
 „ sit & nomen & observantia constituta: tamen nos in  
 „ octava die, quae & ipsa prima est, perfecti sabbati fe-  
 „ stivitate laetamur.

„ 13. „ Et dignum est hanc ogdoadis perfectam sacra-  
 „ mentis coelestibus virtutem, in eo psalmo, qui octavo C  
 „ in numero dispositus est, contueri, cui pro torcularibus  
 „ titulus adjectus est, vasculis in novos fructus praeparatis,  
 „ & ad ferventis musti calorem continendum innovatis.  
 „ Et numerus iste ad percipiendos fructus evangelicos,  
 „ caducis his corporum nostrorum vasculis reformatis,  
 „ secundum ogdoadem est evangelicam ordinatus. Et hoc  
 „ psalmi istius textus & sermo testatur. Ogdoadis quoque  
 „ istius virtus, etiam in veritate sexti psalmi & numeri,  
 „ quo pro octavo oratio est, continetur: & hoc numeri ra-  
 „ tio perficit, ut & ia sexto pro octavo esset oratio, &  
 „ in 11

- D** in octavo titulus pro torcularibus adderetur. Tribus  
 „ autem in numeris haec torcularium superscriptio reperi-  
 „ tur. Nam & octavus, & octogesimus, & octogesimus  
 „ tertius psalmus hunc habet titulum: ut in numeris per-  
 „ fectis perfectae hujus beatitudinis ordo consisteret; ita.  
 „ tamen ut simplicem ogdoadem & ogdoadis decadem,  
 „ sacramentum Triadis (quae a nostris Trinitas est nuncu-  
 „ pata) concluderet.
- „ 14. Et hanc quidem ogdoadis perfectionem etiam  
 „ in centesimo atque decimo octavo psalmo cognoscere  
 „ possumus. Namque in octonum numerum per octonos  
**E** „ versus secundum hebraeos singularum litterarum initia  
 „ collecta sunt: sed & ipsa virtus psalmi sacramentum  
 „ ogdoadis edocet. Sunt autem in eo ogdoades viginti duae.  
 „ Nam octoni versus singularum litterarum initiis depu-  
 „ tantur; & hoc ea ratione efficitur, ut quia psalmus iste  
 „ perfectum virum secundum doctrinam evangelicam con-  
 „ summat, per omnes viginti & duas Hebraei sermonis lit-  
 „ teras, sub sacramento ogdoadis erudiremur....
- „ 16. Consequens autem est secundum octonarium  
 „ hunc viginti & duorum ogdoadum numerum, eum  
 „ qui subjectus est in quindecim canticis graduum psalmo-  
**E** „ rum numerum contineri. Post perfectam enim illam  
 „ praecedentium ogdoadum doctrinam, hoc canticum  
 „ graduum in quindecim psalmos ex duobus perfectis nu-  
 „ meris oportuit convenire, hebdomade scilicet & ogdoa-  
 „ de, idest septimo & octavo numero. Nam per obser-  
 „ vantiam legis, quae in hebdomade est constituta, & evan-  
 „ gelicum perfectum, qui ogdoadis & praesenti religione  
 „ & sperata expectatione perficitur, isto cantico graduum  
 „ in coelestia & aeterna conscenditur. Nam & in templum  
 „ per hunc numerum graduum principes Sacerdotum in  
 „ sancta sanctorum conscendebant: & quia neque hebdo-  
 „ mada

» mada legis sine Evangeliorum ogdoade , neque ogdoas  
 » Evangeliorum sine legis hebdomade virum posset prae- A  
 » stare perfectum , quo usque illa perfectè credidisset; in  
 » his perfectis & beatis sanctis sanctorum perfectus in-  
 » hoc utroque , qui in quindecim graduum cantico est ,  
 » hebdomadis & ogdoadis numero locaretur .

Superfluum est indicare quàm seriò, quàm subtiliter,  
 quanto demum fundamento haec agat Sanctus Vir, qui  
 huic operi postremis vitae suae annis, juxta Maurinorum  
 observationem in ejusdem vitae capite 14., insudavit, post-  
 quam scilicet ab Italia Pictavos se recepit, quod circa finem  
 anni 364. accidit. Quicumque tanti viri meritum & sa- B  
 pientiam noscit, ejusque pro Ecclesia Dei assiduos diffi-  
 lesque labores non ignorat, eò adduci non poterit ut Sir-  
 mondo credat, etiam hunc Sanctissimum Ecclesiae Docto-  
 rem, quasi ad levandum ex altioribus studiis animum, haec  
 proluisse, & per haec incerta commenta & ludicra popu-  
 lum suum ad utilem Psalmorum studium incitare cogitas-  
 se. Diligentius autem Hilarii dicta pensitans, & cum illis  
 Augustini, quae retuli, conferens, dignoscet, hunc ab Hi-  
 larii scriptis jamdiu in Coelum evecti multa in hanc rem  
 didicisse etiam ex similitudine verborum; & demum hujus-  
 modi studium commune Apostolis & omnibus Sanctis viris C  
 & Doctoribus a Christi exortu fatebitur; qui Divino ube-  
 riùs Spiritu adjuti atque incitati & illud detegerent vela-  
 men, quod sacratissimis numeris in scripturis antiqui testa-  
 menti adhuc inerat, ad aedificationem nostram novae gra-  
 tiae muneribus studiosius aperiendum.

Ad propositum nunc revertendo est fortasse qui dicat  
 Sermonem CLII., qui catholicissimè loquitur ab Augustino  
 Episcopo dictum, ut faveat distinctioni a Tournely me-  
 ditatae doctrinam inter Augustini presbyteri, & ejusdem  
 Episcopi. Sed nihil ab hac responsione juventur Mauri-

- D** ni, qui non secundum hanc distinctionem Sermonem CCLIX. Augustino tribuerunt; quorum certè erat, tot evidentissimis contrariis conspectis testimoniis etiam in significacione piscium centum quinquaginta trium; atque animadvertentes, quod facillè poterant, nimis in hoc Sermonis nutare iudicium; Sermonem illum inter spurios anumerare ex constanti contraria Sancti Patris doctrina. In hoc enim eandem regulam eos sequi iustum erat, quae eidem librum *de Vera & Falsa Poenitentia* abjudicaverunt. In fine enim Tomi XI. recensentes quae Addenda & Corrigenda invenerant de Operibus, quae in Tomo VI. comprehenduntur, sic ajunt. „ Ad argumenta, quae librum „ de Vera & falsa Poenitentia ab Augustino alienum probant; adde quòd cap. 6. insinuat bonum quemque ante „ Christi adventum inferis detentum fuisse, Augustino „ l. 12. de Gen. ad lit. c. 33. & 34. ea de re dissentiente, „ aut certè ambigente. „ Quanto autem majori jure Sermo CCLIX. ab Augustino alienus probari poterat, & in appendicem rejici, tum ex tot auctoritatibus, quas superius adduximus ex ejus & libris & sermonibus; tum etiam ex eo quod eodem libro 12. de Gen. ad lit. eodem cap. 34. viderant? „ Quapropter, ait ibi Augustinus, animae illius latronis, cui dixit Hodie mecum eris in Paradiso, non utrique „ inferos praestitit; ubi poenae sunt peccatorum: sed aut „ illam requiem sinus Abrahae; non enim alicubi non est „ Christus, cum ipse sit Sapiencia Dei attingens ubique „ propter suam mundiciam: aut illum Paradisum, sive in „ tertio Coelo, sive ubicunque alibi est quòd post tertium „ Coelum est raptus Apostolus: si tamen non aliquid unum „ est diversis nominibus appellatum, ubi sunt animae beatorum.

Nam si ambiguitas Sancti Patris, quam ipsi notaverant in hoc capite & antecedenti, nihil influit quominus librum de

de Vera & falsa Poenitentia Augustino abriperent, quia  
 in hoc insinuat bonum quemque ante Christi adventum A  
 in inferis detentum fuisse; quanto magis doctissimi viri  
 compellebantur Sermonem CCLIX. in appendicem rei-  
 cere, videntes in eo non insinuari modò quòd animae  
 sanctae in inferis essent, sed quòd cum impiis & peccato-  
 ribus confusae recluderentur usque ad iudicii diem. Qui  
 enim sinum Abrahae apud inferos fuisse opinabantur, ei-  
 dem sinui, nec impios deputabant: & iustis ibi receptis  
 Paradisi foelicitatem fortasse non denegabant, nec certè  
 eam denegabat Augustinus, ut cognoscere est legentibus  
 laudata capita de Gen. ad lit., & sic & loco & statu,  
 quamvis non regione, impios a iustis separabant. Sed B  
 Sermo CCLIX. Sanctos cum peccatoribus, confundens  
 usque ad iudicii diem, nec statu eos interim, nec loco,  
 nec forte distinguit, quod pejus incomparabiliter est, &  
 toti Augustini doctrinae, & si placet etiam opinionibus,  
 omninò contrarium.

Nunc ad responsionem accedo objectionis supra dictae  
 ad defensionem distinctionis a Tournely meditatae, quam  
 hic ponere congruum puto antequam a consideratione ser-  
 monum de duabus piscationibus, qui eam suppeditant,  
 recedamus. Dicunt igitur Sermonem CCLII. Augustini C  
 Episcopi esse, quem jam contra millenarios in episcopatu  
 efficacissimè militasse fatentur. Hunc autem ab Augustino  
 Episcopo dictum verbis insinuari n. 4. positus: „ In ista  
 „ civitate, Fratres mei, nonne experti sumus, quod re-  
 „ cordatur nobiscum Sanctitas vestra, quanto periculo  
 „ nostro de ista basilica ebriositates expulerit Deus? Non  
 „ ne seditione carnalium penè mergebatur nobiscum na-  
 „ vis? Unde hoc nisi de illo numero piscium innumera-  
 „ bili? „ Quamvis autem de huiusmodi ebriositatibus ab  
 Ecclesia expellendis ipse auctor Aurelio Episcopo fuerit

- D anno 392., ut ex ejus epistola 22. constat: quamvis item in Concilio Carthaginensi III. sub eodem Aurelio celebrato anno 393., Augustino procurante, sancitum fuerit, ut *Populi ab hujusmodi conviviis quantum fieri potest prohiberentur*; quod decretum populo Hipponensi sollicitè patefecisse Augustinum, & pro eo perorasse adhuc presbyterum, Valerio praesente, demonstrat epistola 29. n. 7. & 11., quamvis hac epistola Alypio nuncupata de his scandalosis conviviis ab Hipponensi Ecclesia tandem pulsus non sine proprio periculo, certiore hilariter eum faciat Sanctus Pater; haecque Maurinorum voto ad annum pertineat 395., sub cujus finem Episcopus consecratus est, quod, ut supra notavi, non admittit Tournely, qui illum consecratum Episcopum dicit anno 400., quamvis hoc eodem ejus anacronismo uti possem ut sermonem istum Augustino adhuc presbytero commodius tribuerem, etiam ex eo quòd rei mentionem faciat, quae ipsi magis praesens esse debebat, & cujus recordatio opportunior erat tempore a victòria parta vinciore, quae in suum recidit presbyteratum: tamen non aegrè sermonem istum Augustini esse jam Episcopi concedo, morem gerens oppositoribus.
- E

- Peto tamen a Tournely, num controversum Sermonem CCLIX. primum esse velit ex adhuc extantibus, in quo Sanctus Pater hujusmodi mysterosae piscationis meminerit? Quod si placet, dicente ibidem Augustino illos centum quinquaginta tres pisces Ecclesiam puram & a peccatoribus segregatam denotare, *de quo quantum memini aliquando tractavimus*, consequeretur nihil superesse ad quod haec verba referantur, quandoquidem extantes omnes, qui hujus mysterii mentionem faciunt, immo de duabus piscationibus inscribuntur, latissimèque de earundem mysterio differunt, post hunc dicti ab Augustino vel presbytero vel Episcopo supponantur. In quo si aliquam probationem.
- F
- suppe-

suppeditare posset Tournely, gratum omnibus accideret, A  
 qui tempora adhuc quaerunt sermonum Sancti Patris.

Quia verò nulla ratio suppetit, ob quam firmiter concludatur extantes omnes post hunc habitos; immò verba controversi sermonis admoneant, de mysterio in numero captorum piscium contento aliàs ad populum mentionem factam; verosimilius est aliquem ex extantibus hunc praecessisse. Praesertim quia sermones in scriptis parare solitum Augustinum presbyterum ex Sermonibus CCXIV. & CCXVI. eruitur; & convenientiae accedit ratio, quandoquidem tunc hujusmodi ministerii difficile tirocinium exercebatur Sanctus Pater; & demum quia laudatâ epistolâ ad Alypium n. 8., de se ipse testatur, lectionem quam paraverat omisisse, & paucis occasione datae suplevisse. B  
 Unde videtur, facilius extare sermones, quos presbyter, quam quos Episcopus habuit; quia in episcopatu imparatâ oratione ut veteranus & exercitus miles, saepius loquebatur. Ex extantibus igitur quemcunque eligeret Tournely ante hunc controversum sermonem dictum, jam illius doctrina adeo ab ista discedit, ut imprudentiae simile videri possit asserere, quod post sanam & illibatam doctrinam in quocunque illorum, quos ego commemoravi, contentam, religioſae plebi tam disparem immò & erroneam sufficere C  
 veller Sanctus Pater.

Uterius illa verba; *de quo quantum memini aliquando traximus*, aliud suppeditant argumentum suspicandae falsitatis ejusdem sermonis. Videntur enim rem remotam insinuare, & cujus vix recordaretur Augustinus; vel saltem quòd hujus numeri mysterium aliàs apud populum frequenter agere soletur lectione adductus currentis Evangelii; a qua consuetudine per aliquod tempus postea abstinerit; donec denuò occasione serviens solemnisi lectionis, ejusdem mysterii commemorationem obiter fecerit, quia cum jam

D ista saepissimè plebi explicaverit, pauca nunc verba ad su-  
scitandam integram rei intelligentiam crederet satis.

Saepissimè autem haec cum populo agere solitum fuisse Sanctum Patrem, luculentissimè probant illius verba ex Sermone CCXLVIII. n. 4., ubi non jam aliquando & raro, sed omni anno de hoc egisse demonstrat; ait enim. „ Aliquod ergo signum vult iste numerus, & anniversaria „ solemnitate sermonis hujus commemorare vobis debeo, „ quod omni anno soletis audire. „ Hoc item confirmat Sermone CCL. n. 3.

E Eligat ergo Tournely num ex extantibus quinque de-  
duabus piscationibus inscriptis, aliquos dixerit Augustinus  
presbyter, vel omnes Episcopus. Si aliquos presbyter dixit,  
duo notanda occurrunt. Primò quod sana doctrina in quo-  
libet eorum contenta, & omni anno repetita, locum non  
concedit erroneae doctrinae in Sermone CCLIX. jam dete-  
ctae. Secundò quòd adverbium illud *aliquando*, non solum  
suspectum reddit sermonem controversum eo quia Augu-  
stinus dicat se de hoc omni anno sermonem habere solitum;  
sed etiam quia, si eodem anno de hoc locutus erat, haec  
lectio quae in feriam quartam octavarum Paschae ex cap.  
21. Evangelii Johannis occurrebat, tribus tantum diebus di-  
stans a die octava Paschae, qua habitus dicitur Sermo  
F CCLIX., non sinebat Augustinum dicere, se de hoc quan-  
tum meminit aliquando tractasse, cum veriùs se nuperrimè  
de hoc egisse dicere cogeretur.

Si verò omnes Episcopus dixit, & illud quod omni anno  
soletis audire ad ejus refertur Episcopatum, jam omnes ex-  
tantes praecesserunt Sermonem CCLIX., ut insinuant ver-  
ba de quo quantum memini *aliquando tractavimus*; & nunc hic  
sermo inter episcopales contra sententiam Doctoris Sor-  
bonici censendus erit; nec inter episcopales modò, sed item  
inter eos, quos multis annis post Episcopatum dixit. Nam  
fi



si hanc numeri centum quinquaginta trium piscium explanationem post Episcopatum suscepit, quam omni anno repetere solebat; cum quinque sermones de duabus piscationibus supersint, verosimilius videtur quod omnes praecesserint sermonem controversum; immò quod post hos successivis annis dictos, ab hac consuetudine cessaverit Augustinus, ut verba de quo quantum memini aliquando trallavimus expeditionem sensum suscipiant. Quare non ad sextum, sed fortasse ad decimum, vel vigesimum sui Episcopatus annum hunc pertinere sermonem absque culpa suspicaremur; quod non solum distinctionem concutit Tournely, sed suspicionem protrahit in libris Augustini usque ad tempus, quo librum 20 de Civit. Dei scripsit, & sic ad annum circiter 426., quoniam textus capitis 7. ejusdem libri veluti retractatio hactenus probatae opinionis regni millenarii a Maurinis profertur & a Doctore Sorbonico.

Quòd si, tot occurrentibus incomodis, dicatur illum aut illos non extare, quos in isto commemorat, ut hoc opus ad Augustini presbyteratum violenter redigatur; jam collationis doctrinae fundamentum deficit, quia unde istud posset suppeditari, deesse sentimus. Dicens enim Sanctus Pater in sermone se de hoc aliàs tractasse, alios sermones ad populum, de hoc mysterio numeri centum quinquaginta trium piscium dixisse ostendit. Cum autem illi, quos habemus de hac re, sententias controversi sermonis confundant, quia millenarium non sapiunt; quos verò non habemus collationi doctrinae juvare non possint, semper remanet quòd nullo fundamento talis sermo Augustino tribuatur.

Sermonibus autem deficientibus ad probationem, si ad libros confugeret Tournely, nihil porro inveniet quod opinioni suae faveat in doctrina Augustini ante presbyteratum & in primo presbyteratus anno, quam jam vidimus, nec in illa aliorum annorum presbyteratus sui, quae mox sequetur.

*D* tur. Si autem solus locus libri 20. de Civit. Dei tantus videretur, ex quo talis sermo ipsi adscribi prudenter possetur: ultra jam dicta superius, addo, quod nec istinc quod Maurinorum aut Tournely opinionem nitantur, valet hauriri. Ibi enim se aliquando (tempore scilicet incerto, & fortasse ante baptismum) opinatum esse ait, & quidem multò diversa ab iis sententiis, quas hic continet sermo: non tamen de hoc ad aures populi aliquid locutum, vel saltem in genere aliquid scripsisse fatetur; unde & ab libris nonnisi vanum esset effugium, ut de hoc sermone prolatum iudicium confirmetur.

*E* Vel desinat igitur mecum Tournely, hunc sermonem. Augustino tribuere, vel contra distinctionem suam fateatur, hunc probabilius ad Episcopale tempus pertinere. Quod si diceret, nullo alio quam suo iudicio huic novae assertioni obviarem, cum ipse doceat ex scriptis Augustini Episcopi contrariam omninò ab illa sermonis doctrinam usquequaque elucere.

Et ut ad hanc rejectionem facilius adducatur, recogitet precor serena mente, sermonem istum Augustinum non redolere, quia ejusdem consuetudinem in explicandis numerorum mysteriis, quorum plura in hoc sermone tumultuariè commemorat, non imitatur. Nunquam enim id obiter factum, nunquam in hujusmodi rebus pepercisse verbis Augustinum inveniemus, sed scrupulosissimam diligentiam a Sancto Patre in hoc semper adhibitam; cujus rei testem locupletissimum recensitum Sermonem CCLII. habemus, idemque in Sermone CCL. n. 3. offendimus. Hic enim mysterium numeri 17., a quo per trigonum numerum 153. reddi docuerat, cum repetere vellet, sic ait, „Ad „decem accedant septem, fiunt decem & septem. In isto „numero est omnis multitudo perfectorum; sed quomodo „do perveniant ad centum quinquaginta tres, soleo vobis dicere,

„ dicere, & multi praeveniunt me: solemniter tamen  
 „ sermo reddendus est. Multi obliti sunt, aliqui nec au- A  
 „ dierunt; qui autem non sunt obliti, & audierunt, pa-  
 „ tienter ferant, ut alii commemorentur & instruantur....  
 „ Nihil perdit qui audit quod sciebat; & in eo quod nihil  
 „ perdit, etiam gaudere debet, quia instruitur qui nescie-  
 „ bat. Decem & septem numera, ab uno usque ad decem  
 „ & septem, ita ut omnes addas, & pervenies ad centum  
 „ quinquaginta tres. Quid a me expectatis? Numerate,  
 „ vobis „ Idem repetit etiam in Sermonem CCIL. n. 3., ubi  
 „ quamvis dixisset numerum decimum septimum continere  
 „ numerum centesimum quinquagesimum tertium, quod jam B  
 „ eos nosse sciebat, quia saepe dixerat, saepe ostenderat: ta-  
 „ men admonitionem subdit de modo quo id inveniant. Ce-  
 „ teros omnes sermones, quos de duabus piscationibus inscrip-  
 „ sit Sanctus Pater, quicumque leget inveniet, eum in hoc  
 „ sedulo incumbere ut quantâ possit perspicuitate majori haec  
 „ mysteria numeri centesimi quinquagesimi tertii in radice  
 „ decimi septimi contenti fusè explicet. Quibus addo Enar-  
 „ rationem in Psalmum 150 n. 1. & Tractatum 122. in  
 „ Johannem n. 6. & seqq., ubi tantò abundantius de his lo-  
 „ quitur, quia locum proprium a quo commemorantur apud  
 „ Fratres explicandum susceperat.

Quomodo ergo verisimile erit, quòd Sanctus Pater, qui C  
 in his fusè explicandis, & in unum iungendis tempus terere  
 nunquam putavit; nunc in Sermonem CCLIX., & numeri  
 decimi septimi non meminerit, & duas piscationes prae-  
 termiserit, unâ reticita, & numerum centum quinquaginta  
 trium piscium, obiter commemoraverit. Si credebatur jam  
 id satis notum populo, certè controversus sermo ad tempus  
 sui Episcopatus assignabitur, & ceteros penè omnes de hac  
 re ante hunc habitos jure optimo existimabimus, ut expli-  
 catione praeveniente, parsimoniam verborum in re obscura  
 excu-

**D** excusemus. Si autem dictus sermo ceteros extantes præcessit, quomodo explicabimus illud *de quo quantum memini aliquando trallavimus*, dum nihil hujusmodi proferre possimus?

Verum (quandoquidem inconvenientia, de quibus usque nunc egimus nihili essent facienda) disparilitas doctrinae in eodem subjecto prædicatae, convincere poterat Tournely, Sermonem CCLIX. Augustinum non redolere. In omnibus enim locis, ubi de duabus piscationibus tractat, hoc unum constantissimè retinet Sanctus Pater; primam scilicet illam ante suam resurrectionem a Domino Apostolis imperatam, præsentis temporis Ecclesiam significare, in qua mali cum bonis consistunt tanquam palea frumento commixta ante ventilationem: alteram verò post Domini resurrectionem a discipulis factam, in qua centum quinquaginta tres magni pisces capti ab Evangelista commemorantur, futuram coelestem supernamque Ecclesiam significare, in qua boni certo & definito numero, soli regnabunt. Nunquam Ecclesiam hujusmodi hic futuram insinuat, nunquam in judicii tantum die incohendam, nunquam bonos cum malis post mortem corporis eodem loco recipi dixit: sed semper catholicam, firmamque & sanitissimam doctrinam proposuit, qualem sermo continet 252. supra relatus. Quamobrem si recta docebat Augustinus presbyter, ejus quinque presbyteratus anni locum non dabunt Sermoni CCLIX. si paria Episcopus prædicabat, quod confirmat Tournely, nullum item locum inveniet controversus sermo, qui proinde veluti supposititius in appendicem communi voto erit rejiciendus.

## CAPUT DECIMUM.

123

A

*Examinatur doctrina Augustini ab anno 392. ad totum annum  
395., & ex hac etiam Sermo CCLIX. non genuinus  
detegitur.*

**Q**UAM esset optandum, retractationes sermonum suorum post se reliquisse Augustinum, ne lis huiusmodi vel unquam suscepta fuisset, vel iis temporibus quibusque propriis assignatis, citius, si modo oriri potuisset, dirimeretur. Tunc quae ejusdem generis videnda essent, certò sciremus, & parvo labore contraria sentientes suasi dimitterentur: quamvis non spernendum mihi videatur argumentum, quod ab omnium doctrina deducitur; in nullo scilicet eorum, qui hac postrema Maurinorum censurâ Augustino tribuuntur, inimò nec in iis, quos in appendicem rejecerunt doctissimi Monachi, aliquid consonum vel simile inveniri cum erroneis sententiis nunc intrusi sermonis. Sed quoniam profundius aquam attingere cogimur doctrinam Augustini examinaturi anno 392, Acta occurrunt contra Fortunatum Manichaeum disp. 2. n. 22. In his catholicissimè disputans Augustinus contra perversae illius sectae infirma principia, hoc retinuit semper; primi hominis peccato captivatas omnes animas esse sub duplici lege, peccati scilicet & mortis, quarum altera a prima procedit. Explicaturus autem quomodo animae jam per gratiam Dei a lege peccati & mortis liberatae, adhuc legi mortis in corpore suo sint alligatae, ita inquit, „Propter autem gratiam Dei, quae nos liberat a lege peccati & mortis, ad justitiam conversi liberamur: ut postea eadem ipsa caro, quae nos poenis torfit in peccatis manentes, subiciatur nobis in resurrectione, & nulla adversitate nos quatiat, quominus legem & divina praecepta servemus.

Quod

- D " Quod non ita est accipiendum (subdit l. 1. *Retract. cap.*  
 " 16.) tanquam & in illo Dei regno, ubi incorruptibile  
 " atque immortale corpus habebimus, de scripturis divinis  
 " lex & praecepta sumenda sint: sed quia perfectissime ibi  
 " lex aeterna servabitur, & illa duo praecepta de diligen-  
 " do Deo & proximo, non in lectione, sed in ipsa per-  
 " fecta & sempiterna dilectione tenebimus. „ Sed quia  
 conversio ad iustitiam non corporis sed animae actio est,  
 cuius est item dilectio, sequitur quod ea liberatio a lege  
 peccati & mortis aeternae in hac vita per Dei gratiam in-  
 cohata, in altera perseveret; & tunc vera animae oriatur  
 libertas, cum exurâ hac mortalis corporis farcinâ, quod  
 E aggravat animam, eadem libertate suâ fruitur in sapien-  
 tia, & iustitiam, cui jamdiu copulata est, contemplatur,  
 Deum diligendo a quo liberata est, & proximum item,  
 quem vel congregatum in sinu Abrahae, Deo revelante,  
 reperit, vel congregandum expectat; donec pristino corpori  
 cum ceteris hominibus restituta, in eâdem Dei & proximi  
 dilectione perseveret etiam exterioribus signis, quam nunc  
 interiori exercetur affectu.

- Quod si aliter Augustini illa verba potuissent interpreta-  
 ri ita ut haec incohata in Sanctis adhuc viventibus a lege  
 peccati & mortis libertas, aliquantulum nutaret post eorum  
 F corporis mortem; nunquid hanc nimis optatam concessio-  
 nem dissimulassent Manichaei? Scimus enim eos inter alia  
 erronea etiam illud sensisse, quod Sanctorum Patriarcharum  
 & Prophetarum animabus purgationem & regnum Coelo-  
 rum concesserit Christus, ad quod, ut catholicos infectatur  
 Faustus Manichaeus, *vobis etiam consentibus, longo intervallo de*  
*terra, ac poenali inferorum custodia, ubi se vitae merita coerce-*  
*bant a Christo Domino nostro liberatos, per ejus scilicet mysticam*  
*passionem pervenire ad hoc ipsum potuisse, si pervenerunt quod scri-*  
*psum de eis est. l. 33. contra Faustum cap. 1.* Aliter autem  
 illis

illis verbis sensisse Augustinum patet, tum ex silentio Manichaeorum hanc sententiam illi non obijcientium; tum ab iis quae ad animosa Fausti commenta, ibidem respondet, cap. scilicet 4. & 5. ait enim., Quomodo in tuto, qui  
„ te Patriarchas odisse dicis impuros, & Deum adhuc  
„ plangis impurum? Certè illis Patriarchis post adventum  
„ Salvatoris praestitam purgationem & datam beatam  
„ requiem concessisti: Deus autem vester & post adventum  
„ Salvatoris adhuc jacet in tenebris, adhuc flagitiis  
„ omnibus mergitur, adhuc in impuris omnibus volutatur:  
„ ita non solum vita illorum hominum melior erat Deo  
„ vestro, verum etiam mors ipsa felicior. In quibus autem  
„ sedibus erant iusti, qui exierant de hac vita priusquam  
„ Christus in carne venisset; & utrum etiam ipsos  
„ ad aliquid melius passio Christi transtulerit, qui in eum  
„ venturum passurum, resurrecturum non tantum crediderant,  
„ verum etiam hoc ipsum sicut oportebat, prophetico spiritu  
„ praenunciaverant, in scripturis sanctis indagandum est, si  
„ quo modo ad liquidum indagari potest; non hinc temeritatem  
„ opinantium confectandae quorumlibet hominum, nedum tam execrabilis  
„ haereseos nimis longè a veritate aberrantium. Frustra  
„ sibi sanè per hanc obliquitatem pollicetur Faustus, ali-  
„ quid post hanc vitam cuiuspiam posse praestari, quod sibi  
„ praestandum in hac vita non comparaverit. Bonum est  
„ vobis, ut dum hinc vivitis, istum relinquatis errorem, &  
„ veritatem catholicae fidei cognoscatis atque teneatis. Alio-  
„ quin longe aberit quod sibi pollicetur iustus, cum fieri  
„ coeperit quod injusto minatus est Deus.  
„ De vita autem Patriarcharum jam quantum satis  
„ arbitratus sum, homini maledico non pauca respondi:  
„ quibus non utique in morte correctis, vel post passionem  
„ suam iustificatis, testimonium Dominus perhibebat, cum  
„ Ju-

- D „ Judaeos admoneret, ut si Abrahae filii essent, facta Ab-  
 „ rahae facerent; & quod idem Abraham ejusdem diem  
 „ videre concupierit, gavisusque fuerit cum vidisset; &  
 „ quòd in ejus sinum, idest nescio cujus quietae felicitatis  
 „ magnum abditumque secretum, abstulerint Angeli pau-  
 „ perem illum aerumnosum a divite superbiēte contem-  
 „ ptum. Quid dicam de Apostolo Paulo? An fortè & ipse  
 „ post mortem justificatum laudat Abraham, qui prius  
 „ quam circumcideretur credidit Deo, & deputatum est  
 „ illi ad justitiam: quod tanti pendit, ut nos non ob aliud  
 „ dicat filios ejus esse effectos, qui ejus carne propagati  
 „ non sumus, nisi quòd ejus fidei vestigia sequamur.

- E „ Quem item beatum pauperem etiam somniis Adimanti  
 Manichaei discipuli anno 394. opposuerat, qui contrarios  
 contendebat textus *Beati pauperes spiritu quoniam ipsorum est*  
*regnum coelorum, & Vae vobis divitibus, quia percepistis consolati-*  
*onem vestram, illi, quo dictum est in lege Ego sum, qui di-*  
*vitias do amicis meis, & paupertatem inimicis meis.* „ Sed cur  
 „ nolunt, dicebat Augustinus, & alia in Evangelio contu-  
 „ eri? Ubi enim scriptum est *Beati pauperes spiritu, quoniam*  
*ipsorum est regnum Coelorum: ibi sequitur Beati misericordes quoniam*  
*ipsi haereditate possidebunt terram.* Ecce habent amicos Dei  
 „ haereditate terrae divites fieri. Cum autem ad tantam  
 „ egestatem dives ille redigitur, ut ab eo paupere, quem  
 „ neglexerat, digito brevi in aqua tincto arenti linguae  
 „ suae humorem stillari deprecetur, intelligant quomodo  
 „ fiant pauperes inimici Dei, & id esse cognoscant, quod  
 „ in Lege scriptum est *Ego sum, qui divitias do amicis meis, &*  
*paupertatem inimicis meis.* (Contra Adimant. Manichaei  
 discipul. c. 29.)

Porro retributionem divitiarum gloriae promptam justos  
 consequi, sicut iniquos paupertatis poenam, haec apertissi-  
 mè praedicant, ideoque commixtionem illam justorum &  
 ini-



iniquorum usque ad iudicii diem, quam continet sermo controversus, manifestissime damnant. Quod autem notaru inutile fortasse non erit, sententiam ostendunt Sancti Patris de beatitate Sanctorum in sinu Abrahae, ubicunque situs ille fuerit, etiam ante Christum passum; & praeterea demonstrant etiam antiquis quibusdam visum esse Sanctorum animas per Christi descensum a poenali inferorum custodia liberatas, quos tamen Augustinus homines quosdam temeraria opinantes appellat, Fausto respondens, qui horum quasi auctoritate in catholicos invehebat, suaeque perversissimae opinioni veluti ex nostris placitis opitulabatur.

Aliam item suppeditat probationem integrae fidei Sancti Patris, in eo quod respicit non retardatam Sanctorum salutem, ejus epistola 22. alias 64. quam anno 392. Aurelio Carthagenensi doctissimo Episcopo nuncupavit. In ea auctor Aurelio Augustinus est, ut comestiones, quae in Africanis Ecclesiis a fidelibus quasi quadam religione celebrabantur, ejus auctoritate, vel etiam Concilii Episcopalis sanctionibus prohiberentur. „Comestiones enim & ebrietates ita concessae & licitae putantur (ait n. 3.) ut in honorem etiam beatissimorum Martyrum, non solum per dies solemnes, sed etiam quotidie celebrentur. Et n. 6 Sed quoniam istae in coemeteriis ebrietates & luxuriosae convivia, non solum honores Martyrum a carnali & imperita plebe credi solent, sed etiam solatia mortuorum; mihi videtur facilius illic dissuaderi posse istam foeditatem ac turpitudinem, si & de scripturis prohibeatur, & oblationes pro spiritibus dormientium, quas vere aliquid adjuvare credendum est, super ipsas memorias, non sint sumptuosae, atque omnibus petentibus sine tippo & cum alacritate praebeantur: neque vendantur, sed si quis pro religione aliquid pecuniae offerre voluerit, in praesenti pauperibus erogat. Ita nec deferere videbuntur

memo-

D „ memorias suorum, & id celebrabitur in Ecclesia, quod  
 „ piè & honestè celebratur.

Ubi sive beatissimos Martyres recolas, sive aliquas oblationes verè aliquid adjuvare spiritus dormientium, & illos in coelis sine ulla indigentia, & istos in loco ubi a viventibus suffragari possint apertè definit; hosque ab iis separat quibus nihil a sacramentis solatii aut levaminis potest obvenire. Quibus autem scripturis id esset probandum vide ex epistola 29. ad Alypium Thagastensem, ubi de his comestrationibus tandem ab Ecclesia Hipponensi exulatis illum certiorum reddit.

E Quoniam verò necessitate explicandi textum ex Actis contra Fortunatum Manichaeum, aliquatenus confundimus praefixum ordinem; doctrinam enim anni 392. per illam explicavimus, quam anno 394. contra Adimantum protulit Sanctus Pater, & per illam item qua Faustum debellavit Episcopali munere jam decoratus, nunc monumenta anni 393. proferamus in medium.

Hoc igitur anno, plenario ut ipse ait totius Africae concilio Hipponeregio congregato, ipse adhuc presbyter de Fide & Symbolo coram Episcopis disputavit. Quàm bene rudimenta fidei nostrae calleret, quàm rectè ex scripturis ipsa defenderet; quàm sana praedicaret, ii videant, qui laudatum librum meditari non gravabuntur. Illic certè cap. 6. ait, „ Credimus in Coelum ascendisse, quem beatitudi-  
 „ nis locum etiam nobis promisit, dicens *Erunt sicut Angeli*  
 „ *in Coelis*, in illa civitate, quae est mater omnium nostrum  
 „ Jerusalem aeterna in Coelis. Hic porro, quamvis de vita Sanctorum post resurrectionem expressè loquatur corporis Dominici proposito exemplo, nihil ambigit nobis eum beatitudinis locum promittere, in quo jam regnat caput illius matris nostrae Jerusalem aeternae in Coelis. Non dicit hic in terra regnaturum Christum cum Sanctis in fine saeculi,  
 nec

non impollutam & sanctam Ecclesiam hic primò futuram, sed aeternam Jerusalem absque mora post resurrectionem Sanctis pollicetur in Coelis. A

Quid autem nomine Coeli intelligeret Sanctus Pater, inde patet, quod anno 393. vel 394. dixit ( l. 1. de ferm. Domini in monte c. 5. n. 15. ) textum explanans *Gaudete & exultate quoniam merces vestra copiosa est in Coelis* „ Non hic „ Coelos dici puto superiores partes hujus visibilis mundi. „ Non enim merces nostra, quae inconcussa & aeterna „ esse debet, in rebus volubilibus & temporalibus collocan- „ da est. Sed in Coelis dictum puto, in spiritualibus firma- „ mentis, ubi habitat sempiterna justitia, in quorum com- „ paratione terra dicitur anima iniqua cui peccanti dictum B „ est, *Terra es & in terram ibis*. De his Coelis dicit Apo- „ lus, *Quoniam conversatio nostra in Coelis est* „ „ Quòd autem „ aliquae animae jam hujusmodi beatitate fruuntur, declarat continuò dicens : „ Sentiant ergo jam istam mercedem, qui „ gaudent spiritualibus bonis ; sed tunc ex omni parte per- „ ficientur, cùm etiam hoc mortale induerit immortalitatem.

Quia verò auctor controversi sermonis regnum Christi in terris veluti a Scripturis Sanctis praeclariissimè intimatum, nulla haesitatione supponit; videtur quòd textum illum C *Beati mites quoniam ipsi haereditate possidebunt terram*, ad suam rem esse putaret; exceptà pro nunc repetitâ mille annorum commemoratione, quae cap. 20. Apocalypsis legitur, de qua suprà non pauca locuti sumus, & infra loquemur. Augustino autem aliter omninò terram hanc mitibus a Domino promissam sonare, declarant ejus verba ejusdem libri cap. 2., ubi ait „ *Illam credo terram, de qua in Psalmo dicitur Spes mea es tu, portio mea in terra viventium*. Significat „ enim quamdam soliditatem & stabilitatem haereditatis „ perpetuae, ubi anima per bonum affectum tamquam

I

„ loco

D " loco suo requiescit, sicut corpus in terrâ, & inde cibo suo  
 " alitur, sicut corpus ex terra: ipsa est requies & vita San-  
 " ctorum. Mites autem sunt qui cedunt improbitatibus,  
 " & non resistunt malo, sed vincunt in bono malum.  
 " Rixentur ergo immites & dimicent pro terrenis & tem-  
 " poralibus bonis: *Beati autem mites, quoniam ipsi haereditate*  
 " *possident terram*, de qua pelli non possint.

Nec minus utilia proposito nostro ea esse, quae ibidem  
 praecedunt & subsecuntur, ubi de octo beatitudinibus ser-  
 monem instituit Sanctus Pater, intentionem suam, immo  
 & fidem de praemio post hanc vitam a Sanctis confe-  
 E quendo pluribus praefaciens, quae hic legentium oculis sub-  
 jicimus; tantòque libentius, quia eadem in solemnitate  
 Omnium Sanctorum, & per octavam Romana legit Ec-  
 clesia; unde quanti ipsa Augustinum faciat etiam presby-  
 terum, & quàm bene tota haec lectio beatitatem Sanctis  
 jam conlatam confirmet, potest intelligi.

" 3. Quid ergo dicit? *Beati pauperes spiritu, quoniam ipso-*  
 " *rum est regnum Coelorum*. Legimus scriptum de appetitione  
 " rerum temporalium, Omnia vanitas & praesumptio spi-  
 " ritus: praesumptio autem spiritus audaciam & superbiam  
 " significat: vulgò etiàm magnos spiritus superbi habere.  
 F " dicuntur, & rectè, quandoquidem spiritus etiam ventus  
 " vocatur. Unde scriptum est, Ignis, grando, nix, gla-  
 " cies, spiritus procellarum. Quis verò nesciat superbos  
 " inflatos dici, tanquam vento distentos? Unde est etiam  
 " illud Apostoli, Scientia inflat, charitas verò aedificat.  
 " Quapropter rectè hîc intelliguntur pauperes spiritu, hu-  
 " miles & timentes Deum, idest non habentes instantem  
 " spiritum. Nec aliundè omninò incipere oportebat beati-  
 " tudinem; siquidem perventura est ad summam sapien-  
 " tiam: Initium autem sapientiae timor Domini: quoniam  
 " & è contrario Initium omnis peccati superbia est. Su-  
 " perbi

„ perbi ergo appetant & diligant regna terrarum: *Beati*  
 „ *autem pauperes spiritu quoniam ipsorum est regnum Caelorum.* A

Et commemoratis n. 4. quæ paulo ante jam scripta sunt, secundam beatitudinem explicans, tertiam prosequitur dicens

„ 5. *Beati lugentes, quoniam ipsi consolabuntur.* Luctus est  
 „ tristitia de amissione carorum: conversi autem ad Deum  
 „ ea, quæ in hoc mundo cara amplectebantur, amittunt:  
 „ non enim gaudent his rebus, quibus antea gaudebant,  
 „ & donec fiat in illis amor æternorum, nonnullâ moesti-  
 „ tia sauciantur: consolabuntur ergo Spiritu sancto, qui  
 „ maximè propterea paracletus nominatur, idest consola-  
 „ tor, ut temporalem amittentes æternâ lætitiâ perfru-  
 „ antur. B

„ 6. *Beati qui esuriunt & sitiunt iustitiam, quoniam ipsi satur-*  
 „ *rabuntur.* Jam istos amatores dicit veri & inconcussi boni.  
 „ Illo ergo cibo saturabuntur, de quo ipse Dominus dicit  
 „ Meus cibus est ut faciam voluntatem Patris mei,  
 „ quod est iustitia: & illâ aquâ, de qua quisquis biberit,  
 „ ut idem dicit, Fiet in eo fons aquæ salientis in vitam  
 „ æternam.

„ 7. *Beati misericordes; quoniam ipsorum miserebitur.* Beatos  
 „ esse dicit qui subveniunt miseris, quoniam eis ita repen-  
 „ ditur, ut de miseria liberentur. C

„ 8. *Beati mundi corde, quoniam ipsi Deum videbunt.* Quàm  
 „ ergo stulti sunt, qui Deum istis exterioribus oculis quæ-  
 „ runt, cum corde videatur, sicut alibi scriptum est. Et  
 „ in simplicitate cordis quaerite illum. Hoc est enim mun-  
 „ dum cor, quod est simplex cor: & quemadmodum lumen  
 „ hoc videri non potest nisi oculis mundis, ita nec Deus  
 „ videtur, nisi mundum sit illud, quo videri potest.

„ 9. *Beati pacifici, quoniam ipsi Filii Dei vocabuntur.* In pace  
 „ perfectio est, ubi nihil repugnat, & ideo filii Dei paci-

- D " fici, quoniam nihil resistit Deo, & utique filii similitu-  
 " dinem patris habere debent. Pacifici autem in semeri-  
 " pſis sunt, qui omnes animi sui motus componentes & sub-  
 " jicientes rationi, idest menti & spiritui, carnalesque  
 " concupiscentias habentes edomitas, fiunt regnum Dei:  
 " in quo ita sunt ordinata omnia, ut id quod est in ho-  
 " mine præcipuum & excellens, hoc imperet, ceteris non  
 " reluctantibus, quae sunt nobis bestiisque communia; at-  
 " que idipsum, quod excellit in homine, idest mens &  
 " ratio, subjiciatur potiori, quod est ipsa Veritas Unigeni-  
 " tus filius Dei. Neque enim imperare inferioribus potest,  
 " nisi superiori se ipse subjiciat. Et haec est pax, quae da-  
 " tur in terra hominibus bonae voluntatis; haec vita con-  
 " summati perfectique sapientis. De hujusmodi regno  
 " pacatissimo & ordinatissimo missus est foras princeps  
 " hujus saeculi, qui perversis inordinatisque dominatur.  
 " Hac pace intrinsecus constituta atque firmata, quascun-  
 " que persecutiones ille qui foras missus est, forinsecus con-  
 " citaverit, auget gloriam, quae secundum Deum est; non  
 " aliquid in illo aedificio labefactans, sed deficientibus ma-  
 " chinis suis, innotescere faciens quanta firmitas intus ex-  
 " tructa sit. Ideo sequitur, *Beati qui persecutionem patiuntur*  
 F " *propter justitiam, quoniam ipsorum est regnum Coelorum.*  
 " 10. Sunt autem omnes istae octo sententiae. Jam  
 " enim cetera compellans loquitur ad illos, qui aderant,  
 " dicens: *Beati eritis cum vobis maledicent & persequentur vos.*  
 " Superiores autem sententias generaliter dirigebat: non  
 " enim dixit *Beati pauperes spiritu*, quoniam vestrum est re-  
 " gnum Coelorum; sed *quoniam ipsorum est regnum Coelorum;*  
 " neque *Beati mites*, quoniam vos possidebitis terram; sed  
 " *quoniam ipsi possidebunt terram.* Et ita ceteras usque ad octa-  
 " vam sententiam, ubi ait *Beati qui persecutionem patiuntur pro-*  
 " *ppter justitiam, quoniam ipsorum est regnum Coelorum.* Inde jam  
 " incipit

„ incipit loqui praesentes compellans, cum & illa, quae  
 „ supra dicta sunt, ad eos etiam pertineant, qui praesentes A  
 „ audiebant; & haec postea, quae videntur praesentibus  
 „ specialiter dici, pertineant etiam ad illos, qui absentes, vel  
 „ post futuri erant. Quapropter ille sententiarum nume-  
 „ rus diligenter considerandus est. Incipit enim beatitudo  
 „ ab humilitate: *Beati pauperes spiritu*, idest non inflati, dum  
 „ se divinae auctoritati subjicit anima, timens post hanc vi-  
 „ tam ne pergat ad poenas, etiamsi fortè in hac vita sibi  
 „ beata esse videatur. Inde venit ad divinarum scriptura-  
 „ rum cognitionem, ubi oportet eam se mitem praebere  
 „ pietate, ne id quod imperitis videtur absurdum virupe- B  
 „ rare audeat, & pervicacibus concertationibus efficiatur  
 „ indocilis. Inde jam incipit scire quibus nodis saeculi hujus  
 „ per carnalem consuetudinem ac peccata teneatur: itaque  
 „ in hoc tertio gradu, in quo scientia est, lugetur amillio  
 „ summi boni, quia inhaeretur extremis. In quarto autem  
 „ gradu labor est, ubi vehementer incumbitur ut sese ani-  
 „ mus avellat ab eis, quibus pestifera dulcedine innexus est:  
 „ hic ergo esuritur & sititur justitia, & multum necessa-  
 „ ria est fortitudo, quia Non relinquitur sine dolore quod  
 „ cum delectatione retinetur. Quinto autem gradu perse- C  
 „ verantibus in labore datur evadendi consilium; quia  
 „ nisi quisque adjuvetur a superiore, nullo modo sibi est  
 „ idoneus ut sese tantis miseriarum implicamentis expediat:  
 „ est autem justum consilium, ut qui se a potentiore adju-  
 „ vari vult, adjuvet infirmiores, in quo est ipse potentior:  
 „ itaque *Beati misericordes, quia ipsorum miserebitur*. Sexto gra-  
 „ du est cordis munditia de bona conscientia bonorum  
 „ operum, valens ad contemplandum summum illud bo-  
 „ num, quod solo puro & sereno intellectu cerni potest.  
 „ Postremo est septima ipsa sapientia, idest contemplatio  
 „ veritatis pacificans torum hominem, & suscipiens simi-

- D** „ litudinem Dei, quae ita concluditur, *Beati pacifici*, quoniam ipsi *Filii Dei* vocabuntur. Octava tamquam ad caput redit, quia consummarum perfectumque ostendit & probat; itaque in prima, & in octava nominatum est regnum Coelorum, *Beati pauperes spiritu*, quoniam ipsorum est regnum Coelorum: & *Beati qui persecutionem patiuntur propter iustitiam*; quoniam ipsorum est regnum Coelorum; cum jam dicitur, Quis nos separabit a charitate Christi? tribulatio, an angustia, an persecutio, an fames, an nuditas, an periculum, an gladius? Septem sunt ergo, quae perficiunt: nam octava clarificat, & quod perfectum est demonstrat, ut per hos gradus perficiantur & ceteri, tamquam a capite rursus exordiens.
- E** „ 11. Videtur ergo mihi etiam septiformis operatio Spiritus sancti, de qua Isaïas loquitur, his gradibus sententiisque congruere. Sed interest ordinis: nam ibi enumeratio ab excellentioribus coepit, hic verò ab inferioribus. Ibi namque incipit a sapientia & desinit ad timorem Dei: sed initium sapientiae timor Domini. Quapropter si gradatim tamquam ascendentes numeremus, primus ibi est timor Dei, secunda pietas, tertia scientia, quarta fortitudo, quintum consilium, sextus intellectus, septima sapientia. Timor Dei congruit humilibus, de quibus hic dicitur *Beati pauperes spiritu*, idest non inflati, non superbi: quibus Apostolus dicit, Noli altum sapere, sed time, idest noli extolli. Pietas congruit mitibus: qui enim piè quaerit, honorat Sanctam Scripturam, & non reprehendit quod nondum intelligit, & propterea non resistit, quod est mitem esse: unde hic dicitur *Beati mites*. Scientia congruit lugentibus, qui jam cognoverunt in scripturis, quibus malis vincti teneantur, quae tamquam bona & utilia ignorantes appetiverunt: de quibus hic dicitur *Beati qui lugent*. Fortitudo congruit esurientibus, &
- „ sitien-



» sitientibus : laborant enim desiderantes gaudium de veris  
 » bonis, & amorem a terrenis & corporalibus avertere. A  
 » cupientes : de quibus hîc dicitur *Beati qui esuriunt & sitiunt*  
 » *justitiam*. Consilium congruit misericordibus, ut dimitta-  
 » mus, sicut nobis dimitti volumus; & adjuvemus in quo  
 » possumus alios, sicut nos in quo non possumus cupimus  
 » adjuvari de quibus hîc dicitur *Beati misericordes*. Intel-  
 » lectus congruit mundis corde, tamquam purgato oculo,  
 » quo cerni possit, quod corporeus oculus non vidit, nec  
 » auris audivit, nec in cor hominis ascendit : de quibus  
 » hîc dicitur *Beati mundo corde*. Sapientia congruit pacificis,  
 » in quibus jam ordinata sunt omnia, nullusque morus ad-  
 » versus rationem rebellis est, sed cuncta obtemperant B  
 » spiritui hominis, cum & ipse obtemperet Deo, de quibus  
 » hîc dicitur *Beati pacifici*. (Ordinata autem omnia hîc in  
 » pacificis significare intelligit id nunc agentibus pacificis doman-  
 » do concupiscentias, ut ad istam pacem quandoque veniatur. I. 1.  
 » retract. 19. r.)  
 » 12 Unum autem praemium, quod est regnum Coe-  
 » lorum, pro his gradibus variè nominatum est : In primo,  
 » sicut oportebat, positum est regnum Coelorum, quod est  
 » perfecta summaque sapientia animae rationalis. Sic ita-  
 » que dictum est *Beati pauperes spiritu, quoniam ipsorum est re-*  
 » *gnum Coelorum* tamquam diceretur Initium sapientiae timor C  
 » Domini. Meritis haereditas data est, tamquam testamen-  
 » tum patris cum pietate quaerentibus : *Beati mites quoniam*  
 » *ipsi haereditate possidebunt terram*. Lugentibus consolatio,  
 » tamquam scientibus quid amiserint, & quibus meriti sint :  
 » *Beati qui lugent, quoniam ipsi consolabuntur*. Esurientibus &  
 » sitientibus saturitas, tamquam refectio laborantibus, for-  
 » titerque certantibus ad salutem : *Beati qui esuriunt & sitiunt*  
 » *justitiam, quoniam ipsi saturabuntur*. Misericordibus miseri-  
 » cordia tamquam vero & optimo consilio utentibus, ut hoc

- D** eis exhibeatur a potentiore quod invalidioribus exhibent:  
 „ *Beati misericordes; quoniam ipsorum miserebitur.* Mundis corde  
 „ facultas videndi Deum, tamquam purum oculum ad in-  
 „ telligenda aeterna gerentibus: *Beati mundo corde; quo-*  
 „ *niam ipsi Deum videbunt.* Pacificis Dei similitudo, tam-  
 „ quam perfectè sapientibus, formatisque ad imaginem  
 „ Dei per regenerationem renovati hominis: *Beati pacifici;*  
 „ *quoniam filii Dei vocabuntur.* Et ista quidem in hac vita pos-  
 „ sunt compleri, sicut completa esse in Apostolis credimus.  
 (idest ut ipse explicat in l. 1. retract. 19. n. 2., *quadam per-*  
*fectione, cujus capax est ista vita.*) Nam illa omnimoda in-  
**E** „ angelicam formam mutatio, quae post hanc vitam pro-  
 „ mittitur, nullis verbis exponi potest. *Beati ergo qui persecu-*  
 „ *tionem patiuntur propter justitiam; quoniam ipsorum est regnum*  
 „ *Coelorum.* Haec octava sententia, quae ad caput redit,  
 „ perfectumque hominem declarat, significatur fortasse &  
 „ circumcisione octavo die in veteri Testamento; & Do-  
 „ mini resurrectione post sabbatum, qui est utique octa-  
 „ vus, idemque primus dies; & celebratione octavarum  
 „ feriarum, quas in regeneratione novi hominis celebra-  
 „ mus, & numero ipso Pentecostes. Nam septenario nu-  
 „ mero septies multiplicato, quo fiunt quadraginta novem,  
**F** „ quasi octavus additur, ut quinquaginta compleantur, &  
 „ tamquam redeatur ad caput, quo die missus est Spiritus-  
 „ sanctus, quo in regnum Coelorum ducimur, & haere-  
 „ ditatem accipimus, & consolamur, & pascimur, & mi-  
 „ sericordiam consequimur, & mundamur & pacificamur,  
 „ atque ita perfecti, omnes extrinsecus illatas molestias pro  
 „ veritate & iustitia sustinemus.

Et post pauca contra haereticos & schismaticos dicta,  
 numero demum 15. textum explicans suprarelatum *Gaudete*  
 & *exultate, quoniam merces vestra multa est in Coelis*, doctrinam  
 hanc de octo beatitudinibus claudit, quam postea n. 28.  
 tractandam reassumit. Nul-

Nullibi invenietur, terrenum Christi regnum aut ante aut post resurrectionem innuisse Augustinum; nullibi perfectionem septimae denegasse, quamvis declarandam, & clarificandam per accellionem octavae dixerit: immo cum num. 10. de iis disserat gradibus, quibus homo in hac vita perficitur, hanc tamen perfectionem taliter in septima stabiliri ostendit, ut dum ad octavam quis pervenit, non novus gradus, antecedentibus quasi pertransientibus addatur; sed quod jam perfectum erat in septima per sapientiam; nunc per istum vel ostendatur vel clarificetur. Nullibi Sanctos post hanc temporalem vitam, ventilationem expectare debere dici septimae, post quam Coelorum regnum ingrediantur, ideoque usque ad illam cum impiis confundantur: sed regnum Coelorum per singulos eos gradus promissum ostendens, ad illud item elevandum declarat unumquemque justum post consummationem illius vel illarum virtutum, quae per singulos sequendae tantâ mercede proponuntur; quae porro consummatio in fine praesentis vitae constituitur, bonam enim & malam mortem, ut saepius alibi docuit, non probat nisi tempus post mortem.

Inde spiritus beatitatem in summa sapientia futuram n. 3. suprarelato dixit, quam lugentes, idest temporalibus omnibus consolationibus renunciantes, & spiritu viventes adipiscuntur, ut aeternâ laetitiâ ex eo & in eo perfruantur, ad quod fideliter conversi sunt. Visionem autem Dei mundis corde paratam in sequentibus docens, quam nonnisi stulti per oculos corporeos sibi promittere audebunt, felicitatem animae tunc perficiendam ostendit, cum ab iis vinculis liberabitur, a quibus solis ipsa praepeditur. Ubi notari debet, quod si Sanctus Pater beatitatem hominis ad resurrectionem carnis definivisset, minori jure tarditatem illorum, qui visionem Dei oculis spondent corporeis, condemnasset.

- D mnasset. Hanc autem beatitatem visionis Dei solo spiritui competere docet, qui solus veritatem contemplatur, quae nihil aliud est quam Unigenitus Filius Dei. Hinc timores animae Deum quaerentis, ne post hanc vitam pergat ad poenas. Hinc sitientes & esurientes iustitiam, eâdem iustitiâ veluti cibo saturabuntur, & fonte aquae salientis in vitam aeternam sitim explebunt. Quam scilicet in sapientia explebunt, idest contemplatione veritatis, quae septima est pacificans totum hominem. Quamvis enim ejusdem hominis inferior pars a suo superiori, idest ab anima distet, cum corpus in pristinam terram convertitur, donec resurgat:
- E tamen caro animae justae requiescit in spe, non quidem hanc requiem sentiens aut gustans, sed animâ ipsâ jam beatâ hac etiam spe certissima vivente, se nimirum iterum depositâ carne jam immortalis vestiendam, cum in omnimodam angelicam formam mutabitur, quae ipsi ex Evangelio promittitur. In quo postremo pronuntiando quae esset intentio Sancti Patris, fusè infra scrutabimur.

Inde dixit eodem libro c. 11. n. 29., Credo propterea,  
 „ quod intrinsecus sit in ipsâ mente, vel etiam si quid se-  
 „ cretius cogitari potest, gaudium divinatorum praemiorum,  
 „ de quo dicitur servo benemerito *Intra in gaudium Domini*  
 F *tui*. Intrinsecus enim esse beatitudinem nostram (jam  
 „ probaverat cap. 5 n. 13.) sicut de anima ecclesiastica ore  
 „ prophetico dicitur, *Omnis pulcritudo filiae regis intrinsecus*:  
 „ nam extrinsecus maledicta & persecutiones, & detractio-  
 „ nes promittuntur: de quibus tamen magna merces est in  
 „ Coelis, quae sentitur in corde patientium, eorum, qui  
 „ jam possunt dicere; *Gloriamur in tribulationibus, scientes quo-*  
 „ *niam tribulatio patientiam operatur, patientia autem probationem,*  
 „ *probatio verò spem; spes autem non confundit, quia charitas Dei*  
 „ *diffusa est in cordibus nostris per Spiritum sanctum, qui datus est*  
 „ *nobis.*

Beati-

Beatitudo igitur illa spiritalis, quae intrinsicè sita est & ab his probatur, quae extrinsicè operantur in mundo ab inimicis nostris, deficere non potest corpore moriente, perfici autem potest, hoc ipso jam immortali & animae omnino subdito rursus accedente. Hinc est quod octava clarificat, & non quod perfectum non est, perfectum facit; sed perfectum quod jam erat in septima, per octavae accensionem declaratur.

Quibus ad ea, quae post hanc vitam futura sunt fideliter relatis; duplicem beatitatem docuisse Sanctum Patrem patet, inadaequatam scilicet, quae solius nunc spiritus est, & in suo genere perfecta; & adaequatam, quae totius hominis erit post gloriosam corporum resurrectionem. Inde sunt explicationes, quas in l. 1. retract. huic lectioni addit, ne quisquam opinaretur eam perfectionem quam proficientibus tribuit, taliter in hac carne haberi posse, ut nihil jam ista ab illa distaret. Meminerat enim, quod in libro de Beata Vita ante presbyteratum docuerat, plenitudinem scilicet & egestatem quae beatitati & miseriae respondent in uno homine simul esse non posse. Cumque homo etiam iustus in hac vita peregrinetur a Deo, porro a plenitudine, quae in ejus consecutione & fruitione consistit, jam distat, unde egestati & miseriae subjacet donec illum inveniat, quem jam propitium se habere ex bonis actibus & affectibus fideliter sentit. Ideo sapientissimè definivit „qui beatus non est, miser & egens est;“ quod adeò sentiebat Apostolus, quamvis & divina charitate flagraret, & bonis operibus abundaret, & Christum gereret in carne sua, ut gemens exclamaret *Infelix ego homo, quis me liberabit de corpore mortis huius?* (Rom. 7. 24.) fidelissimè aliundè intimans quàm bene sciret quid sibi prodesset *desiderium habens dissolvi & esse cum Christo.* (Philip. 1. 23.)

Quòd si beatitudinem homini in hac vita degenti Augustinum.

- D finum tribuisse quis vellet, nec hoc repugno, dummodo & ipse concedat mihi eo modo hanc homini adhuc mortali a Sancto Patre concessam, quo modo Gentium Apostolus salutem tribuit Fidelibus. Qui enim dixit *Salvos nos fecit per lavacrum regenerationis* (Tit. 3. 4.), idem etiam dixit *Spe enim salvi facti sumus*. *Spes autem, quæ videtur, non est spes: nam quod videt quis, quid sperat? Si autem quod non videmus speramus: per patientiam expectamus.* (Rom. 8. 24.) Sicut igitur hæc salus spe certissimâ definita salus esse non definit, quamvis adhuc degamus in corpore, quod mortuum Paulus appellat: ita & beatitudo, optimè beatitudo nuncupatur, quamvis modò
- E non sine miseria vivamus, quia perseverantibus certissima & prompta est. Hæc de sana doctrina Augustini pro annis 392, 393., 394. satis sint. Nunc illam breviter persemus anni 395., qui postremus Augustini presbyteratus fuit.

- Quoniam libros duos de Diversis quaestionibus ad Simplicianum clarissimi Maurini ad annum referunt circiter 397. in præfatione ad Epistolas, illam perpendentes secundæ Classis in ordine 31., neque in hoc laborandum mihi esse duxi: alia monumenta non remanent, quibus doctrina Sancti Patris anno 395. emergat, nisi ejus epistolæ eodem
- F anno conscriptæ. Prima hujus anni est vigesima sexta aliàs 39. ad Licentium. Ibi n. 2. effectus sapientiæ complectens, & quomodo ejus ope in temporali hac via homines proficiant, quidve post hanc in aeterna acquirant ostendens, ait., Nam sapientia quos primò alligaverit, & exercitatoris quibusdam laboribus edomuerit, solvit postea, liberatque se se donat ad fruendum; & quos primò temporalibus nexibus erudiverit, post aeternis amplexibus alligat: quo vinculo nec jucundius, nec solidius cogitari quidquam potest. Hanc autem a Christo nobis præstari, qui veritas est, prosequitur n. 6., Non dicit verum, nisi  
,, veri.

„ veritas: Christus est veritas: veniamus ad eum ne labo-  
 „ remus: Ut ipse nos reficiat, tollamus jugum ejus super A  
 „ nos, & discamus ab eo, quoniam mitis est & humilis corde,  
 „ & inveniemus requiem animabus nostris. „ Ipsam verò  
 requiem in coelesti Jerusalem nobis parari per hujus vitae  
 exercitationem intimat epistolâ 27., aliâs 32. ad Paulinum  
 n. 1. eodem anno data, „ Nam & Jerusalem futuram desi-  
 „ deramus utique, & quantò impatientius desideramus ip-  
 „ sam, tantò patientius sustinemus omnia propter ipsam, „  
 Quid verò in ea coelesti Jerusalem anima consequatur, pau-  
 cis sed rectissimis exponit n. 4. „ Ille amandus, ille praedi-  
 „ candus est, apud quem est fons vitae, & in cujus lumine B  
 „ videbimus lumen sine aenigmate sed facie ad faciem, „  
 „ nunc autem in aenigmate videmus. „ Haec illi scribebat,  
 qui non aliter quàm littera cogit interpretaretur; nec glo-  
 riam Sanctis hisce verbis usque ad carnis resurrectionem  
 dilatam per hunc fidei Magistrum suspicatus esset, qui hu-  
 jus dogmatis vim probè noscebat, & auditoribus & amicis  
 suis & scripto & voce intimabat. Liceat quae de Lazari in  
 sinu Abrahae recepti gaudio, plenitudine, divitiis & bona  
 requie suavissimis perstrinxit numeris Nolanus Praeful in-  
 spicere; ut hinc etiam nostri temporis Poetae intelligant  
 quàm benè carminum harmoniae res spirituales coelestesque C  
 respondeant, dum ab iis pertractantur, qui earundem dul-  
 cedinem norunt, & quod intùs firma fide foveat, verbum  
 bonum foris eructant.

Disce Evangelio loca pauperis, & loca ditis:

Pauper in Abraham, dives in igne jacet.

Iustitia mutante vices, qui fleverat istic

Gaudet ibi: &, pleno paupere, dives eget.

Iste bonâ requie fruitur, gemit ignibus ille,

Dives opum poenas, pauper opes recipit.

Mendicat

D

Mendicat dives modicum de pàupere rorem,

Quem mendicantem spreuerat in superis.

Inde in eum ardentem nec parvi pauperis imo

Stillavit digito gutta refrigerii:

De magnis quoniam dapibus nec mica referto

Esurgentis in os pauperis exciderat.

D. Paul. Nolan. Poemate xxxiv. v. 485.

Quae omnia cùm orthodoxam Augustini fidem praedicent; perperam ipsi tribuitur controversus sermo, qui eam patentissimè destruit.



CAPUT



## CAPUT UNDECIMUM.

Notantur quaedam in Sermone CCLIX. occurrentia, tum in usu dictionis, tum argumentorum, tum scripturarum, quae eundem suspectum reddere poterunt. Ordo item & incessus Sermonis hanc suspicionem ingerunt, multò magis ejusdem collatio.

Proferuntur aliqua loca, ex quibus quae de elemosynis de divitiis & foenore dicuntur excerpta videntur; ubi de Sermonibus XLII. &

XXXVIII. Editionis novae, quasi non satis Augustinum praeferebantur, agitur.

**S**olidissimis fundamentis ex doctrina Augustini nondum presbyteri, ejusdemque presbyteri, quibus Sermo CCLIX. spurius haberi debet, jam propositis; alia minora notemus, quae si non probationem, tamen congruentiam suppeditant, ut de hujusmodi opere aliter judicetur, quam usque nunc opinatum est. Et primò, fateor me in tot Augustini operibus, quae quinque successivis annis, quoad fieri potuit, legi, quaeque quotidie prosequor, numquam invenisse, quòd Sanctus Pater periodum incipiens per adverbium comparationis *sicut*, apodosim ejusdem periodi per *Et* loco adverbii *ita* vel *sic*, conclusèrit. Exemplum autem hujusmodi in solo Sermone controverso habemus n. 2., ubi ait „ *Sicut* enim frumentum prius ubi tritatur, ibi purgatur, „ *Et* locus ubi frumenta pertulerunt tritutam, ut a palea „ mundarentur, decoratur dignitate massae purgatae „ quae lectio tum meae Antverpiensi tum Parisiensi Editionibus concordat.

Verbum item *triplicatio* quo ibidem utitur, numquam pariter occurrit mihi in iis omnibus locis, quibus Sanctus Pater de mysterio centumquingenta trium piscium locutus est; cum tamen in singulis prius expenderit mysterium numeri

D numeri quinquagesimi, quo ter multiplicato centumquingaginta fiunt, quibus addendo ternarium quasi duce & indice hujus multiplicationis, numerus efficitur illorum piscium, qui electorum Ecclesiam significant. Cujus rei exempla; ultra ea, quae superius adducta sunt, aliqua item invenient lectores in subsequenter, quin hoc verbum *triplicationis* offendant.

Numero item 4., postquam opera misericordiae fratribus facienda commendavit, subdit *Alia requies alia via non est, qua perveniamus ad Deum &c.* Nullibi inveniemus, Augustinum, contra nominis valorem, opera misericordiae requiem appellare; quaecumque enim sint, non requie, idest nullo opere perfici possunt, cum opera sint.

Numero 5. ait *Reficitis viscera, quando agapes facitis.* Hanc vocem numquam usurpasse Augustinum inveni in innumerabilibus locis, ubi eleemosynam & pauperum curam suae plebi commendat. Agapum autem eo tantum loci meminit, ubi contra calumnias Fausti Manichaei disserens, ait „ Nec sacrificia eorum (Paganorum) vertimus in agapes: „ sed sacrificium illud, quod paulo ante commemoravi intelleximus, dicente Domino, Misericordiam volo, non „ sacrificium. Agapes enim nostrae pauperes pascunt, sive F „ frugibus, sive carnibus. (I. 20 c. 20) Unde videtur quod non facientes agapes, sed eas distribuentes viscera reficerent.

Eodem numero; ait: *Sed quisquis minus idoneus est omnibus dare, det pauperibus pro viribus.* Porro cum haec illa sequantur, quae de duplici mercede commemorat in eo qui manu suâ facit eleemosynam, videtur non aliis, quam pauperibus, posse referri. Quid autem illud relevet *quisquis minus idoneus est omnibus dare*, nondum intelligo: agapes enim vel aliam rem quisquis dabat, procul dubio pauperibus dabat; ceteris autem non pauperibus, qui in verbo universi-

tatis

tatis omnibus comprehenduntur, non dabat.

Haec de dictione. Quod verò attinet ad argumenta: numero 1. cum de vita futura agat, & de claritate quam cum Angelis in immortal corpore obtinebimus, quam se fratribus demonstrare non posse fatetur, visuros autem secum omnes promittit qui credunt, non multum relevat quod sequitur „ Numquid fratres, dignum est ut Christus descendat de Coelo, & cicatrices suas nobis ostendat? Ideo illi incredulo ostendere dignatus est, ut objurgaret dubios, & instrueret credituros. Videtur enim quod multò amplius de futura in Coelis in immortal & glorioso corpore vita auditores erudiret, si vel transfigurationis in monte, vel ascensionis in Coelum exempla adhibuisset, in quibus de vita sanctorum futura, praeclariora demonstravit Dominus Jesus in suo corpore indicia. Quamvis enim etiam tunc, cum se Thomae palpandum prae-buit, & cicatrices protulit, veritatem glorificati corporis demonstraverit: tamen exempla claritatis multò majora in transfiguratione, & ascensione ostendit.

Quod autem ait n. 3. Nescio utrum auderes conqueri si ab illo, qui omnia condidit, acciperes aliquid quod excellentissimum condidit, contra doctrinam est Augustini, qui libro de Beata Vita anno 386. explicavit, nihil creatum creaturam rationalem implere posse, quia major animâ solus Deus est: unde sequitur quod quamvis homo aliquid excellentissimum sed creatum consequeretur, non posset non conqueri, quia ipsâ rei consecutae experienciâ se inopem inveniret, Deum non assequendo pro quo factus est, & quo solo impleri jam potest. Et si hoc excellentissimo sed creato contentus esset, tantò majori mergeretur stultitiâ, quantò magis a cognitione sapientiae distaret, vel ab ejus consecutione lubens discederet, quod eodem libro probatur.

Nunc ad scripturarum usum considerandum descendentes; vidimus n. 1. controversi sermonis veluti conclusionem

- D** ex Evangelio Joannis adhiberi *Beati qui non vident & credunt*, Quamvis verum sit Augustinum non semper versione scripturae usum quae Vulgata nunc, ab eo autem Itala vocabatur, quamque l. 2. c. 15. de Doctrina Christiana super ceteras commendat; ideoque haud impossibile videri possit, quod hunc textum non per praeteritum sed per praesens tempus secundum aliam interpretationem usurpare potuisset: tamen habito respectu ad occasionem sermonis, nimirum a recenti lectione Sancti Evangelii, quae in Ecclesia a Fratribus excepta erat, quae tamen Italâ versione ex iis, quae infra dicemus utebatur; difficile admodum apparer, quod Augustinus Ecclesiasticam lectionem deferens, alterius versionis verba tunc usurpare voluerit. Tantò autem magis cum videamus eundem textum non per praesens, sed per praeteritum a Sancto Patre explicari atque perpendi in Tract. 121. apud Fratres habito in eundem locum Joannis, n. 5., ubi ait: „*Beati qui non viderunt & crediderunt*: „ Praeteriti temporis usus est verbis, tamquam ille, qui „ quod erat futurum, in sua noverat praedestinatione jam „ factum. „ Eodem modo hunc textum refert etiam serm. 143. n. 3., aliàs 60. de Verbis Domini.
- E**

- Verum quidem est haec verba *Beati qui non vident & credunt* apud Augustinum legi; sed interest occasionem notare. Ubi enim ad populum hanc lectionem ex Evangelio explicabat, sicuti supra notatum est, per praeteritum legit, atque perpendit: ubi autem, quamvis ad populum loquens, non eadem tamen verba commemorare tenebatur, veluti ex Evangelio deprompta, sed ejusdem Evangelii sensum etiam in aliis verbis manentem; per praesens tempus haec reddere incongruum non putavit. Ita Tract. 1. in epist. Joan. n. 3., ait de eodem Thoma Apostolo loquens, „*Quia* „ tetigit hominem, confessus est Deum. Et Dominus con-
- „ solans nos, qui ipsum jam in Coelo sedentem, manu
- con-

„ contrectare non possumus, sed fide contingere, ait illi  
 „ Quia vidisti, credidisti, Beati qui non vident & credunt. „ A  
 Palam est non adamussim verba Evangelica reddere tunc  
 voluisse Augustinum, quod apertius sit antecedentia per-  
 pendendo. Paulò enim superius inquit: „ Nam & quidam  
 „ videndo non credidit, & palpare voluit, & sic credere,  
 „ & ait Non credam nisi digitos meos misero in locum  
 „ clavorum, & cicatrices ejus tetigero. „ Porro lectionem  
 Evangelii aliis contineri verbis sciebat, qui jam ante ex-  
 plicationem epistolae Joannis, magnam ejusdem Evangelii  
 partem tractaverat, ut constat ex Prologo in Decem Trac-  
 tatus in eandem Epistolam. Lectio autem Evangelii in B  
 hac parte habetur laudato Tractatu 121. n. 5. *Nisi videro in*  
*manibus ejus fixuram clavorum, & mittam digitum meum in locum*  
*clavorum, & mittam manum meam in latus ejus, non credam,*  
*quae cum nostra Vulgata omnino concordat. Proinde*  
*verba illa ex Tractatu 1. in epist. Joan. indicant, Au-*  
*gustinum, sensum quidem Evangelii, cujus optimè memi-*  
*nerat recordari voluisse, non verba. Sed quod tunc usur-*  
*pari poterat, quia aliud ab hoc diversum tractabat; non*  
*eodem jure procedit, si post initium sermonis sui per alia*  
*verba textum proximè recitati Evangelii commemorare*  
*voluisset, quasi illorum ipse oblitus, quae populum retinere* C  
*volebat, ait enim Sed audistis quomodo conclusit Evangelium Joan-*  
*nis Beati qui non vident & credunt.*

Illud autem, quod n. 3. habet: *Commendemus nos Fratres*  
*Deo operibus misericordiae. Confitemini Domino quoniam bonus quo-*  
*niam in saeculum misericordia ejus. Confiteri quoniam habet Deus*  
*miseri cordiam, & vult peccata donare confessis: ultra quàm*  
 quod non multum valet ad commendanda opera misericor-  
 diae erga pauperes, nisi veluti magnum computemus quòd  
 ibidem *miseri cordia Dei* nominetur; addere etiam fas est, non  
 ad confessionem peccatorum nostrorum, ut auctor sermo

- nis, sed ad solam confessionem laudis Dei hunc textum.
- D Psalms 117. pertinentem docere Augustinum in Enarratione ejusdem, ubi haec habet. „ Audivimus, Fratres, admonentem nos atque hortantem Spiritum Sanctum, ut sacrificium confessionis offeramus Deo. Confessio autem vel laudis ejus est, vel peccatorum nostrorum. Et illa, quidem confessio, qua peccata nostra Deo confitemur, omnibus nota est, ita ut hanc solam dici confessionem in Scripturis Sanctis minus erudita existimet multitudo: nam ubi hoc verbum lectoris ore sonuerit, continuo strepitus pius pectora tundentium consequitur. Sed debent
- E advertere quomodo dictum sit in alio Psalmo, *Quoniam ingrediar in locum tabernaculi admirabilis usque ad Domum Dei, in voce exultationis & confessionis, soni festivitatem celebrantis.* Hic enim certè manifestum est, vocem confessionis & sonum, non ad moerorem poenitentiae, sed ad laetitiam festivitatis celeberrimae pertinere. Aut si de tam manifesto testimonio quisquam adhuc dubitet, quid dicturus est ad illud quod in Ecclesiastico scriptum est *Benedicite Dominum omnia opera ejus, date nomini ipsius magnificentiam, & confitemini in laudem ipsius in canticis labiorum, & in citbaris, & sic dicite in confessione, quoniam omnia opera Domini bona nimis?* Hic certè nullus vel tardissimus ambigit, confessionem in Dei laudibus poni: nisi fortè tanta est in cujusquam mente perversitas, ut dicere audeat etiam ipsum Dominum Jesum Christum peccata sua Patri esse confessum. Quod si aliquis impius propter nomen confessionis tentaret objicere, facillimè refelleretur ipsa contextione verborum. Sic enim loquitur: *Confiteor tibi, inquit, Pater Domine coeli & terrae, quia abscondisti haec a sapientibus & prudentibus, & revelasti ea parvulis; ita, Pater quoniam sic placitum est coram te.* Quis non eum intelligat in laude Patris haec dicere? Quis non videat, istam confessionem,
- „ non

„ non ad dolorem cordis, sed ad gaudium pertinere; cum  
 „ etiam praecefferit Evangelista dicens *In ipsa hora exultavis*  
 „ *Spiritu-sancto, & dixit Confiteor tibi Pater?* A

„ 2. Quapropter, Carissimi, quoniam nullo modo est  
 „ omnino dubitandum, tot congruentibus testimoniis, quo-  
 „ rum similia in Scripturis per vos ipsos potestis advertere,  
 „ non tantum in peccatis, sed & in laudibus Dei confessio-  
 „ nem divinis litteris solere nominari; quid congruentius  
 „ in hoc Psalmo, quando *Alleluja* cantamus, quod est *Laudate*  
 „ *Dominum*, nos admoneri intelligimus, cum audimus Con-  
 „ fitemini Domino, quam idipsum, scilicet ut laudemus  
 „ Dominum? Non potuit laus Dei brevius explicari, quam  
 „ ut diceretur *Quoniam bonus est*.... Sed quoniam populo di-  
 „ citur in praenuntiatione futurorum liberato ab omni la-  
 „ bore & captivitate peregrinationis, & ab omni permix-  
 „ tione iniquorum, quod ei per gratiam Dei praestitum est,  
 „ non solum non retribuendis mala pro malis, sed etiam  
 „ retribuendis bona pro malis; convenientissime adjunctum  
 „ est *Quoniam in saeculum misericordia ejus*. Qui ergo ex hoc  
 „ textu confessionem peccatorum populo commendare stude-  
 „ bat, adeo auctoritate Augustini minus eruditae multitudini  
 „ consociatur, ut suspicari etiam liceat, haec scribentem a  
 „ calamo paulisper manum avertisse, ne absque pia pectoris  
 „ percussione hanc vocem decurreret, ipseque auctor pii illius  
 „ strepitus pectora tundentium ex exedra fuerit, si tamen  
 „ hoc aliquando alicui plebi praedicatum supponamus. B

Adde de dupla misericordia, quae fit ab eo, qui *pauperibus*  
*sic dat aliquid ut ipse eroget*; unde etiam *duas mercedes* promit-  
 tit auctor sermonis n. 5., nullibi in Augustini operibus men-  
 tionem factam reperiri. Quae tamen si digna visa fuissent  
 ut populus non ignoraret, mirum si hic tantum insinuaren-  
 tur. Immo nec Caecilium Cyprianum, nec Chrysostomum,  
 nec Hilarium Pictaviensem, nec Zenonem Veronensem, C

- D** nec Leonem Magnum, nec Maximum Taurinensem, nec D. Thomam in Summa, quos omnes consului, in prope infinitis locis, ubi eleemosynae meritum commendant, & ad eam faciendam auditores inflammant, propositis etiam praemiis, quae eam consecuntur, de hac secunda misericordia, quae ab eo fit, qui manu sua aliquid pauperibus erogat, & de duplici mercede per hoc acquisitâ, verba facere nondum inveni. E contra saepe occurrerunt in Chrysostomo illorum exempla, qui dantes gloriabantur, contra Evangelicum effectum *Nesciat sinistra tua quod facit dextera tua*; quod virium potius illos incurrere posse qui dant, quàm qui faciunt ut detur, non infimae rationes afferri possent, si huic agitandae quaestioni hic locus esset. Quod interim nunc satis est, hinc deficere constat argumentum Maurinorum, quo non nisi ex usu scripturarum conformi, & collatione similitudinis doctrinarum, etiam in iis, quae ad mores pertinent, aliquem sermonem Sancto Patri tribuisse declarant. Huic enim eidem tribuendo obstabant inter cetera explicatio vocis *Confessionis* in textu Psalmi 117., & singularis haec doctrina de dupla misericordia; sicuti enim istam non alibi apud Augustinum reperimus; sic nec textum laudati psalmi ad confessionem peccatorum insinuandam adhibitum inveniemus.
- F** Quibus omnibus attentè perpensis, quomodo hic sermo Augustino tam facilè tributus sit, justè admirari mihi videor; cum tot testimoniis ab eodem opere desumptis, multò facilius non suus appareat. Quòd si minora, quae hic notavimus praecipitantiam ostendant, qua Sancto Patri tributus est; quantò magis praepudicium apparebit in attributione doctrinae, quae beatitatem animarum Sanctarum respicit quamque expendimus supra? Sed fortasse alicujus excusationis loco adduci posse videbitur, Sirmondi iudicium in hoc securos amplissimos Monachos ejus diligentiae nihil effugisse arbitrati sunt. Verùm quia brevem Sirmondi.
- aninu



animadversionem in eo sterisse viderant, quod unam similitudinem doctrinae in aliis tractatibus & sermonibus de mysterio centumquingintatium piscium observaverat; diligentiori scrutinio locus dabatur in reliquis & in hoc ipso, ut non ex hoc solo capite, nec satis perpenso, tale opus Augustino relinqueretur. Scrutantes autem, Sirmondi iudicium nutare invenissent, saltem ab iis, quae morum doctrinam respiciunt, quibus non adtendit vir eruditus. Multò autem magis doctrinam de beatitudine Sanctorum dilarà, immeritò Sancto Patri adscriptam (forsitan non advertente, aut certè silente Sirmondo) in hoc sermone norassent, si sententiam Augustini ex suis libris & ante presbyteratum & in presbyteratu de hoc fideli antiquissimo articulo eruendam curassent, quod nunc praestitum est.

Verum, quandoquidem nimius labor, & ex praecedenti tanti viri iudicio superfluous haberetur; ille certè necessariò erat subeundus, ut ejusdem sermonis quàm diligentissimam collationem instituerent, detecturi, num saltem in hac doctrina dilationis Sanctorum, secum cohaereret. Quam ego acuratissimè suscipiens, suspicatus sum laudatissimos Monachos in iis stetisse, quae numero 2. leguntur, atque ex iis solis fundamentum sui iudicii sumpsisse; ceteris, quae in eodem sermone occurrunt non quantà opus erat diligentiam consideratis. Revera si quae numeris 3. & 4. extant attentè pensassent; ex incohaerentiae & contradictionis capite in eadem re, hoc opus Augustino abripuissent.

Nam numero 2. doctrinam erroneam contineri, & quae millenarium sapiat, quia beatitatem Sanctorum differt ad resurrectionem carnis, auctores habemus Maurinos & Tournely. Qua supposità, deteriorum millenariorum notitas in hoc sermone delitescere, ex praecedenti examine certum puto. Quas inter cùm confusio iustorum & iniustorum in eodem receptaculo emergat; dixi denegatà

**D** justis gloriâ, sequi in certissima eos damni poena mansisse; quam rursus si adimere justis vellemus, aliud incommodum consequitur, nimirum etiam peccatoribus maximum differri supplicium, dum damni poenae rationem, tormenti denegaremus. Haec a numero 2. eruuntur. Longè autem diversâ sensisse auctorem sermonis colligere debemus, ea legentes, quae numero 4. scripsit. Ibi enim haec habet. *Venturi sumus in conspectum ejus, loquantur ibi pro nobis opera nostra, & ita loquantur ut superent offensiones nostras. Quod enim amplius fuerit, hoc obtinebis, vel ad poenam, si peccata meruerint: vel ad requiem si bona opera.* Haec porro particulare cuiusque decedentis iudicium indicant, & promptam animabus operum retributionem. Quòd si aliter accipiantur, ut in tanta perspicuitate, adhuc dilationem gloriae Sanctorum usque ad finalis iudicii diem latère quis velit juxta sensum antecedentibus tributum; jam evidentius fit quod superius dixi, nimirum & dilationem poenarum impiis constitui ad solam resurrectionem carnis. Quod usque adeo a veritate abhorret, ut neque Burnetus Britannus id ausus sit nuperimè expressè pronunciare. Quamvis enim & justorum gloria & impiorum poena taliter sibi respondeant, ut alterâ dilatâ, alteram retardari sub justo iudice necesse sit: tamen

**F** haereticus gloriam justorum ad iudicii diem protrahere volens, nihil sibi tunc de impiorum poena vel examinandum vel pronunciandum calidissimè praemisit. Calidissimè, inquam; satis enim est aliquem de dilatione gloriae justorum subdola cujusquam voce suaderi, ut ex se in aliud incurrat, idem scilicet pronunciandum esse de poena iniquorum; cui suasioni quanta mala succedant, pius quisque icu oculi detegit.

Quamobrem cum ex praecipuis critices regulis ea sit, ut intentionem alicujus scriptoris investigaturi, illam a clarioribus eruamus, & per hanc obscuriora explicemus; jam  
verba

verba numeri 4. probant, quòd numero 2. auctor sermonis dilationem gloriae Sanctorum non intelligeret, opinionemque Maurinorum destruat, qui ab iis, quae dicto numero 2 scripta sunt, millenarii notam ex recensito erroneo capite Augustino tribuunt. Vel si verba numeri 4. hanc notam non valent abstergere, culpa Sancti Patris supra intentionem Maurinorum excrescit; non enim solummodo gloria sanctis, sed pena impiis, & item peculiare cujusque decedentis iudicium in hoc sermone denegatur.

Elegant igitur Maurini quod porius volunt: num ex subsequendis praecedentia, vel ex antecedentibus sequentia explicanda sint. Si subsequentia antecedentibus explicanda assumunt, jam Augustinus aut presbyter aut Episcopus (quocunque tempore istum sermonem dixerit) millenarius non est: quae enim de peculiari iudicio & de prompta, juxta cujuscunque opera, retributione hinc praedicantur, apertè indicant quid in illis obscurioribus interpretandis firmiter retinendum sit. Quo posito, jam abradetur ab editis omnibus injusta & indecens Sancto Patri imputatio, quod mihi pro non parvi laboris mercede proposui. Vel sensui antecedentibus tributo accomodari subsequentia debent, & tunc, ut notatum est, Augustinus deterioribus millenariis adeo favit, ut in comparatione illius Vigilantius, Calvinus, Lutherus, atque Burnetus mitius desipuerint; negat enim & impiorum poenas usque ad iudicii diem. Quod tamen cum Maurini & Tournely ab eo loco l. 20. c. 7. de Civitate Dei nullo modo valeant eruere (neque enim hoc Sancto Patri imputant); jam remanet, quòd hic sermo, qui deteriora continet iis, quae Augustinus se aliquando opinatum esse confessus est, incerto & indocto, & fortasse etiam infideli adjudicetur.

Hoc verò rectius pronunciari etiam alia insinuant. Vidimus namque numero 2. post mille annorum regnum in terris

- D** terris (juxta Maurinorum interpretationem) coelestem Jerusalem Sanctis promissam, atque adeo terram a coelo diversam supposuisse auctorem sermonis, ut hic in terris hujusmodi regnum futurum primò docuerit, post quod in aliud regnum Sancti perducentur, de quo dictum est *Quod oculus non vidit &c.* E contrà, numero 3. ait. *Sed interim modò donec veniamus ad illam requiem isto tempore, quo laboramus, & in nocte sumus, quamdiu non videmus quod speramus, & in erèmo iter agimus, donec ad Jerusalem coelestem, veluti ad terram promissionis fluentem lac & mel veniamus: nunc ergo cùm tentationes non cessant, benè operemur.* Hic, quantum debilis ingenii acie-
- E** detegere valeo, temporis praesentis laboribus in fide emensis, futuri temporis beatam requiem proponit auctor sermonis; eamque non primò in terris per mille annos Sanctis promittit, sed in coelesti Jerusalem; quam item adeo ab hac terra diversam supponit, ut terrae nomen eidem inscripturis toties datum, spiritualiter intelligendum ostendat. Hanc namque Jerusalem coelestem veluti terram promissionis fluentem lac & mel desiderandam docet, in quam fideles ingredientur post hanc vitam, sicuti terram promissionis ingressi sunt Israelitae post quadraginta annos in deserto transactos; ubi illud videbimus, quod modo in nocte
- F** & in erèmo iter agentes, speramus; praemium scilicet bonorum operum, ad quae auditores inflammat, in Deo consequentes. Quis ista cum antecedentibus concordare umquam poterit? Ibi totus terrenus, hic totus spiritalis auctor sermonis est. Ibi Ecclesiam futuram in terris, hic in coelis ponit. Ibi terram promissionis a Jerusalem coelesti discernit; hic terram promissionis fluentem lac & mel non aliud quàm similitudinem coelestis illius Jerusalem intelligendam docet. Ibi nonnisi post emensum in terris regnum, Sanctis promittit *Quod oculus non vidit &c.* hic post temporales labores, post bona opera in hoc erèmo perfecta, illud quod non vident

videntes speramus, visuros nos esse, in eoque requiem coelestis Jerusalem consecuturos firmissimè ostendit. Quis, inquam ista antecedentibus respondere monstrabit? Qui tamen, dum inveniretur, laetandum mihi esset, & omnibus Sancto Patri sincera devotione addictis: nam si posteriora sana sunt, iisque antecedentia consona ostenduntur, jam Augustinus Millenarius non est, quod probandum suscepimus. Sermo enim, qui huiusmodi imputationi fundamentum praestitit, a sua obscuritate per se ipsum ubi clariùs loquitur, purgatus, quod semper catholica sentit Ecclesia jam praedicaret.

Cui defensionis stabiliendae si post longum conatum inutilem laborem adhibere quis viderit: prudentiori iudicio huic sermoni Doctoris Maximi & fidelissimi nomen abripiat. Cui potius declarando non solum contrarietas sententiarum, quae in eodem detegitur, succurrit; sed & cetera, quae hic & circa dictionem, & argumenta, & scripturarum usum, notavimus. Plura addi item possent ex contextu totius orationis, unde mihi Augustinum non redolet, quae latissimè percurrisset Phereponus in suis adnotationibus, nisi huic operi heterodoxis nimis commodo, fidem nominis detrahere timuisset. Multa enim superflue repetita inveniuntur, multa inopinatè emergunt, quae ex nullis antecedentibus poterant expectari; quibus item nullatenus conjunguntur. Adde quòd numquam aliàs invenire erit Augustinum a principali proposito suo declinasse, ut illius omninò oblitus discederet; quod tamen hic fit: propositum enim vitae futurae in gloriosis corporibus de qua pauca & vel erronea vel inintelligibilia dixit, taliter dimittit, ut non amplius ad idem revertatur. Adde multorum numerorum mysteria, in quibus explicandis diligentissimus fuit Magister meus, hic conglomeratè effundi, ut vix cognosci possint ab homine in huiusmodi valdè obscura materia.

- D** teria exercitatisimo. Haec autem omnia fingillatim percurrere taediosum mihi visum est, quandoquidem nonnulla jam dicta sunt, & quaestionis cardo in substantia doctrinae, quae animarum beatitatem respicit, totus versatur: ex quo capite dum haec oratio Augustino abripitur, perperam ex sola styli convenientia eidem adjudicaretur. Temperare tamen adeo non possum quin dicam, robur, profunditatem, perspicuitatem, unitatem, incesum denique Augustinianum in hoc sermone desiderari; cuius indolis alios non paucos, diligentes lectores, & qui jam Augustini dictionem longo usu didicerint, in editione nova invenient, qui tamen quoniam adeo erroneis doctrinis non deturpantur,
- E** tolerabilius Sancto Patri relinqui possunt.

Quoniam verò & illud dixi, sermonem istum confarcinatum videri ex multis, quae in operibus Augustino tributis occurrunt; ad hujus veritatis confirmationem duo loca ex duobus sermonibus transcribo, ut collatione facta, lectores intelligant, meliora controversi sermonis verba quae de eleemosynis, de divitiis & de fœnore habentur, mutuata istinc esse. Sermone igitur XLII alias XXIX. ex L. Homiliis haec habemus n. 1. & 3. „ Manifestè enim dixit,

- „ nec expositorem habent ista necessarium, sed factorem.
- F** „ Quo mihi, inquit, multitudinem sacrificiorum vestrorum? Quis enim exquisivit ista de manibus vestris? Deus nos quaerit, non nostra: sed sacrificium Christiani est eleemosyna in pauperem. Hinc enim fit Deus peccatis propitijs, Nisi autem peccatis propitijs fiat Deus, quis remanet, nisi reus? Ab eis peccatis & delictis, sine quibus vita ista non ducitur, mundantur homines per eleemosynas: quae sunt duorum generum, erogando & remittendo quod pateris malum. Haec duo genera eleemosynarum Do. minus magister bonus, qui verbum brevavit super terram, ut esset fructuosum, & non onerosum, quàm
- „ bre-

„ breviter fuerit complexus, audite. *Remittite & remittetur*  
 „ *vobis, Date & dabitur vobis.* Remittite & remittetur vo- A  
 „ bis, pertinet ad ignoscendum: Date & dabitur vobis,  
 „ pertinet ad erogandum. Ex illa eleemosyna, qua ignoscis  
 „ homini, nihil perdis. Ecce statim veniam petit, igno-  
 „ visti, nihil amisisti. Charitate amplior domum redisti.  
 „ Illud aliud genus eleemosynarum, ubi jubemur erogare  
 „ indigentibus, grave videtur: quia quod quisque dederit  
 „ hoc ipsum quod dabit, non habebit.

„ 2. Equidem & hinc securos non facit Apostolus, qui  
 „ dixit Prout quisque habet, non ut aliis sit refectio, vobis  
 „ angustia. Meriatur ergo unusquisque vires suas, non- B  
 „ thesaurizare adtendat in terra: det, non perit quod dat.  
 „ Non dico Hoc non perit: sed dico hoc solum non perit.  
 „ Alia verò, quae non dederis, & abundant tibi, aut cum  
 „ vivis amittis, aut cum moreris dimittis. Deinde, Fra-  
 „ tres mei, tanta promissio quò nos hortatur, adtendite:  
 „ *Dimittite, inquit, & dimittetur vobis, date & dabitur vobis.*  
 „ Quando dicit Date & dabitur vobis, adtende cui dicat.  
 „ Homini dicit Deus, mortali dicit immortalis, mendico  
 „ dicit tantus paterfamilias. Neque enim hoc revocaturus  
 „ est quod dedimus. Invenimus quem foeneremus. De-  
 „ mus in usuram, sed Deo, non homini. Ei damus, qui C  
 „ abundat, ei damus, qui dedit quod demus. Et pro mo-  
 „ dicis rebus, pro frivolis, pro mortalibus, pro putribili-  
 „ bus, pro terrenis, aeterna, incorruptibilia, sine fine ma-  
 „ nentia: quid multa dicturus sum? se promittit, qui  
 „ promittit. Si amas illum, eme illum ab illo... Darde  
 „ coelo, accipit in terra. Ipse dat, ipse accipit. Quasi foe-  
 „ nus trajectitium facis. Hic das, ibi recipis: hic das res  
 „ perituras, ibi recipis res sine fine manfuras.

Et Sermone XXXVIII, aliàs de Tempore 245. n. 8.  
 sic ait. „ Sed videre volunt homines divitias suas? Fac  
 „ quod

- D „ quod in terra thesaurizent; nunquid non timent videri  
 „ divitias suas? Effodiunt, & obstruunt, & cooperiunt  
 „ eas: & cum obstruxerint & cooperuerint, nunquid vi-  
 „ dent quod habent? Nec ipse videt: optat ut lateat: timet  
 „ ne pateat. Esse vult dives in opinione, non in veritate.  
 „ Quasi sufficit habere in conscientia, quod servat in terra.  
 „ O quanto maior tibi & melior conscientia erit, si serva-  
 „ veris in Coelo! Hic cum obruis in terra times, ne sciat  
 „ servus tuus, & auferat & fugiat: hic times ne auferat  
 „ tibi servus tuus; ibi non times, quia bene tibi servat  
 „ Dominus tuus. Sed habeo, inquis, servum fidelem, qui  
 E „ & noverit, & non prodatur, & non tollat. Compara illum  
 „ Domino tuo. Si fidelem servum invenisti, Dominus  
 „ tuus quando te fefellit? Etsi non potest servus tuus tol-  
 „ lere, potest tamen perdere: Dominus tuus nec tollere,  
 „ nec perdere potest, nec perire permittit. Servat tibi,  
 „ manet tibi, liberat te, manentem te facit; nec perdet  
 „ te, nec perdet quod ei commendaveris. Veni, inquit,  
 „ accipe quod apud me posuisti. Absit. Non hoc tibi dicit  
 „ Deus. Ego, inquit tibi, qui te prohibui foenerare, foe-  
 „ neratus sum a te. Volebas enim foenerare crescere, &  
 „ dabas homini ut tibi plus redderet, quando accipiebat  
 F „ gaudens, & quando reddebat plorans. Hoc volebas &  
 „ ego prohibebam: dixi enim *Qui pecuniam suam non dedit ad*  
 „ *usuram*. Prohibebam te a foenore: jubeo tibi foenus, me  
 „ foenera. Hoc tibi dicit Dominus tuus: Pauca vis dare,  
 „ & plura accipere: relinque hominem qui plangit quando  
 „ exigit; me inveni, qui gaudeo quando reddo. Ecce ad-  
 „ sum: da, & fume; tempore redditionis reddam tibi. Et  
 „ quid reddam? Pauca dedisti, plura fume: mea dedisti,  
 „ me ipsum fume. Quid enim dedisti nisi ex eo, quod a-  
 „ me acceperis? Quod dederis, non reddo, qui unde dares  
 „ dedi? qui te ipsum qui dares dedi; qui tibi Christum,  
 cui



„ cui dares dedi, qui tibi diceret Quando uni ex minimis  
 „ meis fecisti, mihi fecisti. Ecce cui das, patcit & esurit A  
 „ propter te: donat & eget. Quando donat, vis accipere:  
 „ quando eget non vis dare. Eget Christus, quando eget  
 „ pauper: qui omnibus suis vitam aeternam paratus est  
 „ dare, in unoquoque paupere temporaliter dignatus est  
 „ accipere.

Quibus haec Augustinum sapiunt, jam unde auctor sermonis plura collegerit noscent. Qui verò etiam in his Augustinum desiderant; tantò magis in controverso sermone desiderabunt. Porro istis quoque ex una parte conlatis cum Sermone 3. n. 6. Enarrationis in Psalmum 36., ubi de foenerando Deo loquitur Sanctus Vir; & ex alia cum pluribus sermonibus jam in appendicem rejectis, (quos inter legendos commemoro sermones 86. 274. 277. & 310. cum duobus sequentibus) soliditate Augustiniana, ordine, ejusque semper rectâ doctrinâ, & scripturarum consuetâ exercitatione, hos etiam duos carere mihi videor. In primo enim doctrinam remissionis injuriarum ad petitionem veniae illius, qui injuriam contulit, concludit, dicens *Ecce statim veniam petit, ignovisti, nihil amisisti*; cum certissimum sit verum Christifidelem injuriam pariter remittere debere, & pro persecutore orare, etiamsi iste non petat, de quo nihil loquitur; cum tamen hoc praecipuè admoneant quae Christus & Stephanus & alii exempla amplissima nobis imitanda relinquerunt. B

In secundo, n. 7., historiam divitis ultrò se Domino offerentis, eumque de modo consequendae vitae aeternae interrogantis, quem habemus capite Matthaei 19., confundit cum similitudine divitis in ubertate fructuum solliciti, & in eorundem possessione satis contenti, nihilque de novissimis cogitantis, quam Dominus discipulis narravit, quamque habemus Lucae cap. 12. Rursus de divite a Matthaeo commemorato- C

- memorato, & de responsione Domini ad eum, sic ait. „  
 D „ Noluisset esse verus amator thesauri sui. Malè tenendo per-  
 „ didit: multum diligendo amisit. Nam si benè illum di-  
 „ ligeret, in Coelum migraret, quò ipse postea sequeretur.  
 „ Domum illi Deus ostendit, ubi migraret; non locum  
 „ ubi perderet: secutus enim ait Ubi enim fuerit thesau-  
 „ rus tuus, illic erit & cor tuum.„ In quo duo notanda  
 sunt. Primò Dominum non ista postrema respondisse di-  
 viti, a quo interrogabatur: unde illud *secutus enim ait* nec  
 Dominici sermonis veritati in ea historia responderet, nec  
 saltem in eodem Matthaei capite aut in subsequenti illud  
 legitur, cujus hic meminit. Nam sententiam illam *Ubi est*  
 E *thesaurus tuus ibi est & cor tuum* sexto hujus Evangelii capite  
 Dominus protulit; quod ignorasse Augustinum non credo,  
 ut contra veritatem diceret *secutus*. Secundò, verbum  
 migrare in significationem praemittendi, ut ipsi Maurini  
 notant, hic debet accipi, ut sensum intimum auctoris asse-  
 quantur; cum communis ejusdem significatio longè diversa  
 sit. De facto sequentibus ejusdem sermonis numeris, idem  
 verbum migro in verà significatione *discedendi* aut *eundi* usur-  
 patur; quod majorem inverisimilitudinem parit recogitanti,  
 quomodo scilicet Augustinus in eodem sermone tam diversâ,  
 immò nunc verâ, nunc omninò impropriâ significatione  
 F ejusdem verbi apud plebem usus sit; cum nec illud sus-  
 fragaretur, ut facilius rei, quam docebat, per illud verbum  
 eidem plebi fieret intellectus. Scio Augustinum multis locis  
 de se ipso fateri, quòd stylum ad populi caput accommo-  
 daverit, nitorem respuens, ut alienae intelligentiae defer-  
 viret; ideoque aliquid minus latinè saepius dixisse, ubi vulgi  
 consuetudo aut utilitas postularet. Exemplum habemus in  
 Enarratione in Psalmum 36. Sermonem 3. n. 6., ubi expli-  
 cans verba *Tota die miseretur & foeneratur*, ait. „ *Foeneratur*  
 „ quidem latinè dicitur, & qui dat mutuum, & qui acci-  
 „ pit:

pit: planit̃ hoc autem dicitur, si dicamus foenerat. Quid  
 „ ad nos quid grammatici velint? Melius in barbarismo A  
 „ nostro vos intelligitis. Sicuti igitur nunc ad faciliorem  
 populi captum foenerare potius quàm foenerari dixit: ita  
 ibi potius mittere, vel praemittere dixisset, quandoquidem  
 vel strictior hoc ferret, vel elegantior significatio verbi *mi-*  
*grare*. Cum autem communior hujus verbi intellectus  
 sit *discedere ire*, minus verò usitatus *transferre*; tam-  
 longe est ut populus per illud verbum in intellectum *prae-*  
*mittendi* posset adduci, quàm verum est, quòd neque apud  
 elegantiores grammaticos id umquam significavit, & a com-  
 muni sensu abhorret; unde contra Augustini morem & in-  
 tentionem, non intelligentiae plebis, sed obscuritati gignen-  
 dae haec usurpatio voluisset. B

Et quoniam locum incidimus, ubi larissimè de foeneran-  
 do Deo Augustinus agit, quod alibi in libris suis (sermo-  
 nibus quibusdam exceptis, qui eidem fortasse non bono jure  
 tribuuntur) nondum inveni; eundem transcribere inutile  
 non erit, ut ab hujus collatione, de reliquis, quae hinc  
 eruta videntur, rectius judicium possit pronunciari. Ait  
 igitur Sanctus Pater: „ Ergo justus iste *tota die miseretur &*  
*foenerat*. Sed non gaudeant foeneratores. Invenimus enim  
 „ quemdam foeneratorem, sicut invenimus quemdam pa-  
 „ nem: ut ubique aperto recto perveniamus ad Christum. C  
 „ Nolo firis foeneratores, & idèd nolo, quia Deus non-  
 „ vult. Nam si ego nolo, & Deus vult, agite: si autem-  
 „ Deus non vult, etiamsi ego vellem, malo suo ageret qui  
 „ ageret. Unde apparet Deum hoc nolle? Dictum est  
 „ alio loco, *Qui pecuniam suam non dedit ad usuram*. Et quàm  
 „ detestabile sit, quàm odiosum, quàm execrandum, puto  
 „ quia & ipsi foeneratores noverunt. Rursus autem ego  
 „ ipse, immo Deus noster, qui te prohibet esse foenerato-  
 „ rem, jubet te esse foeneratorem; & dicitur tibi *Foenera-*

L

„ Deo

- D " Deo. Si foeneras homini, habes spem; si foeneras Deo,  
 " spem non habebis? Si foeneraveris homini, idest mu-  
 " tuam pecuniam tuam dederis, a quo aliquid plus quàm  
 " dedisti expectas accipere; non pecuniam solam, sed ali-  
 " quid plus quàm dedisti, sive illud triticum sit, sive vinum,  
 " sive oleum, sive quodlibet aliud; si plus quàm dedisti ex-  
 " pectas accipere, foenerator es, & in hoc improbandus,  
 " non laudandus. Quid ergo, inquis facio, ut sim utiliter  
 " foenerator? Adtende quid facit foenerator. Minus vult  
 " dare certè, & plus accipere; hoc fac & tu; da modica,  
 " accipe magna. Vide quàm latè crescat foenus tuum.
- E " Da temporalia, accipe aeterna: da terram, accipe coe-  
 " lum. Et cui dabo, fortè dicis? Ipse Dominus procedit  
 " quem foeneres, qui tibi jubebat ne foenerares. Audi  
 " Scripturam, quomodo foeneres Dominum: *Foenerat, in-*  
 " *quit, Dominum qui miseretur pauperis.* (Proverb- 19. 17.)  
 " Non enim eget a te Dominus sed habes alium, qui a te  
 " eget: illi porrigis, ille accipit. Non enim habet pauper  
 " quod tibi retribuatur: & tamen ipse vult retribuere, &  
 " non invenit quid, sola in illo remanet benevolentia oran-  
 " di pro te. Cum autem pauper orat pro te, tamquam  
 " Deo dicit, Domine mutuum accepi, fidedic me. Pro-  
 " inde etsi non tenes pauperem redditorem, sed idoneum  
 " tenes fidejussorem. Ecce Deus tibi de Scriptura sua di-  
 " cit, Da securus, ego reddo. Quomodo solent dicere,  
 " fidejussores? quid dicunt? Ego reddo, ego accipio, mihi  
 " das. Putamusne & hoc dicit Deus, ego accipio, mihi  
 " das. Plane si Deus Christus, quod non dubitatur, ipse  
 " dixit *Esurivi & dedistis mihi manducare.* Et cum illi dicerent  
 " *Quando te vidimus esuritum?* ut ostenderet se pauperum  
 " fidejussorem, omnium membrorum suorum sponsorem;  
 " quia ille caput, illi membra, & cum accipiunt membra,  
 " caput accipit: Cum uni, inquit, ex minimis meis fecistis, mihi  
 " fecistis.

„ fecistis. Eja avaræ foenerator, vide quid dedisti, vide,  
 „ quid accepturus es. Si dedisses paucam pecuniam, A  
 „ & ille, cui dederas, pro parva pecunia tua daret tibi ma-  
 „ gnâ villam incomparabiliter amplius valentem, quàm  
 „ dederas tu pecuniam; quantas gratias agens, quantâ lac-  
 „ ritâ tolleretur? Audi quam possessionem det, quem fo-  
 „ nerasti: *Venite benedicti Patris mei, percipite*, Quid, quod de-  
 „ distis? absit. Terrena dedistis, quæ si non dedissetis, in  
 „ terra putrescerent. Quid enim inde facturus esses, si non  
 „ dedisses? Quod perituum erat in terra, servatum est in  
 „ Coelo. Ergo quod servatum est, hoc accepturi sumus.  
 „ Servatum est meritum: factus est thesaurus tuus meri-  
 „ tum tuum. Nam vide quid sis accepturus. *Percipite vo-* B  
 „ *strum, quod vobis paratum est ab initio mundi.* Contrâ, illi  
 „ qui foenerare noluerunt, quid audient? *Ite in ignem æter-*  
 „ *num, qui paratus est diabolo, & angelis ejus.* Et quid vocatur  
 „ regnum quod accipimus? Adtendere sequentia: *Isti ibunt*  
 „ *in combustionem æternam, justi autem in vitam æternam.* Ad  
 „ hoc ambite, hoc emite, ad hoc foenerate. Habetis Chri-  
 „ stum in Coelo sedentem, in terra petentem. Invenimus  
 „ quomodo foeneret justus. *Tota die miscretur & foenerat.*

Nullus porrò ex tot sermonibus, in quibus justorum fo-  
 nera commemorantur, eam soliditatem, perspicuitatem,  
 gradationem, connexionem denique habet, quæ hic elucet:  
 sed modò hæc, modo illa hujusce loci sententia refertur,  
 & vel puerili amplificatione producitur, vel nimia obscuri-  
 tate truncatur; nec in illis ad explicandum quid sit thesau-  
 rus in Coelis servatus, meritum eleemosynarum servari  
 docetur post mortem coronandum. Legentibus tamen libe-  
 rum relinquendo quod potius voluerint de duobus supradic-  
 tis sermonibus sentiendi; & ad controversum sermonem  
 redeundo: dico plus hunc fortasse quàm alios a rationibus  
 deviare quas in hoc verè Augustiniano loco conspiciamus,

- D** communibus quidem verbis expressas, sed multa subtilitate, & ordine & sententiarum decore ornatas. Illius autem auctor tantum abest ut Augustini solidam mentem, & dicendi artificium assequi valeret, ut immò ex ejus vera, erroneam fortasse sententiam composuerit. Imitari enim volens similitudinem Sancti Patris de laetitia illius, qui pro parva pecunia alicui data, magnam villam acciperet, ideoque rem incomparabiliter amplius valentem; ait n. 3. *Nescio utrum auderes conqueri, si ab illo, qui omnia condidit, acciperes aliquid quod excellentissimum condidit. At ille non aliquid ex iis, quae condidit, sed seipsum tibi dat ad fruendum, seipsum omnium conditorem.* Quibus verbis ultraquam quod fundata.
- E** Augustini doctrina obviat, ut supra notatum est, videtur etiam ampliorem explicationem eorumdem desiderare, omnium Christianorum fidem. Credimus enim in Deo Christo propter misericordiosissimam dispensationem in plenitudine temporum assumptam atque manifestatam, creaturam etiam, naturam scilicet humanam ad altitudinem Divinitatis elevatam; qua utique fruimur, dum in terris ejus carnem & sanguinem verè manducamus & bibimus; qua item fruemur cum reassumptis immortalibus corporibus ad ejus claritatem configuratis, ejusdem beatissimæ
- F** visione per istos etiam carnales oculos tunc facienda, dignabimur. Quamobrem verè illud quod excellentissimum condidit cum gratiarum actione accipimus, & ab eo accipimus qui seipsum condidit in tempore, & nobis donavit; unde erronea videtur negatio *at ille non aliquid ex iis, quae condidit &c.*, nam verissimum est etiam in eo quod ipse condidit, seipsum nobis donare misericorditer ad fruendum.

## CAPUT DUODECIMUM.

165

A

*Conferuntur verba n. 2. controversi sermonis cum iis Augustini  
locis, unde desumpta videntur, ut eorundem mutilatio  
& corruptio detegatur; & constans Sancti Patris  
doctrina de beatitate Sanctorum ante resur-  
rectionem corporum praeclarius  
elucescat.*

**S**Aepe dixi & partim etiam ostendi, multa controversi sermonis verba apud Augustinum inveniri; unde sententias non satis perpendentibus, & similitudine verborum attractis illud facilius subrepat, ut hunc sermonem verè B Augustinianum arbitrarentur. Quia verò si loca unde istius verba excerpta videntur legentium oculis subjiciamus, duo satis utilia consecuntur; hanc diligentiam intermittere nolui. Necessitas enim & comoditas collationis faciendae, primò additiones, & mutilationes detegat in doctrina praesentis beatitatis Sanctorum, unde vel astus vel inscitia auctoris pateat; secundò fidelem mentem & stabilem Augustini sententiam confirmabunt in re tanti momenti; quandoquidem tam frequentia ejus rectae intentionis testimonia suppetunt, & ex iis potissimum locis, unde auctor sermonis tam diversae sententiae semina ebibit, & suam peculiam C opinionem alienis verbis contexit. Hunc autem laborem haud inutilem hîc censeo, quem in reliquis supervacaneum putavi; quia hinc verè quaestionis cardo pendet; cùm non aliunde quàm ex sententiis in n. 2. controversi sermonis contentis, millenariorum notam Augustino inusserint Maurini primùm, postea etiam Tournely. Reliqua, quae hoc cardinale punctum non respiciunt, ideo conferenda proposui, ut verborum similitudinem quisque possit intueri; in quibus pariter si ordo, & majestas, & doctrinae connexio,

- A" tico spiritu octavi sacra-  
 „ mentum nequaquam latè-  
 „ ret, quo significatur resur-  
 „ rectio: (Nam & pro octa-  
 „ vo Psalmus inscribitur, &  
 „ octavo die circumcideban-  
 „ tur Infantes, & in Eccle-  
 „ siaste ad duorum Testa-  
 „ mentorum significationem  
 „ dicitur *Da illis septem & il-  
 „ lis octo*) reseratum est ta-  
 „ men & occultatum, & so-  
 B „ lum celebrandum sabbatum  
 „ traditum est, quia erat an-  
 „ tea requies mortuorum: :  
 „ resurrectio autem nullius  
 „ erat, qui resurgens ex mor-  
 „ tuis jam non moreretur, &  
 „ mors illi ultrà non domina-  
 „ retur; ut postquam facta  
 „ est talis resurrectio in cor-  
 „ pore Domini (ut praeiret  
 C „ in capite Ecclesiae, quod  
 „ corpus Ecclesiae speraret in  
 „ fine) jam etiam dies Domi-  
 „ nicus, idest octavus, qui &  
 „ primus inciperet celebrari.)  
 Ad inquit. Januarii l. 2. c.  
 13. n. 23 epist. 55. aliàs 119.

*Septimus quietem futuram San-  
 ctorum in hac terra.*

„ Tertium itaq; praeceptum  
 „ de sabbato, quod diximus  
 L 4 „ quod



A „ Sic incipit ergo requies no-  
 „ stra quasi mane: sed non-  
 „ finitur quia in aeternum-  
 „ vivemus. (Serm. 9 aliàs  
 de Tempore 96. n. 6.)

*Regnabit enim Dominus in ter-  
 ra cum Sanctis suis sicut dicunt  
 Scripturae, & habebis hic Eccle-  
 siam, quò nullus malus intrabit se-  
 paratam atque purgatam ab omni  
 contagione nequitiae, quam signifi-  
 cant centumquingenta tres illi  
 pisces, de quibus quantum memini  
 aliquando tractavimus.*

B „ In his ergo duabus pesca-  
 „ tionibus tota figuratur Ec-  
 „ clesia, & qualis est modò,  
 „ & qualis erit in resurrectio-  
 „ ne mortuorum. Modò enim  
 „ habet sine numero multos  
 „ & bonos & malos: post re-  
 „ surrectionem autem habe-  
 „ bit certo numero solos bo-  
 C „ nos.

„ Recordamini ergo pri-  
 „ mam piscationem, ubi vi-  
 „ deamus Ecclesiam qualis est  
 „ isto tempore &c.

„ Transcramus ergo ab ista  
 „ privatione, quam tolera-  
 „ mus, & ad illam venia-  
 „ mus, quam ardentè opta-  
 „ mus, & fideliter expecta-  
 mus.

„ cui dares dedi, qui tibi diceret Quando uni ex minimis  
 „ meis fecisti, mihi fecisti. Ecce cui das, pascit & esurit A  
 „ propter te: donat & eget. Quando donat, vis accipere:  
 „ quando eget non vis dare. Eget Christus, quando eget  
 „ pauper: qui omnibus suis vitam aeternam paratus est  
 „ dare, in unoquoque paupere temporaliter dignatus est  
 „ accipere.

Quibus haec Augustinum sapiunt, jam unde auctor sermonis plura collegerit noscent. Qui verò etiam in his Augustinum desiderant; tantò magis in controverso sermone desiderabunt. Porro istis quoque ex una parte conlatis cum Sermone 3. n. 6. Enarrationis in Psalmum 36., ubi de foenerando Deo loquitur Sanctus Vir; & ex alia cum pluribus sermonibus jam in appendicem reiectis, (quos inter legendos commemoro sermones 86 274. 277. & 310. cum duobus sequentibus) soliditate Augustiniana, ordine, ejusque semper rectâ doctrinâ, & scripturarum consuetâ exercitatione, hos etiam duos carere mihi videor. In primo enim doctrinam remissionis injuriarum ad petitionem veniae illius, qui injuriam contulit, concludit, dicens *Ecce statim veniam petis, ignovisti, nihil amisisti*; cum certissimum sit verum Christifidelem injuriam pariter remittere debere, & pro persecutore orare, etiamsi iste non petat, de quo nihil loquitur; cum tamen hoc praecipue admoneant quae Christus & Stephanus & alii exempla amplissima nobis imitanda relinquerunt. B

In secundo, n. 7., historiam divitis ultrò se Domino offerentis, eumque de modo consequendae vitae aeternae interrogantis, quem habemus capite Matthaei 19., confundit cum similitudine divitis in ubertate fructuum solliciti, & in eorumdem possessione satis contenti, nihilque de novissimis cogitantis, quam Dominus discipulis narravit, quamque habemus Lucae cap. 12. Rursus de divite a Matthaeo commemorato- C

& eorum frumenti ex alia. Quod  
 autem palea destinata sit novimus, A  
 & quemadmodum agricolis faciant  
 frumenta laetitiam. Quomodo ergo  
 apparet in area prius frumentum a  
 palea separatum, & cum gaudium  
 fecerit post tantos labores inspecta  
 illa congeries, quae latebat in pa-  
 lea, quae non videbatur quando tri-  
 turabatur, deinde in borreum mit-  
 titur atque in secreto servatur: sic  
 in isto saeculo videtis quomodo tritu-  
 ratur haec area; sed palea frumento B  
 ita permixta est, ut difficile discer-  
 natur, quia nondum ventilata est.

„ Hanc enim similitudi-  
 „ nem habet etiam area cum  
 „ trituratur. Est palea, sunt  
 „ frumenta; sed tamen qui ad-  
 „ tendunt aream, difficile vi-  
 „ dent nisi paleam. Diligen-  
 „ tia opus est, ut frumenta  
 „ in palea inveniantur. Venti C  
 „ autem perflant undique  
 „ aream. Et cum trituratur,  
 „ antequam subrigatur ut pos-  
 „ sit ventilari, numquid non  
 „ patitur ventos? Ventus flat  
 „ ex hac parte, verbi gratia,  
 „ tollit paleas: inde rursus flat,  
 „ tollit ad alteram partem.  
 „ A quacumque parte tollit  
 „ paleas, & mittit in sepe,  
 &

- D" & in spinas & quolibet.  
" Non potest frumentum in-  
" de tollere: non tollit ventus  
" nisi paleas. Sed tamen cum  
" tulerint undiq; flantes venti  
" paleas, numquid solum tri-  
" ticum in area remanebit?  
" Non inde it nisi palea: re-  
" manet autem & palea &  
" frumentum. Quando it om-  
" nis palea? Quando venerit  
E" Dominus ferens ventila-  
" brum in manu sua, & mun-  
" dabit aream suam, frumen-  
" ta recondet in horreum.,  
" paleam autem comburet  
" igni inextinguibili....  
" Isti ergo, Fratres, qui  
" carnalia quaerunt in Eccle-  
" sia, & non sibi proponunt  
" quid promittat Deus: quia  
" hic sunt tentationes, peri-  
F" cula, difficultates: post tem-  
" porales autem labores, re-  
" quiem sempiternam pro-  
" mittit, & Angelorum san-  
" ctorum societatem: sibi  
" met ergo ista non propo-  
" nentes, sed carnalia deside-  
" rantes in Ecclesia, sive sint  
" in area, sive sint foris, palea  
" sunt. Nec ad illos valde  
" gaudemus, ucc palpamus  
eos

A „ eos vanis adulationibus . Bo-  
 „ num est illis, ut fiant fru-  
 „ mentum . . . . . Et si vult ho-  
 „ mo, heri fuit palea, hodie  
 „ fit frumentum: si a verbo  
 „ Dei se avertat, hodie fit  
 „ palea. Et non est quaeren-  
 „ dum nisi quales inveniat  
 „ ultima ventilatio. ( Serm.  
 252. n. 5..

„ Ipsa est ergo Ecclesia.,  
 B „ quae intra sagemam Domi-  
 „ nicam cum malis piscibus  
 „ natat, a quibus corde sem-  
 „ per & moribus separatur  
 „ atque discedit, ut exhibea-  
 „ tur viro suo gloriosa, non  
 „ habens maculam neque ru-  
 „ gam. Corporalem autem  
 „ separationem in littore ma-  
 „ ris, hoc est in fine saeculi  
 „ expectat, corrigens quos  
 „ potest, tolerans quos corri-  
 C „ gere non potest &c.

Epist. 93. alias 48. ad Vin-  
 cent. Rogatitam n. 34..

„ Sed responderetur, eum..  
 „ communicare peccatis alie-  
 „ nis, qui consentit malis sa-  
 „ ctis; non eum, qui cum ipse  
 „ sit triticum, simul tamen..  
 „ cum palea, quamdiu area  
 „ retritatur, divinis com-  
 muni-

D „municat sacramentis. Scri-  
 „ptum est enim *Exite inde*  
 „*& immundum ne tetigeritis, &*  
 „*qui tetigerit pollutum, pollutus*  
 „*est: sed consensione volun-*  
 „*tatis, qua deceptus est ho-*  
 „*mo primus, non conversa-*  
 „*tione corporis, qua & Ju-*  
 „*das osculatus est Christum.*  
 „Pisces quippe illi, de qui-  
 „bus in Evangelio Dominus  
 E „loquitur, boni & mali in-  
 „tra eadem retia, quibus con-  
 „gregationis eoaptrat unita-  
 „tem, usque ad finem saeculi,  
 „quod littoris nomine  
 „praefiguratur, pariter na-  
 „tant corporibus mixti, sed  
 „moribus separati.

Epist. ad Macrobiium 108.  
 aliàs 255. n. 7.

Sic ergo post ventilationem diei  
 iudicii apparebit massa Sanctorum, F  
 fulgens dignitate, praepotens meri-  
 tis, & misericordiam liberatoris  
 sui praesequerens. Et ipse erit septi-  
 mus dies, Quasi primus dies sit in  
 toto saeculo tempus quod est ab  
 Adam, usque ad Noe, secundus a  
 Noe usque ad Abraham, & quomo-  
 do jam divisit Evangelium Mat-  
 thaei, tertius ad Abraham usque  
 ad David, quartus ad David usque  
 ad

ad transmigrationem in Babyloniam, <sup>A</sup>  
 quintus a transmigratione usque ad  
 adventum Domini nostri Jesu Chri-  
 sti. Ab adventu ergo Domini sextus  
 agitur, in sexto die sumus. Et ideo  
 quomodo formatus est homo in Ge-  
 nesi sexto die ad imaginem Dei, sic  
 & in isto tempore, quasi sexto die  
 totius saeculi, renovamur in bap-  
 tismo, ut recipiamus imaginem Con-  
 ditoris nostri. Sextus autem dies  
 iste cum transferit, veniet requies <sup>B</sup>  
 post illam ventilationem, & sabbatizabunt Sancti & Iusti Dei.

„ Novimus autem legem  
 „ ex quibus temporibus nar-  
 „ ret, idest ab exordio mun-  
 „ di: In principio fecit Deus Coe-  
 „ lum & Terram. Inde usque  
 „ ad hoc tempus, quod nunc  
 „ agimus, sexta aetas est, ut  
 „ saepe audistis, ac nostis.  
 „ Nam prima aetas computa-  
 „ tur ab Adam usque ad Noe:  
 „ secunda a Noe usque ad  
 „ Abraham: & sicut Mat-  
 „ thaeus Evangelista per or-  
 „ dinem sequitur & distin-  
 „ guit, tertia ab Abraham  
 „ usque ad David: quarta a  
 „ David usque ad transmi-  
 „ grationem in Babyloniam:  
 „ quinta a transmigratione

M in

- D" in Babyloniam usque ad  
 „ Joannem Baptistam: sexta  
 „ inde usque ad finem saeculi.  
 „ Propterea & sexta die fecit  
 „ Deus hominē ad imaginem  
 „ suam: quia sexta ista aeta-  
 „ te manifestatur per Evan-  
 „ gelium reformatio mentis  
 „ nostrae, secundum imagi-  
 „ nem ejus, qui creavit nos:  
 „ & convertitur aqua in vi-  
 E" num, ut jam manifestatum  
 „ Christum in Lege & Pro-  
 „ phetis sapiamus. (Trac. 2.  
 „ in Evang. Joan. n. 6.)

*Post septimum autem cum appa-  
 ruerit in area dignitas messis, ful-  
 gor, meritumque Sanctorum, ibimus  
 in illam vitam, & in illam re-  
 quiem; de qua dictum est Quia  
 oculus non vidit, nec auris au-  
 divit, nec in cor hominis ad-  
 scendit, quae praeparavit De-  
 us diligentibus se.*

- „ Sed in illo sabbato, ubi  
 „ requiescere dictum est De-  
 „ um ab omnibus operibus  
 „ suis, in requie Dei requies  
 „ nostra significata est: quia  
 „ erit sabbatum hujus saeculi  
 „ cum transierint sex aetates.  
 „ Quasi sex dies saeculi tran-  
 „ seunt. Unus dies ab Adam  
 „ us-



A" usque ad Noe transiit; alius  
 " a Diluvio usque ad Abra-  
 " ham transiit; tertius ab Ab-  
 " raham usque ad David tran-  
 " siit; quartus a David usque  
 " ad transmigrationem Baby-  
 " loni transiit; quintus a tran-  
 " smigratione Babylonis us-  
 " que ad adventum Domini  
 " Jesu Christi. Modo sextus  
 " agitur. In sexta aetate, in  
 B" in sexto die sumus. Ergo  
 " reformemur ad imaginem  
 " Dei, quia sexto die factus  
 " est homo ad imaginem  
 " Dei.... Post istum diem,  
 " in quo modò sumus, post  
 " istam aetatem, ventura est  
 " requies, quae promittitur  
 " Sanctis, quae praefiguratur  
 " in illis diebus. (Serm. 125.  
 aliàs ex Sirmondianis 15. n.

C4.)

" Sex diebus in Genesi con-  
 " sumavit Deus omnia opera  
 " sua, & septimo requievit.  
 " Sex aetatibus humanum  
 " genus hoc saeculo per suc-  
 " cessiones temporum Dei  
 " opera insigniunt, quarum  
 " prima est ab Adam usque  
 " ad Noe, secunda a Noe  
 " usque ad Abraham: tertia

M 2

" ab

- D " ab Abraham usque ad Da-  
 " vid: quarta a David usque  
 " transmigrationem Babylo-  
 " nis : quinta inde usque ad  
 " humilem adventum Domi-  
 " ni nostri Jesu Christi: Sex-  
 " ta quae nunc agitur donec  
 " excelsus veniat ad Iudicium:  
 " septima verò intelligitur in  
 " requie Sanctorum, non in  
 " hac vita, sed in alia, ubi  
 E " vidit requiescentem paupe-  
 " rem dives ille, cum apud  
 " Inferos torqueretur: ubi  
 " non fit vespera, quia nul-  
 " lus ibi rerum deffectus est.  
 " Sexta die in Genesi forma-  
 " tur homo ad imaginem.  
 " Dei, sexta aetate saeculi  
 " manifestatur reformatio no-  
 " stra in novitate mentis se-  
 " cundum imaginem ejus, qui  
 F " creavit nos. ( Contra Fau-  
 " stum Manich. l. 12. c. 8. )  
 " Non autem sine causa  
 " illi dies sic sunt ordinati,  
 " nisi quia & saecula sic cur-  
 " sura erant antequam requi-  
 " escamus in Deo. Tunc autem  
 " requiescimus, si facimus ope-  
 " ra bona.... Ideo quia & ista  
 " transitura sunt opera bona,  
 " & sextus iste dies, quando  
 " per-

- A" perficiuntur opera bona.  
 " valde, habet vesperam. In  
 " sabbato autem non inveni-  
 " mus esse vesperam, quia  
 " requies nostra non habebit  
 " finem. Vespera enim pro  
 " fine ponitur. Sicut ergo  
 " sexto die fecit Deus homi-  
 " nem ad imaginem suam;  
 " sic invenimus sexto saeculo  
 " venisse Dominum Jesum.  
 B" Christum, ut reformetur  
 " homo ad imaginem Dei.  
 " Primum enim tempus, tam-  
 " quam primus dies ab Adam  
 " usque ad Noe: secundum  
 " tempus tamquam secun-  
 " dus dies a Noe usque ad  
 " Abraham: tertium tempus  
 " tamquam tertius dies ab  
 " Abraham usque ad David:  
 " quartum tempus, tamquam  
 " quartus dies a David usque  
 C" ad transmigrationem Ba-  
 " byloniae: quintum tempus,  
 " tamquam quintus dies a  
 " transmigratione Babyloniae  
 " usque ad praedicationem  
 " Joannis. Sextus dies jam a  
 " praedicatione Joannis agi-  
 " tur usque ad finem, & post  
 " finem sexti diei pervenimus  
 " ad requiem. ( Enarrat. in

Tunc velut ad caput reditur,  
 quomodo enim cum peracti fuerint  
 isti septem dies, octavus ipse est qui  
 primus: sic post terminatas & per-  
 actas aetates septem saeculi transe-  
 untis, ad illum immortalitatem  
 beatitudinemque rediemus, de qua  
 lapsus est homo.

„ Quare septem dies Ge-  
 „ nesim legens, invenies sep-  
 „ timum sine vespera, quia.  
 E „ requiem sine fine significat.  
 „ Prima ergo vita non fuit  
 „ sempiterna peccanti: Re-  
 „ quies autem ultima sempi-  
 „ terna est, ac per hoc &  
 „ octavus sempiternam bea-  
 „ titudinem habebit, quia.  
 „ requies illa, quae sempiter-  
 „ na est, excipitur ab octavo,  
 „ non extinguitur: neque.  
 F „ enim esset aliter sempiter-  
 „ na. Ita ergo erit octavus  
 „ qui primus, ut prima vita  
 „ non tollatur, sed reddatur  
 „ aeterna.

Ad Inquisitiones Januarii L.  
 2. n. 17.

Et ideo octavae complent sacra-  
 menta Infantium.

„ Haec octava sententia,  
 „ quae ad caput redit, perfe-  
 „ ctumque.

- A" Cumque hominem declara-  
 „ rat, significatur fortasse &  
 „ circumcissione octavo die in  
 „ veteri testamento; & Do-  
 „ mini resurrectione post sab-  
 „ barum, qui est utique octa-  
 „ vus, idemque primus dies,  
 „ & celebratione octavarum  
 „ feriarum, quas in regene-  
 „ ratione novi hominis cele-  
 „ bramus; & numero ipso  
 B" Pentecostes. (De serm. Do-  
 mini in monte l. 1. n. 12.)

Hinc & ipse septenarius nume-  
 rus septies multiplicatus facit qua-  
 draginta novem: & addito uno,  
 tanquam reditur ad caput, & fiunt  
 quinquaginta: qui numerus a nobis  
 usque ad Pentecostem in mysterio  
 celebratur.

- „ Nam septenario numero  
 „ septies multiplicato, quo  
 C" fiunt quadraginta novem,  
 „ quasi octavus additur, ut  
 „ quinquaginta compleantur,  
 „ & tanquam redeatur ad  
 „ caput, quo die missus est  
 „ Spiritus-sanctus. (Ubi su-  
 „ pra.)  
 „ Qui dies quinquagena-  
 „ rius habet alterum sacra-  
 „ mentum, quod septies se-  
 „ ptem quadraginta novem.  
 M 4 fiunt;

- A „ quatuor anni temporum.  
 „ vicibus variatur . Decem  
 „ autem quater in quadragin-  
 „ ta consumatur : quadrage-  
 „ narius autem partibus suis  
 „ computatus addit ipsum.  
 „ denarium, & fiunt quinquaginta, tamquam merces laboris, & continentiae. Neque enim frustra ipse Dominus & quadraginta dies post resurrectionem in hac terra, & in hac vita cum discipulis conversatus est ; & posteaquam adscendit in Coelum, decem diebus interpositis promissum misit Spiritum-sanctum, cōpleto die Pentecostes. (Ubi supra.)
- B „

Qui [quinguagenarius] ter multiplicatus propter mysterium Trinitatis facit centum quinquaginta. Addito quippe ipso ternario, tamquam teste atque indice triplicationis & trinitatis, intelligimus Ecclesiam in illis piscibus centum quinquaginta tribus.

„ Propterea quinquagenarius numerus ter multiplicatus, addito ad eminentiam sacramenti ipso ternario, & in illis magnis piscibus invenitur, quos jam Domini s  
 „ post

- D " post resurrectionem , no-  
" vam vitam demonstrans , a  
" dextera parte levati impe-  
" ravit ; nec retia rupta sunt ,  
" quia tunc haereticorum in-  
" quietudo non erit . Tunc  
" homo perfectus & quietus ,  
" purgatus in animo & in  
" corpore per eloquia Domi-  
" ni casta , argentum igne exa-  
" minatum terrae purgatum  
E " septuplum , accipiet merce-  
" dem denarium , ut sint de-  
" cem & septem &c. ( Ubi  
supra n. 31. )  
" Sed quia in nomine Tri-  
" nitatis vocati sunt omnes ,  
" ut in quadragenario nume-  
" ro bene vivant , & dena-  
" rium accipiant , ipsum quin-  
" quagenarium ter multiplica-  
" & fiunt centum quinquaginta .  
F " Adde ipsum myste-  
" rium Trinitatis , fiunt cen-  
" tum quinquaginta tres , qui  
" piscium numerus in dextera  
" inventus est : in quo tamen  
" numero innumerabilia sunt  
" millia Sanctorum . Unde  
" nulli mali projicientur , quia  
" non ibi erunt . ( Serm. 252.  
n. 11. )

Plura

Plura adducere potuissem, nam multis in locis eadem habet Sanctus Pater, qui ut diximus in iis exponendis, quae *A* mysteria continent numerorum, diligentissimus invenitur, nec eadem repetere quoties sese offerret occasio supervacaneū judicavit. Haec tamen sufficiant etiam pro dictorum epilogo. Jam enim constat quā contraria mens Augustini semper fuerit intentioni auctoris controversi sermonis; qui si ea vidit, quae a nobis relata sunt, malitiosè vel insipienter contorsit; si non vidit, damnanda temeritate res sublimes & suo majores ingenio absque Patrum consultatione tractandas suscepit; & sicuti Scriptura Sancta praedixit, de suo loquens, mendacium locutus est. Mendacia porro sunt, quae toties *B* repetit, Ecclesiam primò hic in terris futuram post corporum resurrectionem in septimo die; (cū Augustinus octavam diem resurrectionem corporum significare & complere doceat); post quem (diem septimum) ibunt Sancti in illam vitam & in illam requiem de qua nec oculus vidit, nec auris audivit. Nam si hanc vitam & istam requiem gustare non poterunt nisi post diem septimum, corrui quod septima requiem daret; & si etiam post corporum resurrectionem quae etiam de mente Auctoris controversi sermonis per octavam significatur adhuc Sancti non habent *Quod oculus non vidit, nec auris audivit, nec in cor hominis* *C* *ascendit*; nec in octava perficiuntur, quod contra totam Augustini immo & totius Ecclesiae stabilem constantemque doctrinam esse, probatione non indiget.



## CAPUT DECIMUMTERTIUM.

*Examinatur textus Augustini ex libro de Quaestionibus 83.*

[ q. 57. n. 2. ], qui nondum contra Sanctum Patrem  
propositus est, quamvis, prima fronte pro supposito  
errore praeclariùs quàm ceteri loquatur;  
explicatur, & inde etiam Sancti  
Patris rectam & catholicam  
intentionem elucere  
ostenditur.

E **M** Iratus porrò sum, quod ii, a quibus tam attentè  
textus omnes colligebantur, unde Augustinum pro  
millenariis scripsisse appareret, illum praeterierint, qui  
prima fronte ceteris omnibus evidentiùs hanc praefert  
opinionem; potissimum cum ex libro eruatur, quem a  
nemine Augustini non esse contenditur. Est igitur in li-  
bro de Diversis Quaestionibus octuaginta tribus (q. 57.  
n. 2.), ubi haec lego., Fit autem separatio in fine sae-  
culi, tamquam in fine maris, idest in littore; cum re-  
gnant iusti primò temporaliter, sicut in Apocalypsi scri-  
ptum est (c. 20. v. 7.) deindè in aeternum in illa civi-  
tate, quae ibi describitur, ubi jam conquiescente dispen-  
satione temporali, quae quadragenario numero signifi-  
catur, denarius remanet, quam mercedem Sancti, qui  
operantur in vinea, percepturi sunt. Nullus alius, quan-  
tum mihi videtur, locus, auctori controversi sermonis  
erroris ansam tribuere poterat plus isto, ubi illud regnant  
iusti primò temporaliter, deinde in aeternum in illa civitate, quae  
ibi describitur; rursus illud ubi conquiescente dispensatione tempo-  
rali pro ejus sententia stare videtur. Ipse autem male  
verba intelligens, & antecedentia cum subsequentiis non  
rectè considerans, veluti ad meliorem intelligentiam, Eccle-  
siam

fiam commentus est hîc primò futuram, & in septima die in terris requieturam, & post septimum in aeternū regnaturam. A

Priusquam ad veram istorum verborum intelligentiam accedamus; si Tournely mihi haec, vel Maurini opponerent; ambobus responderem, quòd quatenus ex his verbis certissimè appareret Augustinum pro millenariis scripsisse, non inde consequitur, etiam Sermonem CCLIX. scriptum ab eo fuisse. Librum enim Quaestionum octuaginta trium anno circiter 388. dictare coepit, quas omnes fortasse in diversis chartulis scripserat ante presbyteratum, sermonem autem nonnisi presbyter dicere poterat. Quare si in his verbis millenariorum error lateret, jam contra hunc Augustinum audivimus Sermonem CCXIV. praedicantem, B qui ex primis certè est, quos presbyter habuit; ideoque privatum errorem temporis beneficio cognovisse, & cum populo primitus agentem eundem retractasse dicendum esset. Quod si post sanam doctrinam, quam Sermo CCXIV. proponit, illam propinasset, quam Sermo continet CCLIX. opinandum remaneret, quod melioribus renunciatis, peioribus denuò se infereret, nec privatim modò ut in libro Quaestionum octuaginta trium, sed publicè ad populum, Valerio item Sanctissimo Episcopo praesente, locuturus.

In istis autem laudatae quaestionis verbis, nihil catholicae fidei adversum contineri, & antecedentia eodem loco probant, & illud prae ceteris, quòd cum plura ex hoc libro Augustinus retractaverit, ut videre est l. 1. retract. c. 26., nihil tamen hic idem locus eum offendit. Quod si etiam in invidiam revocaretur, emergeret, Augustinum neque Episcopum rectè de beatitate Sanctorum & Coelorum regno sensisse; ideoque omnia Sancti Patris loca, quibus de hoc catholicissimè disserit contra consensientiam scripta viderentur; quod nec Tournely placet, qui illius jam Episcopi rectam fidem commendat; nec Maurinis placebit; qui C  
quamvis

**D** quamvis cum distinctione a Tournely meditata non procedant : tamen mutata a Sancto Patre sententiam commemorantes in l. 20. c. 7. de Civitate Dei, huiusmodi maculam extremis saltem vitae ejus adimunt annis. Quo posito cum Retractionum libri postremi sint, quos Sanctus Pater edidit; si & amplissimi Monachi in verbis quaestionis 57. aliquid dissonum invenirent, etiam sua corrueret limitatio; nam si libros a se conscriptos retractans Augustinus, quae pro millenariis dicta erant, non damnat, nec tunc damnavit cum libros scriberet de Civitate Dei; ideoque Sanctum Patrem in hoc errore occubuisse consequeretur.

**E** Sed totius quaestionis verba, quantum ad praesentem rem attinet inspicimus; quae non solum Augustinum ab omni suspitione purgant, sed & illam destruunt, quae occasione Sermonis CCLIX. ipsi tributa est; immò rectissimae mentis suae foetum sermonem illum asserere non permittunt. Ex hac item lectione patebit, quàm consona his, quae & Presbyter & Episcopus postea dixit (quae superioribus capitulis retulimus) scripserit Augustinus adhuc laicus; & fortasse unde auctor sermonis ex aqua viva simplici & sana, aquam turbidam, infectam & mortuam malè bibens effecerit, cognoscetur.

**F** „ 1. *Omnia vestra, vos autem Christi, Christus autem Dei.* Si „ a capite numerentur, inveniuntur unum, duo, tria, „ quatuor. Item *Caput mulieris vir, caput viri Christus, caput „ autem Christi Deus.* Si eodem modo numerentur, inveniuntur similiter unum, duo, tria & quatuor. Porro unum „ & duo & tria & quatuor simul ducta fiunt decem. Quapropter „ propter disciplinam, quae insinuat conditorem Deum, „ & conditam creaturam, rectè significat denarius numerus. Et cum corpus perfectum atque inexterminabile „ subditur animae perfectae atque inexterminabili, rursumque ipsa subditur Christo, & ille Deo, non tamquam „ disti-

„ dissimilis & alterius naturae, sed tamquam Patri Filius,  
„ hoc totum eodem numero denario rectè significatur, A  
„ quod post resurrectionem corporis speratur futurum in  
„ aeternum. Et fortasse propterea qui conducuntur ad vi-  
„ neam denarium accipiunt mercedis nomine. Sicut autem  
„ unum & duo, & tria & quatuor simul decem fiunt, sic  
„ unum & duo & tria & quatuor quater ducta quadragin-  
„ ta fiunt.

„ 2. Si autem quaternarius numerus rectè corpus signi-  
„ ficat, propter quatuor notissimas naturas, quibus constat,  
„ siccam & humidam, frigidam & calidam; & quod pro-  
„ gressio a puncto ad longitudinem, a longitudine ad lati-  
„ tudinem a latitudine ad altitudinem, soliditatem corporis. B  
„ facit, quae rursus quaternario numero continetur: non  
„ absurde intelligitur quadragenarius numerus temporalem  
„ dispensationem significare, quae pro salute nostra gesta  
„ est, cum Dominus corpus assumpsit, & visibiliter homi-  
„ nibus apparere dignatus est. Unum enim & duo & tria  
„ & quatuor, quae significant Creatorem & creaturam,  
„ quater ducta, idest per corpus temporaliter demonstrata,  
„ fiunt quadraginta. Nam inter quatuor & quater hoc in-  
„ terest, quod quatuor in statu sunt, quater in motu. Er-  
„ go ut quatuor referuntur ad corpus, ita quater ad tempus: C  
„ insinuatque sacramentum corporaliter & temporaliter  
„ gestum propter eos qui corporum amore implicati erant,  
„ & temporibus subditi. Quadragenarius ergo numerus,  
„ ut dictum est, temporalem ipsam dispensationem non  
„ incongruè significare creditur. Et fortasse hoc est quod  
„ quadraginta dies Dominus jejunavit, saeculi huius, quod  
„ motu corporum & temporibus agit, ostendens inopiam:  
„ & quadraginta dies post resurrectionem cum discipulis  
„ fuit, hanc ipsam illis credo dispensationem tempora-  
„ lem, quam pro salute nostra gessit insinuans. Quadra-  
„ genarius.

- D " genarius autem numerus, partibus suis, quae illum metiuntur, computatis, usque ad quinquagenarium numerum pervenit, idipsum commendans, quandoquidem ipsae partes, quae illum metiuntur aequales inter se sunt: quia cum aequitate administrata corporalis & visibilis temporaliter actio, perfectionem homini comparat. Quae perfectio, sicut dictum est, denario numero significatur; sicut quadragenarius numerus, aequalibus suis partibus in summam redactis, denarium numerum parit, quoniam ad quinquagenarium, sicut supra dictum est, pervenit. Unum enim, quod habent quadraginta quadragies, &
- E " duo, quod habent vices, & quatuor, quod habent decies & quinque quod habent octies, & octo quod habent quinquies, & decem, quod habent quater, & viginti quod habent bis, simul ducta, fiunt quinquaginta. Nul- lus enim alius numerus metiri per partes aequales quadragenarium numerum potest, praeter hos, quos enumeravimus, & computatos ad quinquagenarium numerum perduximus. Peraclis ergo Dominus quadraginta diebus post resurrectionem cum discipulis suis, idest commendans eis quod pro nobis temporaliter gestum est, adscendit in Coelum: & post alios decem dies misit Spiritum-
- F " sanctum, quo perficerentur spiritaliter ad invisibilia capienda, qui visibilibus temporalibusque crediderant. Ipsi videlicet decem diebus, post quos misit Spiritum sanctum, eandem perfectionem, quae per Spiritum sanctum confertur denario numero indicans, quem quadragenarius, computatis aequalibus partibus suis edit, & fit quinquagenarius: sicut temporali dispensatione cum aequitate administratâ pervenitur ad perfectionem, quam denarius numerus significat, qui denarius simul cum quadragenario quinquagenarium facit. Ergo quoniam perfectio, quae fit per Spiritum sanctum quamdiu adhuc

„ adhuc in carne ambulamus, quamvis non vivamus carna-  
 „ liter, cum ipsa dispensatione temporali copulatur, rectè A  
 „ videtur quinquagenarius numerus ad Ecclesiam perti-  
 „ nere, sed jam purgatam atque perfectam, quae tempo-  
 „ ralis dispensationis fidem, atque aeternitatis futurae spem  
 „ charitate amplexatur, idest, quasi quadragenarium nu-  
 „ merum, denario numero copulans. Haec autem Eccle-  
 „ sia, ad quam pertinet quinquagenarius numerus, sive  
 „ quia ex tribus generibus hominum eligitur Judaeis &  
 „ Gentibus & carnalibus Christianis; sive quia sacramento  
 „ Trinitatis imbuitur, numero quo significatur ter ducto,  
 „ ad centenarium & quinquagenarium pervenit. Quinqua- B  
 „ ginta enim ter ducta fiunt centumquinquaginta. Quò  
 „ cùm addideris ipsa tria, quia insigne & eminens debet  
 „ esse quod in nomine Patris & Filii, & Spiritus sancti  
 „ lavacro regenerationis abluitur, fiunt centum quinqua-  
 „ ginta tres. Qui numerus piscium invenitur quia in dex-  
 „ teram partem missa sunt retia; & ideo magnos, idest  
 „ perfectos & regno Coelorum aptos habet. Nam illa si-  
 „ militudo reticuli non in dexteram missi simul cepit bo-  
 „ nos & malos, qui separantur in littore. Nunc enim intra  
 „ retia praeceptorum & sacramentorum Dei, in Ecclesia  
 „ quae nunc est, simul boni malique versantur. Fit autem C  
 „ separatio in fine saeculi, tamquam in fine maris, idest  
 „ in littore; cùm regnant iusti primò temporaliter, sicut  
 „ in Apocalypsi scriptum est, deindè in aeternum in illa.  
 „ Civitate, quae ibi describitur, ubi jam conquiescente di-  
 „ spensatione temporali; quae quadragenario numero signi-  
 „ ficatur, denarius remanet, quam mrecedem Sancti, qui  
 „ operantur in vinea percepturi sunt.

„ 3. Potest etiam si numerus iste consideretur, occurre-  
 „ re ad Ecclesiae sanctitatem, quae per Dominum nostrum  
 „ Jesum Christum facta est: ut quoniam septenario nu-

N

mero

- D** „mero creatura constat, cum ternarius animae & quaternarius corpori tribuitur, susceptio ipsa hominis ducatur ad tria septies. Quia & Pater misit Filium, & Pater in Filio est, & dono Spiritus-sancti de Virgine natus est. Et haec sunt tria, Pater & Filius & Spiritus-sanctus. Septies autem ipse homo temporali dispensatione susceptus, ut fieret sempiternus. Fit ergo summa numeri viginti unum, idest tria septies. Haec autem hominis susceptio ad liberationem valuit Ecclesiae, cui caput est; ut ipsa Ecclesia, propter animam & corpus, in eodem septenario numero reparetur. Ducuntur igitur viginti
- E** „unum septies, propter eos qui per Dominicum hominem liberantur, & fiunt simul centum quadraginta septem. Cui additur senarius numerus, signum perfectionis, quia partibus suis quae illum metiuntur constat, ita ut nihil minus, nihilque amplius inveniatur. Metitur quippe illum unum, quod habet sexies; & duo quae habet ter; & tria quae bis habet: quae simul ducta unum & duo & tria sex fiunt. Quod fortasse ad illud etiam sacramentum pertinet, quod Deus sexta die perfecit omnia opera sua. Ad centum ergo & quadraginta septem cum sex addideris, quod est signum perfectionis, fiunt centum quinquaginta tria: qui numerus piscium invenitur, postea
- F** „quam iussu Domini in dexteram partem missa sunt retia, ubi peccatores, qui ad sinistram pertinent, non inveniuntur.

Totam hanc quaestionem transcribere volui; ut, quoniam in numerorum mysteriis scrutandis tota consistit, aequi iudices aestiment, num bono jure Phereponus saepius dixerit, in hac re lusisse Augustinum. Videre enim est Sanctum Patrem meditationum suarum fundamentum a scripturis eruere, quae sicuti non perperam multa stabilitis numeris pronunciant; nec perperam Christus Dominus nos-

flet

ster definito dierum numero aliqua & vivens & post mortem fecit, & scribenda Evangelistis & Apostolis numericè reliquit; sic non in cassum obscura istorum ratio conquiratur, & multâ operâ ad nostram doctrinam a Patribus aperitur.

Et ut Sanctorum Doctorum labores majori reverentia suscipere assueamus; duodenarium numerum considerare, cujus mysterium inquirendum tantò plus admonemur, quantò magis intelligimus non otiosè a Domino duodecim Apostolos primùm electos, & post unius defectionem successore reparatos; nec item otiosè toties in scripturis duodecim portas Coeli nominatas. Quod nisi rectè comprehendimus, negotium faceffet sedes Pauli in iudicio sessuri, qui tertiusdecimus Apostolorum est, cum non plus quàm duodecim sedes paratae iudicibus praenunciuntur. Hunc igitur numerum perpendens Augustinus, ait „ *Fundamenta eius in montibus sanctis; diligit Dominus portas Sion.* Quare sunt fundamenta Apostoli & Prophetæ? Quia eorum auctoritas portat infirmitatem nostram. Quare sunt portae? Quia per ipsos intramus ad regnum Dei. Praedicant enim nobis, & cum per ipsos intramus, per Christum intramus, Ipse est enim janua. Et cum dicuntur duodecim portae Jerusalem, & una porta Christus, & duodecim portae Christus, quia in duodecim portis Christus: & ideo duodenarius numerus Apostolorum. Sacramentum magnum huius duodenarii significatio est numeri. *Sedebitis*, inquit, *super duodecim sedes, judicantes duodecim tribus Israel.* Si duodecim sellae ibi sunt, non est ubi sedeat tertiusdecimus Paulus Apostolus, & non erit quomodo iudicet: & ipse se iudicaturum dixit non homines tantùm, sed & angelos. Quos angelos, nisi apostatas Angelos? *Nescitis*, inquit, *quia angelos iudicabimus?* Responderet ergo turba. Quid te jactas iudicaturum? Ubi sedebis? Duodecim



- D** „ sedes dixit Dominus duodecim Apostolis: unus cecidit  
 „ Judas, in locum ipsius Sanctus Matthias ordinatus est:  
 „ impletus est duodenarius numerus sedium. Primò locum  
 „ inveni, ubi sedeas, & sic te minare judicaturum. Duo-  
 „ decim ergo sedes, quid sibi velint, videamus. Sacramen-  
 „ tum est cujusdam universitatis, quia per totum orbem.  
 „ terrarum futura erat Ecclesia: unde vocatur hoc aedifi-  
 „ cium ad Christi compagem. Et ideo quia undique veni-  
 „ tur ad judicandum, duodecim sedes sunt: sicut quia un-  
 „ dique intratur in illam civitatem, duodecim portae sunt.  
 „ Non solum ergo illi duodecim, & Apostolus Paulus, sed  
**E** „ quotquot judicaturi sunt propter significationem univer-  
 „ sitatis ad sedes duodecim pertinent: quemadmodum quot-  
 „ quot intrabunt ad duodecim portas pertinent. Partes  
 „ enim Mundi quatuor sunt Oriens, Occidens, Aquilo, &  
 „ Meridies. Istae quatuor partes assidue nominantur in  
 „ scripturis. Ab istis quatuor ventis, sicut dicit Dominus in  
 „ Evangelio a quatuor ventis se collecturum electos suos:  
 „ ab omnibus ergo istis quatuor ventis vocatur Ecclesia..  
 „ Quomodo vocatur? Undique in Trinitate vocatur. Non  
 „ vocatur nisi baptismo in nomine Patris & Filii & Spi-  
 „ ritus sancti. Quatuor ergo res ducta duodecim inveni-  
**F** „ untur. (Enarrat. in Psal. 86. n. 4.)

Nunc ad propositum revertens, & superiora quaestionis  
 verba perpendendo, ut verum sensum illorum, quae para-  
 graphum secundum claudunt eruamus; diligens quisque  
 jam fortasse notavit quinquagenarium numerum ab Augu-  
 stino & praesenti Ecclesiae tribui, & futurae, proindeque  
 & perfectionem, quae hoc numero demonstratur. Cum  
 autem praesentem dico illam cum Augustino intelligo pur-  
 gatam atque perfectam, quae ex singulis fit & in singulis  
 invenitur, qui temporalis dispensationis fidem, atque aeter-  
 nitatis futurae spem, charitate amplexantur, quamvis iis  
 com-

commixti vivant, qui mali sunt, nec eâdem fide per charitatem vivificatâ ad aeterna praemia nutriuntur. A

Hanc autem perfectionem, quae fit in nobis per Spiritum-sanctum dum adhuc in carne ambulamus, non tamen secundum carnem viventes, commendavit hominibus Magister & Dominus noster Iesus Christus, cum dixit *Esote perfecti sicut Pater vester coelestis perfectus est* (Matth. 5. 48.) Istam verò ex commercio & unione carnis nostrae haudquaquam prohiberi Apostolus docet, ajens: *Nihil ergo nunc damnationis est iis, qui sunt in Christo Jesu, qui non secundum carnem ambulant* (Rom. 8. 1.) Unde de hoc ipso aliàs loquens ait: *Nescitis quoniam corpora vestra membra sunt Christi?* Et paulò infra: *An nescitis quoniam membra vestra templum sunt Spiritus-sancti, qui in vobis est, quem habetis a Deo, & non estis vestri?* (1. Corinth. 6. 15. & 19.) Quamvis enim nunc sentiamus aliam legem in membris nostris, quae repugnat legi mentis nostrae, unde quod nolumus, facimus: tamen dum condelectamur legi Dei secundum interiorem hominem, mente servimus legi Dei: carne autem legi peccati. *Si autem Christus in nobis est: corpus quidem mortuum est propter peccatum; spiritus autem vivit propter justificationem. Quod si Spiritus ejus, qui suscitavit Jesum a mortuis habitat in nobis: qui suscitavit Jesum Christum a mortuis, vivificabit & mortalia corpora nostra propter inhabitantem spiritum ejus in nobis.* (Rom. 8. 10. 11.) Hinc perfectio justorum elucet etiam quoad corpus, dum se secundum jam recitatam dignitatem custodiunt, peccatum in propria carne debellantes, illamque verum Spiritus-sancti templum efficientes; ideoque purgatam atque perfectam Ecclesiam in se constituent; quam & regnum Dei, & regnum Coelorum etiam dum hic peregrinatur, Dominus appellavit. Verè enim regnat, & in pace regnat, qui per gratiam jam liber est. Liber autem & in pace constitutus ille a Sancto Leone, Papa Magno Augustinianae doctrinae verè fidelissimo interprete, B

D prete, habetur, qui spiritu a Deo recto, carnem regit : „ quia tunc, inquit, est vera pax hominis, & vera libertas, quando & caro animo iudicē regitur, & animus Deo „ præsede gubernatur. (De Quadragesima serm. 1. pag. 34. col. 2.) Quomodo autem homines ad hanc perfectionem perveniant si petamus ab Augustino; jam audivimus eum docentem, quodd quicumque hanc temporalem vitam, quae quadragenario numero significatur ad Dominica praecepta conformatur, dona Spiritus sancti in eadem acquirit, a quo perficitur : quae quidem dona mercedis nomine denario continentur, quadragenarium scilicet quinquagenario copulando.

E Quid igitur haec in praesenti vita perfectio ab ea distet, quae post hanc vitam in quocumque iusto manifestatur, si adhuc quaeramus; nihil aliud suppetit nisi manifestatio & exercitatoriae probationis cessatio. Perfecti enim nunc iusti sunt, sed in fide futurorum, & in patientia praesentium. Cum autem futura jam credita & concupita praesentia fient, tunc specie solidantur, & exercitatio cessat, qua Deus probat qui sunt ejus. Quamobrem haec perfectio velata, quae ab illa revelata excipitur, corporis morte destrui non posse jam sentit Augustinus : tam enim dixit denarium mercenariis in vinea laborantibus in fine diei datum, quam bene dixit denarium percepturos sanctos in fine saeculi. Nam perfectio per Spiritum sanctum in nobis operata, quamdiu in carne ambulamus, dum non carnaliter vivimus, nisi a Dei revelata visione exciperetur, quem sibi tamquam mercedem iusti proponunt; vel numquam fuisset perfectio, vel perfectionem esse desineret.

F Ad cuius rei ampliore intelligentiam observandum est : temporalem dispensationem, quae quadragenario numero ostenditur, ad duo referri : tum scilicet ad quemlibet iustum, tum ad omnes simul sanctos. Quae unumquemque iustum respi-

respicit, hac mortali & brevi vitâ finitur: quae verò omnes respicit justos, nonnisi fine saeculi terminatur. Quia autem dispensatio temporalis, quae unumquemque justum respicit cum aequitate administrata perfectionem quinquagenarii jam continet, dum merces in fide tenetur, quae charitate, conquiritur; idè morte corporis consequente, perfectio revelatur in spiritu; ipso semper vivente & cum Deo vivente, ut supra notavit Augustinus (serm. 252. n. 10.) de spiritibus loquens Sanctorum Patriarcharum, & Prophetarum. Quia verò spiritus jam beatus adhuc perfectionem totius hominis sperat & concupiscit; ideo omnes sancti, quamvis jam secundum spiritum perfectè beati, temporali adhuc dispensationi copulantur, donec haec temporalis dispensatio conquiescat; conquiescet autem cum resurgentibus corporibus, totus homo perfectus invenietur. Nunc igitur Sancti & de propria perficienda gloria, & de illorum salute solliciti, ut ait Cyprianus (lib. de mortalitate) qui adhuc inter retia praesentis Ecclesiae cum malis piscibus nant; pro ipsorum vel perseverantia vel conversione ad exemplum jam defuncti Jeremiae (2. Machab. 15. 14.) misericordiae Dominum multum exorant; & ad exemplum Sanctorum Martyrum, quorum in Apocalypsi meminit Johannes Apostolus, illud contra malos repetunt *Usquequò Domine Sanctus & verus non judicas sanguinem nostrum de his, qui habitant in terra* (Apocalyp. 6. 10.) Unde intelligimus peculiarem cujusque justii dispensationem temporalem cessare, corpore recedente; generalem autem beatorum temporalem dispensationem non priùs conquiescere, quàm depositum corpus, sed immortale & gloriosum primaevo spiritui rursus accedat.

His consonant, quae de septem aetatibus mundi quasi septem diebus saeculi supra ex Augustino notavimus. Sicuti enim sexta aetas, sive sextus dies cuique terminatur in cor-

**D** poris morte; qui sextus a requie perpetua septimi diei pro iustorum spiritibus excipitur; quibus jam in septimo constitutis, adhuc pro morituris hominibus sexta aetas sive sextus dies decurrit usque in saeculi finem, quae a septima sine vespera amplectitur, demumque per accessionem octavae, sive per corporum resurrectionem clarificatur atque manifestatur: sic dispensatione temporali pro mortuis quiescente, eadem adhuc in morituris perseverat sub uno respectu, & in mortuis & beatis sub alio, donec tempus & mors ab aeternitate atque immortalitate absorbeatur.

**E** Ideo quinquagenarii perfectio, quae in hac temporali dispensatione aquiritur, perfectionem totius hominis continet, suo tempore declarandam; animae quidem post corporis mortem, totius verò hominis in corporum resurrectione. Hoc ipsum innuit Sanctus Pater eodem libro (quaest. 59. n. 3.) ubi verba explicans *Vigilate ergo quia nescitis diem neque horam*, ait, „ Non modo illius ultimi temporis, quo venturus „ est sponsus, sed suae quisque diem dormitionis & horam „ nescit. Quisquis autem paratus est usque ad somnum, „ idest, usque ad mortem, quae omnibus debetur, paratus „ etiam invenietur cum illa vox media nocte sonuerit, qua „ omnes evigilaturi sunt, „ Tunc autem fiet quod initio laudatae quaestionis 57. scripsit; corpus nimirum perfectum atque inexterminabile subdetur animae perfectae atque inexterminabili, rursusque ipsa subdetur Christo, & ille Deo, non tamquam dissimilis & alterius naturae, sed tamquam Patri Filius, quod totum numero denario rectè significatur; quodque post resurrectionem corporis speratur futurum in aeternum; unde quomodo denarii mercedem in fine percepturi sint sancti probè intelligimus.

**F** Hinc verò ejusdem Ecclesiae veluti tria tempora computamus: primum militiae, alterum gloriae & pacis in sinu Abrahae, tertium reparationis perpetuae. Primum Ecclesiam

siam significat, quae nunc est & malis corporaliter commixta A  
 est: secundum Ecclesiam notat, de qua Paulus Apostolus  
 dixit *Ecclesiam primitivorum*, qui *conscripti sunt in Coelis* (1. Petr.  
 1. 2. 23.): tertium Ecclesiam illam premitit ubi Sancti in  
 immortalibus etiam corporibus ab impiis separati regna-  
 bunt in aeternum. Quia verò perfectio hominis in prima,  
 perfectionem meretur declarandam in secunda, & coronan-  
 dam in tertia, idemque numerus quinquagenarius has om-  
 nes perfectiones indicat: ideo rectissimè ter multiplicatur,  
 ut fiant centum quinquaginta, & omnia tempora ad suum  
 finem perducta monstrantur. Qui enim, corpore morien-  
 te quinquagenarium in fide & perseverantia complet, B  
 centenarium assequitur, qui a quinquagenario bis ducto for-  
 matur: rursus qui. Centenario alium quinquagenarium  
 addit, ad centenarium quinquagenarium pervenit, qui nu-  
 merus undequaque completam perfectionem significat.

Audiamus Petrum Bungum in mysteriis numerorum ad  
 numerum C., Centesimus item mysticè bis continet quin-  
 „ quagenarium. Ut enim quinquagenarius spiritalis vitae  
 „ hieroglyphicum est, & animi ejus, qui divinis intentus,  
 „ sublimia quaeque mente concipiat & contempletur: ita  
 „ duplicatus in Centenarium negotiosam solet insinuare.  
 „ Quinquagesimo enim post resurrectionem die descendit C  
 „ Spiritus sanctus. Et operum nostrorum fructus uberrimi  
 „ atque pinguiissimi, ad Centenarium usque numerum  
 „ cumulantur; eorum inquam, qui vitae integri scelerum-  
 „ que puri peregrinationis nostrae cursum piè sanctèque  
 „ peregerunt, Apud ipsum legantur quae ex Scripturis in  
 hanc rem refert. Sicuti igitur Centenarius illorum requiem  
 indicat, qui ab hoc mundo bonis meritis stipati decesserunt;  
 ita centenarius quinquagenario copulatus aeternam vitam  
 in fine temporum demonstrat. Audiamus Bungum denuò  
 ad numerum CL. qui a suprascripta (cap. IX.) Hilarii au-  
 thoritate

- D *ctoritate multa mutualle videtur.* „ Centesimus quinquage-  
 „ *simus numerus in scripturis divinitus inspiratis admo-*  
 „ *dum sacratus habetur & mysticus, propter certam*  
 „ *quantitatem, quam summa sua complectitur, nam tri-*  
 „ *plum in se continet quinquagenarium, quasi illum mul-*  
 „ *tiplicaverit Trinitas. Unde hac de causa non ineptè con-*  
 „ *spicimus Psalmorum coaequationem fieri numero Cen-*  
 „ *tesimo quinquagesimo; qui si per singulos quinquage-*  
 „ *narios articulos interrogetur, magnum aliquid & valde*  
 „ *mysticum continere probabitur. Non enim frustra quin-*  
 „ *quagenarius Psalmus est de poenitentia; centesimus de*  
 E „ *miserericordia & iudicio; centesimus quinquagesimus de*  
 „ *Laude Dei in sanctis ejus, quando completo illorum*  
 „ *numero, magnae festivitatis completorium celebrabitur*  
 „ *in aeternum.... Poenitentiae vox est* *Miserere mei Deus*  
 „ *& secundum multitudinem miserationum tuarum dele iniquitatem*  
 „ *meam (Psal. 50) Iustitiae Christi vox in Electis suis:*  
 „ *Misericordiam & iudicium cantabo tibi Domine (Psal. 100.)*  
 „ *Vitae aeternae vox est* *Laudate Dominum in Sanctis ejus, &*  
 „ *Omnis spiritus laudet Dominum. (Psal. 150.)*

F Huic igitur numero Centesimo quinquagesimo cum ternarium addimus, propter mysterium Trinitatis (a qua & nostrae naturae creatio & conservatio & reparatio procedit, atque ea perfectio, qua totus homo meretur in tempore ut coronetur in fine) centumquinquaginta tria fiunt, qui numerus piscium in dextera inventus futuram Ecclesiam iustorum aperte demonstrat.

Quòd autem illud desiderium, illaque sollicitudo, quae Sanctis nunc inest nihil perturbationis, aut doloris, aut tristitiae eisdem conferat, quibus quies aeterna diei septimae minuatur, Augustinus eodem libro (quaest. 67. n. 5.) declarat, textum explicans Apostoli *Scimus autem quòd omnis creatura congemiscit & dolet usque adhuc.* (Róm. 8. 2.); qui huic

huic intelligentiae videtur contrarius; creaturae enim nomine tam mortui, quam morituri comprehenduntur. Docens igitur quod omnis creaturae nomine homo intelligendus sit, subdit: „Cum ergo miser homo congemiscit & dolet, omnis creatura congemiscit & dolet usque adhuc. „*Usque adhuc* autem rectè dixit: quia etiamsi sint aliqui jam in sinu Abrahæ; & latro ille cum Domino in paradiso constitutus illo die, quo credidit dolere destiterit: tamen usque adhuc omnis creatura congemiscit & dolet, quia in iis, qui nondum liberati sunt, omnis est, propter spiritum & animam & corpus. „ Et n. 7. ejusdem quaestionis, examinans num hic Apostoli textus etiam Angelos sanctos comprehendere possit, dum sub eodem creaturae nomine & ipsi veniunt, ait, „Quamvis enim adjuvent nos pro sua sublimitate, dum obtemperant Deo, qui pro nobis etiam unicum filium suum dignatus est mittere: tamen sine gemitu & doloribus id facere credendi sunt, ne miseri existimentur; feliciorque sit de numero nostro Lazarus ille, qui jam in Abrahæ sinu requiescit. Praesertim quia dixit, eandem creaturam, quae congemiscit & dolet, vanitati esse subjectam: quod de summis & excellentibus Virtutum Potestatumque creaturis nefas est credere. Deinde liberandam eam dixit a servitute interitus: quò illos cecidisse qui in Coelis agunt vitam beatissimam, non possumus credere.

Proinde, certà jam apud Sanctum Patrem ex proximè relatis duobus textibus sanctorum beatitate secundum spiritum, separatio illa in fine saeculi, tamquam in fine maris, idest in littore facienda, ad sola Sanctorum corpora referenda est, juxta quae usque in diem mortis boni vivi malis item vivis inter retia praeceptorum & sacramentorum Dei, in Ecclesia, quae nunc est simul verstantur; corporaque eorum quàm plurima spiritu destituta sine discretionē



**D** tione conquiescunt. Quis enim dicat quot millia martyrum corpora cum confusis gentium corporibus & iniquorum eadem terra nunc tegit? Separabuntur autem & honore debito vestientur, cum in ictu oculi resurgent, & immutabuntur, & dicent impii, quibus immutatio non competit; *Hi sunt, quos habuimus aliquandò in derisum, & in similitudinem impropriet. Nos insensati vitam illorum aestimabamus insaniam, & finem illorum sine honore. Ecce quomodo computati sunt inter filios Dei, & inter sanctos fors illorum est.* (Sap. 5. 3. & seqq.)

**E** Quibus praemissis intentio Sancti Patris in illis verbis cum regnant iusti primò temporaliter, deinde in aeternum, elucet. Jam enim iusti etiam in hac carne regnum Christi sunt, quos Spiritus-sanctus perficit, in quibus nunc Christus regnat per fidem: quod regnum temporaliter in iustis durat donec finis saeculi adveniat, qui die mortis universi usque, quasi sextâ aetate pretereunte, concluditur. Tunc jam in littore spiritus iustus a malis separatus, cum quibus in carne morari conabatur, in sinum Abrahae ab Angelis effertur; renumque Christi interius declaratur, & septimae dici requie aeterna excipitur. Sed quoniam adhuc resurrectio carnis & complendus fratrum numerus expectandus est, temporale etiam regnum hoc non absurdè nominatur, quod temporum vicissitudinibus & momentis a morituris computatur; donec hac conquiescente dispensatione temporali, fiat unum ovile, & unus Pastor, & dies perpetua illa elucescat, quae non habet vesperam, temporumque computationi transeuntium, aeternitas succedat nullis aetatibus aut momentis computanda.

Haec autem intellexisse Sanctum Patrem tum ex dictis eodem & subsequenter locis sentio, tum ex ejusdem silentio in libro Retractionum cum hunc quaestionum librum scrutabatur, tum demum ex commemoratione textus

Apo-

Apocalypsis: non enim dicit solummodo cum regnant iusti primo temporaliter, sed addit, sicut in Apocalypsi scriptum est, deinde in aeternum in illa civitate, quae ibi describitur. Vel scilicet putans, antecedentia satis catholicam intentionem suam de eo textu ostendere; vel sibi ampliorem ejusdem explanationem alibi reservans. Hanc autem invenimus l. 20. de Civit. Dei c. 9., quam libentius transcribo, quia eundem illum textum Apocalypsis (cap. 20) diligentissimè tractat, a quo, ut Sanctus Pater ibidem ait (cap. 7.) millenarii arma sumpserunt, veluti ex illo, qui pluries mille annorum spatium commemorat, & ad aliqua veluti terminum figit. Ibi igitur haec habet.

„ Interea dum mille annis ligatus est diabolus, sancti regnant cum Christo etiam ipsis mille annis eisdem sine dubio, & eodem modo intelligendis, idest, isto jam tempore prioris ejus adventus. Excepto quippe illo regno, de quo in fine dicturus est. *Venite benedicti Patris mei, pos-  
seditis paratum vobis Regnum*, nisi alio aliquo modo, longè quidem impari; jam nunc cum illo regnarent sancti ejus, quibus ait *Ecce ego vobiscum sum usque in consummationem saeculi*; profectò non etiam nunc diceretur Ecclesia regnum ejus, regnumve Coelorum. Nam utique isto tempore in regno Dei eruditur scriba ille, qui profert de thesauro suo nova & vetera, de quo suprà locuti sumus. Et de Ecclesia collecturi sunt zizania messores illi, quae permisit cum tritico simul crescere usque ad messem: quod exponens ait *Messis est finis saeculi, messores autem Angeli. Sicut ergo colliguntur zizania & igni comburuntur, sic erit in consummatione saeculi: mittet Filius hominis Angelos suos, & colligent de regno ejus omnia scandala. Numquid de regno illo, ubi nulla sunt scandala? De isto ergo regno ejus, quod est hic Ecclesia colligentur. Item dicit Qui solverit unum de mandatis istis minimis, & docuerit sic homines, minimus vocabitur in regno Coelorum: qui autem fecerit & docuerit, magnus vocabitur in regno Coelo*

- D " *Coelorum*. Utrumque dicit in regno *Coelorum* & qui non  
 " facit mandata quae docet, hoc est enim solvere, non  
 " servare, non facere; & illum qui facit, & sic docet: sed  
 " istum minimum, illum magnum. Et continuò secutus  
 " adjungit, *Dico enim vobis, quia nisi abundaverit justitia vestra*  
 " *supra Scribarum & Pharisaeorum*, idest supra justitiam eorum,  
 " qui solvunt quod docent. De Scribis enim & Phariseis  
 " dicit alio loco *Qui dicunt & non faciunt* Nisi ergo super  
 " eos abundaverit justitia vestra, idest ut vos non solvatis,  
 " sed faciatis potius quod docetis: *non intrabitis*, inquit, *in*  
 " *regnum Coelorum*. Alio modo igitur intelligendum est re-  
 E " *gnum Coelorum*, ubi ambo sunt, & ille scilicet qui sol-  
 " vit quod docet, & ille qui facit; sed ille minimus, iste  
 " magnus: alio autem modo regnum *Coelorum* dicitur,  
 " quod non intrat nisi ille qui facit. Ac per hoc ubi utrum-  
 " que genus est, Ecclesia est, qualis nunc est: ubi autem  
 " illud solum erit, Ecclesia est qualis tunc erit, quando  
 " malus in ea non erit. Ecclesia ergo & nunc est regnum  
 " Christi, regnumque *Coelorum*. Regnant itaque cum  
 " illo etiam nunc Sancti ejus, aliter quidem quam tunc  
 " regnabunt: nec tamen cum illo regnant zizania, quam-  
 " vis in Ecclesia cum tritico crescant. Regnant enim cum  
 F " illo qui faciunt quod Apostolus ait. *Si surrexistis, cum*  
 " *Christo, quae sursum sunt capite, ubi Christus est in dextera Dei*  
 " *sedens: quae sursum sunt quaerite, non quae super terram*. De  
 " qualibus item dicit, quod eorum conversatio sit in *Coe-*  
 " *lis*. Postremò regnant cum illo, qui eo modo sunt in  
 " regno ejus, ut sint etiam ipsi regnum ejus. Quomodo  
 " autem sunt regnum Christi, qui ut alia taceam, quam-  
 " vis ibi sint donec colligantur in fine saeculi de regno  
 " ejus omnia scandala, tamen illic sua quaerunt, non  
 " quae Jesu Christi?  
 " 2. De hoc ergo regno militiae, in quo adhuc cum  
 " ho-

28 hoste configitur, & aliquando repugnatur, repugnantibus  
 29 vitis, aliquando cedentibus imperatur, donec veniat  
 30 ad illud pacatissimum regnum, ubi sine hoste regna-  
 31 bitur, & de hac prima resurrectione, quae nunc est, liber  
 32 iste sic loquitur. Cum enim dixisset alligari diabolum  
 33 mille annis, & postea solvi brevi tempore; mox recapitu-  
 34 lando quid in istis mille annis agat Ecclesia, vel agatur  
 35 in ea, *Et vidi*, inquit, *sedes & sedentes super eas, & iudicium*  
 36 *datum est*. Non hoc putandum est de ultimo iudicio dici:  
 37 sed sedes praepositorum, & ipsi praepositi intelligendi  
 38 sunt, per quos Ecclesia nunc gubernatur. Iudicium au-  
 39 tem datum nullum melius accipiendum videtur, quam  
 40 id quod dictum est. *Quae ligaveritis in terra, ligata sunt &*  
 41 *in Coelo; & quae solveritis in terra soluta sunt & in Coelo.*  
 42 Unde Apostolus, *Quid enim mihi est*, inquit, *de his, qui fo-*  
 43 *ris sunt iudicare? Nonne de his, qui intus sunt vos iudicatis? Et*  
 44 *animas*, inquit, *occisorum propter testimonium Jesu, & propter*  
 45 *verbum Dei*: subauditur quod postea dicturus est, *regna-*  
 46 *verunt cum Jesu mille annis*; animae scilicet Martyrum,  
 47 nondum sibi corporibus suis redditis. Neque enim pio-  
 48 rum animae mortuorum separantur ab Ecclesia, quae  
 49 etiam nunc est regnum Christi. Alioquin nec ad altare  
 50 Dei fieret eorum memoria in communicatione corporis  
 51 Christi; nec aliquid prodesset ad ejus in periculis bap-  
 52 tismi currere, ne sine illo finiatur haec vita; nec ad re-  
 53 conciliationem, si forte per penitentiam malamve con-  
 54 scientiam quisque ab eodem corpore separatus est. Cur  
 55 enim fiunt ista, nisi quia fideles etiam defuncti membra  
 56 sunt ejus? Quamvis ergo cum suis corporibus nondum  
 57 jam tamen eorum animae regnant cum illo, dum isti  
 58 mille anni decurrunt, Unde in hoc eodem libro, & ali-  
 59 bi legitur *Beati mortui, qui in Domino moriuntur, amodò &*  
 60 *jam dicit Spiritus ut requiescant a laboribus suis; nam opera eorum*  
 61 *secum*

D „ *secuntur illos. Regnat itaque cum Christo nunc primum*  
 „ *Ecclesia in vivis & mortuis. Propterea enim, sicut dicit*  
 „ *Apostolus, mortuus est Christus, ut & vivorum & mortuorum*  
 „ *dominetur. Sed ideo tantummodo Martyrum animas com-*  
 „ *memoravit, quia ipsi praecipue regnant mortui, qui*  
 „ *usque ad mortem pro veritate certaverunt. Sed a parte*  
 „ *totum etiam ceteros mortuos intelligimus pertinentes ad*  
 „ *Ecclesiam, quod est regnum Christi.*

„ 3. Quod verò sequitur, *Et si qui non adoraverunt besti-*  
 „ *am, nec imaginem ejus, nec acceperunt inscriptionem in fronte,*  
 „ *aut in manu sua: simul de vivis & mortuis debemus acci-*  
 E „ *pere. Quae sit porro ista bestia quamvis sit diligentius*  
 „ *inquirendum, non tamen abhorret a fide recta, ut ipsa*  
 „ *impia Civitas intelligatur, & populus infidelium con-*  
 „ *trarius populo fidei, & Civitati Dei. Imago verò simu-*  
 „ *latio ejus mihi videtur, in eis videlicet hominibus, qui*  
 „ *velut fidem profitentur, & infideliter vivunt. Fingunt*  
 „ *enim se esse quod non sunt, vocanturque non veraci ef-*  
 „ *figie, sed fallaci imagine Christiani. Ad eandem nam-*  
 „ *que bestiam pertinent non solum aperte inimici nominis*  
 „ *Christi, & ejus gloriosissimae Civitatis, sed etiam ziza-*  
 „ *nia, quae de regno ejus, quod est Ecclesia, in fine saeculi*  
 F „ *colligenda sunt. Et qui sunt, qui non adorant bestiam,*  
 „ *neque imaginem ejus, nisi qui faciunt quod ait Apostolus*  
 „ *Ne sitis jugum ducentes cum infidelibus? Non adorant enim,*  
 „ *id est non consentiunt, non subiciuntur, neque accipiunt*  
 „ *inscriptionem, notam scilicet criminis in fronte, propter*  
 „ *professionem; in manu propter operationem. Ab his*  
 „ *igitur malis alieni, sive adhuc in ista mortali carne viven-*  
 „ *tes, sive defuncti, regnant cum Christo jam nunc, quo-*  
 „ *dam modo huic tempori congruo, per totum hoc inter-*  
 „ *vallum, quod numero mille significatur annorum.*  
 „ 4. *Reliqui eorum, inquit, non vixerunt. Hora enim nunc*  
 „ *est*

„ est, cum mortui audient vocem Filii Dei, & qui audie-  
 „ rint vivent: reliqui verò eorum non vivent. Quod verò  
 „ subdidit *donec finiantur mille anni*: intelligendum est quòd  
 „ eo tempore non vixerunt, quo vivere debuerunt, ad vi-  
 „ tam scilicet de morte transeundo. Et ideo cum dies ve-  
 „ nerit, quo fiet & corporum resurrectio, non ad vitam  
 „ de monumentis procedent, sed ad iudicium; ad damna-  
 „ tionem scilicet, quae secunda mors dicitur. Donec enim  
 „ finiantur mille anni quicumque non vixerit, idest isto  
 „ toto tempore quo agitur prima resurrectio, non audierit  
 „ vocem Filii Dei, & ad vitam de morte transierit: pro-  
 „ fectò in secunda resurrectione, quae carnis est, in mor-  
 „ tem secundam cum ipsa carne transibit. Sequitur enim  
 „ & dicit, *Haec resurrectio prima est. Beatus & Sanctus qui ha-*  
 „ *bet in hac prima resurrectione partem*; idest particeps ejus est.  
 „ Ipse est autem particeps ejus, qui non solum a morte,  
 „ quae in peccatis est reviviscit, verum etiam in eo quod  
 „ revivixerit, permanebit. *In istis*, inquit, *secunda mors non*  
 „ *habet potestatem*. Habet ergo in reliquis, de quibus superius  
 „ ait *Reliqui eorum non vixerunt, donec finiantur mille anni*;  
 „ quoniam isto toto temporis intervallo, quod mille annos  
 „ vocat, quantumcumque in eo quisque eorum vixit in-  
 „ corpore, non revixit a morte, in qua eum tenebat im-  
 „ pias, ut sic reviviscendo primae resurrectionis particeps  
 „ fieret, atque in eo potestatem secunda mors non haberet.

Haec pro dictorum Epilogo sint, ex quibus vera Sancti  
 Patris intentio etiam in proposita quaestione innoscitur. Et  
 quamvis nec in illis pluribus locis, quos retuli, aliquid ab  
 hac doctrina alienum inveniri possit, & in pluribus aliis,  
 quòs ut brevitati consulam, omitto, eadem semper sub di-  
 versis verbis docuerit: tamen inde praecipue lectores intel-  
 ligent quòd dicta Sancti Patris in hac re per hanc suae sen-  
 tentiae explicationem interpretari debent, si aliqua forè

O

occur-

**D** occurrunt, ubi paulò obscurius locutus sit: Illud scilicet prae oculis semper habentes, quod Sanctum Remigium omnes admonere supra jam dixi, ut Dominum intelligentiae postulemus, in quibus propter obscuritatem rerum, & subtilitatem disputationum minùs eum (Augustinum) intelligere possumus. Num autem haec quaestio ex obscuris sit; numque in hac tractanda subtilibus disputationibus usus Augustinus sit, non est ut dicam.

Quare si Sanctus Pater ante presbyteratum, & in presbyteratu ea scripsit, quae cum fide catholica conveniant in eo quod respicit fidelium defunctorum beatitatem in contemplatione veritatis statim a morte consequendam, si eà digni sunt; desinat Tournely errorem Millenariorum Augustino inurere in presbyteratu, non enim probat, sed nec probare potest Sermonem CCLIX. ab Augustino presbytero vel dictum, vel scriptum: Rursus si Sanctus Pater jam Episcopus eandem fidem catholicam in hoc articulo constantissimè praedicavit in omnibus operibus suis; desinant pariter amplissimè Maurini Sermonem CCLIX. pro Augustiniano recognoscere; nutat enim eorum de hoc sententia ex eodem collationis doctrinae principio, quo veluti ad manus se duci voluisse testari sunt in iis vel tribuendis vel abripiendis Sancto Patri, quorum ipse retractationem nobis non reliquit. Si enim doctrina sermonis mala & infidiosa est, hanc praeter hunc sermonem non reperimus: si autem taliter interpretari posset, ut mala non esset, jam non ex hoc solo sermone Augustinus catholicus cum millenariis sensit; & ita vel istum sermonem respuendo, vel ipsum sano modo explicando, & cum constanti Augustini doctrina conciliando, jam ejusdem Augustini causam non inutilem neque ingloriam feliciter agimus.

Haec grata tum ipsi Tournely, tum amplissimis Monachis Congregationis Sancti Mauri futura opinor; quibus.

&

& nobis illa verba imposterum obijcientium fortius audacia frangatur, & Ecclesiae Dei intactam restituimus & ab omni labe puram Divi Augustini in re maximi momenti, doctrinam. Concordi itaque voto Sermonem CCLIX. Augustini nomine spoliantes, apud eos contrarium probandi inutilis & invidiosus labor sit, quibus ut Sancti Patris esse credatur haud purum insedèret deinceps desiderium.





## CAPUT DECIMUMQUARTUM.

*Proferuntur omnia, quae Tournely contra Augustinum afferri dicit; & quomodo ex sententia & concessione Doctoris Sorbonici remaneat, Sanctum Patrem cum deterioribus millenariis sensisse.*

**O**ptassem profectò ut huic meo fortasse non spernendo labori hic finis imponeretur, nec Augustini ulteriorem defensionem suscipere opus haberem. Sed cum alia capita inventa sint, ex quibus millenarii regni culpam Augustino infligere aliqui cogitarunt, quae Tournely enumerat; haec etiam examinare necessarium est. Igitur quae dicta sunt satis respondent Maurinis, qui non aliunde Augustini censuram firman, quàm ex Sermone CCLIX; respondent item eidem censurae a Tournely confirmatae, & ni fallor, Sanctum Patrem immeritò expostulatum demonstrant, atque impofterum cuicumque prudenti eadem repetendi adimunt facultatem. Nunc ergo cum solo Doctore Sorbonico res erit; qui in iis recensendis quae Augustino ex suis genuinis operibus obijciuntur, ut eum Millenariorum opinioni adhaesisse monstretur, non eîdem facilitate Augustinum deserit, qua eum deseruit ubi de verbis Sermonis CCLIX. agebatur; sed vel explicatione vel interpretatione utendo, textus oppositos, quantum in se est catholicae fidei consonantes nititur ostendere. Verùm sicuti antecedens concessio oppositorum augebat audaciam: ita ejus praeconceptae opiniones suum in respondendo aliquatenus robur imminuerunt. Ea igitur, quae ipse scripsit, dum sententias Patrum in hac re purgandas suscipit, per praecisa ante notemus.

„ Jam paulò superius observatum a nobis fuit, Sanctum  
 „ Augustinum antequam Episcopus consecraretur (an. sci.  
 „ licet

„ licet 400.) in sententiam Millenariorum aliquatenus inclinasse, sicut fatetur ipsemet l. 20. de Civit. Dei c. 7.,  
 „ quam postea, re melius ac maturius expensa, deposuit,  
 „ sicut manifestè declarant quae ex ipso superius testimonia  
 „ laudavimus. Nonnulla tamen apud illum extant, quae  
 „ aliqua indigent expositione.

„ 1. Serm. CCLIX. n. 2. *Octavus ergo iste dies, inquit, in fine saeculi novam vitam significat: septimus requiem futuram Sanctorum in hac terra. Regnabit enim Dominus in terra, cum Sanctis suis sicut dicunt Scripturae, & habebit hic Ecclesiam, quò nullus malus ingreditur, separatam atque purgata ab omni contagione nequitiae . . . . Et post: Sextus autem dies iste cum transierit, veniet requies post illam ventilationem, & sabbatizabunt Sancti & iusti Dei. Post septimum autem cum apparuerit in area dignitas messis, fulgor, meritumque Sanctorum, ibimus in illam vitam & in illam requiem, de qua dictum est Oculus non vidit &c.*

„ 2. Apertè pronunciat Sanctus Doctor, animas Sanctorum usque ad ultimum Iudicii diem, non in Coelo, ubi Deus videtur, sed quibusdam in receptaculis, ubi pace & requie fruantur collocandas esse.

„ In Psalm. 36. Serm. I. n. 10. *Post vitam istam parvam, inquit, nondum eris ubi erunt Sancti, quibus dicetur Venite benedicti Patris mei. . . . Nondum ibi eris, quis nescit? sed jam poteris ibi esse, ubi illum quondam ulcerosum pauperem dives ille superbus. . . . in tormentis vidit a longè requiescentem. In illa requie positus, certè securus expectas Iudicii diem, quando recipias & corpus, quando immutèris, & Angelo aequeris.*

„ In Enchiridio ad Laurentium c. 109. *Tempus, inquit, quod inter hominis mortem, & ultimam resurrectionem interpositum est, animas abditis receptaculis continet, sicut unaquaeque digna est vel requie vel acrimonia, pro eo quod sortita est in carne dum viveret.*

D „ Lib. 1. de Civit. Dei c. 13. *Cum defunt ea, inquit, quae curandis funeribus condendisque corporibus defensorum adhiberi solent, non efficiunt miseros in occultis piorum sedibus jam quietos.*

„ Lib. denique 12. de Civit. Dei cap. 9. *Pars, inquit, quae conjungenda immortalibus Angelis ex mortalibus hominibus congregatur, & nunc mortaliter peregrinatur in terris, vel in eis, qui morte obierunt, secretis animarum receptaculis sedibusque requiescit.*

E „ 3. Non tantum docet Sanctus Augustinus animas piorum usque ad diem ultimi Judicii in aliquibus secretis receptaculis detineri, sed etiam Dei conspectu privari, donec per resurrectionem in Angelos transformemur.

„ Epist. 148. ad Fortunatianum, adducto quodam Sancti Hieronymi testimonio asserentis. *Nos esse visuros Deum facie ad faciem, quando de hominibus in Angelos profecerimus, sic loquitur. In his verbis hominis Dei multa consideranda sunt. Primum quia secundum apertissimam Domini etiam sententiam ipse sentit, tunc nos visuros faciem Dei cum in Angelos profecerimus, idest aequales Angelis facti fuerimus, quod erit utique in resurrectione mortuorum.*

F „ Et in Psalm. 43. ad ista verba v. 5. *Qui mandas salutes Jacob. Illa, inquit, viso facie ad faciem liberatis in resurrectione servatur.*

„ Tractatu 49. in Johan. Promissa est, inquit, resurrectio carnis. . . *vita aeterna cum Angelis. Hoc omnes simul accepturi sumus.*

„ Denique l. 1. Retract. c. 14. n. 2. *Quinam sint, inquit, illi beatissimi, qui jam sunt in possessione quod ducit haec via, magna quaestio est. Et Angeli quidem sancti quod ibi sint, nulla quaestio est. Sed de Sanctis hominibus jam defunctis, utrum ipsi saltem dicendi sint jam in illa possessione consistere, merito quaeritur. Jam enim corpore quidem corruptibili, quo anima aggravatur, exuti sunt, sed adhuc expectant etiam ipsi*

„ *eadem.*

- „ redemptionem corporis sui, & caro eorum requiescit in spe,  
 „ nondum in futura incorruptione clarescit. Sed utrum ad contem- A  
 „ plandam cordis oculis veritatem, sicut dictum est facie ad faciem  
 „ nihil ex hoc minus habeant, non hic locus est disputando in-  
 „ quirere. Ergo vel in ipso vitae suae fine, cum nempe  
 „ suos retractationum libros scripsit, anno scilicet 426.  
 „ & 427. (obiit autem Sanctus Doctor anno 430.) ad-  
 „ huc dubius & anceps erat Sanctus Augustinus utrum-  
 „ Sanctorum animae, statim a morte Deum clarè &  
 „ aperte intuerentur, seu facie ad faciem.  
 „ Respondeo ad primum. Re ipsa Sanctum Augusti-  
 „ num in ea sententia fuisse aliquando, Sanctos per mil- B  
 „ le annos cum Christo in terris regnatu-  
 „ ea sententia, ut dictum est, subindè recessit.  
 „ Ad secundum. Fixa & constans non videtur fuisse,  
 „ Sancti Augustini sententia circa sedes, seu domicilia-  
 „ aut receptacula, in quae animae Sanctorum post mor-  
 „ tem reciperentur.  
 „ Aliquando enim illa distinguit a Coelo: ita ferunt  
 „ quae hic oppomuntur loca.  
 „ Aliquando illa confundit cum Coelo: ita lib. 2. qu.  
 „ Evangeliorum, q. 38. n. 1. Sinus Abrahae, inquit, re-  
 „ quies est beatorum pauperum, quorum est regnum Coelorum, in C  
 „ quo post hanc vitam recipiuntur, Ibidem n. 5. Sinus Abrahae  
 „ intelligitur secretum Patris, quod post passionem resurgens assum-  
 „ ptus est Dominus.  
 „ Aliquando rem illam in incerto relinquit: lib. 9.  
 „ Confessionum c. 3. Quidquid illud est, quod illo significa-  
 „ tur sinu (nempe Abrahae) Et lib. 12. de Gen. ad lit.  
 „ c. 34. Si tamen ait, non aliquid unum est diversis nominibus  
 „ appellatum.  
 „ Verùm duo haec rata & fixa fuere apud Sanctum  
 „ Doctorem.

D „ Primum Sanctos apud Inferos jam non esse, quem-  
 „ admodum ad Christum usque fuere veteres: Donec, in-  
 „ quit l. 20. de Civit. Dei c. 14. *eos inde sanguis Christi, &*  
 „ *ad ea loca descensus erueret, profectò deinceps, effuso illo pretio,*  
 „ *jam redempti, prorsus inferos nesciunt.*

„ Secundum: Quocumque in loco esse animas Sancto-  
 „ rum post mortem statuatur Augustinus, eas divino con-  
 „ spectu frui, ac felicitate potiri constanter post Episco-  
 „ parum affirmavit.

E „ Ad tertium: Mens Sancti Doctoris est, animas San-  
 „ ctorum videre quidem Deum, sed non ita perfectè ac  
 „ videbunt post resurrectionem: propterea quòd naturale  
 „ desiderium recipiendi corpus non sinat animas toto im-  
 „ petu ac conatu ferri in Deum: atque hoc est discrimen  
 „ inter Angelos & homines, quòd Angeli cùm nihil am-  
 „ plius expectent, toti feruntur in Deum: animae verò  
 „ Sanctorum quodammodo retardantur desiderio resumen-  
 „ di corpus, ne pleno ac perfectò modo in Deum feran-  
 „ tur. Quia, inquit S. Doctor lib. 12. de Gen. ad lit. cap.  
 „ 35. *inest ei (animae) naturalis quidam appetitus corpus ad-*  
 „ *ministrandi: quo appetitu retardatur quodammodo ne tota in-*  
 „ *tentione pergat in illud summum Coelum, quamdiu non subest*  
 F „ *corpus, cujus administratione appetitus ille conquiescat.* Itaque  
 „ non dicit Sanctus Augustinus animam a corpore separa-  
 „ tam non posse videre incommutabilem substantiam: sed  
 „ non posse videre eo modo, idest tam perfectè ac ipsi  
 „ Angeli vident, propter causam jam dictam.

„ Idem planè reponendum est & ad locum ex lib. Re-  
 „ tract. 1. c. 14., & ad Epist. 148. Manifestum enim  
 „ est his in locis Sanctum Doctorem loqui de visione Dei  
 „ perfecta & consummata, qualis futura est post resurre-  
 „ ctionem corporum: non autem de visione seu beatitu-  
 „ dine inadæquata qua donantur animae Sanctorum statim  
 „ ab ipsa morte.... „ Ad

„ Ad locum ex Psalmo 43., ait quidem Sanctus Doctor,  
„ liberatis in resurrectione servari claram Dei visionem;  
„ sed non negat interim illam concedi Sanctis, quibus ni-  
„ hil luendum superest: unum quippe ab alio non exclu-  
„ ditur.

Jam quantum satis est maculam ex Serm. CCLIX. de-  
sumptam nimis properè a Tournely confirmatam probavi-  
mus, cujus sermonis verba denuò transcribere omissem,  
nisi ex omnium contextu legentium oculis supposito illud  
denuò ostendere mihi incubuisset, quod supra jam dixi, ex  
hoc nimirum loco non argui solum a Tournely Augusti-  
num, quòd mille annorum regnum in terra futurum do-  
cuisse, sed insuper quòd ante illud omnem beatitudinem  
sanctis denegasset. Reverà ad objectiones secundo loco po-  
sitas respondens, dicit, Augustinum post Episcopatum con-  
stanter affirmasse Sanctorum animas quocumque in loco  
sint post mortem corporis, divino conspectu frui; confir-  
mans scilicet hanc sanam sententiam Augustino ante Epi-  
scopatum non infedisse; ne vel ejus distinctioni Augusti-  
num inter presbyterum & Episcopum aliquid depereat;  
neve Sermonis CCLIX. auctoritas infirmetur, quem in  
presbyteratu scriptum vult, atque hanc etiam erroneam  
doctrinam continere fatetur.

Quare quamvis dicat Augustinum millenariis aliquatenus  
inclinasse; revera tamen illum in deteriorum millenario-  
rum sectam detrudit. Nam si sermo controversus beatita-  
tem animabus denegat usque ad judicii diem, justos etiam  
cum impiis collocat usque tunc, ut perpendimus supra;  
& sic non solum beatitatem justis, sed infernum etiam pec-  
catoribus denegat usque ad resurrectionem carnis; statum  
interim saltem inactionis somnians ut nuper Burnetus Bri-  
tannus, qui proinde solus cum suis hujusmodi concessione  
laetabitur.

Sed

- D** Sed fortasse ceteris respondendo, Sanctum Patrem taliter purgatum a Doctore Sorbonico quisquam putabit, ut quod ante presbyteratum erraverit, infirmitatis appareat; quae autem Episcopus docuerit, fidem suam catholicae consonam in hoc expressè demonstrent. Utinam. Immo quia haereticorum audaciam inde contundi non video, hinc reliqua etiam perpendere decrevi. Ultra enim quòd, ut dictum est, suam distinctionem non sustinet Tournely, Sermonem CCLIX. ad tempus presbyteratus pertinere probando, sicuti opus erat, ideoque integrum adhuc haereticis sit negare Augustinum Episcopum constanter contra hujusmodi commenta pugnavisse, quod tamen saepius repetit
- E** Doctor Sorbonicus: oppositoribus ceterorum textuum taliter responderet, ut si haeretici habeantur, convicti non discedant, si verò catholici, esurientes potius quàm saturi dimittantur, ut videbimus infra.

Haereticos porro homines his objectionibus delectari palam est ex cap. 17. libri de Paradiso Regnique Coelestis gloria, non expectatâ corporum resurrectione, quem clarissimus Ludovicus Antonius Muratorius anno 1738. erroribus Thomae Burneti Britanni opposuit, ut impia millenariorum semperque damnata sententia per istius haerodoxi scripta denuò excitata, non sine congruo oppugnatore ageretur in vulgus. Ibi locos omnes (uno excepto Sermone CCLIX.) a Burneto (ut satis infelici causae suae reverendo Augustini nomine opituletur) summatim usurpari commemorat vir doctissimus, quos Tournely per verba precisa hinc refert. Hinc intelligimus non cum catholicis ad animi exercitationem ea loca proferentibus, nobis rem esse; sed cum subdolis haereticis, quibus non omnis responsio satis sit; qui immo ubi responsionibus nostris difficultas objectionis non conficiatur, ex eadem nostrae infirmitate, argumentationis in suis erroneis opinionibus convalescunt.

Hinc

Hinc saepè Burnetum commemoravi in antecedentibus, ut lectores noscerent recentem hunc antiquissimorum Dogmatum hostem penè adhuc extare cum quo pugnemus. Et quamvis vir diligentissimus & scriptorum veterum Patrum peritissimus hujus etiam veritatis inimici audaciam omninò confregerit; inutile fortasse non erit quae Augustinum respiciunt proprius attingere, & validioribus, ut spero, rationibus vindicare.





## CAPUT DECIMUMQUINTUM.

*Examinantur quae Tournely sibi opponit secundo loco, & quomodo suis responsionibus difficultatem non solvat, immò Sancto Patri notam Millenarii relinquat; nisi cum eodem dicat beatitatem Sanctis etiam ante Christum passum fuisse conlatam.*

- I**Ntentionem adversariorum in quatuor illis textibus Augustino opponendis, esse, ut demonstrent Sanctum Patrem visionem Dei Sanctis denegasse usque ad Iudicii diem, quia illos non in Coelo, ubi Deus videtur, sed quibusdam in receptaculis, ubi pacé & requie fruerentur collocat; **E**xpressè declarat Tournely. Respondet autem Fixam & constantem non videri fuisse Sancti Augustini sententiam, circa sedes, seu domicilia aut receptacula, in quae animae Sanctorum post mortem reciperentur. Aliquando enim illa distinguit a Coelo, uti ferunt loca opposita. Aliquando illa confundit cum Coelo, & locum Augustini affert ad hoc probandum. Aliquando rem in incerto relinquit, & duo item loca ejusdem Sancti Patris proponit: Verùm duo haec rata & firma fuisse dicit apud Sanctum Doctorem:
- F**Primum Sanctos apud Inferos jam non esse, quemadmodum ad Christum usque fuere veteres, ad quod probandum locum mutilum affert ex lib. 20. c. 15. de Civit. Dei. Secundum: Quocumque in loco esse animas Sanctorum, post mortem statuat Augustinus, eas divino conspectu frui & felicitate potiri, constanter post initum Episcopatum Sanctum Patrem affirmasse.

Cum autem textus oppositi secundo loco ex libris sint Augustini jam Episcopi, quaeritur num hi constanter doceant Sanctos post mortem vidisse Deum. Ex istis enim contrarium probare contenditur, quia non in Coelo, ubi Deus

Deus videtur, sed in quibusdam receptaculis ubi pace & requie fruerentur, eos collocaret. Quia autem receptacula illa & sedes distingui a Coelo in oppositis textibus, docet Tournely, hoc ipso adversariis jam consentit, nisi illud probet, quod etiam extra Coelum ex ejusdem sententia. Sancti Deum viderent; ita ut requies illa & pax, quas in singulis repetit Augustinus, quasque adversarii non invident in verborum cortice, a visione Dei originem & fundamentum haberent; quod illi quasi de mente Augustini non sentiunt, vel saltem Augustinum non sensitisse praetendunt. Usque dum igitur a Doctore Sorbonico non ostendatur in quatuor illis oppositis locis visionem Dei Sanctis non negari in iis sedibus & receptaculis, & adversarii in sua audacia manebunt, & secundum illud quasi corollarium corruet quo dixit, Divum Augustinum constanter post episcopatum visionem Dei & felicitatem Sanctis contulisse. Contrarium enim ex oppositis jam episcopalibus libris resurgeret, & ita Sanctus Pater inter verè millenarios collocaretur, quod Tournely placere non potest, & Ecclesiae Dei & mihi displicet valdè.

Quid enim inter Augustinum distat & Lutherum & Calvinum? Ambo requiem & pacem animabus sanctis corpore expertibus promittunt usque ad iudicii diem, ex praenotatis a Tournely, quae cap. I. retulimus. Sed hanc promissionem, quam haeretici faciunt, damnat Ecclesia, non tamen illam ab Augustino toties repetitam. Quare hoc? nisi quia in similibus verbis, omnino dissimilem sententiam contineri dignoscit. Quomodo verò dissimilem? nisi quia huic paci, & requiei privationem visionis Dei apertè copulant haeretici usque ad iudicii diem; Augustinus e contra visionem Dei hujusce pacis & requiei fundamentum esse fidelissimè sentit. Quomodo autem id Augustinus sentiat si quaeramus a Tournely etiam in loco Psal-

**D** mī 36. qui opponitur, quid nobis responsurus sit, nondum video. Vidi equidem quod respondit; sed aequē vidi, & superius notavi, responſionem illam adverſariorum placitum confirmare, uſque dum non doceatur viſionem Dei Sanctis conſeſſam per Sanctum Patrem, etiamſi in Coelis non ſint; quae quidem probatio deſideratur in ſcriptis Doctōris Sorbonici.

Deſenſurus igitur ego Auguſtinum in loco oppoſito Pſalmi 36., dicerem; quōd eo ipſo quōd Sanctos poſt hanc temporalem vitam ibi reponit, *ubi illum ulcerofum pauperem dives ille ſuperbus. .... in tormentis vidit a longe requieſcentem.*,  
**F** ubi & ipſe Lazarus ſecurus expeſtat iudicii diem: jam ſentit in eadem ſecuritate ibidem eum diem expeſtaturos ceteros, qui ad illum congregabuntur; & etiam iſtos in conſpectu Domini eſſe, eaque beatitate frui, quae in contemplatione veritatis & fruitione ſapientiae conſiſtit, quia hanc felicitatem jam aſſecutum Lazarum ipſe credebat. Lazarum enim in conſpectu Domini conſtitutum, ideoque ejus adſpectu laetantem credidiſſe Auguſtinum patet l. 1. c. 12. de Civit. Dei, ubi haec habet.  
 „ Praeclaras exequias in conſpectu hominum exhibuit pur-  
 „ purato illi diviti turba famulorum: ſed multò clariores  
**F** „ in conſpectu Domini ulcerofō illi pauperi miniſterium  
 „ praeſtavit Angelorum, qui eum non extulerunt in thar-  
 „ moreum tumulum, ſed in Abrahae gremium ſuſtulerunt.  
 Quare dum credamus Lazarum viſione Dei gaudere: & hi gaudebunt qui ſecum erunt ubicumq; ille ſit: & quaefſtio de loco, & ſic de nomine dirimenda conſurgit. Nam cetera quae in eum textum Pſalmi addit Auguſtinus perfectam totius hominis beatitatem reſpiciunt, quae verè non antea perficietur, quàm coeleſtis Iudex illud pronunciet *Venite benediſti* quo tamen inadaequata beatitas non retardatur, ut probè ſuſtinet etiam Doctōr Sorbonicus.

Sed

Sed iste, primum illud suum quasi corollarium retinens, quo supponit Divum Augustinum docuisse Sanctos apud inferos jam non esse, quemadmodum ad Christum utque fuere veteres, ibique Deum non vidisse; retinens item, quod Lazarus ex illis veteribus sit: nifus meos in defendendo Sancto Patre non solum respuit, sed etiam culpat. A

At vel respuat, vel culpet; negari tamen non potest in verbis oppositis, non alium, sed absque ulla ambage eundem locum per Augustinum Sanctis etiam novi testamenti promitti, ubi ulcerosus ille a divite damnato visus est; nec aliam, sed eandem requiem pacem & securitatem polliceri, quibus Lazarus in sinu Abrahae ex Evangelio consolabatur, donec tunc iste tunc illi recipiant & corpus. B  
Quare si mea responsio, ex aliis etiam libris ejusdem Sancti Doctoris petita, respuenda nunc videretur; nulla amplius interpretatione succurrente, remanet Sanctum Patrem eo loci cum requie & quiete & securitate convenire a Luthero atque Calvino Sanctis promissa, scilicet absque visione Dei; & sic damnabilem millenariorum errorem, etiam Episcopum docere contra intentionem Doctoris Sorbonici. Eodem item modo judicandum erit de tribus subsequenter oppositis locis, in quibus cum seceras sedes & occulta receptacula sanctorum commemoret, (quae porro C  
per Sanctum Patrem idem sunt cum sinu Abrahae); adeo beatitatem Sanctis negavit in istis receptaculis, quam illam ex sententia Doctoris Sorbonici denegavit sinui Abrahae; atque ita denuo confirmatur a stabilita & firma & constanti Ecclesiae catholicae in hac re doctrinâ Augustinum defecisse etiam Episcopum.

Quomodo hanc nimis ingratam consequentiam non praeviderit homo acutissimus; quomodo item ad illam effugiendam non iis armis usus sit, quae jam habebat in promptu; quomodo demum multiplici operum Sancti Patris leſio.

D lectione ab hujusmodi insidiis se defendere non auduerit  
 Tournely, quis divinare par sit? Locum profectò jam  
 viderat libri 2. quaest. Evangel. (quaest. 38. n. 1.), in quo  
 Augustinus sinum Abrahae idem esse definit ac regnum  
 Coelorum, & secretum Patris, quò post passionem resur-  
 gens, assumptus est Dominus: qui tantò majoris ponderis  
 est, quia hic liber praecedit tempore Enchiridion ad Lau-  
 rentium, & libros de Civit. Dei; ex quibus duo ex opposi-  
 tis locis afferuntur; alter enim ad annum 400., alteri ad  
 420. & 426. spectant; quorum posteriorum sententiae sub-  
 obscurae congruè & commodè per praecedentes magis per-  
 spicuas & claras explicandae videntur. Unde suppeditaba-  
 tur responsum contra adversantes satis congruum & fir-  
 mum; Augustinum scilicet receptacula illa occulta & se-  
 cretas sedes Sanctorum usque ad diem judicii pro sinu Ab-  
 rae ibi nominasse: huic autem sinui cùm beatitatem ex  
 Dei visione manantem conferat, illum a Coelo & secreto  
 Patris. non distinguendo, ut ferunt duo proximè laudata  
 loca in libro quaestionum Evangeliorum; eandem item  
 agnoscit in teceptaculis & sedibus secretis justorum, quas  
 in posterioribus libris commemorat.

E Et quamvis verum sit, aliquibus aliis in locis incer-  
 rum Augustinum videri de loco, ubi sinus ille esset ha-  
 bendus, numquam tamen dubitavit de aeterna illa, beata-  
 que vita, qua illic fruebantur Abrahae filii, veri scilicet  
 fideles. Hoc autem indicari per illud lib. 9. Confess. c. 3.  
 ubi de Nebridio amico suo loquens, illumque in sinu Ab-  
 rae receptum credens, ait *Quid quid illud est, quod illo signi-  
 ficatur sinus*, quo quidem aliqualis haesitatio praefertur a  
 Doctore Sorbonico notata; subdit tamen illico (quod  
 Tournely praeterivit) unde illius beatitas aeterna cogno-  
 scatur „ Ibi Nebridius meus vivit, dulcis amicus meus,  
 „ tuus autem Domine adoptivus ex liberto filius, ibi vi-  
 „ vit.

„ vit. Nam quis alius tali animae locus? Ibi vivit, unde  
 „ me multa interrogabat homuncionem inexpertum. Jam  
 „ non ponit aurem ad os meum, sed spiritale os ad fon-  
 „ tem tuum, & bibit quantum potest sapientiam pro avi-  
 „ ditate sua sine fine felix. Nec sic eum arbitror ine-  
 „ briari ex ea, ut obliviscatur mei, cum tu Domine,  
 „ quem porat ille nostri sis memor. „

Praeterea audiendus in hoc Augustinus in Serm. 2. n.  
 7: in enarratione ejusdem Psalmi 36., cujus verba oppo-  
 nuntur, ubi de eodem Lazaro loquens dixit „ Quomodo  
 „ putatis derelictos homines transeuntes ulcerosum paupe-  
 „ rem jacentem ante divitis januam? Quomodo fortè hunc  
 „ oclusis naribus conspuebant? Noverat autem Dominus  
 „ illi servare paradisum. „ Ne autem haec paradisi Lazari  
 meritis atque patientiae praeparata inhabitatio ad diem  
 judicii respicere quisquam opinaretur; hanc ipsi tam citò  
 redditam ostendi ex Sancto Patre, quàm citò divitem de-  
 bita supplicia susceperunt; subdit enim „ Quomodo autem  
 „ sibi optabant vitam illius, qui induebatur purpura &  
 „ bysso, & epulabatur quotidie splendide? Dominus au-  
 „ tem, qui prospiciebat dies illius, noverat ejus futura tor-  
 „ menta, & sine fine tormenta. Ergo *Novit Dominus viam*  
 „ *immaculatum.* „ Ibidem enim n. 4. sectatores & imitato-  
 res Christi ad tolerantiam temporalium passionum exhor-  
 tans, ut in illa Lazari sede morientes suscipi mereantur,  
 „ ait „ Ad tempus laboras, in aeternum non laborabis;  
 „ brevis est molestia tua, aeterna erit beatitudo tua: ad  
 „ modicum doles, sine fine gaudebis. „ Et post pauca „  
 „ Quidquid acciderit justo, voluntari divinae depurer, non  
 „ potestati inimici. Saevire ille potest: ferire, si ille nolu-  
 „ erit, non potest. Et si ille voluerit ut seriat, novit suum  
 „ quemadmodum excipiat. Quem enim diligit Dominus  
 „ corripit: flagellat autem omnem filium, quem recipit....

P

Nec

D „Nec adtendere debemus quantum permittat injustis, sed  
 „ quantum servet iustis. „ Quid autem iustis servet expo-  
 nitur infra n. 14. ad versum *Quoniam benedicentes cum haere-  
 ditate possidebunt terram.* „ Erunt ejus cohaeredes in terra illa  
 „ viventium, de qua dicitur in alio Psalmo *Spes mea es tu,  
 „ portio mea in terra viventium.* Tu es ipsa portio mea, in-  
 „ quit Deo, & non dubitavit Deum sibi facere portio-  
 „ nem.

Et ne videretur Tournely illum sermonem effugere,  
 unde illi pauca objiciebantur, ad eundem appellare conveni-  
 entissimum atque expediens erat. Hic enim ostendens n.  
 E 9. quae sint petitiones cordis iustorum, quarum meminit  
 Propheta, eas esse definit, quibus ipsi Deum amantes Deum  
 desiderant, atque illum, quem fide jam tenent: revelatè vi-  
 dere suspirant. Hanc autem illorum orationem tunc exau-  
 diendam demonstrat n. 8., cum finito die mercedem pro-  
 missam & petere poterunt & consequi, quia fidelis est, qui  
 eos adduxit ad vineam; quod ex comparatione finis iniquo-  
 rum evidentiùs ostendit. „ Prosperatur (peccator) sed in...  
 „ via sua: laboras (iustum alloquitur) sed in via Dei. Illi  
 „ prosperitas in via est, in perventione infelicitas: tibi la-  
 „ bor in via, in perventione felicitas; quoniam iter im-  
 „ piorum peribit. *Novit Dominus vias immaculatorum. & iter*  
 „ *impiorum peribit.* Has vias ambulas, quas novit Dominus,  
 „ & si laboras in eis, non te fallunt. Via verò impiorum  
 „ felicitas transitoria: finita viâ, perfecta est felicitas.  
 „ Quare? Quia via illa lata est, finis ejus in profundum...  
 „ inferni perducit. Via verò tua angusta est, & pauci in-  
 „ grediuntur per eam: sed ad quam latitudinem perveniant  
 „ debes cogitare... Quoniam qui malignè agunt, exter-  
 „ minabuntur. Sustinentes autem Dominum, ipsi haere-  
 „ ditate possidebunt terram. Quam terram, nisi illam Jeru-  
 „ salem, cujus amore qui exardescit, perveniet ad pacem. „  
 Citò.

Citò autem hujusmodi præmium justis conlatum iri docet  
 n. 10. aïens „ Ne sustinentiam istam longissimam putes;  
 „ modicum sustine, sine fine accipies quod sustines...  
 „ Unius autem cujusque hominis vita quanta est? Adde  
 „ quantoslibet annos, duc longissimam senectutem, quid  
 „ est? Nōne aura est matutina? Ergo longè sit dies judi-  
 „ cii, quando erit retributio injustorum & justorum: tuus  
 „ certè dies ultimus longè abesse non potest. Ad hunc te  
 „ præpara. Qualis enim exieris de hac vita, talis redderis  
 „ illi vitæ.

Quod evidentius explicat Sanctus Vir sermone sequenti  
 n. 16 „ Nam utique, Fratres, inquit, pro æterna requie  
 „ labor æternus subeundus erat: & æternam felicitatem  
 „ accepturus, æternas passiones sustinere deberes: sed si  
 „ æternum sustineres laborem, quando venires ad æternam  
 „ felicitatem? Ita fit, ut necessariò temporalis sit tribula-  
 „ tio tua, qua finitè venias ad felicitatem infinitam. Sed  
 „ tamen, Fratres, posset esse longa tribulatio pro æterna  
 „ felicitate. Verbi gratia, ut quoniam felicitas nostra fi-  
 „ nem non habebit, miseria nostra, & labor noster &  
 „ tribulationes nostræ diuturnæ essent. Nam & si mille  
 „ annorum essent, appende mille annos contra æternita-  
 „ tem: quid appendis cum infinito quantumcumque fini-  
 „ tum?... Huc accedit quia non solum temporalem vo-  
 „ luit laborem tuum Deus, sed etiam brevem. Paucorum  
 „ dierum est tota vita hominis, etiam si læta duris non  
 „ miscerentur, quæ plura & longiora sunt certè quan-  
 „ dura; & idè breviora & pauciora sunt dura, ut dura-  
 „ re possimus: si ergo per totam vitam suam homo in la-  
 „ boribus & in aerumnis esset, in doloribus, in tormentis,  
 „ in carcere, in plagis, in fame & siti omnibus diebus,  
 „ horis omnibus, per totam vitam suam usque ad ætatem  
 „ senectutis, pauci dies sunt tota vita hominis: quo labore



D „ transacto, veniet regnum aeternum, veniet sine fine  
 „ felicitas, veniet aequalitas Angelorum, veniet haere-  
 „ ditas Christi, veniet cohaeres Christus.

Quid autem in hoc non retardato, sed ad finem diei,  
 idest vitae cuiusque rectè in vinea laborantis concessio regno  
 aeterno & sine fine felicitate, inventuri sint sancti, expli-  
 caverat supra sermone antecedenti n. 12. ad verba Psalmi  
*Mansueti autem haereditate possidebunt terram, & delectabuntur*  
*in multitudine pacis.* „ Terra est illa de qua saepè locuti sumus  
 „ Ierusalem sancta, quae liberabitur de peregrinatione ista,  
 „ & in aeternum vivet cum Deo & de Deo. Ergo haere-

E „ ditate possidebunt terram. Quae erunt delitiae ipsorum? Et  
 „ delectabuntur in multitudine pacis. Aurum tuum pax, argen-  
 „ tum tuum pax, praedia tua pax, vita tua pax, Deus tuus  
 „ pax. Quidquid desideras pax tibi erit. Quia hic aurum  
 „ quod est, non potest tibi esse argentum; quod vinum est  
 „ non potest esse panis; quod tibi lux est, non potest esse  
 „ porus: Deus tuus totum tibi erit. Manducabis eum ne  
 „ esurias; bibes eum ne sitias; illuminaberis ab eo ne sis  
 „ caecus; fulcieris ab eo ne deficias; possidebit te totum  
 „ integrum totus integer. Angustias non ibi patieris cum  
 „ eo, cum quo totum possides: totum habebis, totum &  
 F „ ille habebit; quia tu & ille unum eritis, quod unum totum  
 „ & ille habebit, qui vos possidet: *Hae sunt reliquiae homini*  
 „ *pacifico.... Custodi ergo innocentiam; vide directionem: & noli*  
 „ *putare quia finita ista vitâ, finitus est homo, quia sunt*  
 „ *reliquiae homini pacifico.*

Quare cum tanta perspicuitate mercedem Sanctis pro-  
 mittat Augustinus statim a morte corporis, qua omnis tem-  
 poralis labor concluditur homini fideli, eandem eodemque  
 modo obtinuisse Lazarum illum ulcerosum patet ex mente  
 Sancti Patris; ideoque eadem fruuntur ceteri qui ad eum  
 congregabuntur, quos ubi ille est, & in eadem requie a

tormentis divitis longè posita, collocat; atque ita non solum nullius roboris adversariorum evadit objectio; sed immo inde convincuntur, unde nobis & Augustino bellum indixerant.

Darâ operâ prætereo quæ de æqualitate cum Angelis dicit Sanctus Pater, quia inferius de hoc agere oportet. Ceteris autem, quæ ex verbis receptaculorum & sedium occultarum, & de pace & requie obijciuntur, satis responsum esse opinor: quæque si Tournely adversantibus reposuisset, tam incommodis consequentiis & nimis intentioni suæ contrariis obviam ivisset; nec Sanctum Patrem re deseruisset, cum verbis illum defendere promittit. Sed num Tournely hæc dicenda non vidit? Vix credo. Cur autem non dixit? Hoc divinare facilius est, & sequenti capite patebit.



## CAPUT DECIMUMSEXTUM.

*Cur Tournely locis oppositis secundo loco non cum doctrina  
Sancti Patris responderit: & quomodo responsio a clara  
& repetita Augustini doctrina desumpta haereticos  
confudisset, & Sanctum Patrem ab infideli  
millenarii regni notâ purgasset.*

**Q**Uare Tournely non ea reposuerit, quae ego reponenda censui opponentium intentioni in loco Psalmi 36.  
 & tribus sequentibus dum persecutor; illud occurrit, quod ipse ex sua responsione se putasse demonstrat, **E** Sanctum scilicet Patrem veluti ratum & firmum habuisse, Sanctos apud inferos jam non esse, quemadmodum ad Christum usque fuere veteres, haec adducens ex lib. 20. c. 15. de Civit. Dei, qui librariorum errore ex capite 14. inscribitur, *Donec eos inde sanguis Christi, & ad ea loca descensus erueret, profecto deinceps boni fideles, effuso illo pretio, jam redempti, prorsus inferos nesciunt.* Advertit enim quod si diligentius examen oppositorum Augustini verborum institueretur, vel necessario admittendum esset, quod & animae in sinu Abrahæ collectae Deum viderent ante Christi descensum in inferos, vel concedendum quod neque nunc videant. **F** Illam enim requiem sinus Abrahæ, ubi illum quondam ulcerosum pauperem dives ille superbus & sterilis in mediis suis tormentis vidit a longè quiescentem, illam inquam requiem & non aliam Christi fidelibus usque ad iudicii diem promittit Augustinus. Proinde si pauperem illum quiescentem, Deum non vidisse aliquando docuisset: in loco quietis, sed absque visione Dei iustos etiam novi testamenti reposuisset. Sed quia hoc dare, absolutè contra totam doctrinam est Augustini; illud autem concedere opinioni adversabatur Doctoris Sorbonici, qui Dei visionem sinui Abrahæ

Abrahae ante Christi descensum in Inferos veluti de mente Augustini constantissimè negat: verbis parcere opportunius duxit, quàm singula perpendendo, salebras undique incur-  
rere.

Nec hoc solum: sed ne Augustinum aliundè, quàm ex sua doctrina explicare videretur, superscriptum locum de Civit. Dei in suae sententiae subsidium vocat. In quo tamen firmando contradictionem patère haud multa meditatione cognoscere poterat Doctor Sorbonicus; atque item, quòd si locus hujusmodi juxta intentionem suam explicaretur, inde etiam intentioni adversariorum inserviret.

Et quod attinet ad contradictionem: quomodo stat Augustinum firmiter docuisse, veteres Sanctos ante Christi adventum in inferis fuisse; si jam suprà concesserat Tour-  
nely, variam fuisse Sancti Patris sententiam circa sedes animarum post mortem; ita ut ex aliquibus Augustini locis etiam scateat, sinum Abrahae idem esse cum regno coelorum? Num & regnum coelorum in inferis situm opinabatur Sanctus Pater? Quod si non adeò desipuit; quomodo firmiter docuit animas Sanctorum veterum post mortem ad inferos fuisse, quas semper in sinu Abrahae ex Evangelio reposuit?

At locus de Civitate Dei hoc declarat. Primò respon-  
deo; si hoc verum esset, jam abradendum superius illud  
essatum; quia tunc cum Augustinus docebat regnum coelorum idem esse cum Abrahae sinu, ad quem post passionem resurgens assumptus est Dominus, non hunc in inferis esse censebat; proindeque non constanter docuit veteres Sanctos apud inferos fuisse: secundo quod ille textus integer non demonstrat eam Augustino fuisse sententiam, quam Doctor Sorbonicus ut suae sciret, ex mutila citatione verborum Sancto Patri ad opportunitatem affingit.

Locum ipsum prout jacet videre praestat, ut occasionem

non potest in saeculi fine, quem illa verba respiciunt apertissime. A

Nec tamen id absolute asserit, quasi & ipse concederet bonos apud inferos aliquando fuisse; sed saltem sub conditione dixit *Si non absurdè credi videtur*: nihil nimirum de hac quaestione retractans ex iis, quae alibi funditus docuerat. Sed ne a proposito longius tunc aberraret, demonstrare contentus fuit, quod etiam in hoc supposito, verbum illud *infernus* in textu, non ad bonos referri poterat (quandoquidem alias ibi fuisse demonstrari posset absque absurdo) quia boni jam ibi amplius non sunt; dum ipsi oppositores sentirent per Christi descensum in inferos, inde erutas Sanctorum animas, & bonos fideles, effuso illo pretio, inferos omninò nescire. B

Hinc quàm diversa Augustini intentio ex toto illo textu emergat ab ea, quam praeseferunt pauca verba à Tournely mutilatè transcripta & pro se interpretata, jam patet; nec inde porro juvari poterat Doctor Sorbonicus in illo suo veluti axiomatico conficiendo, quòd rata & fixa Sancti Doctoris sententia fuerit, Sanctos apud inferos jam non esse, quemadmodum ad Christum usque fuere veteres.

In quo, ut innui adversariorum intentioni in quatuor oppositis textibus favisset; si quae sua, eadem Augustino intentio in hoc textu de Civit. Dei, fuisset: Ipse enim putans Augustinum visionem Dei Sanctis in sinu Abrahæ denegasse usque ad Christi descensum in inferos, nolens quoque concedit quòd hanc visionem in quatuor oppositis locis Augustinus denegat etiam Sanctis novi testamenti. Non enim in istis constat sinum Abrahæ ex inferno editum & in Paradisum translatum; nec Dei visionis munere donatum post Christi descensum in eundem, qua antea orbabatur; sed dicitur quòd idem ipse locus fideles maneat, ubi quondam ulcerosum pauperem dives ille superbus a longè C

D longe vidit requiescentem. Quare si hic pauper quando eum dives conspexit, in inferis erat & Dei visione non fruebatur; si Augustinus Lazarum adhuc ibi esse, unde a divite conspectus est praeclarissimè docet: sequitur, quòd quicumque ad eum nunc congregantur, ad inferos descendant, & securi quidem cum eo diem iudicii expectent; sed tamen usque ad illum Dei beata visione fraudentur.

Quo autem fundamento ab illo loco lib. 20. c. 15. de Civit. Dei firmiter argumentetur Tournely, Divum Augustinum visionem Dei Sanctis in sinu Abrahæ collectis denegasse, nondum video. Non solum enim sub conditione locutus est, ut observavimus supra; sed insuper sinum Abrahæ a tormentis impiorum remotissimum fuisse dixit. E Quomodo verò remotissimus ab his fuisset, si iusti cum impiis in poena damni, quæ Augustino praecepta est, ut notatum est (in Proemio) convenirent? Num spatiorum distantia in hoc aestimanda videtur, quæ ido tormentorum substantia absque disquisitione communicatur?

Verum ut cognoscamus, intentionem Sancti Patris tunc fuisse, ut etiam ab adversantium placitis pro se argumentaretur, absque praeiudicio eorum, quæ in hac quaestione aliàs ante docuerat, anno scilicet 417., operae pretium erit si illum de hoc expressè disputantem audiamus. Interrogatus a Dardano (quem fratrem nuncupat, & cui profunda rimanti, propositarum quaestionum superficialis solutio nequaquam sat esse possit) *Quomodo Mediator Dei & hominum homo Christus Jesus, nunc esse credatur in coelo, cum pendens in ligno, jamque moriturus latroni credenti dixerit Hodie mecum eris in Paradiso: quantum ad praesens institutum nostrum attinet, ita respondit.* „ Si ergo secundum hominem, quem „ Verbum Deus suscepit, putamus dictum esse *Hodie mecum eris in Paradiso*, non ex his verbis in coelo existimandus est esse Paradisus. Neque enim ipso die in coelo „ futu-

„ futurus erat homo Christus Iesus; sed in inferno secun-  
 „ dùm animam, in sepulcro autem secundùm carnem. A  
 „ Et de carne quidem quòd eo die in sepulcro sit posita,  
 „ manifestissimum est Evangelium. Quòd verò illa anima  
 „ in infernum descenderit, apostolica doctrina praedicat.  
 „ Quandoquidem Beatus Petrus ad hanc rem testimonium  
 „ de Psalmis adhibet, ubi praedictum esse demonstrat  
 „ *Quoniam non derelinques animam meam in inferno, nec dabis*  
 „ *sanctum tuum videre corruptionem.* Illud de anima dictum  
 „ est, quia non ibi est derelicta, unde tam citò remeavit:  
 „ illud de corpore, quod in sepulcro corrumpi celeri re-  
 „ surrectione non potuit. Sed in sepulcro paradisum nul- B  
 „ lus intelligit. Et si quisquam esset ita absurdus, ut hoc  
 „ sapere conàretur, eo quòd illud sepulcrum in horto erat;  
 „ certè hinc ab ista opinione revocaretur, quòd ille cui  
 „ dictum est *Hodie mecum eris in Paradiso*, non illo die fuit  
 „ cum Christo in illo sepulcro: nec ejus fidei pro magno  
 „ munere offerretur sepultura carnis, nihil gaudii vel do-  
 „ loris in morte sentientis, cùm ille de requie, ubi sensus  
 „ est cogitaret.

„ 6. Restat igitur, ut si secundùm hominem dictum  
 „ est *Hodie mecum eris in Paradiso*, in inferno intelligatur  
 „ esse Paradisus, ubi erat eo die futurus secundùm hu- C  
 „ manam animam Christus. Utrum autem sinus ille Ab-  
 „ rahae, ubi dives impius cùm in tormentis esset inferni,  
 „ quiescentem pauperem vidit, vel paradisi censendus  
 „ vocabulo, vel ad inferos pertinere existimandus sit, non  
 „ facile dixerim. De illo quippe divite legimus dictum  
 „ *Mortuus est autem & dives, & sepultus est in inferno: &*  
 „ *cùm apud inferos in tormentis esset.* In pauperis autem  
 „ morte vel requie non sunt inferi nominati: sed *Contigit,*  
 „ inquit, *mori inopem illum, & auferri ab angelis in sinum Ab-*  
 „ *rahae.* Deinde ardenti diviti dicit Abraham *Inter nos &*

„ vos.

- D „ vos chaos magnum firmatum est, tamquam inter inferos se-  
 „ desque beatorum. Non enim facile alicubi scripturarum  
 „ inferorum nomen positum invenitur in bono. Unde  
 „ etiam quaeri solet, si nonnisi penalia rectè intelliguntur  
 „ inferna, quomodo animam Domini Christi piè credamus  
 „ fuisse in inferno. Sed bene respondetur, ideo descen-  
 „ disse, ut quibus opportuit subveniret. Unde Beatus Pe-  
 „ trus eum dicit soluisse dolores inferni, in quibus impossibile  
 „ erat teneri eum. Porro si utraque regio & dolentium &  
 „ requiescentium, idest ubi dives ille torquebatur, & ubi  
 „ pauper ille laetabatur, in inferno esse credenda est; quis  
 E „ audeat dicere Dominum Jesum ad poenales inferni par-  
 „ tes venisse tantummodo, nec fuisse apud eos, qui in Ab-  
 „ rahae sinu requiescunt. Ubi si fuit, ipse est intelligendus  
 „ paradysus, quem latronis animae illo die dignatus est pol-  
 „ liceri. Quae si ita sunt, generale paradisi nomen est, ubi  
 „ feliciter vivitur....

- „ 7. Est autem sensus multò expeditior, & ab his om-  
 „ nibus ambiguitatibus liber, si non secundum id quod  
 „ homo erat, sed secundum id quod Deus erat Christus  
 „ dixisse accipiatur *Hodie mecum eris in paradiso*. Homo quip-  
 „ pe Christus illo die secundum carnem in sepulcro, secun-  
 F „ dum animam in inferno futurus erat. Deus verò idem  
 „ ipse Christus ubique semper est. Est enim lux, quae  
 „ lucet etiam in tenebris, quamvis eam tenebrae non con-  
 „ prehendant.... Ubi cumque ergo sit paradysus, quisquis  
 „ beatorum ibi est, cum illo ibi est, qui ubique est. (epist.  
 „ 187. aliàs 57. an. 417.)

His addantur, quae superiùs cap.VIII.ex lib.12.de Genes.  
 ad litt. transcripsi de hac eadem quaestione. Ex quibus, &  
 longè pluribus, quae possem afferre, patet, Divum Augu-  
 stinum quandoque de loco ubi situs ille sinus Abrahæ fue-  
 rit vel incertum fuisse, seu veluti incertum esse locutum:  
 sen.



sententia tamen sua taliter inter dubitationes effluit, ut acuti jam noscant, Sanctum Patrem veluti inferiorum partem sinum illum computare non potuisse, verba pensando Evangelistae; Cum autem de statu animarum illarum, quae illuc ab Angelis perducebantur sermo est, illas aeternum felices & cum Deo & de Deo requiescentes, ideoque beatas, tam constanter sentit, ut non solum veteres, sed iustos etiam novi Testamenti ibidem collocet, uti de Nebridio amico suo superius notavimus, & locus oppositus ex Psalmo 36. & cum eo ceteri absque haesitatione praefecerunt.

Quod verò alicubi de visione Dei Sanctis conlata vel in sinu Abrahae, vel in iustorum sedibus & receptaculis dubitavit, aut sinum Abrahae apud inferos situm docuerit, numquam vidi, nec vidisse credo Tournely; & auderem dicere quòd in genuinis operibus Sancti Patris numquam invenietur. Inveni quidem, & capite IX jam prae notavi, Faustum Manichaeum quasi ex nostrorum consensu Sanctos Patres antiquos in inferis collocasse, ibique eos poenali custodia conclusisse, donec inde a descendente Christo eriperentur, & perducerentur in coelum. Sed aequè inveni Augustinum nihil huiusmodi Fausto concedentem, ne hinc temeritates opinantium confectandas quorumlibet hominum exprobrantem; veluti ille qui jam cognoscebat, quòd si ex praecedentis vitae meritis illi a Deo vocati iusti in poenis illic detinebantur, jam nec iusti erant, quod de Abraham credi impium probat Pauli auctoritate. Ibidem autem & de hoc credentium Patre, & de his, qui ejusdem fidei & charitatis gratia ad illum congregati dicuntur in Scripturis Dei, loquens, eos in sinum Abrahae, id est nescio cujus quietae felicitatis magnum abditumque secretum collocatos docet, ad quod abstulerunt Angeli pauperem illum aerumnosum a divite superbiēte contemptum. Ubi autem haec sedes fuerit priusquam Christus in carne venisset; & utrum etiam

**D** etiam ipsos ad aliquid melius passio Christi transtulerit, in Scripturis sanctis indagandum esse admonet, si quo modo ad liquidum indagari potest.

Quid ex hac tam praeclara doctrina contra haereticos pronunciata expiscari poterit Tournely, ut ei saveat opinioni qua dixit, Augustinum in eo fixum fuisse, quod nimirum Sancti apud inferos jam non essent quemadmodum ad Christum usque fuere veteres? Quomodo in hujus conspectu sinui Abrahae visionem Dei, veluti de Sancti Patris mente denegabit? Quomodo denique ex his locis non cognosceret sub omnimoda conditione tanto post pronunciarum illud de Civitate Dei *Si non absurdè credi videtur*, ex quo ipse totum fundamentum eruit suarum conclusionum?

**F** Quid igitur tantae perspicuitati opponere potest Doctor Sorbonicus? Num Augustinum in hoc errasse, quia aliter ab aliquibus etiam tunc sentiebatur, ab omnibus verò nunc opinatur? Hoc tamen nec Manichaei, nec sagacissimi Pelagiani, contra quos praeclariissime haec docet & facius inculcat, Augustino objecerunt: nec ipsa Catholica Ecclesia in cujus facie haec scripsit & promulgavit, errasse in hoc Augustinum unquam sensit. Explicavit porro ista in Conciliis Lugdunensi II. Florentino & Tridentino quod dubium alieni apud Augustinum remanserat, animas Sanctorum post mortem in Coelos elevando, ubi Dei visione fruerentur; sed non dixit quod quaestioni de loco, in qua ambiguus aliquando videtur Sanctus Pater, etiam error de statu committeretur, quia eas hac visione orbatas crederet ubicumque reciperentur. Nec illud objecit, aut aliter explicavit, quod Augustinus sub nomine quietae felicitatis & pacis intelligebat; visionem nimirum Dei & contemplationem desideratae & conquistae sapientiae sanctis etiam veteribus in sinu Abrahae, & prioribus illis, ad quos moriens congregatus est Abraham, & posterioribus qui ad hunc

hunc credentium Patris sinum per Angelorum ministerium perducebantur, iis inquam ab eodem Deo rectis & iustificatis, & iustitiae testimonio commendatis, fuisse conlatam.

Quinimmo si Tournely eos attentè perlustrasset libros, quibus Ecclesia Romana tantâ utitur veneratione, quos ideo Ecclesiasticos vocamus; fortasse hoc in negotio commiventiam quamdam ejusdem detexisset: etenim de Sancto Joseph in Breviario Romano legitur

Hac die Joseph meruit peremnis

Gaudia vitae,

quod nisi de die obitus ejus intelligeret, cetera natalitia Sanctorum infirmarentur. Verùm ne id suspicari liberum, cuiquam esset, addit

O nimis felix, nimis o beatus,

Cujus extremam vigiles ad horam,

Christus & Virgo simul adstiterunt,

Ore sereno.

Hinc stygis victor, laqueo solutus

Carnis, ad sedes placido sopore

Migrat aeternas, rutilisque cingit

Tempora fertis.

Adde non aliud quotidie fidelibus defunctis in Purgatorio existentibus in Liturgiis precari, nisi quòd *Signifer Sanctus Michael repraesentet eas in lucem sanctam; quam olim Abrahamae promisit Deus, & semini ejus; eisque ut eam vitam largiatur Dominus; quam eidem Abrahamae hactenus spopondit.*

Addatur denique, sententiam gloriae statim a morte Sanctis Innocentibus tributae, quae in serm. 10. de Sanctis, Augustino aliàs inscripto continetur, in die natali SS. Innocentium in Breviario Romano post tot ejusdem correctiones legendam relinqui; (quamvis hunc sermonem in appendicem rejecerint Maurini numero 220: sub hac censura: *Constat excerptis ex Augustini sermone 8. & 48., ex Ambrosiano de SS. Nazario*

zaria

**D** zario & Celfo, aliisque laciniis, quae Caesarium sapiunt.) Ibi autem haec legimus. „ Et ideo cum summa exultatione gaudeat „ terra coelestium militum, & tantarum parens secunda „ virtutum, Ecce profanus hostis numquam beatis par- „ vulis tantum prodesse potuisset obsequio, quantum pro- „ fuit odio. Nam sicut sacratissimum praesentis diei festum „ manifestat, quantum in beatos parvulos iniquitas abun- „ davit, tantum in eis gratia benedictionis refudit..... „ Dignè natalem illorum colimus, quos beatius aeternae „ vitae mundus edidit, quàm quos maternorum viscerum „ partus effudit. Siquidem ante vitae perpetuae adepti „ sunt dignitatem, quàm usuram praesentis acciperent.

**E** „ Aliorum quidem pretiosa mors martyrum laudem in „ confessione promeruit: horum in consummatione com- „ placuit. Quia incipientis vitae primordiis, ipse eis occa- „ sus initium gloriae dedit, qui praesentis terminum impo- „ suit. Quos Herodis impietas lactantes matrum uberibus „ abstraxit, qui jure dicuntur Martyrum flores, quos in „ medio frigore infidelitatis exortos, velut primas erum- „ pentes Ecclesiae gemmas, quaedam persecutionis pruina „ decoxit.

Nollem quidem ab aliquo censeri, hujusmodi auctorita-  
**F** tes me eo animo proferre, ut veluti ab Ecclesia absolutè definitam insinuem sententiam, quae alteri omninò contrariae inter Scholasticos communiter receptae evidentissimè opponitur. Meum non est in istorum rationes nunc ingredi, nec me multum augit quid potius ipsis placeat, vel utrum quod ipsis placet cum his quae mox protuli possit conciliari. Haec ideo dicta profiteor, ne Ecclesia, quae Augustino haereticos profliganti plaudat, contra quos paria de beatitate Sanctorum veteris testamenti saepe in suis scriptis repetivit, Sancti Doctoris minus firmam sententiam dissimulasse existimetur. Fortasse qui aliter sentiant haec

haec etiam interpretari posse in suo sensu monstrabunt; sed alii quoque inde conjicient, haud firmissimè stare (donec aliud non proberetur) illorum definitionem, qui animas Sanctorum ante Christum in inferis absque visione Dei ita collocant, ut aliter dicere contra catholicam fidem esse praetendant. Et quoniam quae Tournely hic dixit, & evidentiùs alia quae in laudato suo Opere persequitur, (suo tempore si dabitur perscrutanda) eodem collimant, ut lectores in ea credulitate firmentur; necessariò hic Breviarii & Missalis Romani sensus in medium produxi, ne vel Tournely Ecclesiam pro se citanti, vel aliis contrariam sententiam veluti de fide amplexandam praetendentibus, illicò acquiescamus. B

Sed fortasse opponet aliquis, hujus sermonis verba nullam facere auctoritatem, quandoquidem Sancti Patris non sint: ita ut si aliquando daretur ea, quam Summus nunc feliciter regnans Romanus Pontifex Benedictus XIV. recentissimè cogitaverat, Breviarii Romani correctio, eadem lectione sublatà, mea inde ratiotinatio desumpta periret. Aliud tamen est, quòd in correctione facienda lectio sufficeretur, quae ex eodem Sancto Patre genuina esset in laudem SS. Innocentium: aliud & longè diversum, quòd sententia de gloria ipsis statim a morte conlata, nunc improbaretur. Quamvis enim verum esse possit, quòd Sermo 10. de Sanctis Augustinianus non sit; non inde tamen diversam in Augustino doctrinam facillè est invenire. C

Constat sanè Augustinum in ea fuisse sententia ex pluribus locis. Libro enim 3. de libero arbitrio cap. 23. n. 68. scripsit, „ Non enim frustra etiam infantes illos, qui cum „ Dominus Jesus Christus necandus ab Herode quaerere „ tur, occisi sunt, in honorem Martyrum receptos com „ mendat Ecclesia. „ Et Enarratione in Psalmum 47. n. 5. ait, „ Metuere debent reges, ne regnum perdant, ne

Q

illis

D „illis auferatur regnum, sicut miser timuit Herodes, &  
 „pro parvulo occidit parvulos. Timens autem regnum,  
 „amittere, non meruit regem agnoscere. Utinam & ipse  
 „regem cum Magis adoraret; non male regnum quaeren-  
 „do innocentes perderet, & nocens periret. Nam quod  
 „ad illum attinebat, perdidit innocentes: quantum autem  
 „ad Christum, etiam parvus, pro se morientes parvulos  
 coronavit. „Abstineo a multo praeclarioribus afferendis in  
 hac re, quae habentur in sermone de Symbolo ad Cathe-  
 cumenos, qui in alijs editis *Liber tertius* inscribebatur, quia  
 justam puro censuram de eodem & antecedenti & sequen-  
 tibus a Maurinis prolatam, qua istos Sancto Patri tribuere  
 E certò non audent, restititissimis momentis adducti (quibus  
 aliqua addere & ipse possem) quae videre est Editionis  
 Novae tom. 6. ibi *Admonitio in Sermones de Symbolo ad Cathe-  
 cumenos*. Ex iis tamen quae ex Sancto Patre proximè com-  
 memoravi liquet, quòd quamvis ille Sermo 10. de San-  
 ctis Augustini non fuerit, non ideò alia ab Augustinianà  
 sententia sit commendata. Sed, ut dixi non ideo haec in  
 Breviario leguntur quia Augustinus scripserit, sed quia  
 haud correctione indigentia visa sunt. Hinc tantò post  
 ipsum, immo & post inolitam contrariam in Scholis opi-  
 nionem, consona canuntur in laudibus Sancti Joseph, &  
 F ceterorum omnium Martyrum & Confessorum antiqui in-  
 strumenti, quibus commune cum Martyribus & Confesso-  
 ribus novi Testamenti est decretum Officium.

Oportet sanè ut Sanctissimus Pontifex ceteris praecla-  
 rissimis sapientiae & sollicitudinis suae monumentis, qui-  
 bus quotidie Ecclesiam sibi commissam illustrat, etiam  
 correctionem adderet Breviarii Romani, quandoquidem  
 viginti quatuor infra annum diebus ultra Communia, le-  
 ctiones ibi leguntur ex sermonibus Divi Augustini, quos  
 Maurini (fortasse non absque ratione) in Appendicem reje-

rejecerunt ; etiam ut cessaret occulta exprobratio , qua ad eorumdem censuram addunt in sua Editione *Et ex hoc sermone legitur in Breviario Romano ad diem . . .* ut in citato Sermone 10. de Sanctis , tantoque magis quia ex genuinis & certis Sancti Patris libris , quae ad propositum essent , haud multâ operâ possent inveniri.

Ad institutum revertens : si Tournely ea vidit quae supra ad defensionem Sancti Patris adduci potuisse jam ostendi ex propriâ deffumenda doctrinâ , ab iisque suusus non remanebat ; cur non potius errorem istum Augustino objiciebat ? Multò enim dignius de Augustino sensisset , si illi hujusmodi errorem imputasset , quàm illum quo Sanctum Patrem veri millenarii regni fautorem etiam nollens declarat , ut in examine responsionum ad oppositos textus observatum est . A quo profectò purgabatur Augustinus , si Tournely dixisset , quod propè ex singulis ejus operibus elucet , visionem nimirum Dei , & beatitatem , quae in videndo Deo consistit , Sanctis etiam veteribus ante Christi descensum ad inferos Sanctum Patrem contulisse .

Quid lucris adversantibus ex hac responsione obveniret ? Certè ex ista tumor cessaret , quo Doctorem Ecclesiae Maximum Sanctis novi testamenti beatitatem negasse praetendunt ; qua verè erronea imputatione sublatâ , omnino diversa quaestio dirimenda proponeretur ; jure ne an injuriâ Augustinus hanc ipsam Dei visionem antiquis ante Christum patrum concessisset , quod eruditionis causam non excedit . Etenim , ut dictum est , nondum inveni ab Ecclesia definitum quod aliter sentientibus faveat ; & quod definitum non est , causam eruditionis excedere non potest in iis , qui cum moderatione Religionis nostrae debitâ de mirabilibus Dei quaestionem instituunt ; tantoque magis , quia ex praenotatis Ecclesiasticorum librorum verba antiquorum Doctorum sententiis congruunt , sicut a recentiorum opinione discedunt .

D At Scholasticorum consensum fortasse pertinuit Tournely, a quibus sinui Abrahae visio Dei ante Christi descensum in inferos communi voto denegatur; quamvis in causa & in effectu hujus privationis assignando inter se ipsi dissentiant quàm maximè. Metueret sanè, adeoque pertimesceret, ut contrariâ sententiâ in Augustino recognitâ, tanto Patri hunc de cetero honorabilem coetum antefere-  
ret. Num verba deerant quibus & Scholasticis debitum honorem praeberet? Immò quantum? Scholasticis enim in hoc recta docentibus, Augustinum errasse remanet; ita ut, nonnisi tanti Viri impendio, Scholarum opiniones stare jam possint.

E Ea verò, quae de Breviarii Romani verbis in hac quaestione proposui legisse non credo Tournely; satis enim videri poterant, ut libentiùs hanc opinionem Augustino daret, quam hic liber eidem tribuit forè ab antiquissimis exemplaribus tempore triplicis correctionis desumptam. Cui dum Scholastici suis placitis occurrunt, non idè illicò affirmandum videtur vel Augustinum errasse, vel Breviarii correctores (qui nonnisi Scholasticorum sententiis imbuti haberi possunt) pluries haec dissimulasse; sed ad summum quòd de hac re, multis diversa opinantibus, maturum & definitivum Ecclesiae judicium sit expectandum,   
F  
cujus in utramque partem conniventiam interim cognoscere possumus; si pro communiori contraria Cathedrisini Romani doctrinam in V. Symboli articulo explicando satis constanter stare attentè verba legenti videretur. Hinc nihil debitae Scholasticis reverentiae deperit, nihil auctoritati Divini Officii; cuius tamen pleniori tutelae suffragantur interim rationes ob quas Sanctus Augustinus sinui Abrahae talem beatitatem contulit, ut ibidem & non alibi Apostolos, Martyres & bonos quotidie Fideles novi Testamenti, post Patriarchas & Prophetas Sanctos tantâ



tantâ constantiâ collocet. Quibus propositis, & aliorum etiam Ecclesiae Latinae & Graecae Doctorum (quorum aliquos infra laudabo) in hac re cognitis sententiis, quae Augustinianae respondent, & Divini Officii verba commendant, fortasse etiam fieret, ut Scholastici in hoc vinci lucrum putarent.

Quia autem laudatos textus non a Scholasticis oppositos sed ab haereticis patet; istis (Scholasticorum sententiam praeteriens) ostendere hilariter poterat Tournely, quod ex multiplici collatione doctrinae emergit credidisse Sanctum Patrem, causae meritum absque decisione relinquens: ut si ii in hoc errasse Augustinum putarent, necessarium & magnum, & fortè inutilem laborem inirent ad hoc probandum. Interim autem ex assidua Sanctorum Patrum lectione sibi comparare debebat Doctor Sorbonicus quod necessarium crederet, ut contrariis inventis a quocumque demum prolatis obviaret: unde ni fallor factum esset, ut in hac investigatione perseverans, ea inveniret, quibus suae jam praeconceptae opinioni mederetur. Sed, ut jam dixi, haec visio Dei Sanctis in sinu Abrahae collectis per illos textus patenter tributa ante Christi descensum in inferos, tam absone Tournely visa est; ut in ejus conspectu, assentiri potius voluerit Augustinum etiam Episcopum, non solum millenariis aliquatenus inclinasse, sed pro ipsis expressè scripsisse; quod quamvis non suis verbis concedat, re tamen ex suis responsionibus consequitur.

Cur autem contra hunc potius quàm contra Hilarium in hoc durius agere voluerit, nondum intelligo. Eandem enim, quam in Augustino damnat, prius in Hilario sententiam commendaverat, causaeque catholicae faventem, & intellexerat & scripserat. Cum enim textus Hilarii in Psalmum 2. n. 48. objiceretur eà intentione ut beatitas Sanctis animabus usque ad judicii diem etiam ab hoc subtilis-

D *fimo Doctore retardata monstraretur, in haec verba: Judicii dies vel beatitudinis retributio est aeternae, vel poenae. Tempus verò mortis habet. interim unumquemque suis legibus, dum ad iudicium unumquemque aut Abraham reservat, aut poena: respondet Tournely, „ Judicii dies, de qua loquitur, est dies Judicii non „ ultimi & universalis, sed particularis, quod statim a morte „ quilibet homo experitur. Quod ibidem probat Sanctus „ Doctor. exemplo divitis epulonis & Lazari, qui uterque „ sine mora statim judicatus fuit; & iste gloriam, ille verò „ debitam poenam reportavit. Unde testimonium illud San- „ cti Hilarii faver plurimum causae catholicae, nedum „ ipsi noceat..*

E *Idem porrò favor causae catholicae etiam ex Augustino de sinu Abrahae & de Lazaro ibi recepto in comparatione divitis toties loquente obveniebat; nec umquam intelligam, quare non eadem reposuerit Augustinum purgaturus, quae pro Divo Hilario rectè dicta laudavit. Num verba Hilarii praeclatiora Augustinianis in hac re haberi poterant? Sed interim notabunt lectores, alium item Ecclesiae Doctorem cum Augustino hoc expressè docere; in cujus verbis nullam culpam invenit Tournely, quamvis apertissimè sentiat, Lazarum in sinu Abrahae gloriâ, quae in videndo Deo consistit, gavisum esse; nam profectò Lazarus illic receptus est antequam Christus pateretur; nec liberari opus habebat jam beatus, dum Christus in inferna descendit. Quòd si hoc male sonat in Augustino, non potest commendari in Hilario: & si in utrisque rectum est; sinus Abrahae non ea regio est Ecclesiae Patribus, in qua Sancti absque visione Dei detinerentur, quia nondum tempus consequendae mercedis advenerat.*

Eandem item sententiam Chrysostomo infedisse agnovit Tournely; ut ex iis patet; quae de eodem Sancto Patre in purgandis ejus textibus affert; quibus tam consonis testi-  
 mo-

moniis ad hanc quaestionem penitus perscrutandam, cur incitatus non fuerit, antequam omnino contrariam firmandam esse concluderet, divinare non possum.

Ut autem alios item Patres in hac fuisse sententia, quam praepropere damnat Tournely lectores agnoscant, legendum adimoneo aureum sane opus & profundae eruditionis refertissimum, quod nuper clarissimus, & de litteraria re publica atque fide catholica optimè meritus Ludovicus Muratorius adversus Thomae Burneti Britannii librum de statu mortuorum edidit, De Paradiso Regnique coelestis gloria, non expectatâ corporum resurrectione, abundè & enixè disputans. Fateor me hinc quoque adductum ad quaestionem meditandam de statu animarum Sanctorum Patriarcharum & Prophetarum ante Christi adventum in carne: quae enim sapientissimus Vir in asserendo hoc dogmare, pro iustis novi testamenti ex scripturis profert, eadem & antiquis illis favere mihi videbantur; unde pari ratione de utrisque esset judicandum. Accedebant frequentes Patrum auctoritates ex remotissima antiquitate ibi collectae, quae in id convenire videntur de Lazaro, de bono Latrone, de Martyribus haebreis, de praecipuis Prophetis & Patriarchis, & demum de Sanctis Innocentibus loquentes. Nec est cur me doleat, quòd totum legentes, virum doctissimum Scholarum opinioni circa antiquos Sanctos adhaerere intellecturi sint. Fortasse enim fiet, quòd aliqui huiusmodi fructuosae lectioni incumbentes, illud etiam sentiant, quod ego expertus sum, suspicari nimirum licere, num res aliter, quàm nunc communiter docetur, se habere possit; quandoquidem quae ibi leguntur huic item opinioni suffragantur.

Si quis autem quaerat, cur homo acutissimus hinc suum perutilem laborem non adjuverit, quadraginta saltè saeculorum parem fidem & praemium nostro dogmati superinducens;

**D** prudentiae suae deputer in hac quaestione silentium. Sciebat enim quàm dispari ratione haec agantur a nostris, qui tamen omnes, Patriarchas & Prophetas, ceterosque Justos statim a descensu Christi ad inferos beatos fatentur. Quamobrem incommoda potius suo proposito haec disputatio evasisset, & Burneto sectatoribusque suis charior, dum ansam contradictioni suppeditasset quasi ex nostrorum consensu. Contra hunc igitur Sanctorum felicitatis hostem dogma asserere sat erat, cui nihil deperit, quandoquidem Sancti veteres usque ad Christum in lymbis detinerentur visione Dei orbat: quaestio enim circa praesentem Sanctorum beatitatem versabatur, qua & illi cum istis nunc fruuntur catholica fide.

**E** De cetero quanta etiam hinc dici possent tantum virum praesensisse conscius sum ex ejus litteris ad me benigne datis, iis profundè, amantèr, prudenterque respondens, quae ipsi de meis meditationibus in hac re patefacere ausus sum; & futurum spero, ut hoc meo labore per eum inspecto, animum addat juveni praeclari senis gloriosis vestigiis insisterè nitenti; nec privatam gloriam sed utilitatem publicam vigiliis suis pro virium tenuitate proponenti. Sed prosequamur doctrinam Tournely.



CAPUT

## CAPUT DECIMUMSEPTIMUM.

7

*Examinantur loca, quae sibi opponit Tournely tertio loco,  
quibus respondendo vim non retundit, qua millenarii  
nota Sancto Patri ab adversantibus inuritur.*

**P**rimò perpendere praestat, quamvis loco non praece-  
dat textum Sancti Patris Tractatu 49. in Johan. n.  
10., tum quia proximè dictis affiniore est, tum quia deinde  
tractandis viam facilem sternit. Reverà primo adspectu  
pauca illa verba dubitationem ingerunt fidei Sancti Patris;  
videtur enim quoddam dicens *Promissa est resurrectio carnis....*  
*vita aeterna cum Angelis. Hoc omnes simul accepturi sumus, beati-* B  
*tatem in praesentiarum Sanctis denegat, saltem penes eos,*  
qui ex Evangelica doctrina rectè sustinent, hanc perfectam  
aequalitatem cum Angelis nonnisi in carnis resurrectione,  
Sanctis esse reddendam. Sed etiam hic, non pauca illa  
verba a quocumque transcripta referre debebar Tournely;  
sed intentionem Sancti Patris ex contextu eruere, praece-  
dentia & subsequenta in fonte examinando, & ex fonte  
afferendo, ut & sibi in responsione consuleret, & iis etiam,  
qui haec pauca legentes, nec fontem assequi valentes, scri-  
bentium insuper auctoritate devicti, saltem apud se minus  
recta de Doctore Latinorum illustrissimo sentire assue- C  
scunt.

Inspiciamus igitur locum integrum., Sicut ergo diver-  
„ sae custodiae, inquit, agentium in officio, sic diversae  
„ custodiae mortuorum, & diversa merita resurgentium:  
„ receptus est pauper: receptus est dives; sed ille in sinu  
„ Abrahæ, ille ubi sitiret, & guttam non inveniret. Ha-  
„ bent ergo omnes animae, ut ex hac occasione instruam  
„ charitatem vestram, habent omnes animae cum de sae-  
„ culo exierint, diversas receptiones suas, habent gaudium  
„ boni,

- D „ boni, & mali tormenta. Sed cùm facta fuerit resurre-  
 „ ctio, & bonorum gaudium amplius erit, & malorum.  
 „ tormenta graviora quando cum corpore torquebuntur.  
 „ Recepti sunt in pace Sancti Patriarchae, Prophetæ,  
 „ Apostoli, Martyres, boni Fideles, omnes autem adhuc in  
 „ sine recepturi sunt quod promissit Deus: promissa enim  
 „ est resurrectio etiam carnis, mortis consumptio, vita  
 „ aeterna cum Angelis, hoc omnes simul accèpturi sumus:  
 „ nam requiem, quae continuò post mortem datur, si eâ  
 „ dignus est, tunc accipit quisque cùm moritur. Priores  
 „ acceperunt Patriarchae, videre ex quo requiescunt: po-  
 „ steriores Prophetæ; recentius Apostoli, multò recentio-  
 E „ res Sancti Martyres, quotidie boni Fideles, & alii in ista  
 „ requie tamdiu sunt, alii non tamdiu, alii paucioribus annis,  
 „ alii recenti tempore. Cùm verò ab hoc somno evigilave-  
 „ rint, simul omnes quod promissum est accepturi sunt.

Vel Tournely haec vidit, & certè contra conscientiam dictavit quae de sinu Abrahæ supra perpendimus; vel non vidit, & minus prudenter ad non bene perpenſa respondere praetendit. Hic enim sive gaudium recolas, quod profectò animae separatae non est nisi Deus; sive augmentum gaudii, quod post corporum resurrectionem erit; sive in-  
 F ea requie (quam idem cum gaudio esse pronunciat Augustinus) priores receptos Patriarchas, posteriores Prophetas, quò recentius Apostoli, multò recentiores Martyres, & boni quotidie Fideles; sive quòd haec requies, quae post mortem datur, si eâ dignus est, tunc accipit quisque cùm moritur: haec omnia tam praeclarè eandem beatitatem in sinu Abrahæ ante Christum passum iustis conlatam declarant, quam postea Apostoli & Martyres sunt consecuti, ut ridendus meritò sit, quicumque tantae luci nebulas of- fundere conaretur.

Inde saltem responſionem suam ad loca ex Augustino oppo-

opposita juxta jam dictam intentionem meam eruere poterat Tournely; nam si in praeconcepta opinione privationis visionis Dei in sinu Abrahæ stat firmus, numquam. A  
 hunc nimis apertum locum Sancti Patris purgabit; in quo si visionem Dei Sanctis in sinu Abrahæ ante Christi manifestationem in carne denegatam autumat, hanc eandem Apostolis & Martyribus & bonis Fidelibus etiam post Christum passum absque ullo effugio denegatam ab Augustino fateretur. Quod si non placet (hic enim locus Augustini jam Episcopi est) ad illud recurrere oportet, quod beatitas animarum in sinu Abrahæ receptarum, nullo temporis discrimine a Sancto Doctore sustineretur. In quo si errasse B  
 Augustinum pronuntiare potest Doctor Sorbonicus, sua fundamenta proferat, ut omnibus maturè perpensis de utriusque rationibus pronuncietur judicium.

Hic igitur locus, ut dixi, lucem suppeditat iis omnibus, in quibus Sanctus Pater aequalitatem cum Angelis hominibus sanctis in resurrectione promittit; ut non ideo quia hæc aequalitas expectatur, a requie deficient, in qua jam recepti sunt; sed ut huic jam constanti gaudio amplius gaudium in corporum assumptione addatur, sicuti impios majora tormenta tunc manent.

Tardioribus autem non hic locus sufficiet ad solvenda. C  
 quæ in antecedentibus objiciuntur. In illis enim ex epistola 148. ad Fortunatianum, & ex Psalmo 43: , non majus gaudium Sanctis expectandum in resurrectione praefertur, sed ipsummer gaudii fontem, visionem scilicet Dei facie ad faciem. Tardioribus dixi: diligentiores enim, atque hi, qui ex recitato textu gaudium animæ non aliunde cum Augustino esse cognoscent, quam a visione Dei; hanc etiam nonnisi perfectam idest facie ad faciem ex tunc esse probabunt: ita ut hæc visio Dei facie ad faciem, quam Augustinus cum Hieronymo & aliis Patribus promittit Sanctis,

- Dctis, cum de hominibus in Angelos profecerint, illam anteriorem & facie ad faciem non excludat; sed aliam item, ad quam illud facie ad faciem accomodari possit inquirendam admonet. Quamvis enim in postremo, qui opponitur loco ex lib. 1. Retract. c. 14. n. 2. Augustinus videri possit ambiguus, num Sancti vitâ functi ex corporis praesenti defectu nihil minus habeant ad contemplandam cordis oculis veritatem, sicut dictum est, facie ad faciem; subdit tamen *non hic locus est disputando inquirere*. Ita, nec quid ipse sentiret in hac re ibi declaravit; & fortasse humili & humano more suo adductus, a pluribus abstinuit in eorum obsequium, qui aliter sentirent, quam ipse suis scriptis aliàs intelligere demonstraverat.
- E

Sicuti enim omnes etiam nunc Theologi ex hoc Sanctos aliquid minus habere putant, quia naturalis appetitus corporis administrandi, iustorum animas quodammodo retardat ne totâ intentione pergant in illud summum coelum, quod Augustinus aliàs jam dixerat lib. 12. de Genes. ad litt. c. 35. fortasse etiam tunc eadem aliqui opinabantur. Quae cum contra fidem non sint, atque in eruditionis causam resolvantur, noluit fortasse Augustinus veluti impugnanda suscipere, ea proferendo, quae tractu temporis in hoc meliora didicerat, & in aliis operibus suis funditus docuerat. Ita & sibi integram hanc quaestionem ad tempus opportunum reservavit, & quibus aliter videbatur indulgit, ut saltem in hac eorum opinione nihil contra fidem tenere sentirent.

F

De cetero quantum huic etiam difficultati solvendae confert, jam proposuerat in laudata epistola 148. ad Fortunatianum, (ex qua verba, quae opponuntur mox considerabimus) ubi ait: „ Qui autem manet in charitate, in „ Deo manet, & Deus in illo manet, quia Deus charitas „ est, sive tamquam ejus fons ineffabiliter existendo, sive „ illam



„ illam nobis per spiritum suum largiendo Si ergo doceri  
 „ potest, quòd charitas corporalibus oculis aliquando vide- A  
 „ bitur; poterit fortassis & Deus. Si autem ista numquam  
 „ poterit; multò minus ipse fons ejus, vel si quid dici  
 „ excellentius & convenientius de tanta re potest., Pro-  
 „ fectò qui attentè haec verba scrutantur, unde proposita  
 „ quaestio solvatur inveniunt. Si enim Deus charitas est, &  
 „ charitas per oculos corporis numquam videri poterit, sed  
 „ solo spiritu & mente & nunc videtur, & tunc videbitur;  
 „ remanet ut si nunc Sancti charitatem facie ad faciem per-  
 „ fectè non contemplantur, nec tunc eam visuri sint, quia  
 „ a corpore, quod recipient, nullo modo in hac contem- B  
 „ platione poterunt adjuvari. Sed, ut dictum est, solemn-  
 „ Augustini mos fuit, ut in iis, quae salva fide ab aliis  
 „ sentiebantur, non magistrali censurâ, sed prudenti admo-  
 „ nitione procederet; ut qui ea assequi poterant quae ipse  
 „ quasi dubius effundebat, instructi dimitterentur; & qui  
 „ assequi non poterant, non confunderentur.

Non eadem tamen utebatur indulgentiâ Sanctus Vir,  
 quandoquidem eas opiniones invalescere audiebat, quae  
 expressè contra fidem erant. Ejusmodi illa fuit, qua-  
 „ quidam opinabantur, Deum; in substantia Dei ab oculis no-  
 „ stris corporeis esse videndum; quia & illud putabant, Chri- C  
 „ stum secundum hominem, Deum Patrem corporeis oculis  
 „ vel vidisse, vel videre potuisse eâ potestate, qua simul Deus  
 „ est, secundum quam oculis corporis sui hanc etiam gratiam  
 „ tribuere, atque largiri valebat. Hic jam non talia sentientes  
 „ palpat, sed toto rationum robore contra insurgit, eosdem-  
 „ que confundit. „ Nec quisquam existimet, inquit, idèò  
 „ „ meritò posse dici corporeis oculis a Filio Patrem videri,  
 „ „ ac non potius sicut a Patre Filium, quia illi, qui hoc  
 „ „ putant, cum in reddenda ratione defecerint, possunt  
 „ „ & ipsi dicere, Si ratio quaeritur, non erit mirabile: hoc  
 „ „ enim

- D " enim dictum est, non quia non est ratio, sed quia late-  
 " Illius autem non miraculi sed erroris, demonstrare,  
 " debet nullam esse rationem quisquis id opinantes refel-  
 " lere aggreditur. Sicut enim nulla ratio est, qua Dei  
 " natura moriatur, aut corrumpatur, aut peccet; & cum  
 " hoc Deum non posse dicimus, non derogamus potestati  
 " ejus, sed aeternitatem veritatemque laudamus: ita cum  
 " dicimus non posse videri oculis corporeis, non latet, sed  
 " patet ratio bene intelligentibus, qua perspicuum est,  
 " Deum corpus non esse, nec aliquid corporeis oculis cerni  
 " posse, nisi quod alicujus intervalli interpositione cerna-  
 " tur: id autem nonnisi corpus esse, eamque substantiam,  
 E " quae minor sit in parte quam in toto; quod de Deo cre-  
 " dere nefas est, etiam iis qui hoc intelligere nondum va-  
 " lent. Ad Evodium epist. 162., aliàs 101. n. 8.

Hinc fortasse occasionem habuit Commonitorium sive  
 epistola 148. ad Fortunatianum: Augustinus enim in  
 quadam epistola scripserat *istius corporis oculos non videre Deum,*  
*nec esse visuros*; quod alium Episcopum, quem non nominat,  
 adeò offendit, ut Augustinus ejus indignationis certior fa-  
 ctus, sancta humilitate Fortunatiani episcopi officia inter-  
 posuerit, qui praesens cum altero ageret, ut si quid durius  
 ipse in ea epistola protulerit, sibi ignoscatur. Huic autem  
 F humilitati confirmationem commiscet jam dictorum ad  
 causam, ne veniam petenti illud subrepiisse videretur, ut  
 etiam sententiam illam repudiasset. Veniam igitur dari  
 cupit si quid asperius in verbis effatus est; sententiae autem  
 suae taliter veritatem tuetur atque confirmat, ut qui verbis  
 se laesum prodiderat, veniam ab Augustino petere debuisset,  
 quòd aliter in tanta quaestione sensisset.

Addit enim, " Causam quippe adjunxi cur hoc dixerim,  
 " ne scilicet Deus ipse corporeus esse credatur, & in loci  
 " spatio intervalloque visibilis. Nihil enim videre aliter  
 " istius

„ istius corporis oculus potest. Et ne illud, quod dictum  
„ est *Facie ad faciem*, sic accipiatur, tamquam membris cor- A  
„ poris terminatus sit Deus. Ideò me ergo dixisse illud  
„ non poenitet, nè de ipso Deo tam impiè sentiamus, ut  
„ eum non ubique totum, sed per localia spatia divisibilem  
„ existimemus. Talia quippe his oculis novimus.

„ 2. Caeterum nihil tale de Deo sentiens, sed eum  
„ incommutabilem & incorporalem spiritum ubique to-  
„ tum esse credens; si tantam quisquam mutationem hujus  
„ corporis futuram putet, cum ex animali fuerit spiritale,  
„ ut etiam substantiam incorporalem, non locorum inter-  
„ vallis vel spatiis divisibilem, vel etiam membrorum  
„ lineamentis ac finibus terminatam, sed ubique totam, B  
„ per tale corpus videre possimus; volo ut me doceat si  
„ verum sapit; si autem in hoc falsum sentit, longè tole-  
„ rabilius est corpori aliquid arrogare, quàm Deo deroga-  
„ re. Et si vera est ista sententia, non erit contraria verbis  
„ meis, quae in illa epistola posui. Istius namque corporis  
„ oculos dixi non visuros Deum, hoc intuens quòd istius  
„ corporis oculi omninò non possunt cernere nisi corpora,  
„ quae ab eis aliquo loci intervallo separata sunt: nam si  
„ nullum intervallum sit; nec ipsa corpora per eos vide-  
„ mus.

„ 3. Porro autem si in tantam sui dissimilitudinem no- C  
„ stra corpora mutabuntur, ut oculos habeant, per quos vi-  
„ deatur illa substantia, quae non per locorum spatia vel  
„ diffunditur vel finitur, alibi habens aliam partem, alibi  
„ aliam, in minore loco minorem, in maiore maiorem,  
„ sed ubique incorporaliter tota est; longè aliud erunt haec  
„ corpora, & non erunt ipsa; nec sola detractâ mortalitate  
„ atque corruptione & ponderis gravitate aliud erunt, sed  
„ in virtutem ipsius mentis quodammodo convertentur, si  
„ videre poterunt, quod tunc menti, nunc autem nec ipsi  
„ menti

- D » menti videre concessum est. Si enim mutatis moribus  
 » dicimus hominem non esse qui fuit, si denique mutatis  
 » aetatibus ipsum corpus dicimus non esse quod fuit: quantò  
 » magis ipsum non erit, tanta conversione mutatum, ut  
 » non solum immortaliter vivat, verum etiam invisibilem  
 » videat? Quapropter si videbunt Deum, non istius cor-  
 » poris oculi videbunt; quia & in hoc non erit ipsum cor-  
 » pus usque in illam vim potentiamque mutatum, & non  
 » est contraria ista opinio illis verbis epistolae meae. Si  
 » autem hæcenus non erit ipsum, quia nunc mortale,  
 » tunc immortale, nunc aggravans animam, tunc nullo  
 » pondere ad omnem motum erit facillimum: ad videnda  
 E » verò ea, quae locorum spatiis intervallisque cernuntur,  
 » si non aliud quam ipsum erit, substantiam incorporealem  
 » & ubique totam nullo modo videbit. Sive ergo hoc, sive  
 » illud verum sit, secundum utrumque verum est, quòd  
 » istius corporis oculi Deum non videbunt. Aut enim  
 » istius erunt, & non videbunt; aut non erunt istius si vi-  
 » debunt; quoniam tantà commutatione longè alterius  
 » corporis erunt.

» 4. Sed paratus sum. si quid de hac re melius novit fra-  
 » ter, vel ab ipso, vel ab illo, a quo didicit, discere. »

- F » Ut autem confirmet, hanc virtutem videndi Deum,  
 » qui charitas est, oculis corporeis numquam esse conceden-  
 » dam, non suis jam, sed Sanctorum Ambrosii & Hiero-  
 » nimi, Athanasii & Gregorii utitur verbis, » ut noverit  
 » iste frater, inquit n. 13., non se de hac re mecum ma-  
 » gis, quam cum prioribus agere debere, si quid eum contra  
 » permovet .... qui omnes, ait n. 6., ubi, eis occasio data  
 » est dixerunt invisibilem Deum invisibiliter videri, hoc  
 » est per eam naturam, quae in nobis quoque invisibi-  
 » lis est, mundà scilicet mente vel corde. » Horum autem  
 » in scripturis sanctis doctissimorum virorum sententias  
 pro-

proferens, illam transcribit ex Sancti Hieronymi l. 1. in  
Esaïam desumptam, quam sibi opponit Tournely, quam-  
que explicaturus Sanctus Pater, subdit.

„ 8. In his verbis hominis Dei, multa consideranda  
„ sunt. Primum quia secundum apertissimam Domini  
„ sententiam, etiam ipse sentit, tunc nos visuros faciem  
„ Dei cum in Angelos profecerimus; quod erit utique  
„ in resurrectione mortuorum. Deinde Apostolico testi-  
„ monio satis aperuit, non exterioris, sed interioris ho-  
„ minis faciem intelligendam cum videbimus facie ad  
„ faciem: de facie quippe cordis loquebatur Apostolus,  
„ cum diceret quod hinc commemoravimus *Nos autem*  
„ *revelata facie gloriam Domini speculantes, in eandem imaginem*  
„ *transformamur*. Quod si quisquam dubitat, recenseat  
„ eundem locum, & attendat unde Apostolus loqueba-  
„ tur, de velamine scilicet quod manet in lectione vete-  
„ ris Testamenti, donec quisque transeat ad Christum,  
„ ut auferatur velamen. Ibi quippe dicit *Nos autem revelata*  
„ *facie gloriam Domini speculantes*; quae facies in Judaeis  
„ non erat revelata; de quibus dicit *Velamen super cor eorum*  
„ *positum est*, ut ostendat cordis faciem nobis esse revela-  
„ tam, velamine ablato. Postremò ne quisquam ista  
„ minùs intuens, minùsque discernens; visibilem Deum  
„ vel Angelis, vel hominibus cum aequales Angelis facti  
„ fuerimus, sive nunc esse, sive futurum esse crederet,  
„ evidentissimè quid sentiret expressit, dicens (quòd faciem  
„ Dei juxta naturae suae proprietatem, nulla videat crea-  
„ tura, & tunc mente cernatur, quando invisibilis cre-  
„ ditur) unde sufficienter significavit, quando visus est  
„ ab hominibus per oculos corporis, tanquam ipse cor-  
„ poreus, non eum, secundum naturae suae proprietatem  
„ fuisse visum, in qua tunc mente cernitur, quando invi-  
„ sibilis creditur. Quibus invisibilis, nisi ad spectibus cor-

R

.. poralibus

D " poralibus etiam coelestibus, sicut suprà de Angelis &  
 " Potestatibus & Dominationibus dixit? quanto magis  
 " terrestribus?

" 9. Unde alio loco evidentius dicit (non solum Patris  
 " divinitatem, sed nec Filii quidem, & Spiritus-sancti,  
 " quae una in Trinitate natura est, posse oculos carnis ad-  
 " spicere, sed oculos mentis: de quibus ipse Salvator ait  
 " *Beati mundo corde, quoniam ipsi Deum videbunt.*) Quid hac  
 " manifestatione lucidius? Si enim tantummodo dixisset  
 " Nec Patris, nec Filii nec Spiritus-sancti divinitatem,  
 " posse oculos carnis adspicere, nec deinceps addidisset sed  
 E " oculos mentis, fortè diceretur, carnem jam non esse ap-  
 " pellandam, cum corpus fuerit spiritale. Addendo ergo,  
 " & dicendo sed oculos mentis, ab omni genere corporis  
 " alienavit huiusmodi visionem. Ne quis autem putaret,  
 " cum tantum de praesenti tempore locutum, subiecit  
 " etiam Domini testimonium, volens ostendere, quos di-  
 " xerat oculos mentis, quo testimonio non praesentis, sed  
 " futurae visionis promissio declaratur *Beati mundo corde, quor-*  
 " *niam ipsi Deum videbunt.*

His omnibus debita maturitate perpensis, cuique diligenti  
 patebit, responsionem a Tournely datam etiam textui ab  
 F hac epistola petito, ad rem non esse, quod semper ab hae-  
 reticis loco magnae victoriae computatur. Quamvis enim  
 novis scriptis has infirmitates non deregant, tamen vivè  
 voce inter suos fautores enumerant, unde & ipsi primum  
 & ceteri in suis erroribus confirmantur. Quomodo enim  
 ad rem esse putari poterit dicere, „ Manifestum est (in  
 " epistola ad Fortunatianum) Sanctum Doctorem loqui  
 " de visione Dei perfecta & consummata, qualis futura est  
 " post resurrectionem corporum: non autem de visione  
 " seu beatitudine inadaequata, qua donantur animae San-  
 " ctorum statim a morte corporis? „ Si enim totam legit  
 laudatam

laudatam epistolam, vidit profectò de ea visione Dei quæ-  
 sitionem esse, quam & Angelis & hominibus negant cum-  
 Augustino doctissimi Patres; & rursus quòd nullo modo  
 per oculos corporis videri possit Deus. Ergo si visionem  
 Dei per oculos carnis negat ibi Augustinus, quomodo per-  
 fecta & consummata fiet visio Dei in corporum resurre-  
 ctione, dum tunc illud animæ accedet, secundum quòd  
 Deum videre numquam poterit? Rursus quomodo totus  
 homo beatus videbit tunc Deum cum æqualis Angelis fa-  
 ctus fuerit, si nec Angeli, nec Throni, nec Potestates, nec  
 Dominationes, nec omne nomen quod nominatur, videre  
 Deum in natura sua possunt, sicuti Sanctus Hieronymus  
 n. 7. ejusdem epistolæ docet? B

Aliud enim & longe diversum est, quod hic docetur,  
 & aliud, quod veluti ab hac epistola dicit Tournely „ Mens  
 „ Sancti Doctoris est animas Sanctorum videre quidem-  
 „ Deum, sed non ita perfectè ac videbunt post resurre-  
 „ ctionem: propterea quod naturale desiderium recipiendi  
 „ corpus non sinat animas toto impetu, ac conatu ferri in  
 „ Deum: atque hoc esse discrimen inter Angelos & ho-  
 „ mines, quòd Angeli cum nihil amplius expectent, toti  
 „ ferantur in Deum; animæ verò Sanctorum quodammo-  
 „ do retardantur desiderio resumendi corpus, ne pleno ac  
 „ perfectò modo in Deum ferantur. „ Haec enim respon-  
 „ sio aliquatenus juvat ei objectioni solvendæ, quæ ex lib.  
 1. Retract. c. 14. proponitur, ubi quaeritur num animæ  
 Sanctorum ex defectu corporis, cujus resurrectionem ex-  
 pectant, aliquid minus habeant ad contemplandam cordis  
 oculis veritatem: illi autem, quæ oritur ex verbis epi-  
 stolæ ad Fortunatianum, nihilo infervit. Et Angeli enim  
 & homines sub eadem impotentia ibi firmanur videndi  
 Deum in substantia Dei, secundò multò magis hæc eadem  
 visio corporalibus oculis denegatur.

LXXXV

R 2

Quibus

**D** Quibus solis pro nunc attentis, fateri cogetur Tournely  
suis responsionibus non quantum satis provisum esse ad  
haec diluenda, quae ex natura rei objecta eruuntur. Co-  
gnosceret etiam Doctor Sorbonicus, istiusmodi argumen-  
ta non parvo labore & unâ paginâ expleri; satiusque esse ea  
praeterire; quàm proposita ad unguem non pertractare.  
Quod igitur ipse fortasse superfluum putavit, mihi videtur  
necessarium; nec tempus terere credo dum prolixiori exa-  
mini ea subjicio, quae ex epistola ad Fortunatianum oppo-  
nuntur; ut vera mens Sancti Patris ad haereticorum con-  
fusionem, & nostram aedificationem eluceat.





## CAPUT DECIMUM OCTAVUM.

*Vera mens Sancti Augustini in quaestione discussa in Epistola  
ad Fortunatianum de videndo Deo, ubi quid ipse pro  
aequalitate cum Angelis promissa Sanctis homi-  
nibus in resurrectione sentiret;  
differitur.*

**D**ictum est supra occasionem Commonitorii ad Fortu-  
narianum, verba cujusdam epistolae Augustini sup-  
peditasse, quia dixit istius corporis oculos nec videre Deum,  
nec visuros esse. Hoc autem de Deo in substantia divina  
eum intellexisse, non solum ejus verba demonstrant, sed  
item illa quae affert ex Divo Hieronymo, quibus visionem  
Dei non hominibus tantum, sed & Angelis denegando,  
addit quod intentionem suam demonstrat, scilicet Deum a  
nullo vel visum esse vel videri posse *sicuti est in natura sua*,  
causâ paucis assignatâ, *neque enim, inquit, creatura potest ad-  
spicere creatorem*. Hinc igitur non corporeis oculis modò, sed  
& cordis oculis visio Dei in natura sua denegatur; quod  
probè intelligitur pro ea perfectâ comprehensione naturae  
illius perfectissimae, illimitatae, Creatricis, ubique diffusae  
& ubique totae, secundum quam ipsae solae Trinitatis per-  
sonae se invicem comprehendunt, & ad quam aequaliter  
pervenire spiritus creatus & limitatus non potest, nisi illud  
fieret, quod ipse Deus est, quod porro repugnat, quia *Deus  
unus est*.

In hoc sensu invisibilem Deum dicit Divus Ambrosius  
a Divo Augustino citatus in antecedenti epistola ad Pauli-  
nam n. 17., ubi haec habet: „ Et ideo *Deum nemo vidit um-  
quam*, quia eam, quae in Deo habitat plenitudinem Divi-  
nitatis nemo conspexit, nemo mente aut oculis compre-  
hendit. (super Luc. I. 1. cap. 1.) Unde & Apostolus dixit

R 3

(1. Ti-

D (1. Timothi 6. 16.) *Qui solus habet immortalitatem; & lucem inhabitat inaccessibilem; quem nemo hominum vidit, sed nec videre potest. Quod si haec Apostoli limitatio non Angelis convenire quisquam opinaretur, indeque quod invisibile est homini, visibile Angelis diceret, audiat eundem (ibid. cap. 1. 17.) universaliter praedicantem Regi saeculorum immortalis, invisibili, soli Deo.*

Hac igitur omni creaturae denegata visione, secundum quam Deus omnibus praeter quam sibi invisibilis est; eam tamen visionem & Angelis & Sanctis competere declarat, quae a Salvatore promittitur dicente *Beati mundo corde; quoniam ipsi Deum videbunt*; qua item visione constante, adhuc  
E Deus invisibilis perseverat.

Quomodo autem invisibilis videri possit, quod absurdum primâ fronte videtur explicans, ait n. 11., negare „ non possumus filios Dei visuros Deum, sed sicut videntur invisibilia sicut se ipsum ostensurum promittebat qui „ hominibus apparebat in carne visibilis, quando dicebat, „ *Et ego diligam eum, & ostendam me ipsum illi*, cum ante oculos hominum conspicuus loqueretur. Unde autem invisibilia videntur, nisi oculis cordis? „ Hujus visionis exemplum habemus in Apostolo Petro; cum enim interrogasset  
F Dominus discipulos, quem ipsum, (multis diversa opinantibus) crederent; respondissetque Beatus Petrus, dicens: *Tu es Christus Filius Dei vivi*; Dominus ait: *Beatus es Simon Bar-Jona quia caro & sanguis non revelavit tibi, sed Pater meus qui in Coelis est*. „ Ubi Petrus Apostolus per revelationem „ Summi Patris, (ait Sanctus Leo Hom. de Transfiguratione) corporea superans & humana transcendens, vidit „ mentis oculis Filium Dei vivi, & confessus est gloriam „ Deitatis: quia non ad solam respexit substantiam carnis & „ sanguinis. „ Judaei autem eum non viderunt (verba sunt Sancti Ambrosii n. 6. laudatae epistolae ad Fortunatianum) obca-

obcaecatum enim erat insipiens cor eorum; quamvis eum in carne viventem & secum loquentem per oculos corporis certissimè intuerentur. Eis igitur oculis a Deo Patre illuminatis videbimus Deum, quibus eundem fide tunc cernimus, cum invisibilem credimus, ut supra dicebat Sanctus Hieronymus.

Illud ego saepe prospiciens, quod dixit Augustinus, Deum videndum sicuti videntur invisibilia; haec autem nonnisi a cordis oculis videri: cogitabam, num exemplum hominis viventis & animam suam conspicientis, juvare mentem nostram posset ad hanc Dei visionem quoquomodo intelligendam. Additum est ad incitamentum quod inveni in Sancto Patre., Nulla, inquit, propior natura est, quam diligenter inspectâ, possit etiam Deus, qui super omnem creaturam suam incommutabilis permanet, incorporâ liter cogitari, quàm eâ, quae ad ipsius imaginem facta est: & nihil vicinius, aut fortasse nihil tam consequens, quàm ut, credito quòd anima corpus sit, etiam Deus corpus esse credatur; (de Genes. ad lit. lib. 10. cap. 24. n. 40.)

Dicebam igitur: Certus sum me ex corpore & anima constare. Rursus animam meam substantiam vivam & cogitantem intelligo, propter quam rationalis sum, & ex qua vivit corpus meum; qua sublatâ, corpus moritur, & nullo amplius sensu vegetatur; unde & illud consequitur, animam per sensus meos solam sentire. Sentio item animam meam creaturam esse, a se enim esse non potest. Si enim a se ipsa esset, quaero num melior esse posset? Cùmque certissimè posset, & non sit (mutabilis enim est), pareretur quod ab alio sit. Hunc autem a quo est, meliorem eidem animam esse; melior est enim omnis artifex opere suo. Ipsum verò a quo anima est, spiritum esse necesse sit; nam si corpus, hoc eodem a quo est, anima mea melior esset: ani-

D main autem meliorem corpore esse constat. Spiritum au-  
 tem cum intelligo, jam invisibilem oculis carnis meae  
 credo; & ipsa enim iisdem oculis invisibilis est, quam  
 tamen sentio corpori praesentem, & de se intra se collo-  
 quentem, & se maiorem quaerentem, & invenientem.  
 Ergo non solum animam meam invisibiliter video, sed  
 per hanc & aliud intelligo, quod animam meam melius sit.  
 Quod, si quandoque oculis corporis mei obvium esset, jam  
 animam meam inferius esset. Ipsa enim anima si ab oculis cor-  
 poris mei videri posset, jam videretur per partes, unde nec  
 spiritus esset. Hinc invisibilem animam meam oculis cor-  
 E poris mei tam longe est ut me doleat, quod immo eam  
 iisdem esse invisibilem necessarium esse cognosco; sicut  
 cogitationes sunt & discursus, quos ipsa in se elicit, &  
 perficit, me certe non ignorante. Hinc & illud est quod  
 de anima mea interrogatus quid sit, substantiam creatam  
 spiritalem, rationabilem, vivam & cogitantem laetus re-  
 spondeo; quam in me viventem & cogitantem certissime  
 scio; nihil horum per corporis sensus prospiciens, vitae  
 effectibus exceptis; non enim credo hominem mecum col-  
 loquentem vivere, ut ait Augustinus, sed video. Quomodo  
 autem anima vivat & cogitet, si quaeratur; ipsam iis vi-  
 F ribus cogitare. & vivere cognosco, quibus ab eo donata est  
 a quo est; qui melior se ipsam est; nam si melior non esset,  
 tanta largiri inferiori non posset. Hinc mutabilitatem &  
 principium de eo jam nego, a quo anima est, quia eam mu-  
 tabilem & creatam nosco; neque eam melior esset si ita esset:  
 & sic Spiritum perfectissimum incommutabilem, aeter-  
 num, & creantem naturaliter jam intelligo. Quomodo  
 hunc videam si quaeratur; iis illum oculis animam meam  
 videre fateor, quibus seipsam videt; qui porro si cordis  
 interioris sunt, jam remanet, aliunde quam cordis oculis  
 videri non posse principium illud a quo anima est; & pro-  
 inde

indè tam invisibiliter illud videri a sola anima opus esse, A  
quàm invisibiliter se ipsam anima videt.

Quae meditatio mea si alicujus valoris est, jam Deum non aliter videri posse quàm mente, patet; si nullius roboris inveniatur, non inde meliorum infirmatur auctoritas & fides, quorum sensus sequi in hoc propositum est.

Quod igitur uno loco & Angelis & hominibus, & omni creaturae semper invisibilis Deus dicitur a S. Hieronymo, referatur oportet ad eam plenitudinem divinitatis, quam Sanctus Ambrosius, nec mente nec oculis a quoquam comprehendendi posse definit: Quod autem alio loco visibilem Deum iis, qui cor mundum habent ambo promittunt, ad eam illuminationem refertur, qua *Unigenitus Filius, qui est in sinu Patris, ipse enarravit*. His namque verbis Evangelistae, ut notat Ambrosius loco citato, mentium magis quam oculorum visio declaratur. „Species enim videtur, „ virtus verò narratur: illa oculis, haec mente comprehenditur. „ Ideoque Sancti, qui in hac vita fideliter Deum exquisierunt, ejusque faciem videre concupierunt, statim a morte Deo impleri, & Sapientiâ ejus, quae est Unigenitus ejus, imbuti; ab hac eadem in altissimam Dei & veritatis contemplationem inducuntur, ejus virtutem cognoscentes narratam, atque revelatam, quam hic adorare & credidere velatam. B  
C

Hanc exponere homini non licet; & proinde acutissimum illud ingenium Augustinus, de hac dixit, „Servatur „ ergo nobis nescio quod dulce spectaculum: & si cogitari „ ex aliqua parte in aenigmate & per speculum potest, „ dici tamen nullo modo potest pulcritudo illius dulcedinis, quam servat Deus timentibus se, perficit autem „ sperantibus in se. Illuc parantur corda nostra in omnibus vitae hujus tribulationibus & tentationibus. (Enarr. in Psalmum 36. Serm. 2. n. 8.) Hac eadem beatè vivunt Angeli

- D Angeli in illa Sancta Civitate, quae, si quaeratur unde sit;  
 „ Deus eam condidit: si unde sit sapiens; a Deo illuminatur: si unde sit felix; Deo fruitur: subsistens modificatur, contemplans illustratur, inhaerens jecundatur; est, videt, amat; in aeternitate Dei viget, in veritate Dei lucet, in bonitate Dei gaudet. (de Civit. Dei l. 11. c. 24.) Qua si visione Angeli & cereri Regni coelorum, cives orbarentur, inopes illicò fierent, quamvis bonam haberent voluntatem, ut praeclare de illis docet Sanctus Pater, dicens: „ Et cum id egit eorum voluntas bona, ut non „ ad se ipsos, qui minus erant, sed ad illum, qui summè „ est, converterentur, eique adhaerentes magis essent, E „ ejusque participatione sapienter beatèque viverent; quid „ aliud ostenditur, nisi voluntatem quamlibet bonam, inopem fuisse in solo desiderio remansuram; nisi ille, qui „ bonam naturam ex nihilo sui capacem fecerat, ex se ipso „ faceret implendo meliorem, prius faciens excitando avidiorem? (de Civit. Dei l. 12. c. 9. n. 1.)

Proinde si visio Dei, qua Angeli fruuntur, & beatè vivunt, ad ejus visionis modum referri debet, quae invisibiliter fit, & qua Deus invisibilis invisibiliter videtur, idest solà mente ab eodem Deo ipsi praesente illuminatà: F porrò Sancti, corpore expertes, jam aequales Angelis sunt, quia aequaliter cum eis Deum invisibilem solà mente & mundo corde intuentur, eoque fruuntur. Et sicuti de illis verum est quòd *vident Faciem Patris*; qui autem *videt Patrem, videt & Filium*; & qui Patrem & Filium videt, videt & Spiritum sanctum, quia in diffèntia personarum Deus unus est, ut abundè a Sacrosancto Concilio Florentino definitur: ita & de Sanctis verificatur quòd facie ad faciem videant, dum quomodo Angeli vident.

Quae quidem facies in Trinitate taliter intelligenda est, ut nullis corporis lineamentis definita credatur; sicuti neque

neque cum alas Deo scriptura tribuit, eas corporaliter intelligimus, sed de protectione sua spiritaliter erudimur: A  
Unde Hieronymus n. 14. ejusdem epistolae, textum explicans Psalmi 93. *Qui plantavit aurem, non audiet, aut qui fixit oculum, non considerat, dicebat;* „Iste locus adversus eos maxime facit, qui Anthropomorphitae sunt, qui dicunt  
„ Deum habere membra, quae etiam nos habemus: verbi  
„ causa dicitur Deus habere oculos, quia oculi Domini  
„ respiciunt omnia, manus Domini facit omnia. *Et audit,*  
„ inquit, *Adam sonum pedum Domini deambulantis in paradiso:*  
„ haec simpliciter audiunt, & humanas imbecillitates ad  
„ Dei magnificentiam referunt. Ego autem dico, quod B  
„ Deus totus oculus est, totus manus est, totus pes est.  
„ Torus oculus est, quia omnia videt. Totus manus est,  
„ quia omnia operatur. Torus pes est, quia ubique est.  
„ Igitur si facies Patris nonnisi spiritaliter intelligi potest,  
neque aliter intelligitur facies Filii in ea substantia, quae  
aequalis est Patri, & eodem modo facies Spiritus sancti:  
restat ut quidquid spiritale est a solo spiritu taliter conspiciatur,  
ut nunquam oculis corporeis visibile fiat: ideoque Sancti Deum nunc  
videntes aequales jam Angelis sunt, quia eodem modo & nunc vident,  
& semper videbunt faciem Dei, quo & Angeli vident, & videbunt in saecula. C  
Atque ita ea omnia Augustini loca explicanda sunt, quibus  
aequalitatem cum Angelis Sanctorum spiritibus tribuit ante  
judicii diem; quorum duo jam perpendimus supra. Capite  
enim X. pag. 136. verba Sancti Patris retulimus: „ Nam  
„ illa omnimoda in angelicam formam mutatio, quae post  
„ hanc vitam (praesentem intelligit, quam iusti in hoc corpore  
quandoque morituri vivunt) promittitur, nullis  
„ verbis exponi potest. Rursus Capite XV. pag. 248. alia  
occurrunt verba ejusdem sententiae, & sunt: „ quo labore  
„ transacto, veniet regnum aeternum, veniet sine fine  
feli-

D „ felicitas, veniet aequalitas Angelorum &c.

Sed quia & illud Augustinus toties praedicat, visuros nos faciem Dei cum in Angelos profecerimus, idest aequales Angelis facti fuerimus, quod erit utique in resurrectione mortuorum: aliam aequalitatem jam expectandam cum Angelis a iustis viris sanctis suspicari par est, nam in videndo invisibiliter Deo jam Angelos Sanctis aequales esse probavimus; aliam ergo faciem in Deo noscere debemus. Qui verò eandem ad Fortunatianum epistolam attentè ac devotè meditabitur, quid etiam hinc dicendum sit inveniet.

Primùm enim notanda sunt verba Sancti Ambrosii, n. 6. laudatae epistolae, quibus, postquam Deum invisibilem dixit, Jesumque non corporalibus sed spiritalibus oculis videri, subdit: „ Meritò ergo se in corpore demonstravit, „ quoniam in divinitatis substantia non videtur. Vidimus „ Spiritum, sed in specie corporali: videamus & Patrem, „ sed quia videre non possumus, audiamus. „ Et paulò post: „ Audiamus, inquit Patrem; invisibilis enim Pater; „ sed & Filius invisibilis secundum divinitatem; Deum „ enim nemo vidit umquam: cum ergo Filius sit Deus, „ in eo utique quod Deus est Filius, non videtur. „ Quibus vigilantissimè admonemur esse naturam in Deo Uno & Trino, quae omnibus creaturis invisibilis sit; quae rursus, ut dictum est, juxta creaturae rationalis capacitatem invisibiliter videatur; quomodo cum virtutem audimus narratam, eam intellectualiter & sincerè videmus. Esse item naturam in Unigenito Dei Filio secundà Trinitatis persona, ipsoque Deo Jesu Christo Domino nostro, secundum quam in corpore se demonstravit; unde ille idem Filius, qui secundum Divinitatem invisibilis erat, secundum misericorditer assumptam humanitatem visibilis factus est. Hanc autem ab iis solis negari, qui corpus Dominicum phantasma fuisse impiè contendebant, impietatem suam veluti



veluti exemplo Angelorum sanare conantes; quos, cum creaturae merè spirituales habeantur, in assumpris & phantasmaticis corporibus, hominibus apparuisse putabant. Quorum audaciam atque insipientiam ab initio novae Ecclesiae, etiam in hoc exemplo fortissimè confundit acutissimus Tertullianus, libro de Carne Christi. Huic item veritati firmandae illud succurrit, quod Baruch Propheta dixit (3. 38.). *Post haec autem in terris visus est, & cum hominibus conversatus est.* Et illud Job (19. 25.) *Scio quod Redemptor meus vivit, & in novissimo die de terra surrecturus sum, & rursus circumdabor pelle mea, & in carne mea videbo Deum meum. Quem visurus sum ego ipse, & oculi mei conspècturi sunt, & non alius &c.* Quae si non ad hanc visibilem oculis corporeis naturam referantur, porrò desipuissent Sanctissimi atque doctissimi Ecclesiae Doctores, invisibilem Deum oculis corporeis tantà constantiâ praedicando. Quae item si aliam visionem oculis cordis faciendam ab istis promissam denegarent, nefcissent Prophetae dulcedinem Dei animabus in sanctitate ab hoc mundo decedentibus, paratam; quod asserere erroneum est, & eorum scripta passim refellunt.

Perpendenda secundò se offerunt illa Augustini verba, quibus Sancti Hieronymi intentionem detegit, ubi invisibilem Deum dixit, non hominibus modo, sed & Angelis & Potestatibus &c. Hic enim Sanctus Pater addit, „bus invisibilis, nisi adspectibus corporalibus etiam coelestibus, sicut supra de Angelis & Potestatibus & Dominibus dixit? quantò magis terrestribus? „ Sicur igitur ostendendo quòd Sanctus Hieronymus non eis verbis visionem Dei invisibiliter faciendam a spiritibus mundis denegat, sed hanc corporalibus eorum adspectibus imperiam declarat, propositam causae suae roborat a majori ad minus, ab Angelis scilicet ad homines in praesenti statu arguendo: ita quid inde diligentiores adjuvet proponit, ubi

- D** ubi non illud quaeratur, num Deus in substantia Dei ab oculis coporeis videri possit; sed illud, num Deus in substantia hominis assumpta videri debeat & ab Angelis & ab hominibus sanctis, & quando. Sicut enim illam & Angelis & hominibus promittit, sed non per oculos corporis; sic alia indicat nunc frui Angelos per oculos corporis, qua non fruuntur Spiritus iusti corpore expertes; fruuntur autem cum in novissima resurrectione Angelis Dei aequales facti, ad istam etiam corporalem visionem exaltabuntur. Ideo differentia praesens inter Angelos & Sanctos ea est; ut Angeli hominem Christum, qui & Deus est videant etiam corporalibus adspectibus, Sancti vero non ita videant, quia corpore carent; indeque aequalitas cum Angelis ad resurrectionem corporum Sanctis reservetur.

- Cum enim Divus Ambrosius omnibus creaturis invisibilem Deum in substantia divinitatis dixisset; addens postea *merito se in corpore demonstravit*; omnibus item creaturis hanc visionem promittit, quas inter & Angelos iuste computamus. Angelis autem hanc exteriorem visionem tunc tantum conlatam, auctor est Divus Johannes Chrysostomus etiam a Tournely citatus, qui Hom. 14. in Johan. haec habet. „ Ex quo, inquit carnem induit, tunc visus est ab
- F** „ Angelis: antea vero non ita videbatur, cum ipsis quoque „ invisibilis esset substantia. „ Quod confirmat ejusdem. Sancti Patris celebris discipulus Teodoretus Dialogo 1., qui dicitur Immutabilis, sic ajens: „ Post incarnationem „ vero visus est etiam Angelis, secundum divinum Apostolum, non in similitudine gloriae, sed vero ac vivo „ utens quasi velamine, carnis integumento, *Manifestatus „ est enim*, inquit Apostolus *Deus in carne*. „ Nec hoc solum Apostolus dixit; sed cum dixisset ( 1. Timoth. 3. 16. ) *Et sine dubio magnum est pietatis sacramentum, quod manifestatum est in carne, justificatum est in spiritu*, addidit vigilantissime hanc ipsam que-

quaestionem explicans, *apparuit Angelis*, unde non antea apparuisse Angelis cum laudato Chrysostomo intelligamus. A

Qui porrò Angeli si hac visione fruerentur secundum spiritum, & non secundum corpus; jam invisibiliter & solâ mente Deum etiam hominem viderent; qua item visione ex nunc in Verbo fruuntur etiam Sancti. Quam tamen si istis nunc denegatam dicamus, quamvis eâdem capaces sint, & ad resurrectionem corporum reservatam, ut aliqua differentia assignetur Angelos inter & homines justos: dico Sanctos Angelis neque tunc aequales fore. Quia isti Deum hominem secundum solum spiritum etiam tunc videbunt, dum corpore careant, quo eum corporaliter apparentem corporalibus adspectibus extra se & in loci intervallo possint intueri; Sancti autem tunc per istius etiam corporis oculos videbunt. Quorum si alterutra visio perfectior demonstrari possit, imperfectiùs videbunt qui ad imperfectiorem visionem admittentur; atque ita numquam aequales Angelis Sancti erunt, quod tamen ex Evangelio in fine promittitur. B

A quibus omnibus, & multò pluribus, quas nunc omitto, ambagibus liberamur; si saltem hypotheticè etiam Angelis cum Augustino & aliis Patribus corpus tribuamus; quod imprudenter non fieri ea indicant, quae breviter innui; & plura alia seriò rem meditati occurrent, quae per partes exponere hujus loci non est. Tunc enim clariùs intelligimus, in quo aequalitas cum Angelis ad diem resurrectionis promissa consistat: videbunt enim Sancti etiam corporalibus adspectibus Deum suum Christum Jesum Deum & hominem, quem modò Angeli oculis etiam corporeis intuentur, non item ceteri justì, quia corpore carent. Et Augustinus defenditur in plurimis illis locis, quibus faciem Dei nos non ante visuros promittit quàm Angelis aequales facti fuerimus in resurrectione carnis; hanc enim faciem, corporalem faciem intelligit, quae in Unigenito Dei Filio C  
secun-

**D** secundum humanam assumptam naturam certissime est; quamque corporeis etiam oculis intuebuntur Sancti, sicut modò Angeli, unde nunc inaequales inter se, tunc autem aequales erunt!

Ex qua limitatione, si illa visio Dei, quae invisibiliter & ab Angelis & a Sanctis etiam nunc fit, exclusa censetur usque ad iudicii diem; jam Augustinus millenarius respectu retardatae gloriae Sanctorum, convincitur. Exclusam autem eam hinc non esse a Sancto Patre ea omnia probant, quae ex operibus suis commemoravimus etiam ante presbyteratum, ubi veritatis sectatores in hac vita, ad veritatis contemplationem statim post hanc vitam elevantur. Tum etiam quia visionem Dei Sanctis in sinu Abrahae collectis constantissime tribuit ante Christum visibiliter in hac carne manifestatum. Tum demum ex iis, quae in fine oppositae epistolae ad Fortunatianum habet, ubi omnibus commemoratis, quae illum moverent, ne mutationem nostri corporis tantam futuram crederet, ut etiam ad invisibilia videntia elevaretur, addit n. 17. „ Si ergo hoc invenerit in-

„ quisiſſio diligentior tantam corporis futuram mutationem,

„ ut possit videre invisibilia, non ut opinor, talis potentia

„ corporis, menti auferet visionem ut exterior homo videre

**F** „ Deum tunc possit, non possit interior; quasi tantum foris

„ sit Deus ad hominem, & intus non sit in homine, cum

„ apertissime scriptum sit, *ut sit Deus omnia in omnibus*; aut

„ ita sit intus ille, qui sine ullis locorum spatiis ubique

„ totus est, ut foris tantum videri ab exteriori homine pos-

„ sit, intus autem ab interiori non possit. Quae si absur-

„ diissime sentiuntur, magis enim Sancti pleni erunt Deo,

„ non inanes intrinsecus ab illo circumdabuntur extrinsecus;

„ nec caeci intrinsecus eum, quo pleni erunt, non vide-

„ bunt, & tantum forinsecus oculati, quo circumdabunt-

„ tur, videbunt: restat ut interim de visione Dei secundum

dum

„dum interiorem hominem certissimi sumus. Si autem  
„etiam corpus mirâ comutatione hoc valuerit, aliud acce-  
„der, non illud abscedet.  
„Melius ergo illud affirmamus unde minimè dubita-  
„mus, quòd homo interior videbit Deum, qui modò solus  
„potest videre charitatem, quae cùm laudaretur, dictum  
„est *Deus charitas est*: solus potest videre pacem & san-  
„ctificationem, sine qua nemo potest videre Deum.  
„Neque enim charitatem, pacem, sanctificationem, & si  
„qua sunt similia, videt modò ullus oculus carnis; quae  
„tamen omnia jam videt quantum potest mentis oculus:  
„tantò puriùs quantò purior: ut sine dubitatione Deum  
„nos visuros esse credamus; sive inveniamus, sive non-  
„inveniamus quod de qualitate futuri corporis quaerimus,  
„cùm tamen corpus resurrecturum & immortale atque  
„incorruptibile futurum non ambigamus, quoniam hinc  
„sanctarum scripturarum sententias aper tissimas firmissi-  
„masque retinemus. Si autem iste frater quod de spiritali  
„corpore adhuc requiro, jam sibi firmat esse certissimum,  
„nisi placidus audiero docentem, ita ut ille quoque pla-  
„cidus me audiat inquirentem; habebit unde jure suc-  
„censeat.

„Illi autem fratri quid docendum reservaretur si conside-  
„remus, ea occurrunt, quae veluti impossibilia sibi videri  
Augustinus supra ostenderat, corpus scilicet nostrum ad  
tantam mutationem elevandum, ut etiam per istos oculos  
invisibilia videret. Et ne hinc deduceretur, ergo creatura  
numquam videbit Deum, vigilantissimè probat quomodo  
& ii qui digni sunt nunc videant, spiritu nimirum quo solo  
& charitatem intuentur. Quae quidem visio in corporum  
resurrectione cessare non poterit, quia nec tunc corpora  
ad charitatem intuemdam spiritum juvare poterunt, donec  
quod ipse adhuc requirit de futuro corpore, firmissimis

S

ratio-

- D** rationibus non ostendatur, & donec, quod ego expressius addidi, etiam illud veluti multò facilius non probetur, corpus scilicet nostrum, animam, qua denuò vivificabitur, oculis corporeis esse visurum, quam modò certissimè non videt. Quod cum numquam possit inveniri, remanet, ut iste frater, cui se veluti docendum committit Augustinus, tot rationes per modum dubitationis propositas maturè perscrutans; nec unde illas confundat inveniens, ad meliora & rectiora sentienda se converteret; firmâ scilicet visione manente, quae ab interiore homine invisibiliter fit, eâque oculis corporeis constantissimè denegatâ; aliam accedendam, quae etiam ab exteriori homine fiet, revelationem scilicet, seu apparitionem apertam illius gloriosae humanitatis, qua Deus noster vestiri dignatus est, quamque suae Divinitati ita copulavit, ut rectissimè dicatur, Deum suum oculos nostrae carnis visuros, dum tamen solam humanitatis formam exterior oculus intuebitur. Quae igitur isti fratri apud se scrutanda Augustinus reliquit, ut inde doctior fieret, si & apud se Tournely meditatus pacatè fuisset, vel illud saltem, quod ego respondendum censui oppositis textibus respondisset, vel numquam quae reposuit scripsisset, veluti nimis infirma ad contundendam adversariorum intentionem, inde Augustino millenariorum novam infligentium.
- E**
- F**

At si hinc scrupulus occurrebat, quia Angelicis creaturis corpus erattribuendum; in hoc potius errasse Augustinum dicere poterat Doctor Sorbonicus; dum hoc veluti errore (in re, quae apud sobrios eruditionis causam non eccedit) ipsi tributo, intolerabilem illum millenariorum abstulisset a Sancto Patre.

Priùs autem quàm opinionem Augustini condemnet de Angelorum corpore, omnia legat, quae de hac etiam quaestione conscripsit, & praecipue epistolam ad Paulinum *py.*  
alias.

aliàs 250. n. 8., in qua sic inquit., Hinc oritur de Ange-  
 „ lis quaestio, utrum habeant corpora suis officiis & con- A  
 „ cursationibus congrua, an tantummodò spiritus sint? Si  
 „ enim habere dixerimus, occurrit nobis *Qui facit Angelos*  
 „ *sus spiritus*. Si autem non habere dixerimus, plus habet  
 „ scrupuli, quomodo scriptum sit, eos corporeis hominum  
 „ sensibus sine corpore praesentatos, hospitio susceptos,  
 „ pedes eis lotos, edentibus & bibentibus ministratum.  
 „ Facilius enim videri potest, sic esse spiritus Angelos di-  
 „ ctos, ut homines animas, sicut scriptum est cum Jacob  
 „ in Aegyptum tot animas descendisse (neque enim cor-  
 „ pora non habebant) quàm ut illa omnia sine corporibus B  
 „ gesta credantur. Deindè certa quaedam in Apocalypsi  
 „ Angeli statuta definitur in ea mensura, quae nisi corpo-  
 „ rum esse non possit, ut quod hominibus apparuerit non  
 „ ad falsitatem, sed ad illam potestatem ac facilitatem spi-  
 „ ritualium corporum referatur.

Quibus si tam aptè respondere se posse confidat Tournè-  
 ly, ut liberae opinionis fines excessisse Sanctum Patrem  
 ostendere valeat; in hoc, non in illo errasse Augustinum  
 majori laude dixisset. Quae ego ideo commemoranda duxi,  
 ut ostenderem, eodem tempore, quo quisquam in hoc er-  
 rorem Sancto Patri tribuere vellet, talia proferre etiam pro  
 eo se debere sentiat, ut non supinè errasse Augustinum, C  
 apud infirmiores remaneat. Non enim aetate solummodò  
 Augustini quaestio haec indecisa versabatur, sed multis  
 etiam post eum saeculis de hac scripsit Divus Thomas.,  
 „ Dicendum, quòd siue Daemones habeant corpora sibi na-  
 „ turaliter unita, siue non habeant, hoc non multum re-  
 „ fert ad fidei Christianae doctrinam. Dicit enim Augu-  
 „ stinus l. 21. de Civit. Dei cap. 10. Sunt quaedam etiam  
 „ sua Daemonibus corpora, sicut doctis hominibus visum  
 „ est, ex isto aere crasso atque humido, cujus impulsus,  
 „ flante

**D** flante vento, sentitur (In quaest. disput. qu. 16. art. 1. in corpore.)

Quamvis autem pateat ex Divi Thomae verbis, illud opinari posse de Angelis, quod de Daemonibus in hoc pronunciat, dum natura eadem in his vitiata persistit, quae in illis glorificata coruscat: attamen incongruum non erit addere, Divum Augustinum non malis modo, sed & bonis Angelis corpora tribuisse. Quaerens enim (Libro de Quaestionibus Octuaginta tribus, qu. 47.), quomodo cogitationes hominum vicissim videndae sint juxta Evangelicam promissionem, ait: „ Conjectura itaque capienda est ex ea

**E** „ parte corporis nostri, quae plus habet lucis: quoniam „ angelica corpora qualia nos habituros speramus lucidissima atque aetherea esse credendum est: si ergo multi „ motus animi nostri nunc agnoscuntur in oculis, probabile „ est, quòd nullus motus animi latebit, cum totum fuerit „ corpus aethereum, in cujus comparatione isti oculi caro „ sunt. „

Et quoniam usque nunc aliquid in hac re ab Ecclesia definitum non est; inde evenit, ut nostrâ etiam aetate vir clarissimus Ludovicus Muratorius hanc controversiam ad illius doctrinae censum revocaverit, in qua cuicumque sentire fas sit, quod veri videretur similis. Ultra enim jam laudatam auctoritatem Divi Thomae in suae opinionis subsidium stare fortasse viderat Augustini definitionem, quam in Enchiridio cap. 59. habemus. „ Itemque angeli quis explicet, inquit, cum qualibus corporibus apparuerint hominibus, ut non solum cernerentur, verum etiam tangerentur; & rursus non solida corpulentia, sed spiritali „ potentia quasdam visiones non oculis corporeis sed spiritalibus, vel mentibus ingerant, vel dicant aliquid non „ ad aurem forinsecus, sed intus in animo hominis, etiam „ ipsi ibidem constituti: sicut scriptum est in Prophetarum



rum libro *Et dixit mihi angelus, qui loquebatur in me: non*  
 enim ait qui loquebatur ad me, sed in me. Vel appa-  
 reant & in somnis & colloquantur more somniorum:  
 habemus quippe in Evangelio *Ecce Angelus Domini apparuit*  
*illi in somnis dicens*. His enim modis velut indicant se an-  
 geli contrectabilia corpora non habere: faciuntque diffi-  
 cillimam quaestionem, quomodo Patres eis pedes lave-  
 rint, quomodo Jacob cum angelo tam solida contrectatio-  
 ne luctatus sit. Cum ista quaeruntur, & ea sicut potest  
 quisque conjectat, non inutiliter exercentur ingenia, si  
 adhibeatur disceptatio moderata, & absit error opinan-  
 tium se scire quod nesciunt. Quid enim opus est ut haec  
 atque hujusmodi affirmantur vel negentur vel definian-  
 tur cum discrimine, quando sine crimine nesciuntur.

Hinc patet quaestionem de corpore Angelorum taliter  
 ab Augustino inspectam, ut causam eruditionis non excé-  
 deret; dum tot illorum actiones, quas in Scripturis legi-  
 mus, aliquid nos de illis cogitare cogant, quo ipsae aliqua-  
 tenus intelligantur, & quantum fas est explicentur. Quare  
 si Sancto Patri in Evangelio legenti nos tunc futuros aequa-  
 les Angelis Dei, cum primaevis corporibus in resurrectione  
 vestiemur, etiam hinc illud probabile visum esset, quod  
 inaequalitas praesens Angelos inter & animas Sanctorum  
 ex ratione corporis metienda sit, quo nunc sancti carent:  
 non video quo jure ipsi succenseamus. Nam dato etiam  
 illis corpore, adhuc spirituales creaturae recte appellantur  
 & sunt, sicut corpus Christi spiritale fideliter credimus;  
 dum & nos, qui procul dubio eandem istam carnem in  
 resurrectione resumemus, spirituales ab Apostolo etiam se-  
 cundum corpus appellamur. Ideo si suspicemur Angelos  
 ab initio tali corpore donatos, quali iusti in resurrectione  
 donabuntur, nihil violens percipere cogimur; immo hac  
 hypothese ad explicandas illorum corporeas cum hominibus

*D* actiones, & futuras Evangelicas repromissiones, miro modo adjuvamus.

Abfit tamen me aliter sentientes culpae, quia aliter ab ipsis sentiebat Augustinus. Nec enim tanti valere brevem de hoc tractatum praefumo, ut a sua antiqua opinione hac licet antiquiore & aliis item Patribus probatâ, discedant. Sentiant igitur quod potius volunt. Sed mihi etiam textus Augustini, ubi de aequalitate futura Sanctorum ad Angelos loquitur, cum sua recta fide conciliaturo, dixisse impunè permittant, Sanctum Patrem, plus aequo si velint, huic sententiae inclinasse. Et quoniam ardore tantum ingenii hoc Augustinum cogitasse doceri a quoquam aegrè concessissem, illud etiam velut consequens evadebat, ut haec opinio non omnino rationibus destituta ostenderetur, nec fidei Christianae injuriosa; ut in illud libentius lectores descendant, multò laudabilius scilicet hanc tribui Augustino, dum ita a millenariorum errore constantissimae Ecclesiasticae traditioni, & Scripturis nimis adverso, purgatur. Quam imputationem dum quisque a Sancto Patre totis viribus avertere cuperet, multò magis cupiet, cum a tam parvo nisu ejus plenariam defensionem contra eos, qui illius verbis abutuntur, pendere cognosceret.

*F* Quare cum constet Sermonem CCLIX. immeritò Divi Augustini scriptis insertum, quandoquidem sensum habeat intrinsecum, quo ejus fidei & constanti doctrinae macula redundet: proposito insuper modo, quo Sanctus Pater rectè defendi imposterum possit in aliis, quae ex suis genuinis operibus contra ipsum proferuntur: cum demum ostensum sit, ( si interim aliquem nevum in Augustiniana doctrina quisquam detegere se valere arbitretur ), tolerabilius dici, Sanctum Patrem in tribuenda beatitate Sanctis in sinu Abrahae collectis ante Christi descensum in inferos; & in corporibus aptandis Angelicis creaturis plus aequo.

aequo inclinasse : gratis Deo peractis, & Sanctissimo Magistro meo, cujus intercessioni acceptum refero quidquid in his scriptis sapientium indulgentiâ dignum fortasse invenietur, huic operi finis imponatur. Utinam, sicut non temerè, ita nec frustra a verè magno Augustini vindice titulum mutuaverim; & rei dignitati utilitatiq; ut par est consuluerim. Demùm ut inde definam unde semper incipere gloriosum est, numquam satis laudati Doctoris Ecclesiae Maximi verbis concludo (cap. ultimo de Civit. Dei) rogans, ut „ Quibus parum vel quibus nimium est, mihi ignoscant; „ quibus autem satis est, non mihi, sed Deo gratias congratulantes agant. Amen.





# INDEX RERUM!

301

## A

**A** Equalitas cum Angelis promissa Sanctis hominibus post resurrectionem carnis. 128. F. 223. C. 234. E. 248. D. 270. D. Quid pro hac aequalitate possit intelligi. 291. C.

Actates Mundi sex 189. C. 193. C. Septima intelligitur in requie Sanctorum in altera vita. 195. D. 197. A.

Agapes quid. 144. E.

Amici Dei fiunt divites exemplo pauperis beati; & inimici Dei fiunt pauperes exemplo divitis damnati. 126. E.

Angelorum corporales voces audiuntur post resurrectionem carnis a Sanctis 52. E. Angeli beatissimi. 98. F. Agunt in coelis vitam beatissimam. 223. C. Angelorum corporalibus aspectibus Deus invisibilis. 277. C. 289. C. Inopes essent si Dei visione orbarentur 286. E. Si Angeli nunc vident Deum solo spiritu, aequales in hac visione ipsis sunt animae Sanctorum. ibid. C. Eorum differentia ab animabus Sanctis. 290. D. Deum viderunt postquam carnem assumpsit, nam antea invisibilis etiam ipsis erat substantia. ibid. E. Angeli in iudicio iudicandi apostatae Angeli intelliguntur 215. C. Angeli adjuvant nos & obtemperant Deo sine gemitu & doloribus. 223. B. Habent corpora lucidissima atque aetherea 296. E. Illorum actiones cum hominibus explicatu difficiles 296. F. Quaestio de corpore Angelorum nondum ab Ecclesia definita. ibid. E. Eruptionis causam non excedit 297. B. Etiam si Angeli corpus habeant, tamen creaturae spirituales recte dicuntur & sunt ibid. C.

Animae piorum regnant cum Deo etiam nunc, quamvis sine cor-

poribus. 227. C. Anima major flos Deus. 145. B. Animae Sanctorum ante resurrectionem corporum sunt in requie, sed non in ea sunt actione qua corpora recepta vegetantur. 166. B. Animae Martyrum regnant cum Christo nondum sibi corporibus suis redditis. 227. B. 228. D. Animae mortuorum non separantur ab Ecclesia. 227. B. Si anima credatur esse corpus, nihil tam consequens ut etiam Deus corpus esse credatur. 283. B. Anima substantia invisibilis oculis corporeis, invisibiliter videtur. ibid. Ex hoc cognoscimus quod etiam Deus in substantia Dei nonnisi invisibiliter videri possit. ibid. C. & seqq. Animae sanctae nunc vident Deum invisibiliter quomodo Angeli; sed non humanitatem Christi, quia Angeli hanc corporeis oculis intuentur. 290. D. E.

Anthropomorphitae qui? 287. A.

Apostoli & Martyres mundo morientes acceperunt requiem, quam ante eos acceperant Sancti Patriarchae & Prophetae. 270. D.

Augustini laudes. 1. & seqq. Sententia de beatitudine animarum in sinu Abrahae. 3. B. & seqq. Has ibi collectas Dei visione donatas docet etiam ante Christi descensum in Inferos. 47. C. Sinum Abrahae & Paradisum unum fortasse esse putavit. 114. E. 235. C. In hoc Sanctum Patrem errasse nec Manichaei nec Pelagiani dixerunt, nec Ecclesia catholica. 258. E. Immo Ecclesia in eadem sententia esse videtur. 259. A. & seqq. Augustinus ordinatus Episcopus anno 395. non vero an. 400. 16. D. Vix presbyter ministerium praedicandi verbum Dei suscipit. 18. D. Sermones tunc in scriptis parare solitus. 117. A. Quomodo se ad presbyteratum & ad praedicandum verbum

Dei paraverit. 61. C. Vix presbyter Donatistis bellum indicit. 62. E. In dicenda sententia cautissimus. 60. E. Docet qua cautela uti debeant Concionatores apud populum. 61. B. Quid de numeris in scripturis Dei revelatis sentiat. 103. C. In his explicandis diligentissimus. 120. F. De Symbolo & Fide adhuc presbyter in Concilio disputat. 128. F. Quid de centum quinquaginta tribus piscibus quos Apostoli coeperunt sentiat. 104. E. & seqq. Ejus doctrinam etiam presbyteri magni facit Ecclesia Romana. 130. E. Minus latine quandoque datâ operâ locutus ut facilius intelligeretur. 161. A.

Augustinus de Millenariorum errore notatus. 6. D. 10. F. 15. A. Praesbyter adhaesit millenariis, non item Episcopus juxta Tourneley. 14. E. Mens Sancti Patris in textu l. 20. c. 7. de Civit. Dei. 21. A. & seqq. Quomodo millenarios divideret. 31. A. Resurrectioni Sanctorum ante illam impiorum faciendae intendit in textu mox citato. 32. E. Haec opinio aliquatenus salvatur. ibid. F. Papiæ sectator non fuit. 43. A. & seqq. Nec Tertulliani. 46. D. Si in opinando terreno Sanctorum regno erravit, error in annorum numero, non in substantia rei invenitur. ibid. F. Cur spiritales non corporeas delicias in illo regno futuras dixerit, dum tamen noscebat illas corporeas. 53. A.

Augustinus Sermonibus CCXIV. & CCXVI. contra sententias millenariorum vix presbyter praedicat. 65. A. Ejus doctrina ante presbyteratum contraria millenariis 80. D. & seqq. Item in primo presbyteratus anno 90. D. Item ab anno 392. ad totum 395., unde annus in quo presbyter Sermone CCLIX. dixerit, commodè non invenitur. 123. A. & seqq. Mens Sancti Patris in textu quaestionis 57. libri

de Quaest. Octoginta tribus. 208. D. Defensio ejusdem in textu opposito ex Psalmo XXXVI. 242. D. Cum Hilario & Chrysostomo convenit ejus sententia de statu animarum sanctarum in sinu Abrahæ. 265. C. 266. F. Quid intelligat dicens nos non visuros faciem Dei antequam in Angelos profecerimus. 291. C. Angelos corpora habere sentit. 295. A. eaque lucidissima & æthereæ. 298. E.

## B

**B**eatitudo nunc quodammodo retardatur desiderio corporis administrandi. 100. E. Qui beatus non est, miser & egens est. 139. C.

Beatitas est consecutio Dei. 83. C. Beatitudo adaequata & inadæquata quid. 13. B. Saltem extensive augebitur in corporum resurrectione. ibid. C. In hac vita haberi non potest. 98. D. Est bonum intrinsecum. 138. F. Duplex docetur ab Augustino. 139. A. In hac vita quæ? ibid. C.

Beatitudines octo explicantur. 130. E. Beatitudo unde incipiat. ibid. F. Iste numerus octo beatitudinum diligenter considerandus, & quæ virtutes per ipsas consulantur, vel demonstrentur. 133. A. Cur inde desinunt, unde incipiunt. 134. D. Gradus sententiaeque beatitudinum cum septiformi operatione Spiritus sancti congruunt. 134. E.

Beatissimi qui? 97. C. 98. F. Angeli beatissimi. ibid. Nun etiam Sancti defuncti? 98. F. 99. C.

Bestia & imago ejus quæ? sit. 228. E.

Breviarii Romani desiderata correctio. 262. F.

Bungus Petrus de mysteriis numero- rum librum scripsit; laudatur 103. B. ejus doctrina de numeris Centenario, & Centenario quinquagenario 221. B.

Burnetus Britannus non negat ver- bis

verbis praesentes impiorum poenas in Inferno, sed negat re. 152. E.

## C

**C**aecilius Cyprianus Carthaginensis Episcopus commendatur. 4. D. Ejus scripta fortasse vidit Augustinus ante baptismum. ibid. & 92. F. Ejus sententia Augustino consona 86. E.

Calvini error circa beatitudinem justorum dilatam, 11. A. Major est quam Tournely observat. ibid. B.

Cerinthi errores. 9. B. 10. E. 36. F.

Chiliasae quid. 9. B. Chiliasas Augustinus appellat etiam eos, qui Sanctis post primam resurrectionem delicias corporales in vino & potu &c. tribuebant. 23. B. Chiliasae semper per Augustinum damnantur. 24. E. F.

Christus Dominus de sublimi coelorum venit ad judicium. 93. C. Christi Domini praesentia pro visibili humanitate sumitur ab Augustino. 94. F. Christus in carne temporaliter nobis sapientiam ministravit. 107. A. Christi descensus in Inferos effectus. 256. D. Christus Patrem non videt oculis corporeis. 273. C.

Civitas Dei unde sit, unde sapiens, unde felix. 286. D.

Coeli nomine iustis promissi quid intelligat Augustinus. 129. A.

Commendationes. V. Ebrietates.

Conciliorum Lugdonensis, Florentini &c. auctoritates non afficiunt opinionem Augustini l. 20. de Civit. Dei. 51. A. Nihil definiunt de iis, quae post corporum resurrectionem Sanctis accedent. ibid. C.

Concionatores qua cautela uti debeant apud populum. 61. B.

Confessionis vox vel laudis Dei est, vel peccatorum nostrorum. David dicens *Confitemini Domino* primam intendit. 14. C. & seqq.

Corpora Sanctorum post judicium.

qualia: 49. C. Corporis claritas ostendit quantitatem gratiae & gloriae Sanctorum. 52. E. Corpora Sanctorum post resurrectionem ad omnem motum facillima. 276. E. Utrum videre poterunt invisibilia? 292. E.

Corporeas delicias in corporum resurrectione fideliter expectamus. 52. D. Quos sensus afficiunt. ibid. E. Gustus intermittitur. Quare? ibid. F.

## D

**D**acmones, sive habeant corpora sibi naturaliter unita, sive non, hoc non multum refert fidei Christianae. 295. C.

David delectationem Domini desiderat 93. B. & terram viventium. 95. C.

Desiderium inopiam continet. 286. E.

Deus invisibilis & visibilis. 93. B. 285. A. In die iudicii videbitur etiam a malis sed secundum formam hominis. 54. E. Videtur mundo corde, & stulti sunt qui illum istis exterioribus oculis quaerunt. 131. C. Requies Dei in die septimo quid significat. 171. E. Deus invisibilis oculis corporeis quia, charitas est. 273. A. Videtur invisibiliter. 276. F. Dei faciem juxta naturae suae proprietatem nulla videt creatura. 277. C. 281. C. Quomodo invisibilis Deus videri possit. 282. E. Invisibilis corporalibus adpectibus Angelorum 289. C. Invisibilis omni creaturae ideo se in corpore demonstravit. 288. E. Dum corpus assumpsit visibilis Angelis factus est. 290. F.

Dies lex creationis. 186. F. 199. E. V. Actates.

Dies septima requiem aeternam significat. 191. F. Dies sex Mundi. ibid. Post finem sexti pervenitur ad requiem. 197. C. Dies Dominicus quid significet. 167. E. 203. A. Dies octavus actionem

adionem significat. 167. E. Dies octavus exipit, non extinguit beatitudinem sempiternam diei septimae 199. E. Perfectio diei octavae quibus rebus demonstrata sit. 201. A.

Divitum sollicitudo. 158. D.

Dispensatio temporalis quid? 106. F. ad duo refertur. 218. F.

Doctores non debent esse indociles. 20. D.

Donatistae cur se separaverint ab unitate. 92. F.

## E

**E**brisitates & commessationes ab Ecclesia Hipponensi per Augustinum pulsae. 115. C. Concilii Carthaginensis III. decretum de hoc. 116. D. Celebrabantur quadam religione in Africanis Ecclesiis in honorem etiam beatissimorum Martyrum, & credebantur solatia mortuorum. 127. B.

Ecclesia sine macula & ruga hic esse non potest. 62. F. Completur in iis, qui vel post baptismum susceptum, vel dimissis debitis exeunt de hoc corpore, complebitur autem in omnibus sanctis in saeculi fine. 63. B. Ecclesia praesentis temporis tolerat malos in communione Sacramentorum. 91. B. Ecclesia sancta & impolluta in coelis. 105. A. Jam inchoata est. ibid. C. Ecclesia praesens & futura in duabus piscationibus a discipulis jussu Domini factis repraesentatur. 173. B. Ecclesia futura post corporum resurrectionem qualis? 177. C. Ecclesia praesens corde & moribus nunc separatur a malis, corpore autem separabitur in novissima resurrectione. 185. B. C. Ecclesia purgata, atque perfecta in iustis, qui hic vivunt. 212. F. 217. A. Ecclesiae tria tempora. 220. F. Ecclesia ista regnum coelorum est, & continet illos qui faciunt, & illos qui solvunt mandata. 225. B.

Ecclesia qualis nunc est, & qualis futura est. 226. E. Ecclesia nunc primum regnat cum Christo in vivis & mortuis. 227. C. Cum Augustino consentire videtur circa statum animarum sanctorum ante Christi descensum in inferos. 259. A. & seqq. Nondum de statu antiquorum Sanctorum post mortem aliquid definivit, quod aliter ab Augustino sentientibus faveat. 263. C.

Eleemosynam facienti manu sua dupplicem mercedem promittere, doctrina nova & Augustino & aliis Patribus incognita. 149. C.

Eleemosyna duplex. 156. F. Eleemosynae meritum servatur in coelo. 163. A.

## F

**F**acies in Trinitate quomodo intelligenda. 286. F. Facies Patris & facies Filii. 288. E.

Faustus Manichaeus docuit animas Patriarcharum & Prophetarum in poenali inferorum custodia usque ad Christum mansisse. 124. F. Augustini ad haec responsio. 125. A.

Felicitas aeterna necessario per temporales labores ab hominibus acquiritur. 247. B.

Filii Abrahae omnes fideles. 126. D.

Foenus trajeditum. 157. C. Foenerari Deo. 158. E. Quomodo id explicet Augustinus & quam profundè. 161. B.

Foeneratores qui? 162. D.

Frumentum bonos, palea malos significant. 91. B. 181. B.



## G

**G**ennadius opiniones illos, qui terrenum Christi regnum in teris expectabant enumerat. 31. C.

## H

**H**aereticus quis? 25. B. Sancti Hieronymi sententia de iis qui terrena aliqua bona post corporum resurrectionem expectabant. 28. F. Hieronymus Vigilantium confundit. 29. B.

Homo veter, & homo novus. 88. E. Novi sex aetates. ibid. Omnis creaturae nomine homo intelligitur. 223. A.

Sanctus Hilarius Pictaviensis Episcopus commendatur. Ejus sententia in mysterio numerorum. 109. B. 113. A. Ejusdem sententia Augustinianae respondet circa statum Sanctorum in sinu Abrahæ ante Christi nativitatem 265. C.

Honoratus Tournely. V. Tournely.

## I

**I**erusalem duodecim portae quid significent? 215. B.

Inferi inferiores cavendi. 80. D. Dabuntur iis, qui carnalia appetunt. 81. C. Inferi in scripturis numquam nominantur in bonum. 256. D.

Impii quae debent expectare. 81. C. Deum videbunt in forma servi, non in forma Dei. 94. E. Impiorum post resurrectionem corporum tormenta graviora. 270. D.

Inimici Dei sunt pauperes exemplo divitis damnati, & amici Dei sunt divites exemplo pauperis beati. 126. F.

SS. Innocentes martyres in coelis suscepti sunt statim a morte. 260. D. 261. C.

Invisibilia quomodo videantur. 283. A.

Sanctus Joseph in coelis statim a morte. 259. A.

Sanctos Irenaeum & Justinum dilatam visionem Dei Sanctis animabus putasse, non conceditur. 37. B.

Judicium universale in terra. 48. D. 49. B. Num dies judicii unus erit? 48. F. In eo incipit Sanctorum regnum & impiorum damnatio. 49. A. Ad judicium venit Dominus de sublimi coelorum. 93. C. Judicium peculare 247. C. 266. D.

Iusti quibus gradibus perficiantur: 80. F. Iustorum merces est intrare in gaudium Domini sui. 82. E. Iusti ab injustis dividuntur etiam nunc ante judicii diem. 92. E. Iusti Deum videbunt & in forma Dei & in forma hominis. 94. E. Iusti in hac vita in quo dissent a iustis in alia vita. 218. E. Iustorum spiritus quando in littore. 224. E.

## L

**L**atro confitens vel in sinu Abrahæ vel in Paradiso. 114. F. Quo die credit dolere desistit. In Paradiso est cum Domino. 223. A. Quaestio de bono Latrone suscepicata. 254. F. & seqq.

Lazarus in Abrahæ sinu requiescit. 223. B. in conspectu Domini est. 242. E. Eidem viventi paradii a Domino servatur. 245. B. Si Deum non vidit statim a morte, nec reliqui Sancti vident. 250. F. 253. C. Moriens gloriam reportavit. 266. D. Lazarus receptus in sinu Abrahæ eam beatitatem consecutus est, quam antea in eodem sinu consecuti sunt Patriarchae & Prophetæ, deinde Apostoli & Martyres. 269. C.

Leo Papa Magnus fidelissimus Augustinianae doctrinae interpres. 217. C.

Ludovicus Muratorius auctor Operis de Paradiso contra Burnetum &c. laudatur.

datur. 238. E. 267. A. 296. E.

Lutheri error circa beatitudinem animarum. 11. A.

## M

**M**artyres cur soli nominentur in textu Apocalypsis, ubi de regno animarum cum Christo fit commemoratio. 228. D.

Membra mortificanda super terram quae? 95. C.

Millenariorum diversae opiniones cap. I. pag. 9. Millenarios dividit Augustinus. 23. B. Qui spirituales delicias in illo sabbato agnoscebant, excusantur. 26. E. Quid in illorum opinione corrigendum. 27. C. Quomodo duplicem carnis resurrectionem spirituales salvent. 28. E. 32. F. Chiliae iuste appellari non possunt. 28. F. Martyres & alii Ecclesiastici viri eadem senserunt. 29. A. Millenariorum vera nota est negatio visionis Dei Sanctorum spiritibus usque ad resurrectionem carnis. 29. B. Commodior Millenariorum divisio. 36. E.

Mille annorum spatia in Apocalypsi commemorata explicantur. 225. B.

Monachi Congregationis S. Mauri in Gallia commendantur. 19. B. Sermone CCLIX. Augustino tribuunt. ibid. Hunc Millenariorum errores continere fatentur. 23. C. Quare illum Augustino tribuant. 56. D. & praecipue ex collatione doctrinae. 57. B. In hoc tamen defecerunt. ibid. C. & seqq. & 149. C. Multos sermones in Appendicem rejecerunt, multos inter dubios collocaverunt. 59. A. Doctrina Sancti Patris ante presbyteratum contraria sententis sermonis controversi. ibid. B. Hunc taliter Augustino tribuant ut suspicari possit dictum fuisse etiam post Episcopatum. 74. D. Excusantur. ibid. E. Ex eo quod Sanctus Pater verbo *sabbatismi*

usus sit, non sequitur quod Millenarius fuerit. 77. A. Sancti Patris doctrinam ante presbyteratum non bene attenderunt. 79. C. Nec ejus usum in explicandis scripturis. 86. E. Nec ejus doctrinam in primo presbyteratus anno. 90. D. & seqq. Nec in explicatione numeri piscium centumquingentarium. 104. C. & seqq. Adhortatio ad eos ut nitantur dictum sermonem cum sana Augustini doctrina componere. 79. C. Librum de vera & falsa Poenitentia Augustino abjudicaverunt. 114. D. Ex eodem capite etiam sermonem controversum in appendicem rejicere debebant. ibid. E. Dictionem, argumenta, usum explicandi scripturas, & novam doctrinam sermonis non attenderunt, ex quibus ipsum rejicere poterant 143. A. & seqq. 150. E. Nec Sirmondi judicium eos omnino juvat. 150. F. Nec contrarietatem sermonis attenderunt. 151. C. & seqq. Eorum censura in Sermones de Symbolo ad Carhecumenos commendatur. 262. B.

Moyles & Elias cur jejunaverunt quadraginta diebus 107. B.

## N

**N**epotis Episcopi opinio de duplici resurrectione. 31. C. Fabulas eadem interfert. 33. C. Non tamen erravit visionem Dei Sanctis deferendo. 34. F.

Numeri in Scripturis sacratissimi, & mysteriorum plenissimi. 103. C. Numeri Centesimi quinquagesimi tertii mysterium. 105. C. Quinquagesimi mysterium. 106. D. 110. D. Quadragiesimi mysterium. 106. F. Denarii mysterium. 107. B. Centesimi quinquagesimi mysterium. 110. F. Septenarii mysterium. 111. A. Ogdoadis, sive octavae diei. ibid. B. & 112. D. Sexti mysterium. 111. C. Item octavi octagesimi, & octogesima tertii. 112. D.

D. Item Octoni & vigesimi secundi, & Centesimi decimi octavi. *ibid.* E. Numeri Decimi quinti, & septimi & octavi, qui hunc continent, mysterium. *ibid.* E. Numeri decimileptimi mysterium. 120. F. Hujus & Centesimi quinquagesimi tertii mentionem unitum facit Augustinus. 121. C. Septenarii mysterium. 136. E. & 201. B. Item Quadragenarii, & Denarii & Quinquagenarii. *ibid.* & seqq. Item, Centesimi quinquagesimi tertii. 205. C. Plurium numerorum mysteria. 210. F. & seqq. Duodenarii numeri mysterium. 215. B. Item Centenarii & Centenarii quinquagenarii. 221. B.

## O

**O**blationes fidelium verè juvant spiritus dormientium. 127. C.

Octava ad caput redit, & perfectum demonstrat. 134. D. A quibus significetur ejus mysterium. 136. E.

Oculis corporeis nonnisi corpora videre possumus. 274. D. Oculi istius corporis nec Deum vident, nec vituri sunt. *ibid.* E. Nonnisi per intervalla corpus vident. 275. B. Non videbunt Deum ex sententia Ambrosii, Hieronymi, Athanasii, & Gregorii. 276. F. Videbunt Deum. 273. B.

Ogdoadis sive octavae dici mysterium. 111. A. Ogdoas fructus significat evangelicos in corporum Sanctorum resurrectione. *ibid.* C.

## P

**P**acifici sunt regnum Dei. 131. C. Paleae malos, frumentum bonos significant novissima ventilatione separandos. 91. B. 181. B. Qui carnalia in Ecclesia quaerunt, palea sunt. 183. E.

Papiae errores. 10. D. Papias nimis culpatur a Tournely 43. A. & seqq.

Fama & pietate celebris. 45. A.

Patriarchae Sancti semper vivunt & cum Deo vivunt. 106. F. Non correcti sunt in morte, vel post passionem Domini iustificati. 125. C. Patriarchae & Prophetae primi acceperunt requiem, quam post eos consecuti sunt Apostoli, Martyres &c. 270. D.

Paulinus Nolanus Augustinum Coepiscopum Ecclesiae Hipponensis adhuc superstitem & incolumi Valerio Episcopo, consecratum docet. 16. D. Epistola 27. Augustini ad Paulinum continet dogma catholicum de prompta retributione iustorum. 141. B. Paulinus eadem docet, de Lazaro canens. *ibid.*

Pauperes spiritu qui? 130. E.

Petrus Apostolus jacet in sepulcro secundum corpus, & regnat cum Christo secundum animam. 90. F. Videbat hominem Christum, & confitebatur Deum. 282. F.

Phereponus interpretationes Patrum circa mysteria numerorum ludos & commenta appellat, Sirmondum imitans. 102. E. Confutatur. *ibid.* Cur de doctrina, dictione, connexion &c. Sermonis CCLIX. nihil notaverit? 155. B.

Pisces centum quinquaginta tres quid significant. 102. D. 104. F. 108. D. De his saepe locutus Augustinus. 104. D. Pisces innumerabiles, malos homines significant. 115. C.

Piscationes duae Apostolica Domino imperatae quid significant. 104. E. 173. B.

Plotino Philosopho consecravit Augustinus. 5. A.

Poenae damni quanta. 5. A. ejus valorem tuetur Divus Thomas. 4. F. Poena purgationis quibus reservatur post hanc vitam. 86. D.

Principes Sacerdotum per quindecim gradus in templum conscendebant. 112. F.

Psal-

Psalmorum numerus apud Hebraeos indifferens. 109. B. Psalmi secundum perfectiorum numerorum efficaciam. Spiritus-sancti afflatu per Septuaginta Seniores ordinati sunt. *ibid.* Cur centum quinquaginta sint? 110. E. & 222. D. Quinquagesimi, Centesimi, & Centesimiquinquagesimi mysteria. *ibid.* E.

Q

Quietis statum absque visione Dei dat Calvinus iustis separatis animabus. Repugnat, & valde incommodus est. 11. A. B. Quietis & felicitatis statum concedunt Theologi catholici Sanctis sinus Abrahae ante Christi passionem. 4. F. Non omnes scholastici in hoc conveniunt. *ibid.*

R

Regeneratio duplex; altera secundum fidem, altera secundum carnem. 22. D.

Regnum Coelorum quid. 129. A. Quomodo temporale dici possit. 224. E. In regno coelorum magnus & minimus qui. 226. E.

Regni nomen etiam Hebraeis in bonum sonat. 39. B.

Regnum Sanctorum in terra post generalem corporum resurrectionem, per mille annos quomodo salvari potest. 50. D.

Requies Sanctorum per requiem Dei in die septimo significatur. 171. E. Requiem, quae continuò post mortem datur, tunc accipit quisque cum moritur. 270. D.

Resurrectio duplex, animarum, quae in Ecclesia fit, corporum, quae in fine saeculi erit. 21. B. 227. A. & 229. A. Resurrectiones corporum duas aliqui crediderunt. 22. E. Primam solis Sanctis peculiarem, postrema solis dam-

natis. 23. A. & 31. B. Resurrectio animarum articulus fidei est. 35. B. Qua non creditur, tota fides periclitatur. *ibid.*

Resurrectio corporum duplex, altera ante corporum generalem resurrectionem, altera post, quid erroris, & quid dignum venia contineat. 36. D.

Resurrectio mortuorum a Domino resurgente inchoepit, nam antea talis non erat. 169. B.

Retia in piscatione Apostolorum, vincula unitatis & pacis significant. 108. E.

S

Sabbata sabbatorum quid? 110. E. 111. A.

Sabbati observantiae successit dies Dominicus. 167. A.

Sabbatismus a Maurinis Divo Augustino tributus quid? 57. A. & seqq. Sabbatismus Sanctis promissus etiam ab Apostolo. 77. A.

Sancti ubi erunt ardente hoc mundo in iudicio finali. 49. B. Quamvis in coelis beati sint, temporali dispensationi adhuc communicant. 219. A. Orant pro nobis. *ibid.* B. Sollicitudo ipsorum pro nobis & pro suorum corporum resurrectione, nihil ipsis perturbationis aut doloris affert. 222. F. Regnant cum Christo etiam istis mille annis prioris ejus adventus. 225. B. Etiam in hac carne mortali sunt regnum Christi. 226. E. Sanctorum post resurrectionem amplius erit gaudium. 270. D. Sancti, nisi nunc perfectè charitatem, quae Deus est, vident, nec videbunt post corporum resurrectionem. 273. A. Videbunt Deum, cum in Angelos profecerint. 277. A. Quomodo intelligitur. 288. D. Aequales Angelis nunc sunt in beatitudine intellectuali. 286. F.

Sapientia sese abscondere suis dilectioribus.

toribus non potest. 83. A. Sapientia est Filius Dei. 84. D.

Scholasticorum recentiorum sententia de statu animarum sanctarum ante Christi passionem, minoris aestimanda quam illa Divi Thomae. 4. E. F. In hac deservierunt Divum Thomam veluti nimis rigidum. 5. B. Scholastici recentiores quietis statum absque visione Dei animabus in sinu Abrahae ante Christi passionem collectis concedentes, nimis concedunt. 11. B. Cum Thomistae non conveniunt nec in causa nec in effectu huiusce status assignando. 164. D. Scholastici docent Sanctos nunc aliquatenus retardari a fruitione gloriae propter desiderium corporis administrandi. 272. E.

Septima dies vespertam non habet. 87. A. 171. F. 195. D. 197. A. Quid significet ejus quies. 87. C. 89. A. Requiem sine fine significat. 199. E.

Septuaginta interpretes spiritali & coelestis scientia psalmos in numerum & ordinem redegerunt. 109. B.

Sex dierum opera, & septimi requies quid significant. 87. B. C.

Sermo CCLIX. erroneas sententias continet. 54. D. 75. A. Totus habetur pag. 66. & seqq. Ejusdem erroneae sententiae enumerantur. 77. C. Nihil de regno futuro Sanctorum in terra, in ejus verbis promisso, perpendit Sirmondus, neque Phereponus. 102. E. Aliquae notae ex quibus hic sermo Augustinum non redolet. 120. E. & seqq. 143. A. Doctrina sermonis sibi-inimici contraria. 151. C. Loca Augustini unde verba sermonis excerpta videri possunt; sed mutilata sunt, & aliquid contra mentem Sancti Patris adiunctum. 165. A. & seqq.

Sermonum XLIII. & XXXVIII. verba & sententiae. 156. E. Augustinum non sapiunt, & quare. 159. A. Sermones CCXIV., & CCXVI. ex primis sunt, quos Augustinus presbyter

ad populum habuit, & doctrinae contrarii sermonis occurrunt. 65. A. 90. D. & seqq.

Sermo CXXXVII. de Tempore, quem unum pro se citat Sanctus Thomas in stabilienda sententia, quae doctores animabus Sanctorum in sinu Abrahae ante Christi decessum in Inferos collectis tribuit, supposititius est. 56. E.

Sirmondus Societatis Jesu Presbyter primus sermonem CCLIX. Divo Augustino dedit. 56. F. Cur? 102. D. Nihil perpendit de regno futuro Sanctorum in terra per dicti sermonis verba praeclare promissio. ibid. Interpretationes Patrum de mysterio numerorum ludos appellat. ibid. E. Non vidit praeclarissimum Augustini textum suae in hoc opinioni contrarium. 103. C.

Sinus Abrahae quid denotaret apud Hebraeos. 39. B. & seqq. Dei visione donatus ante Christi decessum in inferos. 47. C. Sinus Abrahae & Paradisus unum fortasse sunt. 114. F. Sinui Abrahae poenas tribuentes, temeraria opinantes appellantur ab Augustino. 125. A. B. & 127. A. Sinus Abrahae Sancto Patri est nescio cuius quietae felicitatis magnum abditumque secretum. 126. D. In eo erat requies mortuorum. 169. B. Qui in sinu Abrahae sunt dolere non possunt. 223. A. Sedes secretae, & occulta receptacula Sanctorum Augustino idem sunt cum sinu Abrahae. 243. B. Sinus Abrahae secretum Patris & Regnum coelorum. 235. C. 244. D. Nebridius in sinu Abrahae beatus. ibid. F. Sinus Abrahae ad Inferos non pertinet. 255. C. Ecclesiae Patribus quid hoc nomen sonet. 266. F.

Terrae

Trinitatis personae aequè invisibiles:  
278. D.

V

VEntilatio novissima corpus sepa-  
randum notat. 92. D.  
Vespera pro fine ponitur. 197. A.  
Vigilantii errores. 10. F. Confutatur.  
29. B.

311  
Visio Dei sola felicissimam animam  
facit. 5. B. Visio Dei facie ad faciem  
dupliciter intelligenda est. 271. C. Vi-  
sio Dei in beatis duplex in novissimo  
die. 294. E.

Vita aeterna est ipsa cognitio veri-  
tatis. 84. D. Vita beata quid? ibid. E.  
Vitae hujus dolores & molestiae  
cum morte iustis finiuntur. 86. D.  
247. A.

FINIS.





005665222

Collected by Google



